

ՎՐԵԺ ՎԱՐԴԱՆՅԱՆ

ՊԱՀԼԱՎՈՒՆԻՒՆԵՐԸ ՀԱՅՈՑ  
ՊԵՏԱԿԱՆՈՒԹՅԱՆ ԵՎ ՀՈԳԵՎՈՐ  
ԱՆԱՂԱՐՏՈՒԹՅԱՆ ՊԱՀԱՊԱՆՆԵՐ

ԵՐԵՎԱՆ 2008



Գիրքը նուիրուած է Հայկական Բարեգործական  
Ընդհանուր Միութեան հիմնադրման փառապանծ  
դարեդարծին

Աշխատութեան ծախսերը հոգացել է Հ.Բ.Ը.Մ.  
Սուրիոյ Շրջանակային Յանձնաժողովը



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ  
ՊԱՏՄՈՒԹՅԱՆ ԻՆՍՏԻՏՈՒՏ

ՎՐԵԺ ՎԱՐԴԱՆՅԱՆ

ՊԱՅԼԱՎՈՒՆԻՆԵՐԸ ՀԱՅՈՑ ՊԵՏԱԿԱՆՈՒԹՅԱՆ  
ԵՎ ՀՈԳԵՎՈՐ ԱՆԱՂԱՐՏՈՒԹՅԱՆ ՊԱՅՄԱՊԱՆՆԵՐ

A 93 424

ՍԵՐՈՊ ԱՐՔ. ԱՇԵԱՆ  
ՍԱՏԵԼԱՇԱՐ



ARCH. MESROB ASHJIAN  
BOOK SERIES

35

*Signature*

35

ԵՐԵՎԱՆ 2008



ՀՏԴ 941 (479.25)

ԳՍԴ 63.3 (2Հ)

Վ.301

Տպագրվում է ՀՀ ԳԱԱ պատմության ինստիտուտի  
գիտական խորհրդի որոշմամբ

Պատասխանատու խմբագիր պ. գ. դ., պրոֆ. Յ. Մարգարյան

Վարդանյան Վ. Ս.

Վ 301 Պահլավունիները Հայոց պետականության և հոգևոր  
անաղարտության պահպանները ՀՀ ԳԱԱ ՊԻ, 2007.- 234 էջ:

Մենագրությունը նվիրված է միջնադարյան Հայոց պատմության մեջ ականավոր դեր խաղացած Պահլավունի տոհմի պատմությանը: Հեղինակը հայ և օտար սկզբնաղբյուրների հավաստի հենքի վրա քննության է առնում Պահլավունիների անցած ուղու պատմարժան իրողությունները, հատկապես Հայոց պետականության, Հայ առաքելական եկեղեցու դավանական անաղարտության և անկախության գործին տոհմի ականավոր ներկայացուցիչների բերած նպաստը:

Աշխատության մեջ լուսաբանվում է նաև Պահլավունի տոհմից սերած մտավորականների ծավալած ազգանվեր գործունեությունը, գրական և կրթա-լուսավորչական բնագավառներում նրանց ունեցած ներդրումը:

Նախատեսվում է միջնադարյան Հայաստանի պատմությամբ հետաքրքրվողների, ընթերցող լայն հասարակայնության համար:

## ՆԱԽԱԲԱՆ

Պահլավունի տոհմը լուսավոր հետք է թողել Հայոց պատմության մեջ: Նրան ականավոր դեր էր վերապահված հատկապես Բագրատունիների Հայոց թագավորության ժամանակաշրջանում: Հայաստանի համար բախտորոշ պահերին տոհմը գորակից եղավ Բագրատունիներին և դարձավ նրանց քաղաքական հենարանը: Բագրատունիների հովանու ներքո Պահլավունիները հասան քաղաքական բարձունքների, օժտվելով բարձր պատիվներով ու ռազմա-քաղաքական հույժ կարևոր գործառնությամբ: Բագրատունյաց թագավորությունն իր քաղաքական և հոգևոր-մշակութային առաջընթացում պարտական էր նաև Պահլավունիների հայրենամյվեր գործունեությանը, որի շնորհիվ հառնեց հայոց գինական հռչակը, հայ ազատամին համախմբեց իր քաղաքական ճիգերը, նոր իրավիճակում վառ կերպով դրսևորվեց հայ ժողովրդի ազգային պետական կենսունակությունն ու ռազմա-քաղաքական կորովը:

Պահլավունիներին ականավոր դեր էր վերապահված նաև երկրի հոգևոր-մշակութային, եկեղեցական կյանքի ասպարեզներում: Բագրատունյաց թագավորության ներքին կյանքի գրեթե բոլոր բնագավառներում զգալի էին այդ տոհմից սերած գործիչների նպատակասլաց ջանքերն ու նորարական տարերքը: Իրենց ազգաշահ գործերով նրանք անջնջելի հետք թողեցին հայրենի պատմության մեջ: Պահլավունիների հռչակը տարածված էր նաև դրացի երկրներում՝ Վրաստանում և այլուր: Չետամուտ լինելով կենարար նպատակի, այդ տոհմը շենացրեց հայրենիքը, ապահովեց նրա անդորրը, ժողովրդին գինեց աներկբա հավատով ու հույսով, լավատեսությամբ:

Պահլավունիները Հայաստանի բնիկ իշխանական տոհմերից մեկն էին, որոնց արմատները հասնում են մինչև վաղնջական ժամանակները, երբ վերընծյուղվելով Կամսարականների ականավոր տոհմից, նրանք շարունակեցին այդ տան ազգամետ, հայրենասիրական ավանդները, հասարակական-քաղաքական նոր պայմաններում հարություն տալով հայոց անցյալի փառքին ու հայրենամյվեր մղումներին: Բագրատունի հայոց թագավորների հետ համադաշն գործող Պահլավունի իշխանները լայնահուն գործունեությունն ծավալեցին քաղաքամայր Անիում, Շիրակ, Արագածոտն գավառներում և այլուր: Նրանք աչքառու դեր խաղացին ոչ միայն ռազմի դաշտերում, այլև քաղաքների, եկեղեցիների շինարարության, ինչպես նաև բարեգործության ու մտավոր-մշակութային ասպարեզներում:

Հայոց Բագրատունիների թագավորության անկումից հետո Պահլավունիների շառավիղները շարունակեցին տոհմի հայրենասիրական ուղեգիծը, գորակից եղան Ջաքարյան հայկական իշխանությանը:

Պահլավունիներից սերած Գրիգոր Վկայասեր կաթողիկոսը 1066թ. հիմք դրեց Պահլավունիների կաթողիկոսական հարստության, որը դժնդակ պայմաններում, օտար հորիզոններում, պաշարված թյուրք-սելջուկյան հրոսախմբերով, դիմացավ անզերծանելի կացությանը, 138 տարի հովվապետելով հարազատ ժողովրդին: Պահլավունի հայրապետները միշտ եղան փորձության որոգայթների մեջ հայտնված հայության կողքին, պատրաստ կրելու նրան բաժին ընկած օրհասն ու տառապանքները: Նրանք երբեք չդավեցին իրենց կոչմանն ու Պահլավունի տան հայրենասիրական, քաղաքացիական հավատամքին: Նրանք իրենց բարեպատեհ խոսքով տարասփոված հայության մեջ անմար պահեցին քաղաքական հույսն ու հոգևոր կենսունակությունը, պահպանեցին ազգային հավատքի հողմածոծ շենքն ու հայրենի մշակութային արժեքները: Ծանր պայմաններում տոհմը շարունակեց կրել իր խաչը, լուսեղեն հույս ներարկելով հայրենի ոլորտներից դուրս նետված ժողովրդին:

Սույն մենագրության մեջ փորձ է արվում լուսաբանել Պահլավունի տոհմի ծագմանը, հայրենիքին նրա մատուցած ծառայություններին, տոհմի նշանավոր գործիչների պետական-քաղաքական և հոգևոր-մշակութային, եկեղեցական, ազգաշահ ձեռնարկումներին առնչվող խնդիրները, վեր հանել նրանց գործունեությունն ու հայրենասիրական մղումները խորհրդանշող պատմարժան իրողությունները:

Պահլավունյաց քաջապան՝ տոհմի բազմաեւէջ անցյալը, պատմության ոլորաններում նրա անցած ուղին փոքր ի շատե հնարավոր է դառնում համակողմանի և մանրաքննի կերպով հետազոտել ոչ միայն գրավոր աղբյուրների հայ և օտար մատենագիրների, ժամանակագիրների, Պահլավունի տոհմից սերած մտավորականների գրական, մեկնողական բնույթի երկասիրությունների, այլև ճամփորդական-տեղագրական գրականության, նյութական մշակույթի հուշարձանների վրա փորագրված վիճագիր արձանագրությունների, ձեռագրերի, հիշատակարանների շնորհիվ:

Հայ պատմագիրներից առաջինը Պահլավունիներին հիշատակում է Ստեփաննոս Տարոնեցին 998թ. Ծումբ գյուղի մոտ Ատրպատականի գորքի դեմ հայ և վրացական ուժերի մղած մարտի առնչությամբ: Նա նշում է, որ հայոց Գագիկ թագավորը «յամենայն զօրացն Հայոց հատեալ զգունդ ՁՌ յընտիր ընտիր վառելոցն՝ գունարէ ի ձեռն իշխանաց իշխանին Վահրամայ, որդւոյ Գրիգորոյ Պահլաւունոյ...»<sup>1</sup>: Պահլավունիները հիշվում են նաև Արիստակես Լաստիվերցու և Սամուել Անեցու երկերում: Սակայն տոհմի մասին առատ տեղեկություններ է հաղորդում Սատթեոս Ուռհայե-

<sup>1</sup>Ստեփանոսի Տարոնեցու Ասողկան Պատմութիւն տիեզերական, Ս. Պետերբուրգ, 1885, III, ԽԱ, էջ 270:

ցին<sup>2</sup>: Պահլավունիների վերաբերյալ արժեքավոր տվյալներ են պարունակում նաև Վարդան Արևելցու, Սմբատ Սպարապետի և Կիրակոս Գանձակեցու երկասիրած գործերը<sup>3</sup>: Տոհմի նշանավոր ներկայացուցիչների մասին որոշ տեղեկություններ են հանդիպում Ստեփաննոս Օրբելյանի, Մխիթար Անեցու և Մխիթար Այրիվանեցու երկերում:

Պահլավունի տոհմի պատմությունը վեր հանելու առումով կարևոր նշանակություն ունեն այդ տոհմից սերած մատենագիրների, գրողների ստեղծագործությունները, որտեղ ուշագրավ տեղեկություններ կան Պահլավունիների անցյալի, տոհմի ակունքների, անցած ուղու, նրա նշանավոր ներկայացուցիչների կյանքի ու գործունեության, նրանց հասարակական-քաղաքական դիմագծի և այլ իրողությունների մասին: Այս տեսակետից հատկապես մեծ արժեք ունեն Գրիգոր Մագիստրոս Պահլավունու (Բջնեցու) նամակները (թղթերը)՝ ուղղված երկրի քաղաքական, եկեղեցական և մշակութային գործիչներին, իր հարազատներին և ուրիշների (նամակների պատասխանները չեն պահպանվել): Կարևոր նշանակություն ունեն նաև նույն հեղինակի գրական գործերը<sup>4</sup>: Ներսես Շնորհալու<sup>5</sup>, Գրիգոր Դ Տղա կաթողիկոսի չափածո ստեղծագործություններն<sup>6</sup> ունեն անառարկելի աղբյուրագիտական արժեք: Պահլավունիների մասին կարևոր տվյալներ են պարունակում նաև հայերեն ձեռագիր հիշատակարանները<sup>7</sup>:

---

<sup>2</sup> Մատթեոս Ուռհայեցի, Ժամանակագրություն, Վաղարշապատ, 1898:

<sup>3</sup> Հալաբուրմն Պատմութեան Վարդանայ Վարդապետի, Վենետիկ, 1862, Կիրակոս Գանձակեցի, Պատմություն Հայոց, աշխ. 4. Մելիք-Օհանջանյանի, Երևան, 1961, Սմբատայ Սպարապետի Տարեգիրք, Վենետիկ, 1956:

<sup>4</sup> Գրիգոր Մագիստրոսի թղթերը, ի լոյս ընծայեաց Կ. Կոստանեանց, Ալեքսանդրապոլ, 1910, Տաղասացութիւնը Գրիգորի Մագիստրոսի Պահլաւունոյ, Վենետիկ, 1868:

<sup>5</sup> Ներսես Շնորհալի, Բանք չափաւ Վենետիկ, 1928, նույնի՝ Նամականի, Վենետիկ, 1838, նույնի՝ Թուղթ ընդհանրական, Վենետիկ, 1871, նույնի՝ Թուղթ ընդհանրական, աշխ. Է. Բաղդասարյանի, Երևան, 1995, նույնի՝ Յաղագս երկնի և զարդուց նորա, հանելուկներ, Ողբ Տղեսիոյ, աշխ. 9. Հակոբյանի, Երևան, 1968, նույնի՝ Վիպասանութիւն, աշխ. Ս. Սկրտչյանի, Երևան, 1981, նույնի՝ Հիսուս որդի, աշխ. 4. Ղազարյանի, Երևան, 1991:

<sup>6</sup> Գրիգորի Կաթողիկոսի Տղայ կոչեցելոյ Նամականի, Վենետիկ, 1838, Գրիգորի կաթողիկոսի Տղայ կոչեցելոյ նամականի եւ Ներսիսի Լամբրոնացոյ Ատենաբանութիւնը եւ թուղթ եւ ճառք, Վենետիկ, 1865:

<sup>7</sup> Գ. Յովսէփեանց, Յիշատակարանը ձեռագրաց Ա, Անթիլիաս, 1951, Յ. Տաշեան, Ցուցակ հայերեն ձեռագրաց Մատենադարանին Մխիթարեանց ի Վիեննա, 1895, Մայր ցուցակ հայերեն ձեռագրաց Մխիթարեան Մատենադարանին, կազմեց Բ. Մարգիսեան, հատ. Ա, Վենետիկ, 1914, հատ. Բ, Վենետիկ, 1924, Մայր ցուցակ ձեռագրաց սրբոց Յակոբեանց, հատ. Ա, կազմեց Ն. Պողարեան, Երուսաղեմ, 1966, հատ. Բ, Երուսաղեմ, 1967, Մանր ժամանակագրություններ XIII-XVIII դդ.,

Պահլավունյաց տոհմի պատմության հետազոտման առումով անգնահատելի արժեք ունեն վիմագիր արձանագրությունները, որոնց մեջ իբրև պատմական վավերագրեր, առանձնանում են Անիի, Մարմաշենի, Հավուց թառի, Բագնարի, Կեչառույքի և ուրիշ եկեղեցիների դրմերին փորագրված արձանագիր հիշատակարանները: ԺԹ դարի առաջին կեսից սկսած, արդեն լույս տեսան Հայաստանի մի քանի նահանգների արձանագրությունների ժողովածուներ կազմված Սարգիս Ջալալյանցի (1842-1858թթ.), Հովհաննես Շահխաթունյանցի (1842թ.), իսկ 1860-ական թվականներից՝ Ներսես Սարգիսյանի և ուրիշ հետազոտողների կողմից: Ն. Սարգիսյանը 1843-1853թթ. շրջելով Հայաստանի տարբեր գավառներում, ուսումնասիրեց և նմանահանեց բազմաթիվ արձանագրություններ հիմնականում ստույգ վերծանությամբ, որոնք ամփոփվեցին 1864թ. Վեներտիկում լույս ընծայված ժողովածուում<sup>8</sup>: Հայ արձանագրագիտության զարգացման մեջ կարևոր նշանակություն ունեցան Ղևոնդ Ալիշանի աշխատությունները նվիրված Հայաստանի Այրարատ և Սյունիք նահանգներին, Շիրակ գավառին<sup>9</sup> և Կիլիկյան Հայաստանին: Պահլավունիների տոհմի պատմության վեր հանման տեսանկյունից հատկապես արժեքավոր արձանագրային տվյալներ է պարունակում Շիրակին նվիրված գործը, որտեղ ամփոփված են այդ գավառում եղած և մինչ այդ հրատարակված բոլոր արձանագրությունները:

Հայ արձանագրագիտության զարգացմանը մեծ նպաստ բերեցին Նիկողայոս Մառը և Հովսեփ Օրբելին: Անգնահատելի նշանակություն ունեն նրանց կողմից Անի քաղաքի վիմագիր արձանագրությունների հավաքման և վերծանության ուղղությամբ կատարած աշխատանքները: Հայերեն վիմագիր արձանագրություններն ամբողջացնելու փորձ է կատարել Մոսկվայի Լազարյան ճեմարանի տեսուչ Կարապետ Կոստանյանցը: 1913թ. նա լույս ընծայեց «Վիմական տարեգիր» ժողովածուն, որը պարունակում է մինչ այդ հրատարակված հայերեն վիմարձանագրությունների մեծ մասը՝ հաճախ թեական վերծանությամբ<sup>10</sup>: 1920-1930թթ. Փարիզում հրատարակված «Revue de l' Orient Chretien» հանդեսի Բ-է հատոր-

կազմեց Վ. Հակոբյան, հատ. I, Երևան, 1951, հատ. II, Երևան, 1956, ԺՂ դարի հայերեն ձեռագրերի հիշատակարաններ, կազմեց Լ. Խաչիկյան, Երևան, 1950, Հայերեն ձեռագրերի ԺԵ դարի հիշատակարաններ (1601-1620թթ.) հատ. Ա, կազմեցին Վ. Հակոբյան և Ա. Գ. Հովհաննիսյան, Երևան, 1974, Հայերեն ձեռագրերի հիշատակարաններ, Ե-ԺԲ դ.դ., աշխ. Ա. Սաթևոսյանի, Երևան, 1988 և այլն:

<sup>8</sup> Ն. Սարգիսեան, Տեղագրութիւնք ի Փոքր և ի Մեծ Հայս, Վեներտիկ, 1864:

<sup>9</sup> Ղ. Ալիշան, Շիրակ, Տեղագրութիւն պատկերացոյց, Վեներտիկ, 1881, Այրարատ: Բնաշխարհի Հայաստանեայց, Վեներտիկ, 1890, Սիսական, Վեներտիկ, 1893:

<sup>10</sup> Վիմական տարեգիր, Ցուցակ ժողովածոյ արձանագրութեանց Հայոց, կազմեաց Վ. Կոստանեանց, Ս. Պետերբուրգ, 1913:

ներում տեղ են գտել Կարապետ Բասմաջյանի հեղինակությամբ հրատարակված Անիի, Մարմաշենի և Բագնայրի արձանագրությունները՝ վերնաճակով, ֆրանսերեն թարգմանությամբ, մեկնաբանություններով և լուսանկարներով<sup>11</sup>: Ղրանք զգալի նյութ են մատուցում Պահլավունիների տոհմի պատմությունը հետազոտողին:

Արդի հայ արձանագրագիտության սկիզբը դրվեց 1966թ. Երևանում հրատարակված «Ղիվան հայ վիմագրության» մատենաշարի առաջին պրակով, որտեղ ամփոփված են տակավին 1906-1917թթ. ընթացքում Յովսեփ Օրբելու կողմից Անիում հավաքած վիմագիր արձանագրությունները՝ գիտական ստույգ վերարտադրությամբ և մեկնաբանություններով<sup>12</sup>: Պրակում բացառիկ արժեք ներկայացվող տեղեկություններ կան Պահլավունիների տոհմին պատկանող նշանավոր գործիչների մասին: Այդ առումով հույժ կարևոր նշանակություն ունի նաև Մարմաշենի վանքի որմերին փորագրված արձանագրությունների հրատարակումը Յովսեփ Օրբելու կողմից<sup>13</sup>:

Պահլավունիների տոհմի պատմությանն առնչվող կարևոր իրադարձություններին անդրադարձել են Հայոց պատմությունն ուսումնասիրող գիտնականները: Հայ նոր պատմագիտության ռահվիրա Միքայել Չամչյանն իր «Պատմութիւն Հայոց» երկասիրության Բ և Գ հատորներում անդրադարձել է Պահլավունիների տոհմին առնչվող նշանավոր անցքերին, հատկապես Վահրամ զորապետի և Գրիգոր Մագիստրոսի գործունեությանը: Նա շոշափել է նաև Պահլավունիներից սերող հայոց կաթողիկոսների գործունեությանն ու հոգևոր-մշակութային դիմագծին առնչվող խնդիրներ<sup>14</sup>: Միքայել Չամչյանը գտնում է, որ Պահլավունիները սերում են Գրիգոր Լուսավորչի տոհմից, ինչն իհարկե, զուրկ է իրական-պատմական հենքից: Սակայն Պահլավունի գործիչներին Մ. Չամչյանի տված որակումները մեծ մասամբ ծշմարտացի են:

Պահլավունի տոհմի մասին արժեքավոր դիտարկումներ է արել Ղևոնդ Ալիշանն իր «Շնորհալի և պարագայ իւր» աշխատության մեջ: Հեղինակը կարծում է, որ Պահլավունիները սերել են Սուրենյան Պահլավներից փրկված Պերոզամատից ու սրա որդի Կամսարից, ինչպես նաև Կարենյան Պահլավ ցեղի շառավիղ Գրիգոր Լուսավորչից: Նա նաև գտնում է, որ Գրիգոր Լուսավորչի «ցեղն հայրենական կոչմամբ ըսուեցաւ Պահլա-

<sup>11</sup> K. Basmadjian, Les inscriptions arméniennes d' Ani, de Bagnair et de Marmachen, Paris, 1931.

<sup>12</sup> Ղիվան հայ վիմագրության, պրակ I, Անի քաղաք, կազմեց Հ. Օրբելի, Երևան, 1966:

<sup>13</sup> И. Орбели, Надписи Мармашена, (Избранные труды), Ер., 1963.

<sup>14</sup> Կ. Չամչեանց, Պատմութիւն Հայոց, հ. Բ-Գ, Վենետիկ, 1785, 1786:

լուսնիք նաև Պարթևք», իսկ Կարենյան Պահլավ տոհմաճյուղից փրկված Կամսարը հայոց Տրդատ III թագավորի օրոք ժամանեց Հայաստան, դառնալով Կամսարական տոհմի հիմնադիրը: Այս տոհմը, երբեմն իր ծագմամբ, կոչվեց նաև Պահլավունի: Ղ. Ալիշանը հավանական է համարում, որ այս երկու ճյուղերից կողմնակի մի տոհմաճյուղ հարատևել է մինչև ժ դար, երբ վերստին երևան եկան Պահլավունիները երկու հարյուր տարի թաքնված մնալուց հետո<sup>15</sup>: Սակայն Գրիգոր Լուսավորչի պարթևական ծագման մասին հաղորդումներն անստույգ են: Հունարեն Ազաթանգեղոսում հավաստվում է, որ Գրիգոր Լուսավորիչը սերում էր հայ ազնվական գերդաստանից<sup>16</sup>:

Գրիգոր Մագիստրոսի «Թղթերի» առաջաբանում Կարապետ Կոստանյանցը գրում է, որ երբ Շիրակն ու Արշարունիքն անցան Բագրատունիներին, «Կամսարականներին վիճակեցաւ միաժամանակ մնալ անյայտութեան մէջ», ապա նրանց շառավիղներից Արտակը Թ դարում դարձավ նույն տոհմի վերանորոգողը, և նրանից սերվեցին «նոր Կամսարականները, որոնք այնուհետև յայտնի եղան Հայոց տոհմաբանութեան մէջ Պահլաւունիք անուևով»: Նրանց այդ վերականգնումը տեղի ունեցավ Անիում, որը նրանց տոհմական տիրույթն էր: Թ դարում Պահլավունիներն Անիում «ունէին անշուշտ և սեփականութեան որոշ իրաւունքներ»: Կ. Կոստանյանցը համոզված է նաև, որ «ինչպէս Կամսարականներն հնումն Արշակունեաց և Ս. Լուսաւորչին տոհմակից, համազգի և համազն էին, այնպէս էլ Պահլաւունիք իրենց գիտեն իբրև նոյն ազնուական սերունդի շառավիղ»: Նա ևս գտնում է, որ «Պահլաւունիք նոյն հին Կամսարականներն են կողմնակի արեմակից թէ Արշակունեաց և թէ Ս. Լուսաւորչի տան»<sup>17</sup>:

Պահլավունիների ազգաբանությանը հանգամանորեն անդրադարձել է Ներսես Ակինյանը մի հոդվածով<sup>18</sup>: Հեղինակն իրավացիորեն նշում է, որ Պահլավունի տոհմի պարթևական ծագման մասին ավանդական տեսակետը անստույգ է և չի կարող դիտվել իբրև պատմական իրողութ-

<sup>15</sup> Ղ. Ալիշան, *Շնորհալի և պարագայ իւր, Վենետիկ, 1873*, էջ 11:

<sup>16</sup> G. Garitte, *Documents pour l' etude du livre d' Agathange*, Vaticano, 1946, p. 23. Ն. Աղոնցի կարծիքով Գրիգոր Լուսավորիչը սերում էր Փոքր Հայքի հոռմայեցի ազնվական գերդաստանից (տես N. Adontz, *Gregoire l' Illuminateur et Anak le Parthe* («Revue des Etudes Armeniennes» (REA), VIII, 1928, p.244-245) Ըստ Մարի-Լուիզ Շոմոնի, Գրիգոր Լուսավորիչն ուներ հունա-կապադովկյան ծագում, ուստի նրա պարթևական ծագումը չի հաստատվում (տես M.-L. Chaumont, *Sur le origine de Saint Grégoire d' Arménie* («le Museon», 1989, p.115-116).

<sup>17</sup> Տես Գրիգոր Մագիստրոսի թղթերը, առաջաբան, էջ ԺԲ-ԺԴ:

<sup>18</sup> Տես Ն. Ակինեան, Պահլաւունի և Լամբրոնի Հեթմեանց ազգաբանութիւնը («Հանդես Ամսօրեայ», 1954, էջ 3-47): Նույնը արտատպված է «Ազգային մատենադարան» շարքի ՃԴԹ հատորում (Վիեննա, 1956):

յուն: Նա նաև կարծում է, որ Գրիգոր Մագիստրոսի կողմից Պահլավունիների նախնի համարված Արտակին տրված «Կամսարեան» վերադիրը համազոր է Մովսես Խորենացու հիշատակած Կամսարական տոհմանվանը: Սակայն օտարոտի է հեղինակի այն մեկնակերպը, որի համաձայն, իբրև թե 788թ. Շապուհ Ամատունու և նրա որդի Համամի գլխավորած հայ զաղթականների մեջ եղել են նաև Կամսարականներ, որոնք հարյուր տարի հետո Բյուզանդիայից վերադարձվել են Հայաստան՝ Շիրակ գավառ և սիրալիք ընդունելություն գտել Աշոտ Ա Բագրատունի թագավորի (885-890) կողմից, կրելով «Պահլավունի» տոհմանունը, որը համազոր էր «Արշակունի» անվան:

Հիշյալ զաղթականության մասին վկայություն ունի Ղևոնդ պատմագիրը, որի հավաստմամբ, զաղթը տեղի է ունեցել հարևան ամիրայությունների հարուցած բռնությունների պատճառով: Այդ մասին նա գրում է. «Ոչ ոք էր տեր ընչից իւրոց. այլ առհասարակ վարէին յաւարի: Եւ բազումք ինքնակամութեամբ թողուին զհօտս և զանդեայս, և զնային փախստական վասն ոչ բերելոյ զծանրութիւն աղետիցն»: Ղևոնդը նշում է 12 հազար զաղթողների, որոնց թվում բացի Ամատունիներից, կային նաև «այլք ի նախարարաց Հայոց և նոցին հեծելոց»<sup>19</sup>: Ինչպես հայտնի է Արտագ գավառում Կամսարականները երբևէ չեն հիշվում: Վերջիններիս տիրութենքը գտնվում էին Շիրակում և Արշարունիքում: Թերևս տոհմի շառավիղներն ընդունեցին դրանց տիրացած Բագրատունիների գերակայությունը և նրանց հովանու ներքո գերծ մնացին օտար ցեղերի շահատակություններից:

Անընդունելի է նաև Ներսես Ակինյանի այն պնդումը, որ իբր թե Մովսես Խորենացու «Հայոց պատմության» մեջ հիշատակված է 885թ. Բյուզանդիայից Կամսարականների վերադարձն ի դեմս Գազավոն Կամսարականի, որը Խորենացու վկայությամբ հայոց թագավոր Արշակ III-ի մահվանից (389թ.) հետո, իբրև Հայաստանի հռոմեական բաժնի նախարարների առաջնորդ, նրանց համաձայնությամբ, դիմում է Հայաստանի պարսկական մասում թագավորող Խոսրով Արշակունուն՝ նրան ենթակա բաժին վերադառնալու առաջարկով<sup>20</sup>:

Ն. Ակինյանի նշված աշխատությունն ունի անշուշտ, գիտական անառարկելի արժանիքներ: Հեղինակը պատմական սկզբնաղբյուրների հիման վրա ներկայացնում է Պահլավունի տոհմի սկզբնավորման, Կամսարականներից նրանց վերընծյուղման, Պահլավունիների տոհմի հետ

<sup>19</sup> Պատմութիւն Ղևոնդեայ Մեծի վարդապետի Հայոց, Ս. Պետերբուրգ, 1887, ԽԲ, էջ 168:

<sup>20</sup> Տես Մովսիսի Խորենացույ Պատմութիւն Հայոց, աշխ. Մ. Աբեղեան և Ս. Յարութիւնեան, Տփղիս, 1913, III, ԽԸ, էջ 317-319:

առնչվող ուրիշ եղելություններ: Նա նաև վերլուծում է Պահլավունի շահա-  
վիդների հետագա պատմությունը, վեր է հանում տոհմի վերջին ներկայա-  
ցուցիչների համառոտ պատմությունը, հասցնելով մինչև 1260-ական  
թվականները:

Պահլավունիների ծագման առնչվող հարցեր է շոշափել նաև Լևոն  
Խաչերյանը Գրիգոր Մագիստրոսին նվիրված մենագրության մեջ: Հեղի-  
նակի կարծիքով քանի որ Գրիգոր Մագիստրոսի հորեղբայրը կրում էր  
Աբլղարիբ անունը, որն արաբերենում ունի «Հայր օտարականի» (կամ  
պանդուխտի) իմաստ, ուստի դրանից կարելի է հանգել այն եզրակա-  
ցության, որ իբր Մագիստրոսի տոհմը եկվոր, ոչ բնիկ, «օտարական լինե-  
լով հաստատվել է Անիում և կարճ ժամանակամիջոցում, հատկապես գի-  
նական հաջող գործողությունների ծավալման ընթացքում իր դրսևորած  
ռազմական բացառիկ ընդունակությունների շնորհիվ, մեծ հեղինակույթ-  
յուն և կշիռ է ձեռք բերել Բագրատունիների արքունիքում»<sup>21</sup>:

Աբլղարիբ անունը Հայոց մեջ գործածվել է X դարից արաբական  
ազդեցությամբ, իբրև անծանուն, որից սակայն չպետք է մակաբերել, թե  
այն կրողը եղել է օտարական, եկվոր: Արաբերենում այդ անունը ունի  
«հայր Ղարիբի» իմաստ, որը կրել է այն անձը, ով պետք է ունենար Ղա-  
րիբ անունով որդի<sup>22</sup>: Հետևաբար, օտարական էր ոչ թե հայրն, այլ որդին:  
Եվ որովհետև հայրը չէր կրում «Ղարիբ» անունը, ուստի նա չէր կարող եկ-  
վոր, օտարական լինել: Եվ եթե հայրը տեղացի էր, որդին ինչ<sup>23</sup> ու պետք է  
օտարական լիներ:

Իր միտքը հիմնավորելու համար հարզո հեղինակը վկայաբերում է  
Վարդան Արևելցու կողմից Ապիրատ Պահլավունուն «աննշան» համարե-  
լու փաստը: Սակայն պատմագրի հաղորդումից չի երևում, թե Ապիրատն  
իրոք «աննշան» էր: Պատմագրի հաղորդման համաձայն, Աշոտ IV Բագ-  
րատունին իր եղբորը Հովհաննես-Սմբատ թագավորին (1020-1040) կա-  
լանում և հանձնում է Կեչառույքի եկեղեցին կառուցող Ապուղամրի թոռ  
Մեծ իշխան Ապիրատին, հանձնարարելով սպանել թագավորին: Սակայն  
Ապիրատը ոչ միայն չի կատարում Աշոտ IV-ի պահանջը, այլև, ի հեճուկս  
նրա, Հովհաննես-Սմբատին տանում և բազմեցնում է Անիի Բագրատունի-  
ների թագավորական գահին<sup>23</sup>: Եթե Ապիրատ Պահլավունին կարողացել է  
Հայոց թագավորի գահին բազմեցնել Հովհաննես Սմբատին, ուրեմն նա ո-  
րոշակի համարում և ազդեցություն է ունեցել հայ ազնվականության մի-

<sup>21</sup> Լ. Խաչերեան, Գրիգոր Պահլավունի Մագիստրոս (985-1058թթ.), Լոս Անճելլոս,  
1987, էջ 20:

<sup>22</sup> Տես Հր. Աճառյան, Հայոց անձնանունների բառարան, հ. Ա, Երևան, 1942, էջ 20:

<sup>23</sup> Տես Վարդան Արևելցի, էջ 97:

ջավայրում, ինչը բացառվում էր նրա եկվոր, օտարական լինելու պարագայում:

Պահլավունի տոհմի պատմության որոշ դրվագներ վեր են հանված Հայոց պատմությանը նվիրված ընդհանրացնող աշխատություններում<sup>24</sup>: Պահլավունյաց տոհմից սերած կաթողիկոսների կյանքին ու գործունեությանն անդրադարձել Մաղաքիա Օրմանյանն իր «Ազգապատում» արժեքավոր երկում<sup>25</sup>: Հրապարակի վրա են նաև Պահլավունի տոհմի ականավոր ներկայացուցիչներ Գրիգոր Մագիստրոսին և Ներսես Շնորհալուն նվիրված գործեր<sup>26</sup>:

Պահլավունիների տոհմածառը տրված է Կիրիլ Թումանովի «Manuel de généalogie et de chronologie pour l' histoire de la Caucasic chretienne (Arménie-Georgie-Albanie)», Roma, 1976, աշխատության մեջ (էջ 223-274): Հեղինակը Պահլավունի է համարում նաև Հեթումյաններին, անգամ Ջաքարյաններին, ինչն, անշուշտ, ճիշտ չէ:

Պահլավունիների տոհմի պատմությանն անդրադարձել է նաև Ժ. Դեդեյանն իր երկհատոր մենագրության մեջ<sup>27</sup>: Հեղինակը դիտարկում է Պահլավունյաց տան ծագմանն առնչվող հարցերը, մյուս եկեղեցիների հետ այդ տոհմից սերող կաթողիկոսների հարաբերությունները, ֆրանկ խաչակիրների հետ Պահլավունի իշխանների առնչությունները, փորձում վեր հանել վերջիններիս սեփականատիրական իրավունքները և այլ խնդիրներ:

---

<sup>24</sup> Տես Լեո, Երկերի ժողովածու, հ. 2, Երևան, 1967, Հ. Սանանդյան, Երկեր, հ. Ա, Երևան, 1977, հ. Գ, Երևան, 1977, Հայ ժողովրդի պատմություն (ՀՀ ԳԱ իրատ.), հ. III, Երևան, 1976 և այլն:

<sup>25</sup> Տես Ս. Օրմանեան, Ազգապատում, Ա-Գ, Ս. Էջմիածին, 2001:

<sup>26</sup> Տես Գ. Հակոբյան, Ներսես Շնորհալի, Երևան, 1964, Ե. Թահմիզյան, Ներսես Շնորհալին երգահան և երաժիշտ, Երևան, 1973, Պ. Անանեան, Ս. Ներսես Շնորհալի կաթողիկոս Հայոց («Բազմավեպ», 1973-1975), Լ. Խաչերեան, նշվ. աշխ., Ս. Մխիթարյան, Գրիգոր Մագիստրոսի կյանքը և գեղարվեստական ժառանգությունը, Երևան, 2001թ. և այլն:

<sup>27</sup> G.Dedeyan. Les Arméniens entre Grecs, Musulmans et Croises, vol. 1-2, Lisbonne, 2003.

## ՊԱՅԼԱՎՈՒՄԻ ՏՈՂՄԻ ԾԱԳՈՒՄՆ ՈՒ ՎԵՐԵԼԸՐ

### Գլուխ առաջին

#### Տոհմի ծագումը

Մինչև VI դարի վերջերը հայ մատենագրության մեջ, նախարարական ցանկերում կամ որևէ այլ աղբյուրում Պահլավունի տոհմի անվան հիշատակության չենք հանդիպում: Հայ նախարարների Գահնամակի «Ներսեսեան» կոչված փոփոխակում «Պահլավունի» տոհմանվան հիշատակումը վավերական չէ, քանի որ այն տեղ է գտել այդ փաստաթղթի միայն մեկ գրչագիր օրինակում: Մնացած բոլոր տարբերակներում այդ տոհմանունը վկայված է Պալունիք ձևով<sup>28</sup>:

Ավանդաբար Պահլավունի տոհմը համարվել է Կամսարականներից վերընծյուղված: Այս կարծիքն արծագանքում էր Սովսես Խորենացու «Հայոց պատմության» մեջ եղած վկայությանը, որի համաձայն, Կամսարականները սերում են պարթևական Պահլավի անունով ցեղից և ըստ այդմ կոչվում «Կարենեան Պահլաւի, ազգ»<sup>29</sup>, ինչը սխալ է<sup>30</sup>: Ընդ որում պատմահայրը նույն ցեղից (նրա Սուրենյան հորջորջված տոհմաճյուղից) ծագած է համարում նաև Գրիգոր Լուսավորչի հորը՝ Անակին<sup>31</sup>: Վերջինս Ազաթանգեղոսի մոտ հիշվում է «պարթև» վերադիրով: Անակը նույն պատմչի հավաստմամբ, «Ուհապետ էր Պարթևաց տէրութեանն», իսկ նրա «բուն աշխարհն... Պահլաւն կոչէր»<sup>32</sup>: Հայտնի է նաև հայ Արշակունիների պարթևական ծագումը: Փաստորեն այս տեղեկությունների հենքի վրա ազդանշվում էր տոհմակցության եռմիասնական մի համակարգ, որը շոյում էր նաև Պահլավունիների տոհմական ինքնասիրությունը, քանի որ այն ձևավորված էր համարվում Կամսարականների, Գրիգոր Լուսավորչի տոհմի և նրանց իբրև ցեղակից դիտվող հայ Արշակունիների ազգակցությամբ:

<sup>28</sup> Տես Պատմութիւն Ս. Ներսէսի հայրապետի («Սուփերք Հայկականք», 2, Վենետիկ, 1853, էջ 32-38, 127,138):

<sup>29</sup> Սովսես Խորենացի, II, ԳԲ, էջ 209-210:

<sup>30</sup> Հմմտ. Ս. Կոզեան, Կամսարականները «տեարք Շիրակայ եւ Արշարունեաց», Վիեննա, 1926, էջ 11:

<sup>31</sup> Տես Սովսես Խորենացի, էջ 211:

<sup>32</sup> Ազաթանգեղայ Պատմութիւն Հայոց, աշխ. Գ. Տէր-Մկրտչեանի և Ս. Կանայեանցի, Տփղիս, 1909, էջ 21-22:

յան հիմքի վրա: Պահլավունի տոհմում ընտանի դարձած այս մտայնության թարգմանն էր Պահլավունյաց տոհմի ավանդների ժառանգորդ, ներհուն մտածող և քաղաքական գործիչ Գրիգոր Մագիստրոս Պահլավունին (Բջնեցին), որն իր քաջապանծ հորեղբոր՝ Վահրամ գորավարի եղերամահ լինելու կապակցությամբ Սյունյաց Յովհաննես եպիսկոպոսին հղած թղթում Պահլավունի տոհմը սերած է համարում «ի ցեղէ Արշակունի, շահաւիղ մերոյն Լուսաւորչին»: Նա նույնիսկ համոզված է, որ Յայաստանի մարած փառքը կարող էր հառնել ի դեմս հորեղբոր, որին վայել է համարում թագավոր դառնալու պատիվը<sup>33</sup>:

Մագիստրոսը Գրիգոր Լուսավորչին դիտում է որպէս Պահլավունի տոհմի նախահայր<sup>34</sup>: Այլ առիթով, վերստին շեշտելով Գրիգոր Լուսավորչի հետ իր տոհմի ազգակցությունը, նա գրում է.

Արդ զիս յայս տոհմէ գիտեմ

Ազգաւ Պարթև իմ հայրենիս<sup>35</sup>:

Գրիգոր Մագիստրոսի ապրած դարաշրջանում, երբ իր վայրէջքի ուղին բռնած Բագրատունյաց թագավորությունը զոհ գնաց Բյուզանդական կայսրության ամենակուլ նկրտումներին, հույժ անհրաժեշտ էր բարձրացնել քաղաքական ծանրակշիռ գործառնություններով օժտված հայ ազնվական գերդաստանների հեղինակությունը, հնարավորինս հառնել տալ հայոց ոչ վաղ անցյալի փառքն ու պետական ավանդները և այդ հետևախորքի վրա ժողովրդի մեջ սնուցանել քաղաքական և հոգևոր անկախության տրամադրություններ: Սելջուկ-թյուրքական ավարատենչ ու դժնաբարք ցեղերի աշխարհավեր արշավանքների հետևանքով ծանր կացության մեջ հայտնված հայ ժողովրդին հոգևոր լիցք և քաղաքական կենսունակություն ներարկելու համար անհրաժեշտ էր, որպեսզի ահագարհուր պայմաններում հայությունը անհաղորդ չմնար անցյալի փառասուն ավանդներին, կանխվեր դրանց խաթարումը, պահպանվեին ժողորդի բարոյական կարողությունները: Դրա հրատապությունը իրեն զգալ էր տալիս հատկապես այդ անողորմ ու անհեռանկար թվացող դարաշրջանում, երբ թյուրք-սելջուկյան հրոսակները նյութեցին հայության դժխեմ ճակատագիրը: Նրանց ահագնածավալ հորձանքի առջև ընկրկելով՝ հայ ռազմիկ տարրն ստիպված լքում էր հայրենի եզերքները, ապաստանելով օտար հորիզոններում: Յայաստանը զրկվում էր իր զարգացման գործոններից, պղծվում էին նրա ազգային ու հոգևոր սրբությունները, ոտնակոխ էր ար-

<sup>33</sup> Գրիգոր Մագիստրոսի թղթերը, էջ 40-41:

<sup>34</sup> Տես նույն տեղում, էջ 38: Նկատենք նաև, որ մի ձեռագրի հիշատակարանում «Արշակունի» տոհմանունն է կրում ինքը՝ Գրիգոր Մագիստրոսը (տես Յ. Տաշեան, Յուզակ հայերեն ձեռագրաց, էջ 147):

<sup>35</sup> Տաղասութիւնք Գրիգոր Մագիստրոսի, էջ 73:

վում ժողովրդի պատիվն ու արժանապատվությունը: Դժնդակ ու մահա-  
ռիթ պատահարներով հղի կյանքը պահանջում էր նվիրագործել գաղա-  
փարական նոր կռվաններ, որոնց շնորհիվ հնարավոր կդառնար փոքր ի  
շատե վառել հայոց անցյալի շիջած ջահը, ժողովրդի մեջ արթուն պահել  
հոգևոր և քաղաքական ինքնուրույնության հույսը և հավատն ապագայի  
հանդեպ, որպեսզի նա ի գորու լինել արժանապատվորեն գոյատևել,  
պահպանել իր հոգևոր ու քաղաքական կենսունակությունը, չըջվեր և կույ  
չգնար դժնի ժամանակների դավադիր խաղերին: Լուսավորչի տնից Պահ-  
լավունիների սերելու մասին թևածող կարծիքը պետք է բարձրացներ Հա-  
յոց կաթողիկոսության հեղինակությունը, ամրակայացներ եկեղեցու հիմ-  
քերը: Ներսես Շնորհալին Պահլավունի տոհմի մտացի գործիչը, հայտնի  
ոչ միայն իր ազգաշահ գործերով, այլև ներհուն մտածողի և տաղերգուի  
քերթողական ավյունով, իր «Բան հաւատոյ» չափածո երկասիրության  
հիշատակարանում գրում է, որ այն շարագրել է ի հիշատակ «ծնողաց մե-  
րոյ, յազգէն գոլով Պահլաւունոյ համատոհմից Արշակունւոյ»<sup>36</sup>: Նրա  
«Թուղթ ընդհանրական» գործը համախմբվելու կոչ է հաւածահար, հոգե-  
պես հեծող, հայրենիքից դուրս մղված և ցանուցիր եղած հայությանը:  
Ներսես Շնորհալին քաջ գիտակցում էր, որ հայ ժողովրդի հավաքական  
գոյությունը, հոգևոր ընդհանրության պահպանումը հնարավոր էր ապա-  
հովել հայրենադիր օրենքների շնորհիվ: Ուստի նա այդ աշխատությանը  
համայն հայությանն է պատգամում իր կանոնական հոգեկեցույց պատվի-  
րանները: Այդպիսով սրբազնագործելով հայրենական օրինակարգն ու  
կանոնական ավանդույթը, ժողովրդի բոլոր խավերին նա կոչ է անում  
պահպանել հայոց հինավուրց բարքերն ու իրավակեցությունը: «Ողբ Եղե-  
սիոյ» պոեմում 1144թ. թյուրքերի կողմից ավերված ու կոտորածի մատն-  
ված Եղեսիա (Ուռհա) քաղաքը դիմելով Հայաստանին, հիշեցնում է նրա  
փառահեղ անցյալը»<sup>37</sup>:

Նույն նպատակն էր հետապնդում Գրիգոր Լուսավորչի տոհմից  
Պահլավունիների սերելու ավանդական վարկածը: Ներսես Շնորհալին  
գրում է, որ իր ազգատոհմը «պսակված էր թագով» և տիրում էր «աշխար-  
հաց բազմաց», սակայն հետագայում նրա հաւածահար զավակների հայ-  
րենիքը հոշոտվեց թշնամիների կողմից, և Պահլավունիները մատնվեցին  
օրհասական կացության: Այդ մասին նա հնչեցնում է հոգետոչոր խոսքեր.

Չաշխարհն մեր օտարք կերեալ...

Տոհմ որ թագիւ փառաւորեալ,

Անարժանից ստրուկ եղեալ.

<sup>36</sup> Ներսես Շնորհալի, Վիպասանութիւն, էջ 107-108:

<sup>37</sup> Տես Ներսես Շնորհալի, Յաղագս երկնի և զարդուց նորայ, հանելուկներ, Ողբ  
Եղեսիոյ, էջ 50-56:

Որք աշխարհաց բազմաց տիրեալ  
Ի քաղցելոց հաց մուրացեալ:  
Սակայն բնութիւն ազգին պահեալ,  
Որ Պահլաւիկն կոչեցեալ,  
Թէ և թաքուն իմն ամփոփեալ,  
Յռամիկ ազանց միջի ծածկեալ,  
Միայն ինքեանց ներհուն եղեալ,  
Որ յայնմ ազգէ գոլով սերեալ.  
Որդի գհայր փոխանակեալ  
Մինչև առ մեզս հասուցեալ:  
Ի նախնական հօրէ սկսեալ  
Ի Պարթևէն լուսաւորեալ...»<sup>38</sup>:

Այդպիսով Պահլավունյաց տոհմը քաղաքական անհույս իրավիճակում կարողացել է պահպանել իր ժառանգական բարոյական բնութիւնը, Շնորհալու ժամանակներուն ևս դրսևորելով իր հոգևոր ավյունն ու զորութիւնը: Պարթև Արշակունիներից Պահլավունի տոհմի ծագման ավանդական տեսակետն, ինչպես նշվեց, ընտանի էր նաև նոր ժամանակներում:

Եղած կցկտուր տեղեկությունները ինչ-որ չափով անդրադարձնում են Պահլավունի տոհմի անցյալին առնչվող որոշ իրողություններ, որոնք թույլ են տալիս կարծել, որ Կամսարականների երկրորդական տոհմածյուղերից մեկը տակավին VI դարի վերջին իրեն կոչել է Պահլավունի անունով, զուգահեռաբար հիշելով նաև Կամսարական տոհմանունը: Այս տեսակետից ուշագրավ փաստ է, որ XVI դարի բանաստեղծ և պատմագիր Սիմեոն Ապարանցին 590-ական թվականների անցքերի առնչությամբ հիշատակում է Պահլավունի տոհմանունը կրող զորապետի<sup>39</sup>: Իսկ VII դարում ապրած Անաստաս վարդապետն «ի խնդրոյ բարեպաշտ իշխանին Յամազասպայ Կամսարականի Պահլաւունեաց», այցելել է Երուսաղեմ և կազմել այնտեղ եղած հայկական վանքերի ցուցակը, որը տեղ է գտել նրա «Կասն վանորէից, որ ի ս. քաղաքն յԵրուսաղէմ» գրվածքում<sup>40</sup>: Պահլավունիների՝ Կամսարականներից սերելու գիտակցությունն արթուն էր նաև հետագա դարերում: Յատկանշական է, որ Սատթեոս Ուռհայեցին

<sup>38</sup> Ներսէս Շնորհալի, Վիպասանութիւն, էջ 587-588:

<sup>39</sup> Տես Սիմեոն Ապարանցի, Վիպասանութիւն սակս Պահլաւունեացն զարմի և Մամիկոնեանցն սեռի, Վաղարշապատ, 1870, էջ 76-78:

<sup>40</sup> Տես Մայր ցուցակ հայերէն ձեռագրաց մատենադարանին Մխիթարեանց ի Վենետիկ, հ. Բ, Վենետիկ, 1924, էջ 829, Մատենագիտը Յայոց, հ. Ե, Անթիլիաս-Լիբանան, 2005, էջ 1278:

1112 թվականի իրադարձությունների մասին պատմելիս գրում է, որ Վասիլ իշխանն «էր ժայրենեօք յազգէ Կամսարական»<sup>41</sup>:

Կամսարական տոհմից Պահլավունիների վերընծյուղման մասին անշուշտ, վկայում է այն իրողությունը, որ վերջիններս հաստատված էին Շիրակում (հատկապես Անի քաղաքում), որն ինչպես հայտնի է Կամսարական տոհմի տիրույթն էր: VII դարում Շիրակում Պահլավունի-Կամսարականների իշխանության մասին կողմնակի ապացույց կարող է ծառայել Սեբեոս պատմագրի մի վկայությունը, որի համաձայն, 652թ. Հայաստան արշաված Բյուզանդիայի Կոստանդ կայսրին դիմավորող հայ նախարարների մեջ էին նաև «Շիրակացիք»<sup>42</sup>, որոնք հավանաբար, Կամսարականներն էին, գուցե նաև նրանց այն ճյուղը, որն իրեն անվանում էր Պահլավունի:

«Շիրակացիք» հավաքական անվանման տակ Սեբեոսը ըստ երևույթին նկատի ունի ոչ միայն Կամսարականների գլխավոր ճյուղին, այլև նրանց տոհմակից Պահլավունիներին, որոնք նույնպես, Կամսարականների այդ ճյուղի հետևողությամբ, անշուշտ, նաև պահի թելադրանքով, հակվել էին բյուզանդական կայսեր կողմը: Հետագայում ևս Կամսարականները դրսևորեցին բյուզանդամետ հակումներ: Ուստի 689թ. Ներսես Կամսարականը Հուստինիանոս II կայսեր կողմից կարգվեց Հայոց իշխան<sup>43</sup>: Մոտ 703թ. Վանանդ գավառում Կամսարական իշխանը գլխովին ջախջախեց արաբական մի զորամասի<sup>44</sup>: Սակայն 774-775թթ. ապստամբությունից հետո Կամսարականների դիրքերը Հայաստանում խիստ թուլացան: Նրանց մի մասը ստիպված հեռացավ Բյուզանդիա, իսկ հայրենիքում մնացածները հետևելով Բագրատունիներին, վերակողմնորոշվեցին դեպի արաբները, պահպանելով Շիրակում և Արշարունիքում իրենց տիրույթները: Ղևոնդ պատմագրի վկայությամբ, 785թ. Ներսես Կամսարական իշխանն իր զորաջոկատով, ուրիշ հայ նախարարների հետ մասնակցում է Ղերբենտի լեռնանցքում խազարների դեմ Արմինիայի ոստիկանի մղած մարտերին և զոհ է գնում տարափոխիկ հիվանդությամբ<sup>45</sup>: Սակայն դարավերջին Կամսարականների գլխավոր ճյուղը հեռացավ Բյուզանդիա, իր հայրենական տիրույթները՝ Շիրակն ու Արշարունիքը վաճառելով Աշոտ Մսակեր Բագրատունի Հայոց իշխանին (790-826)<sup>46</sup>: Իսկ Կամսարականների այն ճյուղը, որի վրա մեծ էր Բագրատունիների ազդեցությունը,

<sup>41</sup> Տես Մատթեոս Ուռնայեցի, էջ 324:

<sup>42</sup> Տես Պատմութիւն Սեբեոսի, աշխ. Գ. Աբգարյանի, Երևան, 1979, էջ 165:

<sup>43</sup> Տես Ստեփաննոս Տարոնեցի, II, Բ, էջ 101:

<sup>44</sup> Տես Հովհաննես Ղրասխանակերտցի, Պատմութիւն Հայոց, Թիֆլիս, 1912, էջ 95:

<sup>45</sup> Տես Ղևոնդ, ԼԹ, էջ 160-161:

<sup>46</sup> Տես Ստեփաննոս Տարոնեցի, II, Բ, էջ 106:

հավանաբար ընդունեց նրանց գերակայությունը և նրանց հովանու ներքո պահպանեց Շիրակում ունեցած իր տիրույթների մի մասը, այդ թվում նաև Անի ամրոցը: Գուցե նրանք գերադասեցին չկրել արաբների ախոյան Բյուզանդիայի կողմն անցած Կամսարականների տոհմանունն, (անշուշտ արաբների թշնամանքը չհարուցելու կանխահոգությամբ) և պահպանեցին Պահլավունի անունը: IX դարում Պահլավունիները հավատարմորեն զորակցելով Բագրատունիներին, բոլորանվեր ջանքերով ծառայում էին նրանց զորքերում: Դա էականորեն պայմանավորեց նրանց ռազմա-քաղաքական վերելքը, որը զգալի էր հավանաբար IX դարի երկրորդ կեսին: Թերևս այդ է պատճառը, որ Գրիգոր Մագիստրոսը Պահլավունի իշխաններից առաջինը հիշատակում է Արտակին՝ Կամսարյան տոհմանունով: Սյունյաց Յովհաննես արքեպիսկոպոսին ուղարկած պատասխան թղթում իր հորեղբոր Վահրամ սպարապետի մահվան առթիվ Մագիստրոսը նրան հիշում է հետևյալ խոսքերով. «Բազմեսցիս գոգս ի մեծին Գրիգորի և ի հաւուն քո Ապուղամրի և Կամսարեանն Արտակայ... ի գաւառէն Պարթևաց, ի քաղաքէ Պահլաւ, ի ցեղէ Արշակունի, շառաւիղ մերոյն Լուսաւորչին»<sup>47</sup>:

Արտակ Պահլավունու («Կամսարյան») զավակի Ապուղամրի որդի Գրիգոր Յանգե Պահլավունին իր կողակցի՝ Շուշան տիկնոջ կողմից Կուլաշ (Կոշ) ավանում 981թ. թողած արձանագրությունում հիշվում է Սմբատ II Բագրատունի թագավորի (977-990) և Խաչիկ I Արշարունի կաթողիկոսի (973-991) հետ միասին<sup>48</sup>: Գրիգոր Յանգեն վախճանվել է 40 տարեկան հասակում: Սակայն նրա մահվան թվականը որևէ աղբյուրում չի վկայված: Գրիգոր Յանգեի վախճանվելու տարի է համարվել 982 թվականը<sup>49</sup>, կամ 982-987թթ. միջև ընկած ժամանակահատվածը՝ «միջին հաշվով» 985-ը<sup>50</sup> ըստ այդմ նրա ծննդյան տարին ընկնում է մոտավորապես 942-945թթ., որն իհարկե, վերապահելի է, քանի որ նրա ծննդյան թվականը նույնպես չի նշվում սկզբնաղբյուրներում: Այդուամենայնիվ, անգամ նշյալ թվականները մոտավոր համարելու պարագայում, կարելի է հավանական համարել, որ Գրիգոր Յանգեի հայր Ապուղամրն ապրել է X դարում: Նրա օրոք 961թ. Անին հռչակվել է Բագրատունյաց թագավորության մայրաքաղաք:


Այդ պահից սկսվեց Պահլավունի տոհմի քաղաքական վերասուլացքը: Ապուղամրի լայնահուն գործունեությամբ Պահլավունիները հետզհե-

<sup>47</sup> Գրիգոր Մագիստրոսի թղթերը, էջ 40:

<sup>48</sup> Տես Ղ. Ալիշան, Այրարատ, Վենետիկ, 1890, էջ 145-146:

<sup>49</sup> Տես Մ. Զամչեան, նշվ. աշխ., Բ, էջ 892, Ղ. Ալիշան, Շնորհալի..., էջ 12:

<sup>50</sup> Ն. Ավինեան, նշվ. աշխ., էջ 17:



տե հասան քաղաքական նոր բարձունքների, ուստի տոհմը կոչվեց նաև նրա անունով Ապուղամբենք, կրելով նաև Պահլավունի տոհմանունը:

Այդպիսով Կամսարականների երկրորդական տոհմաճյուղերից մեկն իշխում է Կամսարականների տիրույթ Շիրակ գավառի մի մասում Անր անրոցով հանդերձ: Եվ որովհետև VIII դ. վերջին Կամսարականների գլխավոր ճյուղի կողմից Շիրակը վաճառվեց Բագրատունիներին, ուստի Կամսարականների երկրորդական այդ ճյուղը Պահլավունի տոհմանվամբ, ընդունեց Բագրատունիների գերակայությունը և, ըստ հարկի, զորակից եղավ նրանց միարարական ջանքերին, ռազմա-քաղաքական և հոգևոր-մշակութային բազմաբեղուն գործունեությամբ հասնելով առաջնակարգ դիրքերի:

## Պահլավունի տոհմը վերելքի ճանապարհին

Ապուղամը Պահլավունու օրոք, 961թ., ինչպես նշվեց, Աճին դարձավ Բագրատունյաց թագավորության մայրաքաղաք: Այդ ժամանակաշրջանում Պահլավունի տոհմը մեծ ազդեցություն է ձեռք բերում: Ապուղամ-րից սկսվում է նրա քաղաքական վերելքը, ուստի, ինչպես նշվեց, Պահլավունիները կոչվեցին նաև նրա անունով՝ Ապուղամրենք: Այս իշխանի բարձրագույն գործառնության, Հայաստանի քաղաքական բեմում նրա խաղացած աչքառու դերի լուռ վկան է Աճիի հյուսիս-արևմտյան թաղամասում X դարի երկրորդ կեսին նրա որդու՝ Գրիգոր Համզե Պահլավունու պատվերով կառուցված գմբեթավոր եկեղեցին, որը կրում է Ապուղամրենց անունը<sup>51</sup>: Այդ եկեղեցին Պահլավունի տոհմի ջանքերով Աճի քաղաքում վեր խոյացած հնագույն կոթողն է: Եկեղեցուն կից էր Պահլավունիների տոհմական դամբարանը՝ կառուցված Ապուղամրի թռռան՝ Ապլլարիբի կողմից: Այն ուներ երկու մատուռ՝ Ս. Ստեփաննոս և Քրիստափոր անուններով<sup>52</sup>: Աճիում նույն Ապլլարիբի կողմից կառուցված եկեղեցու որմին փորագրված արձանագրության մեջ այս իշխանն իրեն անվանում է «Որդի Գրիգորի իշխանի և թոռն Ապուղամրի»<sup>53</sup>:

Գրիգոր Համզեն շարունակեց հոր ուղեգիծը: Հայոց թագավորության սպարապետի պաշտոնը շնորհվում է նրան: Սովորաբար Բագրատունի թագավորներն այդ գործակալությունը վստահում էին իրենց մոտիկ հարազատներին: Բայց X դարի երկրորդ կեսերին Ապուղամրենց անունը կրող Պահլավունիների ազդեցությունն այնքան էր մեծացել, որ Գրիգոր Համզե Պահլավունուն շնորհվում է այդ պաշտոնը: 981թ. Կուաշի վերը հիշված արձանագիր հիշատակարանում նրա կողակից Շուշանն անուսնուն հիշում է որպես սպարապետ՝ Սմբատ II Բագրատունի թագավորի ու խաչիկ Արշարունի կաթողիկոսի կողքին: Արձանագրության մեջ ասվում է.

«Նև թուականին, ի կաթողիկոսութեան տեառն խաչկա և ի թագաւորութեանն Սմբատա և ի յասպարապետութեան Գրիգորի»<sup>54</sup>:

Գրիգոր Համզեն աչքի է ընկել նաև եկեղեցամայաստ գործունեությամբ, բարեգործական ձեռնարկումներով: Հոր հիշատակը հավերժացնե-

<sup>51</sup> Տես Ղ. Ալիշան, Շիրակ, էջ 53:

<sup>52</sup> Տես Դիվան հայ վիմագրության, I, էջ 33:

<sup>53</sup> Տես նույն տեղում, էջ 44:

<sup>54</sup> Ղ. Ալիշան, Այրարատ, էջ 145-146:

լու նպատակով նա Անիում կառուցում է Ապուղամրենց Ս. Գրիգոր եկեղեցին, որտեղ նա թողնում է հետևյալ արձանագրությունը.

«Քրիստոս Աստուած, յորժամ գաս փառոք հաւր ի նորոգել զերկիր, ողորմեա Գրիգորո ծառայի քո»<sup>55</sup>:

Գրիգոր Մագիստրոսն իր պապին Գրիգոր Զամգեին և նրա կողակցին դիտում է որպէս Սահակ Պարթևի հավատարիմ հետնորդներ, նրա սրբասուրբ պատգամների ավանդապահներ, որոնք ըստ նրա, «արծարծեցին զկարգ և զօրէնսդոքսին մեծին Սահակայ քոյին նախնւոյն և վանս նորագոյնս շինեալ բազումս, և գաւերեալսն նորոգեալ և այս անթիւս. սոցա ոչ էր այլ ինչ, եթ ոչ գնել զգերեալսն, ազատել զբանտարկեալսն, կերակրել զքաղցեալսն, արբուցանել զծարաւեալսն, ուսուցանել զմանկունս, սնուցանել զորբս, օթեվան լինել այրեաց, զըմբռնեալսն ի ձեռաց հօրաց կորգել, իւրովին ձեռք իսկ կերակրել զաղքատս և զկրօնաւորս, ամուսնացուցանել զորբս ընդ միմեանս ողջախոհ և քրիստոսական կրօնիւք»<sup>56</sup>:

Այս վկայությամբ հավաստվում է, որ Գրիգոր Զամգեն և իր տիկինը կառուցել են բազմաթիվ եկեղեցիներ, նորոգել խարխլվածները, փրկագնել զերյալների, ազատել կալանավածների, ուսուցանել են երեխաների, դաստիարակել որբերի, հովանավորել այրիացածների և այլն: Զավանաբար նրանք իրենց հիմնած վանական հաստատություններին կից հիմնել են նաև դպրոցներ:

Գրիգոր Մագիստրոսը իր պապին պճնում է բարեգործի և սրբահեզ ու մաքրակենցաղ վարք ունեցողի լուսապսակով: Նա նշում է, որ թե Գրիգոր Զամգեն և թե նրա կողակիցը «յիւրեանց իսկ կենցաղավարութեանն ամենայն բարեգործութեամբ կատարեալ և մաքրական վարուք և ողջախոհ ամուսնութեամբ և հանապազօր սաղմոսերգութեամբ և աղքատասիրութեամբ և հիւրընկալութեամբ. որոց վարք օրէնք ամենայն Զայաստանեայց տուաւ»<sup>57</sup>:

Պապի ու տատի բարեպաշտությունն ու ազգասիրությունը շեշտելով Գրիգոր Մագիստրոսը գրում է.

«Ո՞րք վախճանէր և ոչ անդր ընթացեալք յուղարկաւորք լինէին զնացելոյն և մխիթար մնացելոյն ո՞րք պարտապան, երթեալ առ նոսա և ոչ հատուցանէին, կամ տորտնեալ և անմխիթար ելանէր յարկաց նոցա, կամ հիւանդ որք զորս ոչ տեսանէին, կամ տնակ զորս ոչ ժողովէին. և ի վերայ այսր ամենայնի պահովք և աղօթիւք վերագոյն քան զանապատա-

<sup>55</sup> Դիվան հայ վիմագրության, I, էջ 31:

<sup>56</sup> Գրիգոր Մագիստրոսի թղթերը, էջ 42-43:

<sup>57</sup> Նույն տեղում, էջ 43:

կանսն երևեալ և քաջութեամբ սքանչելի և հեզութեամբ զարմանալի և գեղով չքնաղ»<sup>58</sup>:

Սակայն սկզբնաղբյուրներում չի հիշվում, թե Գրիգոր Յամգեն իբրև Յայոց սպարապետ, ինչ մարտեր է մղել, ինչով է աչքի ընկել: Թեև Մագիստրոսը նրան բնութագրում է որպես «քաջությամբ սքանչելի», սակայն չի որոշակիացնում իր խոսքը: Գրիգոր Յամգեի սպարապետության տարիներին Յայոց Բագրատունյաց թագավորությունը համեմատական խաղաղակեցություն էր վայելում: Սակայն արտաքին վտանգը թեև սպառնալից չէր, բայց երբեմնակի զգալ էր տալիս իրեն: Այսպես, Ասողիկը վկայում է, որ 982թ. դելմիկների առաջնորդ, Սալարյան Աբլիաճ (Աբուլ-Յայջա) ամիրան ներխուժելով Բագրատունյաց թագավորություն, գրավում է Դվինը, սպա թափանցում Շիրակ գավառ: Նրա հրոսակները մոտեցել են Անի մայրաքաղաքին, ավերելով նրա մերձակայքում գտնվող Յոռոմոսի վանքը<sup>59</sup>: Գուցե ամիրայի զորքին դիմակայել են Գրիգոր Յամգեի գլխավորած հայ պատերազմիկները: Թեև այդ մասին վկայող վկայություններ չկան, բայց իբրև սպարապետ, նա հարկ է որ ձեռնարկեր անհրաժեշտ քայլեր՝ օտար հարձակմանը դիմակայելու համար:

Գրիգոր Յամգեի վախճանվելու ժամանակ կինը՝ տիկնանց տիկին Շուշանն ընդամենը 30 տարեկան էր: Գրիգոր Մագիստրոսը հորեղբոր՝ Վահրամ Պահլավունու մահվան առթիվ գրում է, որ վերջինիս հայրը՝ Գրիգոր Յամգեն «քառասնից եղեալ ամաց՝ ուղղափառ խոստովանութեամբ փոխեալ առ Աստուած, թողլով զմայրն քո ամաց երեսնից, որ ի նմին իսկ կրօնից արժանացեալ խարազանագետստ և անսուաղ ճգնութեամբ բազմամեայ խաչակցութեամբ կեցեալ և ժուժկալեալ մնջեաց... Այժմ զքեզ ընկալաւ Գրիգոր. այժմ զպարանոցաւ քո փարեցաւ Շուշան»: Ընդսմին Մագիստրոսը տատին՝ Շուշանին հիշում է որպես «զամենառաքինասէր մայրն»<sup>60</sup>:

Այդպիսով ամուսնու մահվանից հետո Շուշանը կրոնավորել է՝ «խարազանագետստ և անսուաղ ճգնութեամբ բազմամեայ խաչակցութեամբ» ցկյանս ապրելով ժուժկալ կյանքով: Նա ևս աչքի է ընկել եկեղեցանպաստ և այլ կարգի բարենպատակ գործերով: Այս մասին վկայված է նրա թողած արձանագրություններում: Այսպես, ամուսնու կառուցած Ս. Գրիգոր եկեղեցու մուտքի բարավորի վրա նրա թողած արձանագրության մեջ ասվում է. «Յանուն Աստուծոյ, կամ եղև իմ Շուշանա տիկնաց տիկնոջ, որ ետու զնրուանա կուղպակն ի սուրբ Գրիգոր: Ձ դրամ: Լ: Սեդաի եւ: Ծ: Մրուա-

<sup>58</sup> Նույն տեղում:

<sup>59</sup> Տես Ստեփանոս Տարոնեցի (Ասողիկ), III, ԺԲ, էջ 188:

<sup>60</sup> Գրիգոր Մագիստրոսի թղթերը, էջ 43:

նա»<sup>61</sup>: Ըստ այդմ բարեպաշտ տիկինը Ս. Գրիգոր եկեղեցուն պարտավորեցնում է պատարագ մատուցել Սեդայի համար՝ 30, Մրվանի համար 50 դրամի արժողությամբ: «Դրամի» տակ նկատի է առնված Աբբասյան խալիֆայության ազդեցության ոլորտի երկրներում շրջանառության մեջ գործածվող արծաթե դրամը դիրհեմը (մոտ 3 գրամ քաշով), որն ուներ միջազգային շրջանառություն<sup>62</sup>: Արծանագրության մեջ հիշվող Սեդան Գրիգոր Չամզեի և Շուշանի դուստրն էր: Այս մասին վկայված է նրանց որդու Ապլղարիբի թողած մի արծանագրության մեջ<sup>63</sup>, որտեղ հիշվում է նաև վերջինիս եղբայր Չամզեմ, բայց չի նշվում Մրվանի անունը: Ենթադրվում է, որ Մրվանը Գրիգորի և Շուշանի որդին էր<sup>64</sup>, կամ Սեդայի ամուսինը<sup>65</sup>: Բայց այդ ենթադրությունը հաստատող վկայություններ չկան: Իհարկե, այն փաստը, որ Շուշանը Ս. Գրիգոր եկեղեցուն է նվիրել Մրվանա կուղպակը (խանութը)՝ պատարագ մատուցելու համար, թույլ է տալիս կարծելու, որ կուղպակի տերը եղել է նրա մերձավորներից մեկը: Այս առումով ուշագրավ է, որ այդ կուղպակը հիշատակվում է նաև 994թ. նույն եկեղեցուն Շուշանի թողած մեկ այլ արծանագրության մեջ, ուր ասվում է.

«Կամաւքն Աստուծոյ ի: ՆՆԳ: թուին, ես Շուշան տիկնաց տիկին, գուգակից Գրիգորո իշխանի, ետու գՄրուանա կուղպակս ի սուրբ Գրիգոր, իսկ որ հակառ գա յիմոց կամ յաւտարաց: ՅԺԸ-իցն նգոված է հոգով եւ մարմնով»<sup>66</sup>: Այստեղ արդեն Մրվանը անծնանուն չէ, այլ կուղպակի, գուցե և փողոցի կամ թաղամասի անուն (ավելի հավանական է՝ կրպակի անուն)<sup>67</sup>:

Կարելի է կարծել, որ Մրվանը Շուշանի եղբայրն էր: Վահրամ Պախլավունին Մարմաշենի արծանագրության մեջ հիշում է եղբայրներին, առանց Մրվանի անունը տալու<sup>68</sup>: Անիի Ապուղամրենց եկեղեցու որմին Շուշանի որդու՝ Ապլղարիբի թողած արծանագրության մեջ հիշում է եղբորը Չամզեին, քրոջը Սեդային, ծնողներին, առանց Մրվանի անվան հիշատակության<sup>69</sup>:

<sup>61</sup> Դիվան հայ վիճագրության, I, էջ 31.

<sup>62</sup> Տես Խ. Մուշեղյան, Դրամական շրջանառությունը Հայաստանում, Երևան, 1983, էջ 197-198:

<sup>63</sup> Տես Դիվան հայ վիճագրության, I, էջ 33:

<sup>64</sup> Տես Ղ. Ալիշան, Շիրակ, էջ 53:

<sup>65</sup> Տես Ն. Ակինյան, նշվ. աշխ, էջ 18:

<sup>66</sup> Դիվան հայ վիճագրության, I, էջ 32:

<sup>67</sup> Տես Գ.Ս. Գրիգորյան, Նվիրատվություններ Անիի եկեղեցիներին ու վանքերին IX-XIV դդ., Ս. Էջմիածին, 2002թ., էջ 15-16:

<sup>68</sup> Տես Ղ. Ալիշան, Շիրակ, էջ 148:

<sup>69</sup> Տես Դիվան հայ վիճագրության, I, էջ 33:

Տիկնաց տիկին Շուշանը որդու՝ Վահրամ սպարապետի հետ մասնակցեց նաև Մարմաշենի վանքի շինությանը: Այդ մասին Վահրամը հիշում է նույն վանքում թողած արձանագրության մեջ<sup>70</sup>: Այդ վանքի կառուցումն ավարտվել է 1029թ., հետևաբար, Շուշանն այդ թվականին դեռևս կենդանի էր: 1040թ. նա արդեն վախճանվել էր: Դա հավաստվում է այն փաստով, որ նույն թվին նրա որդի Ապլղարիբը նրա, ինչպես և հոր, քրոջ և եղբոր հիշատակին պատարագ է հաստատել տալիս<sup>71</sup>:

---

<sup>70</sup> Տես Ս. Օրբելի, Надписи Мармашена («Избранные труды», Ереван, 1963, с. 442): Մարմաշենի վանքն ամրակառույց էր՝ «ամրապատ պարսպօր եւ աշտարակօք», - գրում է Գրիգոր Մագիստրոսը (Թղթեր, էջ 141):

<sup>71</sup> Տես Դիվան հայ վիճագրության, I, էջ 33:

## Վասակ Յոլուն Պահլավունի սպարապետը

Մատթեոս Ուռհայեցու վկայությամբ Յովհաննես-Սմբատ թագավորի (1020-1040) օրոք Վասակ Յոլուն Պահլավունին (Վահրամի ավագ եղբայրը) վարում էր Յայոց սպարապետի պաշտոնը<sup>72</sup>, որը փաստորեն դարձել էր Պահլավունիների մենաշնորհը: Վասակը տիրում էր Բջնիին, Կայանին, Կայծոնին և այլ վայրերի: Նա Բջնին դարձրեց իր իշխանանիստը, նկատի առնելով նրա անառիկ ու իշխող դիրքը: Յրագղան գետի կիրճի երկայնքով, ձորամիջում գտնվող Բջնին իբրև բնական պաշտպանական ամրություն, ուներ մեծ առավելություններ ոսոխ ու ժերին համառ ու երկարատև դիմադրություն ցույց տալու, նրանց ուժերը ջլատելու համար: Ուստի ուղղաբերձ ժայռերով եզերված բարձրադիր այդ վայրում Վասակը հիմնեց իր ամրոցը, որը պաշտպանելու էր ոչ միայն ամրոցի ստորոտում գտնվող Բջնի բերդաքաղաքը (այժմյան Բջնի գյուղի տեղում), այլև Բագրատունիների Յայոց թագավորության կենտրոնական շրջանները հյուսիսից և արևելքից: Ամրոցի հարավային և արևելյան, մասամբ արևմտյան կողմերը պաշտպանված են մեծազանգված ժայռերից գոյացած բնական պարսպապատերով: Ամրոցի հյուսիսային և արևմտյան խոցելի կողմերում կառուցվեցին աշտարակավոր պարիսպներ (այժմ կիսականգուն)<sup>73</sup>: Ամրոցի պաշտպանության շնորհիվ Բջնին ծաղկում ապրեց՝ Պահլավունիների հովանու ներքո վերածվելով կրթական, մշակութային հայտնի կենտրոնի, որտեղ զարգացավ նաև գրչության արվեստը:

Վասակ Պահլավունին մասնակցեց նաև Մարմաշենի եկեղեցու կառուցմանը<sup>74</sup>, որի ավարտն ավա՛ղ, նրան վիճակված չէր տեսնել: Վասակը, որպես Պահլավունի, մեծ հեղինակություն էր վայելում Բագրատունիների արքունիքում: Մարմաշենի արձանագրության մեջ Վասակը հիշվում է որպես իշխանաց իշխան: 1020թ. Յայոց թագավորի գահը ժառանգեց Յովհաննես-Սմբատը: Նրա իրավունքը վիճարկվեց եղբոր՝ Աշոտի կողմից, որը ստվարաթիվ զորքով (ըստ Ուռհայեցու չափազանցված տեղեկության՝ 40 հազար հետևազոր և 20 հազար այրուձի) հարձակվեց եղբոր վրա և պարտության մատնեց նրան: Արյունոտ վեճը հարթվեց Վասակ և Վահրամ Պահլավունիների միջամտությամբ: Նրանց միացան նաև Կարսի Աբաս Բագրատունի թագավորը և Վրաց և ափսազաց թագավոր Գեորգի

<sup>72</sup> Մատթեոս Ուռհայեցի, էջ 11:

<sup>73</sup> Տես Ստ. մնացակախյան, Երևանը և նրա շրջակայքը. ճարտարապետական հուշարձաններ, Երևան, 1971, էջ 184-186:

<sup>74</sup> Տես Ս. Орбели, Надписи Мармашена, с. 442.

Լ-ը (1014-1027): «Խորհեցան,- գրում է Ուռհայեցին,- Բագրատունիքն և Պահլավունիքն և այլ ամենայն ազատագունդ զօրքն հայկազանց առնել խաղաղութիւն ի մէջ Յովհաննիսի և Աշոտոյ»: Աշոտն ստիպված տեղի տվեց խաղաղարարների առջև, համաձայնվելով թագավորական իշխանությունը կիսել եղբոր հետ, իսկ նրա մահվանից հետո միայնակ թագավորել Բագրատունյաց Յայաստանում:

Վասակ Յուլունը հատկապես աչքի ընկավ օտար հրոսախմբերի դեմ մղված կռիվներում: Արիստակես Լաստիվերոցին նրան հիշում է «քաջ» մականունով<sup>75</sup>: 1021թ. օտար ցեղերից մեկը Նախճավանի և Դվինի վրայով խուժեց Այրարատի Նիգ գավառ: Մատենագիրներն այս հրոսախմբին հիշում են դելումք (դելմիկներ) անունով<sup>76</sup>: Վարդան Արևելցին սխալմամբ այս արշավանքը վերագրում է սելջուկյան սուլթան Տուրդիլ բեկին, ելնելով հարձակվողների թյուրք լինելու հանգամանքից: Նա գրում է, որ «ի գալ Թուրքին ի Դուին և սփռել ասպատակս, ել ընդդեմ նոցա քաջն Վասակ, և ցուցեալ մեծ քաջութիւն դառնայ ի Սերկկի»: Պատմագիրը նշված արշավանքը դնում է հայոց 470թ.<sup>77</sup>, իմա՝ 1021թ.:

Ենթադրվում է, որ Նիգ գավառ ներխուժած հրոսախումբը Ատրպատականում իշխող Ռավվադյան ամիրայական տան և Գանձակի Շադդադյանների զորքերն էին, որոնց կազմում բացի դայլամցիներից (դելմիկներից) կային նաև թյուրք-օղուզներ<sup>78</sup>:

Թշնամու զորքը, ներխուժելով Նիգ գավառ, հայտնվում է Բջնի ամրոցի մատույցներում: Ինչպես հավաստում է Ուռհայեցին, Վասակ Յուլունն իր որդու՝ Գրիգոր Մագիստրոսի և «փառավոր» ուրիշ իշխանների հետ նստած էր խնջույքի սեղանի մոտ, երբ զուժաբերը հասնելով Բջնիի դարպասներին, բարձրաձայն աղաղակում է՝ «ամբողջ Նիգ գավառը գերվեց»: Այնժամ, շարունակում է մատենագիրը, քաջ զորավար Վասակը գոչեց իբրև առյուծ «և յարուցեալ զգեոյր զգեստ երկաթապատ, և զկնի նորա եւթն այր ազատ, և ըստ պատահելոյ ժամուն այլ հեծելազօրք զկնի նոցա»<sup>79</sup>: Թեև Վասակն իր իշխանության տակ ուներ «արք իբրև հինգ հազար», բայց ջանալով ժամ առաջ կանխել արհավիրքը, նա ընդամենը

<sup>75</sup> Արիստակես Լաստիվերոցի, էջ 62:

<sup>76</sup> Սմբատ Սպարապետ, Տարեգիրք, Վենետիկ, 1956, էջ 6-7, Մատթեոս Ուռհայեցի, էջ 11:

<sup>77</sup> Վարդան Արևելցի, էջ 98:

<sup>78</sup> Տես Ս. Агаджанов и К. Юзбашян, К истории тюркских набегов на Армению в XI в. («Палестинский сборник», вып. 13(76), М.-Л., 1965, с.153-155): Տես նաև Ս. Բրոնազյան, Յայաստանը և սելջուկները XI-XII դդ., Երևան, 1980, էջ 36:

<sup>79</sup> Մատթեոս Ուռհայեցի, էջ 11-12:

հինգ հարյուր ռազմիկների հետ շարժվեց թշնամու ստվարաթիվ գործի դեմ, որը անխնա ասպատակներ էր սփռել իր տիրույթներում:

Մարտադաշտ մեկնելուց առաջ նա Բջնի ամրոցի և իր գերդաստանի պաշտպանությունը դրեց որդու Գրիգորի վրա: Մարտի մեջ մտնելուց առաջ Վասակն ու իր զորայինները եկեղեցում հաղորդություն ստացան և խոստովանանք կատարեցին, որից հետո նա զորքը շարժեց թշնամիների դեմ: Ջորաերթի ժամանակ Վասակն ու յուրայինները մի գյուղում ակամատես եղան զարհուրելի տեսարանի: Թշնամին անխնա սրի էր քաշել գյուղի բնակիչներին, որոնց մի մասը ապաստանել էր գյուղի եկեղեցում, սակայն թշնամին այդտեղ ևս անխնա կոտորում էր նրանց: Եվ, ինչպես հաղորդում է Ուռհայեցին, քաջ Վասակն այդ տեսարանից ցնցված «բարձր ծայրով գոչեց իբրև առյուծ» ու խոյացավ թշնամիների վրա և խիզախ զինակիցների հետ միասին սրի քաշեց երեք հարյուր հոգու, մնացածներին մատնելով փախուստի: Այնուհետև Վասակի զորքը նետվում է թշնամու գլխավոր ուժերի դեմ: Հայ քաջորդիները, շարունակում է մատենագիրը, տեսնելով հակառակորդի մեծաստվար բազմությունը, «միաբան զմահ առաջի եղեալ սկսան արիանալ ի պատերազմին և որպէս զգայլս ի մէջ այծեաց և կամ որպէս զարծուիս յերամս ծագուց, այնպէս արիաբար գնացին ի մէջ պատերազմին և զբազունս խոցեալ դիաթաւալ յերկիր ձգէին»:

Պարտության պատճառով վրեժով համակված թշնամու մի թխանորթ (խափշիկ) զորական, որին իր ամեհի ուժի և համարձակության պատճառով «յոթ գայլ» էին անվանում, հագած զենք ու զրահ, առաջ է գալիս և բարձրագոչ աղաղակով մենամարտի է հրավիրում Վասակ Պահլավունուն: Հայ պատերազմիկներից մեկը՝ Եմրան անունով, տեսնելով սևանորթ ատղահային, որն առաջ էր շարժվում՝ «որպէս զլեռն մրկեալ», գոչում է. «Ահա այր անպարտելի և քաջ, որ այլ չէ ծնեալ ի վերայ երկրի»: Ի պատասխան հնչում են Վասակ Հոլունի խրոխտ խոսքերը. «Ո՛վ առիւծդ և քաջդ Եմրան, վասն էր զարհուրեցար ընդ տեսիլ նորա. ահա ես ելից ընդդէմ նորա և տաց նմա զպարգեւքն, զոր ետ Դաւիթ Գորդիաթու հայիոյչին Աստուծոյ»:

Այս խափշիկը նետվում է Վասակի վրա, կամենալով նիզակի ծայրով վեր բարձրացնել նրան: Սակայն խույս տալով հարվածից, Վասակը հատու շարժումով պողպատյա նիզակն իջեցնում է խափշիկի սաղավարտին և դիաթավալ անում: Այդ տեսարանից ոգեվառված հայ ռազմիկները կուռ շարքերով գրոհում են հակառակորդ զորքի վրա: Սակայն ուժերն անհավասար էին: Արյունահեղ մարտում հերոսի մահով ընկան շատ հայ զինվորներ՝ «յամհուն և զանհնար պատերազմէն ի միմեանց մուլորեալ եղեն դաքք ազատացն»<sup>80</sup>: Հուսաբեկված հայ զորայինները ցանուցիր են

<sup>80</sup> Մատթեոս Ուռհայեցի, էջ 11-14:

լինում, և միայնակ մնալով Վասակն «իբրև զառիւծ զայրացեալ»՝ ճեղքում է թշնամիների օղակը և հեռանում հոգնած ու ընդարմացած: Պարտութեան դառնությունը ճաշակած հերոսը ծանրաթախիծ մտորումներով բարձրանում է Սերկկլի լեռը, նրա զովասուն գրկում գտնելու թալկացած մարմնի հանգիստը: Սակայն դաժան ճակատագրից նա խուսափել չկարողացավ: Քնով անցած հերոսին նկատում են տեղացի շինականները: Վատոգի մեկը ուժգին հարվածում է նրան և ցած գլորում բարձր ժայռից, սպանելով Պահլավունյաց փառասուն հերոսին<sup>81</sup>: Հետագայում Ներսես Շնորհալին իր «Վիպասանութիւն» քերթվածում «թագով փառավորված» Պահլավունիների մասին գրում է, որ տոհմն իր լուսավոր ուղին սկսել է Սահակ Պարթեվից և «մինչև ի Վասակ քաջն հասեալ՝ այն որ արեամբ նահատակեալ»<sup>82</sup>: Ամենայն հավանականությամբ, Վասակ Հոլունին ցած գլորող գեղջուկը չի ճանաչել իր զոհին: Ուստի Մխիթար Այրիվանեցին հիշելով Գրիգոր Մագիստրոսին, գրում է, որ «սա է որդին Հոլուն Վասակայ շինողին Բջնոյ, Կայենոյ և Կայծոնոյ. զոր յանգտս սպանին ի Սերկկել»<sup>83</sup>:

Սկզբնաղբյուրներում Վասակի կինը չի հիշվում: Ենթադրվում է, որ Վասակն ամուսնացած էր Ծաղկոտն և Կոզովիտ գավառների տեր Ալուզ իշխանի դստեր հետ<sup>84</sup>: Այս Ալուզը թովմա Արծրունու և Ամանուն պատմագրի երկերին կցված հավելյալ գլխում հիշվում է «մեծաշուք և տիեզերակալ իշխանաց իշխան» մեծադորդ հորջորջմամբ<sup>85</sup>: Սակայն այս վկայությունը չի կարող կռվան դառնալ վերը նշված ենթադրության համար:

Վասակ Հոլունից մնաց մի որդի Գրիգոր Մագիստրոսը, նաև մի դուստր Սեդա անունով: Ղ. Ալիշանը հիշում է նաև Վասակի երկրորդ որդուն՝ Ապուղամրին՝ վախճանված ծաղկահասակ տարիքում<sup>86</sup>: Պահպանվել է Սեդայի կողմից հոր հիշատակին Բագնայրի վանքին արած նվիրատվության մասին անթվակիր մի արձանագիր հիշատակարան, որտեղ ասվում է. «Ես Սեդա տիկնաց տիկին, դուստր մեծին Վասակայ, զուգակից Վահրամայ իշխանաց իշխանի որդւոյ Աշոտոյ իշխանաց իշխանի. տասանորդեցի զվաստակս գեղջն իմոյ Գաղտայի, ըմծայելով ի սուրբ ուխտս Բագնայրիս, վասն յիշատակի զաւրականին Քրիստոսի՝ հաւրն իմոյ Վասակայ փոխեցելոց յաշխարհես»<sup>87</sup>:

<sup>81</sup> Տես նույն տեղում, էջ 14, Սմբատ, էջ 7-8:

<sup>82</sup> Ներսես Շնորհալի, Բանք չափաւ, Վենետիկ, 1828, էջ 587-588:

<sup>83</sup> Մխիթար Այրիվանեցի, Պատմութիւն Հայոց, Մոսկուա, 1860, էջ 74:

<sup>84</sup> Տես Ղ. Ալիշան, Շնորհալի և պարագայ իւր, էջ 12:

<sup>85</sup> Տես Թովմա Արծրունի և Ամանուն, Պատմութիւն տանն Արծրունեաց, աշխ.

Մ. Պարբինյան-Մելիքյանի, Երևան, 2006, էջ 340:

<sup>86</sup> Տես Ղ. Ալիշան, Շնորհալի և պարագայ իւր, էջ 12:

<sup>87</sup> Ղ. Ալիշան, Շիրակ, էջ 113:

Այս արձանագրությունից պարզվում է, որ Սեդայի ամուսինը Աշոտ իշխանաց իշխանի որդին էր: Վահրամի հայրը հավանաբար Գագիկ I Բագրատունու զորապետներից մեկն էր, որը 998թ. Օումբի ճակատամարտում զորակից եղավ Վահրամ Պահլավունուն<sup>88</sup>: Ասողիկը նրան հիշում է իբրև մարզպան<sup>89</sup>, որն ինչպես հայտնի է, բարձրազդեցիկ գործառույթներով էր օժտված Բագրատունյաց թագավորությունում: Նրա «իշխանաց իշխան» տիտղոսը ժառանգեց որդին՝ Վահրամը Սեդայի ամուսինը:

---

<sup>88</sup> Տես Ստեփաննոս Տարոնեցի, III, ԽԱ, էջ 270:

<sup>89</sup> Տես նույն տեղում:

## Վահրամ Պահլավունի շինարարը և զորավարը

Գրիգոր Համզեն և Շուշան տիկինն ունեին չորս որդի՝ Վահրամը, Վասակը, Համզեն. Ապլղարիբը և մեկ դուստր՝ Սեդան: Վահրամը հորից ժառանգեց սպարապետության գործակալությունը: Նա իր զորավարական տաղանդով, հմուտ մարտավարությամբ, պատերազմներում ցուցաբերած քաջագործություններով պանծացրեց Պահլավունյաց տոհմը՝ բազմապատկելով հայրենիքի փառքը: Վահրամն աչքի ընկավ նաև շինարարական մեծագործություններով և Հայ եկեղեցու, քրիստոնեական հավատի հանդեպ ցուցաբերած ջերմեռանդությամբ: Նրա եղբորորդի Գրիգոր Մագիստրոսը հորեղբոր մահվան առթիվ Սյունյաց արքեպիսկոպոսին հղած թղթում Վահրամ զորավարի մասին խոսում է մեծ գովեստով, ամենլով սրտազեղ որակումներ:

«Որպես ամենայն տիեզերական բնակութեան Թորգոմեան ազգին ասելի է գայրս գայս իբրև զակն տուրնջեան, նաև ոչ միայն մերոցս նահանգի, այլ և այլազանց և այլանդակաց<sup>90</sup>: Քանզի ո՞րք յառաջագոյն իբրու զսա լուաւ, կամ վերծանեալ ի մատեանս բոլոր դիւանաց գտեալ ընթերցեալ և կամ ո՞րք ակն ունելով, յուսացաւ լինել սոյնպիսի. զորմէ թուի ինձ եթէ կամեսցի որ տաղասացութիւնս գովասանական առնել ըստ սովորութեան պուեստիկոսաց, պարտեալ յանճառելիսն սորա յուսայ առաքինութեանցն ծայր. վասնզի զոր ըստ արժանն վարկցի ճշմարտել, զոր եթէ նախքան զմեզ եղեալ սորա, էր արդարեւ անհաւատալի, և առասպել զպատմութիւնն կարծեաք իբրև զելլենացուց հոմերական առասութիւնս, որ յաղագս դիւցազանցն»<sup>91</sup>:

Եղբորորդու սրտազեղ խոսքերը հավաստում են, որ Վահրամ Պահլավունին, որ գերազանցել է ժամանակակիցներին իր քաջապանծ գործերով, արժանի է դյուցազնաշունչ գովքերի, որոնք Մագիստրոսը տաղասացների համար դիտում է որպես անհաս բարձունք, հար և նման հելլենական դյուցազունների մասին հոմերոսյան ասքերի: Վահրամ զորավարի կյանքը հերոսական էր: Նա իր սխրանքներով ոգի և ավյուն էր հաղորդում իր դարաշրջանին: Նրա խրոխտապանծ կերպարում թրթռում է հայրենաշունչ ոգին, զգացվում է նախնյաց փառասուն ավանդույթի շունչը:

Վահրամ Պահլավունին ոչ միայն պանծացրեց հայոց զենքի փառքը, այլև իր շինարարական մեծագործություններով շարունակեց ու զար-

<sup>90</sup> «Այլանդակ» բառն այստեղ ունի «օտարական» իմաստը:

<sup>91</sup> Գրիգոր Մագիստրոսի թղթերը, էջ 37-38:

գացրեց նախնյաց ավանդները: Տակավին 988 թ. նա մոր և եղբայրների հետ սկսեց կառուցել Մարմաշենի վանքը Շիրակում, Ախուրյանի ձախ ափին: Վանքը դարձավ Բագրատունիների Հայոց թագավորության շքեղաշուք կոթողներից մեկը. երկրամասի հոգևոր-մշակութային բարախուն կենտրոնը: Եկեղեցու որմին Վահրամի թողած արձանագրության մեջ ասվում է.

«Շնորհին Աստուծոյ ես Վահրամ իշխանաց իշխան և անթիպատ պատրիկ, որդի Գրիգորի իշխանի Հայոց Մեծաց, ի ցեղէ Պահլավունի և ի զարմից սրբոյն Գրիգորի Հայոց Լուսաւորչի որ յաղագս ի Քրիստոս յուսոյն հիմնադրեցի գաւուրք գտիեգերական ուխտս Մարմաշէն սկսեալ ի ՆԼԷ (988) թուականին Հայոց յաւուրս Սմբատայ որդւոյ Աշոտոյ Հայոց թագաւորի մինչև ի ժամանակս Յովանիսի որդւոյ Գագկայ Հայոց շահանշահի առն իմաստնոյ շինողի և խաղաղարարի եւ ի թուականս Հայոց ՆՅԸ (1029): Եւ կատարեցաք մեծ ջանիւ եւ բազում ծախիւք ես և մայր իմ Շուշանիկ Հայոց տիկնաց տիկին և եղբարք իմ Վասակ իշխան որ նահատակեցաւ ի թուրքաց պատերազմի և Աբլխարիբ Հայոց մարզպան և մանուկն Համզէ որք էաք ամենայն տամբ և տոհմիւ հաւատարիմք տերանց մերոց և նահատակեալ ի վերա տանս Հայոց աշխատութեամբ և արեսամբ մեր և որդւոց մերոց և գանձուց առատութեամբ և ամենայն հնարիւք խնդրեաք զխաղաղութիւնն աշխարհիս և զհաստատութիւնն եկեղեցեաց: Շինեցաք և այլ բազում եկեղեցիս և վանորայս բայց զտեղի հանգստեանս մերոյ առաւել պատուով մեծածուցաք եւ լիացուցաք ամենայն գոյիւք լերամբք և դաշտաւք. աւանդեցաք ի սա գեղս եւ ազարակս զանձագինս... Եւ զարդարեցաք զսա ամենայն կազմութեամբ ի յիշատակ յալիտենից մեզ և որդւոց մերոց եւ կարգեցաք ի ձեռն սուրբ հաւր Երեմիաի և որ զկնի յաջորդեցաւ Սոսթենէս նորին որդիացեալ և փոխարեն հատուցման ընկալեալ մեր ի ժառանգաւորաց սուրբ ուխտիս տարին Զ. քառասունք անխափան մինչև ի գալուստն Քրիստոսի»<sup>92</sup>.

Արձանագրության մեջ շեշտվում է Պահլավունիների հավատարմությունը Հայոց Բագրատունի թագավորների նկատմամբ և Հայրենի երկրի համար կյանքները զոհաբերելու վճռականությունը: Պահլավունիները բոլորանվեր ջանքերով պաշտպանել են Հայրենիքի քաղաքական անդորրը, չեն խնայել իրենց նյութական միջոցները, զանձերը քրիստո-

<sup>92</sup> И. Орбели, Надписи Мармашена, с. 442. Մարմաշենում կառուցված հինգ եկեղեցիներից երեքը կողք կողքի են: Նրանցից մեծում Վահրամը փորագրել տվեց վերոնշյալ արձանագրությունը: Մեծ եկեղեցին միջնադարյան հայ ճարտարպետների զուլվազրոժոցներից մեկն է (Н. Токарский, Архитектура Армении IV-XIV в.в., с. 48): Մարմաշենի չորրորդ եկեղեցին ունի կլոր հիմք: Այն պեղվեց 1950թ., իսկ հինգերորդ եկեղեցու ավերակները գտնվում են Մարմաշենի վանքի հիմնական խմբից հյուսիս ընկած բլրի վրա (նույն տեղում, էջ 217):

սադիր հավատքն ու Հայ առաքելադրոշմ եկեղեցու դավանական ինքնագույն կերպը անխաթար պահելու համար: Նշվում է նաև, որ նրանք կառուցել են շատ վանքեր ու եկեղեցիներ, սակայն Մարմաշենի վանքն իբրև տոհմական դամբանատեղի, նախամեծար են համարել, լիուլի օժտելով կալվածներով, գյուղերով ու ագարակներով, անհրաժեշտ պիտավայրերով:

Սամուել Անեցին գովեստով է հիշում Վահրամ Պահլավունուն, որպես «քրիստոսասեր իշխանաց իշխանի», որի ջանքերով վեր է խոյացել «մեծանուն և վայելչաշեն, զարմանակերտ և հոյակապ» Մարմաշենի վանքը<sup>93</sup>: Վահրամի եկեղեցանպաստ ուղեգծի դրսևորում էր նաև Մաստարայի Ս. Հովհաննես եկեղեցու վերանորոգումն ու հարկերից ազատելը<sup>94</sup>: Վահրամ Պահլավունին 1026թ. հոյաշուք եկեղեցի է կառուցում Անբերդ (Ամբերդ) բերդաքաղաքում, որն ընկած էր Արագած լեռան հարավային ստորոտում, Քասաղի վտակ Անբերդի և վերջինիս ծախակողմյան վտակ Արքաշենի (Արխաշան) միախառնման տեղում գոյացած եռանկյունաձև հրվանդանի վրա, այժմյան Բյուրական գյուղից մոտ 10 կմ հյուսիս: Հավանաբար Անբերդի դոյակը և պարսպապատի որոշ մասեր կառուցվել են VII դ. Կամսարականների օրոք<sup>95</sup>, որոնք հաշվի են առել Անբերդի անմատույց դիրքը (ծովի մակերեվույթից մոտ 2200 մետր բարձր) և պաշտպանական առավելությունները: IX դ. սկզբներին Անբերդին տիրում են Բագրատունիները: Վարդան Արևելցու վկայության համաձայն, Գագիկ I-ի վախճանվելուց հետո նրա որդիները բաժանում են թագավորության տարածքները, նրանցից ավագին՝ Հովհաննես-Սմբատին բաժին է հասնում նաև Անբերդը<sup>96</sup>: Սակայն վերջինիս գահակալության տարիներին երկրի պաշտպանության հոգսերը լիովին ծանրացած էին Վահրամ Պահլավունու ուսերին, որը գնահատելով Անբերդի բացառիկ կարևորությունը Անի մայրաքաղաքն արևելքից պաշտպանելու գործում, այն դարձրեց երկրի պաշտպանական կարևոր հենակետերից մեկը, ամրացրեց նրա խոցելի հատվածները: Վահրամն Անբերդի անպաշտպան մասերում կառուցեց երկրորդ պարիսպները, ամրացրեց նաև միջնաբերդի պալատական հա-

<sup>93</sup> Տես Սամուելի քահանայի Անեցույ Յուսեփունք ի գրոց պատմագրաց, աշխ. Ա. Տէր-Միքելեանի, Վաղարշապատ, 1893, էջ 103:

<sup>94</sup> Տես Դ. Ալիշան, Այրարատ, էջ 136:

<sup>95</sup> Н. Токарский, Архитектура Армении IV-XIV в.в., с. 48, О. Халпахчян, Гражданское зодчество Армении, М., 1971, с. 99.

<sup>96</sup> Վարդան Արևելցի, էջ 92:

մալիքը, հին պարսպապատերը և աշտարակները<sup>97</sup>։ Եւ Ամբերդը դարձրեց նաև իր գերդաստանի ամառանոցավայր։

Ամբերդի պեղումներից հայտնաբերված զինամիջոցների առատությունը (ճիգակներ, նետասլաքներ, կացիմներ, փայտե և կաշվե վահաններ, դաշույններ և այլն) թույլ է տալիս կարծելու, որ Ամբերդն իբրև պաշտպանական հույժ կարևոր հենավայր, ունեցել է զենքեր արտադրող արհեստանոցներ, որոնց միջոցով նրա բնակիչները կարողացել են պաշարունների ժամանակ դիմադրել թշնամիներին<sup>98</sup>։ Վահրամ Պահլավունու ջանքերով է կառուցվել Ամբերդի առաջին գաղտնուղին, որը դոյակից հասնում էր Ամբերդ գետ<sup>99</sup>։ Վահրամ Պահլավունու օրոք աճեց Ամբերդի բնակչության թիվը (նրա կողմից բերդաքաղաքի պարիսպների երկրորդ գծի կառուցումը դրանով էր թելադրված)։ Ամբերդ բերդաքաղաքը նաև արհեստագործական կենտրոն էր, որի բնակչությանն սպասարկելու համար կային խեցեղենի, պղնձե և երկաթե իրեր պատրաստող արհեստանոցներ<sup>100</sup>։

Պահլավունիների օրոք Ամբերդը դարձավ ոչ միայն ռազմա-քաղաքական կարևոր հենակետ, այլև եկեղեցական նշանավոր կենտրոն։ Շնորհիվ Վահրամ Պահլավունու գործադրած ջանքերի, Ամբերդը վերածվեց նաև եպիսկոպոսամիստի։ 1036թ. Ամբերդի ամրոցի գրեթե կենտրոնում նա կառուցեց կաթողիկե (մայր) եկեղեցի, որը ցարդ կանգուն է։ Այն կենտրոնագմբեթ է, ունի խաչաձև հատակագիծ, արտաքին կողմից ուղղանկյուն քառակուսի հորինվածք, զույգ մուտքեր (հյուսիսից և հարավից)<sup>101</sup>։ Ամբերդի եկեղեցին նման է Մարմաշենի եկեղեցուն<sup>102</sup>։

Եկեղեցու կառուցումն ավարտելու տարում 1036թ. Վահրամ Պահլավունին նրա բարավորին քանդակել է տվել արծաճագրություն<sup>103</sup>, որտեղ հաղորդվում է.

«Ամին ՆՅԵ (1026), ես իշխանս Վահրամ շ(ի)նեցի զկաթողիկես աթոռ հարապետական և սահմանեցի պտուղ Նիզի՛ տունն Բ կապիճ ց(ո)

<sup>97</sup> Н. Токарский, Архитектура Армении, с. 44, 48, У. Հարությունյան, Ամբերդ, Երևան, 1978, էջ 20:

<sup>98</sup> Ս. Հարությունյան, Ամբերդ, էջ 81-88:

<sup>99</sup> Н. Токарский, По страницам истории армянской архитектуры, Ереван, 1973, с. 38.

<sup>100</sup> Ս. Հարությունյան, նշվ. աշխ., էջ 103-108:

<sup>101</sup> Նույն տեղում, էջ 50-51:

<sup>102</sup> Թ. Թորամանյան, Նյութեր հայկական ճարտարապետության պատմության, հ. II, Երևան, 1948, էջ 114:

<sup>103</sup> Արծաճագրությունն առաջին անգամ վերծանվեց 1922թ. է Գ. Հովսեփյանի և Ե. Տեր-Մինասյանի կողմից (տես Ե. Տեր-Մինասյան, Ամբերդաձորի հնությունները և արծաճագրությունները («Էջմիածին»), 1961, Ե, էջ 45-46):

րեան, յԱրագածոտնէ յեգին Բ փասօգի, ի Զաղբոդաշտի բաբակն Ժ լիտր: Յէրեցն Ա դ(ա)հ(եկեան) յիւրո և ի կնոչէ, Գ դ(ա)հ(եկան) հողադր(ամ): Ձեռնադրելէ Դ: ՅԱնբերդի պտուղ ի տունն Դ կապիճ ց(ո)ր(եան), Ա կտավահատ: Այլ տուաք զջաղացն վերա կարմնճին: Ի պսակի Գ դ(ա)հ(եկան), հողադր(ամ), կնքադր(ամ), տնաւրինէ(ք): Ժողովուրդ, որ ոչ կատարէ, պատժեն(ս)ցի յԱստուծոյ: Իշխան, որ տիրեն, հակառ կա, դատի յԱստուծոյ»<sup>104</sup>:

Այս արձանագրութեամբ հավաստվում է, որ Վահրամ Պահլավունցին կաթողիկէ եկեղեցին կառուցել է որպէս Անբերդի «հայրապետական» (եպիսկոպոսական) աթոռանիստ: Այնուհետև նշված են Վահրամի հրամանով սահմանված հարկերն ու տուրքերը, որոնք հավաքվելու էին Անբերդի նորահիմն եպիսկոպոսական աթոռի օգտին, վերջինիս իրավասութեանը ենթակա եկեղեցական վիճակների ընտանիքներից (ծխերից): Ըստ այդմ Անբերդի աթոռի ենթակայության տակ գտնվող չորս գավառներից կաթողիկէի օգտին գանձվելու էին (բնամթերքով) հետևյալ հասույթները: Նիգ գավառից՝ ցորեն, Արագածոտնից՝ գինի, Զաղաքուդաշտի (Վաղարշապատի) գավառից՝ բամբակ, Անբերդի գավառից՝ ցորեն, կտավատ: Այդպիսով հնարավոր է դառնում որոշել, թե տվյալ գավառում գյուղատնտեսության որ ճյուղն է զարգացած եղել: Սահմանվում են Անբերդի աթոռի օգտին վճարվող հիմնական տուրքի՝ պտղիի չափերը, Նիգ գավառում՝ յուրաքանչյուր ընտանիքից՝ 2 կապիճ (19,744 կգ) ցորեն, Արագածոտնում ամեն մի այգուց՝ երկու փաս<sup>105</sup> (10-11 լիտր) գինի, Զաղաքուդաշտի գավառի յուրաքանչյուր ծխից 10 լիտր (մոտ 4,08 կգ) բամբակ, Անբերդի գավառում ամեն մի տուն պարտավոր էր վճարել 4 կապիճ (մոտ 36 կգ) ցորեն և մեկ կապիճ (8,976 կգ) կտավատ: Արձանագրության մեջ նշված է նաև Արքաշեն գետակի վրայի ջրաղացը Անբերդի աթոռին հատկացնելու մասին: Ընդսմին եկեղեցական արարողությունների, հոգևոր սպասարկությունների դիմաց Անբերդի աթոռին վճարվող հասույթները նշված են ոսկեդրամով (դահեկանով):

Վահրամ Պահլավունու հովանու տակ Անբերդը զարգացում ապրեց, ինչը ցավոք, ընդհատվեց նրա ողբերգական մահվամբ: Ուշագրավ է, որ XI դ. վրաց անանուն ժամանակագիրը նշում է, որ երբ հայերը ծառանալով Բյուզանդիայի դեմ, կամեցան Անին հանձնել վրաց Բագրատ թագավորի մորը՝ Մարիամին՝ Սենեքերիմ Արծրունու դստերը, Անբերդը

<sup>104</sup> Ս. Ավագյան, Վիճագրական պրայտումներ, Երևան, 1986, էջ 48-49:

<sup>105</sup> Զաղցուի կամ գինու չափը որոշող հեղուկաչափ (փարչ, թաս), որը հավասար էր 5,32 կգ-ի (տես Ս. Ավագյան, Վիճական արձանագրությունների բառաքննություն, Երևան, 1978, էջ 338):

չհանձնվեց վրացիներին<sup>106</sup>, անշուշտ, Վահրամ Պահլավունու կամքով: Սակայն Բյուզանդիայի նենգադրուժ քաղաքականության հետևանքով 1045թ. Անբերդը ևս ներկայվեց նրա տիրապետության ոլորտ, իսկ XI դ. կեսերից այն գավթեցին սելջուկ-թյուրքերը: 1196թ. երբ Ջաքարե զորավարն ազատագրելով Անբերդը, հանձնեց Վաչուտյաններին, ամրոցը վերստացավ իր նախկին ռազմա-պաշտպանական նշանակությունը<sup>107</sup>:

Վահրամ Պահլավունին պանծացրեց հայոց զենքի հռչակը: Նրա զորավարական տաղանդը դրսևորվեց տակավին 998թ. Վանա լճից ոչ հեռու, Ծունք անունով գյուղի մոտ տեղի ունեցած ճակատամարտում, որտեղ հայ-վրացական զորայինները փայլուն հաղթանակ տարան Ատրպատականի Մանլան ամիրայի զերակչիռ ուժերի դեմ (վերջինս սերում էր Թավրիզին իշխող քրդական Ռավվադյան տոհմից)<sup>108</sup>: Հակառակորդ Վասպուրականի Արծրունյաց թագավորության տարածքով շարժվում է դեպի Վանա լճի ոլորտ Ապահունիք գավառ, որը դեռևս 978թ. Բյուզանդիայի Վասիլ II կայսրը ուրիշ գավառների հետ (Հարք, Կարին, Բասեն, Մարդաղի) հանձնել էր Տայք նահանգի տեր Դավիթ Բագրատունուն (կյուրապաղատին), ի տրիտուր Բյուզանդիայի ծագումով հայ զորապետ Վարդ Սկլերոսի կողմից կայսեր դեմ հարուցած ապստամբության ժամանակ վերջինիս նկատմամբ Դավիթ կյուրապաղատի ցուցաբերած զորակցության<sup>109</sup>: Մանլանը նպատակադրվել էր վրիժախատույց լինել Դավիթ կյուրապաղատի նկատմամբ, այն բանի համար, որ վերջինս տիրանալով Մանազկերտ քաղաքին, տեղահանել էր նրա մահմեդական բնակչությանը և այնտեղ բնակեցրել հայերի ու վրացիների: Ասողիկը վկայում է, որ Ատրպատականի ամիրան «կուտե առ ինքն զբազմութիւն զօրացն Պարսից և Մարաց, և օգնականութեամբ ամիրային հորասանայ և այլ խուժադուժ զօրօք բազմօք խորիի տիրել Հայոց և Վրաց... և յաւարի առնուլ զերկիրն Տայոց, փոխանակ զի ի Մանազկերտ զտուն աղօթից նոցա կործա-

<sup>106</sup> Լ. Մելիքսեթ-Քեկ, Վրաց աղբյուրները Հայաստանի և հայերի մասին հ. Ա, Երևան, 1934, էջ 205-206:

<sup>107</sup> Հ. Մարգարեան, Վաչուտեանների իշխանական տան պատմութիւնից («Շողակաթ», Ստանպուլ, 1995, էջ 40): Ն Տոկարսկու կարծիքով Անիի Առաքելոց եկեղեցու ոճական առանձնահատկություններից երևում է, որ այն նույնպես կառուցել է Վահրամ Պահլավունին (տես Н. Токарский, По страницам истории армянской архитектуры, с. 44): Ախուրյանի ծորում, Գյումրիից 7-8 կմ դեպի հյուսիս-արևմուտք ընկած Վահրամաշեն բերդը (այժմ ավերակ) հավանաբար Վահրամ Պահլավունու ամրոցն էր՝ կառուցված նախաքրիստոնեական բերդի տեղում (Թ. Թորամանյան, նշվ. աշխ., էջ 39, 315):

<sup>108</sup> V. Minorsky, *Studies in Caucasian History*, London, 1953, p.47.

<sup>109</sup> Steu N. Adontz, *Tornik le Moine («Etudes Armeno-Byzantines»*, Lisbonne, 1965, p.297-298).

նեցին քրիստոնեայք»<sup>110</sup>: Մատթեոս Ուռհայեցու հավատամամբ, Մամլան ամիրան սպառնալից նամակ է ուղարկում «առ աստուածասէր և սուրբ այրն Աստուծոյ Դավիթ կուրապաղատն», պահանջելով փութապես վճարել տասը տարվա հարկ, ուղարկել պատանդներ և «զիր ծառայության», սպառնալով իր պահանջը մերժելու պարագայում հարձակվել Տայքի կյուրապաղատի վրա «մեծաւ զօրութեամբ», որից վերջինիս ոչ ոք չպետք է կարողանար փրկել<sup>111</sup>:

Դավիթ կյուրապաղատն արդեն ծերացել էր, ուստի սկզբում, «ոչ անծամբն երթայ ի պատերազմ»: Նա օգնակոչով դիմեց Յայոց թագավոր Գագիկ I Բագրատունուն և վրաց Գուրգեն Բագրատունի թագավորին, խնդրելով «տալ զօրս յօգնականութիւն»: Գագիկ I-ը հեռատեսորեն վերահասու եղավ վտանգավոր կացությանը և փութապես վեց հազար հայ ռազմիկների՝ «յընտիր ընտիր վառելոցն՝ գունարէ ի ձեռն իշխանաց իշխանին Վահրամայ, որդւոյ Գրիգորոյ Պահլաւունւոյ», որի հետ էին նաև որդին՝ Սմբատ Մագիստրոսը, Աշոտ մարզպանը և Վանանդի (Վարսի) Աբաս թագավորն իր զորաբաժնով<sup>112</sup>: Ասողիկի այս հաղորդումից երևում է, որ 998թ. Վահրամ Պահլավունին արդեն օժտված էր իշխանաց իշխանի իրավագործությամբ, վարում էր նաև սպարապետի պաշտոնը, ինչն ապացույց է Պահլավունիների հանդեպ Բագրատունիների վստահության, իհարկե, նաև վերջիններիս նկատմամբ այդ տոհմի ցուցաբերած հավատարմության:

Վրաց Գուրգեն թագավորը ևս վեց հազարանոց օգնական զորք ուղարկեց Ապահունիք՝ վրաց իշխանաց իշխան Փերսիի գլխավորությամբ: Իր հերթին Դավիթ կյուրապաղատը, ինչպես վկայում է Մատթեոս Ուռհայեցին, Մամլանի հոխորտալից նամակից հետո «հրամայեաց ժողով լինել զօրաց իւրոց զազատս և զամենայն հեծելազօրս իւր, զՎաչէ և զՏելդատ և զՓերսն և զայլ զօրսն Յայոց»<sup>113</sup> աշխարհին հետեւակս աղեղնաւորս երեք հազար, և ձիաւորս երկու հազար և իինգ հարիւր»<sup>114</sup>: Այդպիսով Մամլանի զորքին պետք է դիմակայեին հայ-վրացական 17500 պատերազմիկներ: Թշնամին ըստ Ուռհայեցու հաղորդման, մարտադաշտում ուներ 200 հազարանոց զորք<sup>115</sup>: Ասողիկի վկայությամբ «միաբան

<sup>110</sup> Տես Ստեփաննոս Տարոնեցի, III, ԽԱ, էջ 270:

<sup>111</sup> Տես Մատթեոս Ուռհայեցի, Ժամանակագրութիւն, Վաղարշապատ, 1898, էջ 35: Ուռհայեցին օգտվել է հայ ժողովրդական վեպից (տես Գ. Մարգարյան, վիպական տարրերը X-XII դարերի հայ պատմագրության մեջ («ՊԲՅ», 1987, N 4, էջ 43-44):

<sup>112</sup> Տես Ստեփաննոս Տարոնեցի, III, ԽԱ, էջ 270-271:

<sup>113</sup> Մատթեոս Ուռհայեցի, էջ 36:

<sup>114</sup> Տես նույն տեղում:

<sup>115</sup> Տես Մատթեոս Ուռհայեցի, էջ 36:

հասանելին զօրքն Հայոց և Վրաց, և չուեալ երթան ի գաւառն Ապահու-  
նեաց», բանակելով «յամոհման բանակին Մամլանայ ի բարձրաւանդակ  
ամրագոյն տեղւոջ մի, ի սահմանս գեղջն Ծմբոյ», որտեղ նրանք մնացին  
«բազում աւուրս»<sup>116</sup>: Ըստ Ուռհայեցու, Մամլանի գորքը բանակել էր հո-  
սոնք գյուղում: Մարտի է ելնում նաև տայոց գորքը, որը Դավիթ կյուրա-  
պաղատի գլխավորությամբ շարժվում է «ընդդէմ չար գազանին Մամլա-  
նայ», հասնելով «ի սահմանս Ապահունեաց»<sup>117</sup>, այդպիսով համալրելով  
մարտադաշտ նետված հայ-վրացական զորքի շարքերը: Ռազմի ելած հա-  
կառակորդ ուժերն «ի բազում աւուրս» սպասողական վիճակում էին: Ասո-  
ղիկը գրում է, որ հայոց և վրաց զորքերը չէին համարձակվում նախահար-  
ծակ լինել՝ «ի սաստկութենէ» թշնամու գերակշիռ զորքի և «միայն աղօ-  
թիւք պաղատանս առ Աստուած վերառաքէին»<sup>118</sup>:

Ահարկու ախոյանի հետ վերահաս ընդհարման վտանգն այնչո՞ք  
էր Հայաստանն ու Վրաստանը, որոնց թագավորները Ասողիկի վկայու-  
թյամբ՝ «առատածեռն զողորմութիւնսն աղքատաց բաշխէին, և զցայսն  
պաշտօն սաղմոսանուագ երգոց ուխտն սրբութեան հանդերձ հայրապե-  
տան կատարէին»<sup>119</sup>: Դավիթ կյուրապաղատը ևս ապավինում էր աղոթք-  
ներին, մաղթանքներին: Նա, ինչպես հավաստում է Ուռհայեցին, «զամե-  
նայն աշխարհն յաղօթս և ի պաղատանս և յաղաչանս մեծաւ պաղատա-  
նօք ի խնդրուածս Աստուծոյ կացուցանէր...»<sup>120</sup>:

Իր թվական գերակշռության վրա վստահ թշնամին շարժվեց քրիս-  
տոնյա զորքի դեմ «յամսամտին Արեգ ամսոյ, յերեքշաբաթուջ աւուր ընդ  
առաւոտանալն»<sup>121</sup>, որն ընկնում է 998թ. հոկտեմբերի 18-ին<sup>122</sup>: Մամլանի  
զինվորները «ճակատ պատրաստէին բազմակրկին յօրինուածով, ռազմ  
յօրինէին ընդ երեսս լայն դաշտին դելմաստանեան վահանափակովն,  
գային մերծենային մօտ ի բլուրն բանակին Հայոց և Վրաց»: Այնուհետև  
նրանք բարձրագոյ աղաղակներով հայ և վրացի ռազմիկներին մարտի են  
հրավիրում: Վերջիններս չեն ենթարկվում թշնամու գրգռակոչին, այլ լոկ  
հինգ վրացի մարտիկի ուղարկում են թշնամի զորականների դեմ մենա-  
մարտելու համար: Վստահ իր հաղթանակի նկատմամբ, թշնամին իր հե-  
ծելազորը նետում է հայ-վրացական զորքի վրա, կամենալով այն վերա-  
ծել «կապուտ մեռելոց դիականց կամ փախուցելոց»: Հայ և վրաց ռազ-

<sup>116</sup> Ստեփաննոս Տարոնեցի, էջ 271:

<sup>117</sup> Մատթեոս Ուռհայեցի, էջ 36:

<sup>118</sup> Ստեփաննոս Տարոնեցի, էջ 217:

<sup>119</sup> Նույն տեղում:

<sup>120</sup> Մատթեոս Ուռհայեցի, էջ 36:

<sup>121</sup> Տես Ստեփաննոս Տարոնեցի, էջ 271:

<sup>122</sup> Հմմտ. Մ. Օրմանեան, Ազգապատում, Ա, սյունակ 1371-1372:

միկները հեծնելով ձիերը խոյացան թշնամիների վրա, առանց նախապես մարտակարգեր կազմելու: Նրանք, ինչպես վկայում է պատմագիրը, «ոչ ըստ օրինաց պատերազմի ճակատ յօրինէին, այլ իւրաքանչիւրքն ըստ տոհմից և աւագութեան գնդից դիմէին, առիւծաբար մռնչելով»<sup>123</sup>:

Ըստ Ուռհայեցու, Ծումբ գյուղի մոտ տեղի ունեցած ճակատամարտը բռնկվեց գիշերը, երբ «էր լոյս լուսնին սաստիկ»: Լեռների վրա տեղացած անծրևի պատճառով հայոց և վրաց զինվորների զենք ու զրահները «փայլատակէին իբրև զբոց հրոց», որից ահաբեկված այլազգիների զորքը կարծեց, թե «այն ամենայն բազմութիւն զօրաց քրիստոնէիցն իցեն և յայնժամ առ հասարակ ի փախուստ դարձան»<sup>124</sup>: Հայոց զորքը Վահրամ Պահլավունու գլխավորությամբ սրընթաց գրոհեց թշնամու աջակողմյան ստվարաթիվ բազմության վրա և «խուռն խոցուածովք և խիստ և խոր սուսերահար հարկանելով» ջարդեց նրան և արեց ցիրուցան: Քաջաբար էին մարտնչում նաև վրացի ռազմիկները՝ Գամրեկելի եղբայրների հրամանատարությամբ<sup>125</sup>: Հետագայում Վահրամի եղբորորդին՝ Գրիգոր Մագիստրոսը հորեղբոր մահը ողբալով, շեշտում է հայ և վրաց զորքերի մարտակցությունը Վահրամի սպարապետության տարիներին, անշուշտ, նկատի առնելով նաև նշված ճակատամարտում նրանց զինադաշինքը: «Ի Վերիացւոցն,- գրում է նա,- հզօրաց և արիական զօրաց նոցա բազում անգամ մարտակցութեամբ և արեամբ և վաճառմամբ որդեացոյ և քոյո՛ր ազգի գնեալ զաշխարհոյ. և երբեմն ի նոսա արի երևեալ և հրաշից հիացման արժանի և վեր քան զմտածութիւն»<sup>126</sup>: Վրացիները, շարունակում է մատենագիրը, պարերով ու երգերով էին գովերգում Վահրամի սխրանքները: Նրանք «զքոյո՛ր հանդիսի մրցութիւն տաղս և սռինչս յօրինեալ... ազատագունդն պարէին և ի հրապարակս գռեհից և քաղաքաց իբրու դյուցազանցն երգէին»<sup>127</sup>:

Ծումբի ճակատամարտը պանծացրեց թե հայոց և թե վրաց զինական հռչակը: Այդ հաղթական մարտում, հավաստում է Մատթեոս Ուռհայեցին, «զհետ մտեալ ամենայն զօրօքն արարին զզօրսն անօրինացն փախստական սաստիկ կոտորածով, առին անթիւ և անհամար գերութիւն և աւար ոսկւոյ և արծաթոյ»<sup>128</sup>: Հայ և վրացի ռազմիկները խուճապահար փախչող թշնամիներին հալածեցին մինչև Արճեշ քաղաքի մատույցները՝ «ի սուր սուսերի մաշելով զնոսա մինչև ի մուտս արևուն», - գրում է Ասողի-

<sup>123</sup> Ստեփաննոս Տարոնեցի, էջ 272:

<sup>124</sup> Մատթեոս Ուռհայեցի, էջ 37:

<sup>125</sup> Տես Ստեփաննոս Տարոնեցին, էջ 273:

<sup>126</sup> Գրիգոր Մագիստրոսի թղթերը, էջ 40:

<sup>127</sup> Նույն տեղում:

<sup>128</sup> Մատթեոս Ուռհայեցի, էջ 37:

կը, հավելելով նաև, որ հայերն ու վրացիները տվեցին ընդամենը հինգ գոհ (վրացի գորականներից) և այն էլ ճակատամարտն սկսվելուց առաջ, երբ նրանցից ոմանք մենամարտում էին առաջ նետված հակառակորդ զորայինների հետ<sup>129</sup>:

Վահրամ Պահլավունին ջատագով էր Վրաստանի հետ Չայաստանի զինակցությանը: Նա թերևս համոզված էր, որ այն կարող էր դառնալ հուսալի երաշխիք հարևան ամիրայությունների կողմից հարուցվող սպառնալիքների, նվաճողական նկրտումների դեմ: Ստեղծված պայմաններում կրոնադավանական գործոնը մղվում էր հետին պլան, և առաջնություն էր տրվում ռազմա-քաղաքական գործընթացներին, երկու երկրների մարտական դաշինքին, քանի որ Բյուզանդիան հավասարապես սպառնում էր թե դավանակից Վրաստանին և թե հայադավանությունը քաղաքական ինքնության դրոշ դարձրած Չայաստանին ու նրա առաքելաշաղկիղ եկեղեցուն: Քաղաքական այդ դիրքորոշումը շարունակվեց նաև հետագայում, Չայոց Բագրատունիների թագավորության անկումից հետո: Ուշագրավ է, որ 1045թ., երբ Բյուզանդիան ջանում էր նենգությամբ տիրանալ Անի մայրաքաղաքին, ծանր կացության մեջ գտնվող «քաղաքացի գլխաւորքն որ նստէին յԱնի», Տաշիր-Չորագետի թագավոր Դավիթ Անհողիին կամ Վրաց և ափսազաց Բագրատունի թագավոր Բագրատ IV-ին առաջարկեցին գրավել Անին, երբ համոզվեցին, որ Գագիկ II թագավորն այլևս չի կարող վերադառնալ Չայաստան<sup>130</sup>:

Ծումբի ճակատամարտից հետո, երկրի համար խիստ բախտորոշ ժամանակաշրջանում, Վահրամ Պահլավունին շարունակեց գլխավորել հայոց գորուծը, օգնելով իր ավագ եղբորը՝ սպարապետ Վասակին:

Վասակ Յուլունի եղբայրը՝ սպարապետ և իշխանաց իշխան Վահրամ Պահլավունին Ծումբի ճակատամարտի հերոսը, առնչտ հավատարիմ մնաց Չայրենի երկրի ազատությանը, Չայոց անկախության պահպանման նախանձախնդիր իր տոհմի ավանդներին և բոլորանվեր ջանքերով սատար կանգնեց Բագրատունյաց թագավորությանը: Չայրենասեր գործչի, տաղանդավոր գորավարի և նրա հարազատների քաղաքական հավատամքն իր ցայտուն արտահայտությունն է գտել Մարմաշենի վերոնշյալ արձանագրության մեջ, որտեղ Վահրամի ու նրա տոհմակիցների անունից ասվում է. «Էաք ամենայն տամբ և տոհմիւ հաւատարիմք տերանց մերոց և նահատակեալ ի վերա տանս Չայոց. աշխատութեամբ և արեամբ մեր և որդւոց մերոց և գանձուց առատութեամբ և ամենայն հնա-

<sup>129</sup> Ստեփաննոս Տարոնեցի, էջ 273:

<sup>130</sup> Արիստակես Լաստիվերտցի, Պատմութիւն, աշխ. 4. Յուզբաշյանի, Երևան, 1963, էջ 62:

րիւք խնդրեաք զխաղաղութիւնն աշխարհիս և զհաստատութիւն եկեղեցեաց...»<sup>131</sup>:

Գրիգոր Մագիստրոսն իր հորեղբոր մահիվան առթիվ Սյունյաց արքեպիսկոպոսին հղած ներբողական թղթում Վահրամին համեմատում է իին Իսրայելի Դեսու գորավարի հետ, որը Մովսեսի հորդորով պատերազմեց ամաղեկացիների դեմ, սրածելով նրանց ողջ զորքը<sup>132</sup>: «Արի իբրև զՅեսու քաջամարտկութեամբ յոքնախումբ ճակատամարտս հրաշից արժանացեալ դիւցազնական ընդ քոց հաւոց», - գրում է Մագիստրոսը<sup>133</sup>, չմոռանալով շեշտել նաև հորեղբոր գրավիչ արտաքինը, գեղանձն տեսքը՝ «գեղեցկապարանոց և չքնաղաղէմ տեսլեամբ որպէս Արայն մեր և Անուշաւանն Սաւսանուէրն Արայեան»: Նա նշում է նաև Վահրամի հոգևոր բարեմասնությունները՝ «մաքուր վարքն ու ողջախոհությունը», հայրենասիրությունն ու աշխարհաշինությունը: Մագիստրոսը նրան համարում է «քաջահանճար և ուշեղ, իմաստուն և խոհեմ, հեզ և համդարտ, արդարադատ և անաչառու, առատ և զուարթ, մարդասէր և օտարասէր, անոխակալ և անյիշաչար, անապատասէր և կրօնաւորասէր, և ամենայն բոլոր բարեաց օթեվան. քանզի յօրինիչ ձեռն և կերտացօղ, և առատածիր գանձուց բաշխումն...»<sup>134</sup>: Մատենագիրը շեշտում է նաև հորեղբոր մաքրակենցաղ միստուկացը<sup>135</sup>, հիշում նրա աղքատասիրությունը, որբերի ու այրիների հանդեպ հոգածու վերաբերմունքը, գերիներին փրկագնելը, կալանավածներին ազատ արձակելը, հայրենի եզերքից հեռացածներին, հայրենակորույսներին վերադարձնելն ու միատեղ ժողովելը: Վահրամը գիտակցում էր, որ երկրի պետականությունը կարող է կանգուն լինել միայն նրա ժողովրդի գոյատևման պարագայում, ուստի լիաբուռն ջանքեր էր ներդնում այդ ուղղությամբ, դառնալով «ամենեցուն ապաստան»: Նրա ամուսնը հնչում էր ամենուրեք՝ «ի տունս, ի քաղաքս, ի հրապարակս», տարածելով նրա բարության, մարդասիրության, ազգանվեր գործունեության համբավը<sup>136</sup>:

Գրիգոր Մագիստրոսի բեղուն գրչի տակ ամբողջանում է Վահրամի կերպարը, շեշտվում են նրա մարդկային արժանիքները, հայրենասեր գործչի ազգասիրությունը, քաղաքական նպատակասլաց ուղեգիծն ու բարի համբավը:

---

<sup>131</sup> И. Орбели, Надписи Мармашена, с. 442.

<sup>132</sup> Տես Ելք, ԺԷ, 8

<sup>133</sup> Գրիգոր Մագիստրոսի թղթերը, էջ 38:

<sup>134</sup> Նույն տեղում:

<sup>135</sup> Տես նույն տեղում, էջ 42:

<sup>136</sup> Տես նույն տեղում, էջ 39:

Արխատակես Լաստիվերցին Վահրամ Պահլուունուն բնութագրում է որպես «այր հզոր և անուանի, և բարեպաշտութեամբ յոյժ վեհ, որպէս թէ ոչ որ հաւասար նմա Պահլաւ»<sup>137</sup>: Երկրի պետականության պահպանման համար Վահրամ Պահլավունին և ուրիշներ, ինչպես նշվեց, կարողացան Հովհաննես Սմբատ թագավորին հաշտեցնել նրա եղբոր Աշոտի հետ, որի շնորհիվ հանգուցալուծվեց նրանց միջև արժարծված արյունոտ վեճը, և վերջ գտավ եղբայրասպան քաղաքացիական պատերազմը: Դրանից հետո Վահրամը շարունակեց վարել սպարապետի պաշտոնը Հովհաննես-Սմբատի իրավասությանը ենթակա գավառներում: (Աշոտ IV-ն ինքն էր կատարում իրեն ենթակա բաժնի սպարապետի պարտականությունները): Սակայն Աշոտ IV-ի մահվանից (1041թ.) հետո նրա գործը բարոյալքվեց, հակվելով բյուզանդացիների կողմը: «Եւ,- գրում է Մատթեոս Ուռհայեցին,- եղև զկնի մահուանն Աշոտոյ թուլամորթեցան զօրքն Հայոց և ատեցին զարուեստս պատերազմի, մտին ընդ լծով ծառայութեան ազգին հոռոմոց... հեռացան ի միաբանութենէ միմեանց և յօգնութիւն իրերաց ոչ հասանէին... Եւ եղեն աւերիչք ազգականաց իւրեանց և ի կողմն հակառակաց իւրեանց դարձան»<sup>138</sup>: Ըստ երևույթին բյուզանդամետ տարրերն Աշոտ IV-ի մահվանից (որը հավանաբար նրանք էին նյութել) հետո կարողացան Բագրատունյաց թագավորության այդ մասում սերմանել կայսրությանը միանալու մտայնություն, շահարկելով մահմեդական (թյուրքական) ցեղերի հարածամյա սպառնալիքները, որին սակայն հայոց զորուժը պատշաճ հակահարվածներ էր տվել: Եվ երբ Հովհաննես-Սմբատի կտակը իրագործելուն հետամուտ Բյուզանդիայի Միքայել IV կայսրը 1041թ. զորքը շարժեց դեպի Անի, ինչպես հավաստում է Ուռհայեցին, «առ ի չգոյէ զլուխ զօրացն Հայոց, բազում տեղիք հաւանեցան Հոռոմոց»<sup>139</sup>: Մատենագիրն անշուշտ, նկատի ունի Աշոտ IV-ի մահվանից հետո նրան վերապահված բաժնում ստեղծված կացությունը: Սակայն անեցիների հայրենաշունչ ոգին չընկրկեց նվաճողի առջև: Հայերին ոգեվառողը, նրանց դիմադրական կորովի հոգին Վահրամ Պահլավունին էր: Եվ երբ բյուզանդական բանակը պաշարեց մայրաքաղաք Անին, «յայնժամ,- գրում է Ուռհայեցին,- ժողովեցան մնացեալք զօրքն Հայոց առ մեծ սպարապետն Վահրամ Պահլաւունին և խնդրէին ելանել ի պատերազմ ի վերայ զօրացն Հոռոմոց»<sup>140</sup>: Մատենագիրը չի թաքցնում իր ոգևորությունը Վահրամի գլխավորությամբ բյուզանդական զորքի դեմ հայերի շահած հաղթանակի առթիվ: Հայ ռազմիկների 30 հազարանոց զորախումբը

<sup>137</sup> Արխատակես Լաստիվերցի, էջ 57-58:

<sup>138</sup> Մատթեոս Ուռհայեցի, էջ 79:

<sup>139</sup> Լույն տեղում, էջ 85:

<sup>140</sup> Լույն տեղում, էջ 85-86:

դուրս գալով Անիի Ծաղկոց անունով դարպասից, խոյանում է թշնամիների վրա: Հայ քաջորդիները, գրում է Ուռհայեցին, կայծակի նման թափվեցին բյուզանդական զորքի վրա, «և զայնքան հպարտացեալ և զամբարտաւանեալ զօրսն ընդ կրունկն դարձուցանէին ի փախուստ... և Ախուրեան գետն որ գայր՝ ի յարիւն դարձաւ. և ի ծայն գազանացեալ զօրացն Հայոց փախստականքն ոչ կարէին փախչել, այլ կային յիմարեալք և մատնեալք ի ձեռս սրոյ. եւ անդ էր տեսանել զահեղ և զմեծ օրն ի վերայ զօրացն Հռոմոնոց, որ ի քսան հազարէն հարիւր լինէր մնացեալ»<sup>141</sup>:

Բյուզանդական զորքի պարտութիւնը կատարյալ էր, ուստի «սրբասնեալն և մեծ սպարապետն Վահրամ Պառլաւունին», - գրում է Ուռհայեցին, - հայոց զորքին հրամայում է դադարեցնել թշնամի զինվորների կոտորածը, որով և վերջիններիս զգալի մասը կարողանում է փրկվել անխուսափելի վախճանից: Նրանք «դարձան ամօթով և գնացին ի Կոստանդնուպօլիս»<sup>142</sup>, եզրափակում է իր խոսքը Մատթեոս Ուռհայեցին:

Սակայն Հայոց Բագրատունիների թագավորութիւնում անդուլ զործունեություն ծավալեցին բյուզանդամետ խմբավորման ներկայացուցիչները, որոնք նպատակադրվել էին Հայաստանը զցել կայսրության գերիշխանության տակ: Այս հոսանքի պարագլուխներն էին Պետրոս Գետադարձ կաթողիկոսը և Սարգիս իշխանը, որն իր ծառայությունների դիմաց Բյուզանդիայի կայսրից ստացել էր վեստի և անթիպատ պատրիկի պատվատիտղոսները: Հատկանշելի փաստ է, որ Տեկորի վանքի մերձակայքում գտնվող Խժկոնքի յուրաշէն եկեղեցուն 1033 թ. փորագրված արձանագրության մեջ Վեստ Սարգիսն իրեն հորջորջում է իբրև «սիրելի ճորտերից թագաւորաց Հռոմոնոց»<sup>143</sup>: Մինչդեռ Պետրոս կաթողիկոսը հակված չէր դավանական փոխգիջման և հույս ուներ պահպանել Հայոց եկեղեցու դավանական ուրույն դիմագիծը Բյուզանդիայի կողմից Հայաստանը ներկայելու պարագայում: Սակայն հետագայի իրադարձությունները ցույց տվեցին, որ նա չարաչար սխալվում էր:

Բյուզանդամետ խմբավորման նկրտումներն ավելի ցայտուն դարձան հատկապես 1040-1042թթ., երբ երկիրը գրեթե երկու տարի մատնված էր անիշխանության: Սակայն այդ խմբավորման ճանապարհին կանգնած էր Պառլաւունիների գլխավորած հայրենասեր հոսանքը, որի դեմ փութեռանդորեն պայքար ծավալեցին Վեստ Սարգիսն ու Պետրոս կաթողիկոսն իրենց կուսակիցներով: Վեստ Սարգիսը հայտնի էր իր փառատենչ նկրտումներով, ընչաքաղցությամբ<sup>144</sup>: Նա կարողացել էր շահել

<sup>141</sup> Նույն տեղում: Տես նաև Սմբատ, էջ 36:

<sup>142</sup> Տես Մատթեոս Ուռհայեցի, էջ 86:

<sup>143</sup> Ղ. Ալիշան, Շիրակ, էջ 126:

<sup>144</sup> Տես Մատթեոս Ուռհայեցի, էջ 84:

Հովհաննես-Սմբատ թագավորի վստահությունը և նրա թագավորության վերջնափուլում դարձել նրա հոգաբարձուն<sup>145</sup>: 1040 թվականին Բագրատունյաց երկու թագավորների վախճանվելն ազատ արձակեց Վեստ-Սարգսի ձեռքերը: Իր նեղ դասային շահագրգռություններին գերի այս փառաանոլ իշխանը ջանում էր նույնիսկ բազմել Հայոց թագավորների թափուր գահին, իհարկե, Բյուզանդիայի կայսեր հովանու ներքո: Այս մասին վկայում է Արիստակես Լաստիվերցին, գրելով. «Իսկ մի ոմն ի գլխաւոր ազատացն Հայոց Սարգիս անուն եղ շուք անձինն թագաւորել ի վերայ տանն Շիրակայ և որ շուք զնովաւ գաւառք»: Պատմագիրը հավելում է նաև, որ իր փառատենչ ձգտումներին հազուրդ տալու մղումներով Վեստ Սարգիսը կարողացավ տիրանալ Բագրատունյաց թագավորների արքունի գանձերին, սակայն երբ զգաց, որ իր գլխավորած հոսանքի հայրենադրուժ ուղեգծի դեմ ծովացել է ժողովրդի բուռն դժգոհությունը, ամրացավ Անիի միջնաբերդում<sup>146</sup>:

Վահրամ Պահլավունին և նրա կուսակիցները (այդ թվում նաև նրա խորախոհուն եղբորորդին Գրիգոր Մագիստրոսը), հասկանում էին, որ Բագրատունյաց թագավորների գահին տիրանալու Վեստ Սարգսի փառատենչ նկրտումներին կարելի է վերջ տալ, եթե հանդես գար գահի օրինական տերը Բագրատունի թագավորների բնական իրավահաջորդը: Ուստի ժողովրդի սերն ու աջակցությունը վայելող հայրենասեր իշխանները Վահրամ Պահլավունու գլխավորությամբ 1042 թվին հայոց թագավոր են հռչակում Աշոտ IV–ի տասնութամյա որդուն Գագիկին: Վահրամ Պահլավունին «այր հզօր և անուանի,-գրում է Լաստիվերցին,-...հանդերձ իւրովք ազգակցօք, որդւովք և եղբօրորդւովք իբրև երեսուն ազատօք... կոչեալ առ ինքեանս զԳագիկ որդի Աշոտոյ, թագաւորեցուցին ի վերայ իւրեանց, և իմաստութեամբ և հնարիւք մուծին ի քաղաքն»<sup>147</sup>:

Մատթոս Ուռհայեցին մանրամասնում է Գագիկ II-ի թագավոր օժվելու հանգամանքները, գրելով. «Ժողովեցան ամենայն նախարարքն Հայոց առ հայրապետն տէր Պետրոս և օծին զԳագիկ թագաւոր ի վերայ ամենայն տանն Հայոց շնորհօք Հոգւոյն Սրբոյ և հրամանաւ մեծի իշխանին, որով և օծեաց զնա սրբակեացն մեծն Մարցէն, որ էր ազգաւ հայկազնեան և հայրենեօք Պահլաւունի, որոյ անուն ըստ նախնոյն իւրոյ Գրիգոր ճանաչի... Սա թագաւորեցոյց զԳագիկ ի վերայ տանս Հայաստանեայցս,

<sup>145</sup> Տես Արիստակես Լաստիվերցի, էջ 57:

<sup>146</sup> Տես նույն տեղում, էջ 57-58:

<sup>147</sup> Նույն տեղում: Ընդսմին Բագրատունյաց թագավորների գահին հավակնում էր նաև Լուծիի Կյուրիկյան Բագրատունի թագավոր Ղափիք Անհողինը, որը հարձակվեց Բագրատունյաց թագավորության վրա, գործելով անլուր շահատակություններ (տես Մատթոս Ուռհայեցի, էջ 84-85):

յոյժ բարեպաշտ և աստուածասէր և անպարտելի յիմաստասիրական ջոկան. սա ջանայր իմաստութեամբն իւրով հաստատել զաթոռ թագաւորութեանն Հայաստան ազգիս և հայցեր յԱստուծոյ օժանդակ լինել նմա և ազգին Պահլաւունեաց»<sup>148</sup>:

Սմբատ Սպարապետի վկայության համաձայն Գագիկ II-ը թագավոր է օծվել «իրամանաւ մեծին Գրիգորի, որդւոյ Վասակայ Պահլաւունոյ»<sup>149</sup>: Հետևաբար, այդ արարողությունը կատարվել է Գրիգոր Մագիստրոսի հրամանով: Մինչդեռ, Մատթեոս Ուռուհայեցու հաղորդման համաձայն, Գագիկ II-ին թագավոր է օծել «մեծն Մարցէն»<sup>150</sup>, որը մատենագրի մոտ նույնական է Գրիգոր Մագիստրոսի հետ: Սակայն վերջինս, ինչպես հայտնի է, չուներ եկեղեցական կարգ, ուստի անհավանական է, որ նա կատարեր օծման արարողությունը:

Վահրամ Պահլավունու հայրենասիրական, զինական ավյունը վառ կերպով դրսևորվեց հատկապես Բագրատունյաց թագավորության վերջալույսին, երբ Միքայել IV կայսրը, Հովհաննես-Սմբատի մահվանից (1040թ.) հետո չհանդուրժելով հայրենասեր հոսանքի բռնած դիրքը, պահանջեց իրագործել թագավորի կտակը, այն է Անին ու Բագրատունյաց թագավորության մյուս շրջանները հանձնել իրեն: Անշուշտ, նա պահանջում էր նաև Աշոտ IV-ի մահվանից հետո անտերունչության մատնված նրա բաժնի մեջ ընդգրկված գավառները:

Կայսրության մոտալուստ ռազմարշավի հեռանկարով հուսապնդված Վեստ Սարգիսը շարունակում էր ամրանալ Անիի միջնաբերդի թագավորական պալատում, նպատակադրվելով հանդես գալ իբրև Հովհաննես-Սմբատի իրավահաջորդ և այդ կերպ օրինականացնել նրա կտակի իրականացումը: Սակայն Գագիկ II արքան, Վահրամ Պահլավունին և նրանց զորակցող հայրենասերները կռահեցին Վեստ Սարգսի չարադետ մտահղացումը: Եվ, ինչպես վկայում է Արիստակես Լաստիվերցին, Գագիկ արքան միայնակ, «այրական քաջասրտությամբ» մտավ թագավորական պալատ և «ողոքական բանիք» Սարգսին հորդորեց հեռանալ Անիից: Վերջինս հասկացավ որ Գագիկի թիկունքում հզոր ուժեր են կանգնած ի դեմս Վահրամ Պահլավունու և նրա զորակիցների, ուստի գերադասեց խուսանալ: Չիրաժարվելով իր նկրտումներից, նա գնաց և ամրացավ Սուրմառի (Սուրմալու) բերդաքաղաքում և իրաժարվեց ենթարկվել Գագիկ II-ին: Վեստ Սարգիսը փայփայում էր այն հույսը, որ շուտով Բյուզան-

<sup>148</sup> Մատթեոս Ուռուհայեցի, էջ 86-87:

<sup>149</sup> Սմբատ Սպարապետ, էջ 37:

<sup>150</sup> «Մեծն Մարցէն» արտահայտության մասին տես այս գործի I մաս, գլուխ IX, ծան. 12:

դիան հարձակվելու է Հայաստանի վրա, և ի դեմս նրա կայսեր, ինքը գտնելու է հզորագոր դաշնակցի<sup>151</sup>:

Գագիկ II-ը ժամանակին վերահասու եղավ Սարգսի չարանենգ դիտավորությանը և «սակաւ արամբք» գրավեց Սուրմաղին, մտավ Սարգսի զորաճամբար, ձերբակալեց փառատենչ իշխանին և տարավ Անի: Սակայն այս անգամ ևս Վեստ Սարգիսը կարողացավ շահել երիտասարդ արքայի վստահությունը նրա հանդեպ կեղծելով բարեկամություն ու նվիրվածություն: Գագիկը այն աստիճան հավատաց նրան, որ նույնիսկ «ընդ իւր ի կառսն նստուցանէր», - գրում է պատմագիրը<sup>152</sup>:

Այս բախտորոշ պահին հայրենադուժ հոսանքի հակակշիռն էր Վահրամ Պահլավունին իր կուսակիցներով: Նա էր, որ միաժամանակ կարողացավ հակահարված տալ կայսրությանը և սանձել նրա ամենակուլ ախորժակները: Միքայել IV-ի քաղաքականությունը շարունակող Կոստանդին Մոնոմախ կայսեր Հայաստանի համար կորստապատիր քաղաքականությունն արտացոլված է նաև բյուզանդացի մատենագիր Հովհաննես Սկիլիցեսի երկում: Վերջինս գրում է, որ թեև հայոց Գագիկ թագավորը շարունակում էր «հռոմայեցիների հետ խաղաղություն ու զինակցություն պահպանել, բայց իր ձեռքում էր պահում նաև հորենական իշխանությունը և չէր ուզում այն հռոմայեցիներին զիջել, հակառակ հոր<sup>153</sup> թողած փաստաթղթի: Մոնոմախը «արքունիքում գտնելով այդ փաստաթուղթը, և Անին էր պահանջում, և՛ բովանդակ Մեծ Հայքը»<sup>154</sup>:

Վահրամ Պահլավունին վճռականորեն ընդդիմացավ կայսեր պահանջին և ըստ ամենայնի զորակից եղավ հայոց երիտասարդ թագավորին: Մոնոմախ կայսրը դիմեց վճռական քայլերի: Նա Հայաստան ուղարկեց ստվարաթիվ զորք՝ հրամանատար կարգելով Իբերիա բանակաթեմի<sup>155</sup> կառավարիչ Միքայել Իասիտեսին, որը սակայն ի զորու չեղավ կոտրել հայերի դիմադրությունը: Ուստի կայսրն Անիի դեմ նետեց ավելի մեծաթիվ զորք՝ Նիկոլայոս զորապետի գլխավորությամբ: Միաժամանակ Մոնոմախը չխորշեց Դվինի մահմեդական ամիրային՝ Աբուլ-Ասվար Շադդադյանին նամակով հորդորել «ասպատակել Մեծ Հայքը և Գագիկին ենթակա երկիրը», նրան հավաստիացնելով, որ կարող է տիրել «Գագիկին պատկանող բոլոր այն բերդերին ու շրջաններին, որոնք կկարողանա

<sup>151</sup> Տես Արիստակես Լաստիվերոցի, էջ 58:

<sup>152</sup> Տես նույն տեղում:

<sup>153</sup> Սկիլիցեսը Հովհաննես-Սմբատին շփոթում է Աշոտ IV-ի հետ:

<sup>154</sup> Հովհաննես Սկիլիցես, թարգմ., առաջաբան և ծանոթագրությունները Հր. Բարթիկյանի, Երևան, 1979, էջ 147:

<sup>155</sup>Ստեղծվել էր 1000թ. Տայքի կյուրապաղատության մեջ ընդգրկված գավառներից:

գրավել»: Կայսեր գրավոր համաձայնությունն ստանալով՝ Շահդադյան ամիրան «պաշարմամբ գրավեց Գագիկին պատկանող բազմաթիվ ամրոցներ ու շրջաններ»<sup>156</sup>:

Արիստակես Լաստիվերցու վկայությամբ, բյուզանդական զորքը Անիի վրա հարձակումներ է կատարել չորս անգամ<sup>157</sup>, մինչդեռ Մատթեոս Ուռհայեցին հիշում է երկու հարձակում, մեկը՝ 1041թ., մյուսը Կ. Պոլիս Գագիկ II-ի մեկնելուց հետո<sup>158</sup>, ինչն իհարկե, ճիշտ չէ: Ավելի հավաստի է դեպքերին ժամանակամերձ Արիստակես պատմիչը: Սկիլիցեսի հավաստմամբ, Գագիկ II-ը «մի կողմից պատերազմ մղելով հռոմեական բանակի դեմ, մյուս կողմից ենթարկվելով Դվինի ամիրայի հարձակումներին կատարյալ հուսաբեկ եղած»՝ հաշտություն է կնքում բյուզանդական Նիկուլայոս զորապետի հետ «և նրա միջոցով հանձնվում կայսեր ու տալիս (Անի) քաղաքը»<sup>159</sup>: Ըստ այսմ Անիի վրա բյուզանդական զորքի հարձակումները տեղի են ունենում Կ. Պոլիս Գագիկ II-ի մեկնելուց առաջ:

Վահրամ Պահլավունին կազմակերպեց դիմադրությունը անարգ նվաճողին, նետվելով ռազմի բոցերի մեջ: Եվ քաջակորով սպարապետը վերստին օծվեց փառքով: Բյուզանդական զորքը «չորս անգամ զկնի միմեանց մտին յաշխարհն Հայոց մինչև մարդաթափ արարին զերկիրն ամենայն սրով և հրով և զերութեամբ», - հոգու ողբով գրում է Լաստիվերցին<sup>160</sup>: Անշուշտ, հայերի հերոսական դիմակայության շնորհիվ էր, որ կայսեր զորքն ստիպված եղավ չորս անգամ գրոհել Անիի վրա:

Տեսնելով, որ կանոնավոր մարտում հնարավոր չէ հաղթել հայ ռազմիկներին, Մոնոմախ կայսրը իր հավատարիմ գործիք Վեստ Սարգսի հորդորով Գագիկ II-ին հրավիրում է իր մոտ՝ Կ. Պոլիս: Կայսրը «զքրիստոսական անետարանն և զնշանն սուրբ խաչին Քրիստոսի միջնորդս և երաշխաւորս յուղարկեալ ի Հայք և այսպիսի օրինակաւ կոչէր զթագաւորն Հայոց վասն սիրոյ և տեսութեան»<sup>161</sup>, - գրում է Ուռհայեցին:

Գագիկ II-ն սկզբում թեև հրաժարվում է մեկնել կայսեր մոտ, սակայն անսալով նենգամիտ Վեստ Սարգսի և ուրիշ ազատների հորդորներին, զնում է Կ. Պոլիս, հաշվի չառնելով Վահրամ Պահլավունու և նրա կուսակիցների զգուշացնող ծայները:

Արիստակես Լաստիվերցու վկայությամբ, պատանի արքան՝ Գագիկը «ոչ եկաց ի պատուէր Վահրամայ և այլ ազատացն որ թագաւորեցու-

<sup>156</sup> Հովհաննես Սկիլիցես, էջ 147:

<sup>157</sup> Տես Արիստակես Լաստիվերտցի, էջ 58:

<sup>158</sup> Տես Մատթեոս Ուռհայեցի, էջ 85-86, 96-97:

<sup>159</sup> Հովհաննես Սկիլիցես, էջ 147-148:

<sup>160</sup> Արիստակես Լաստիվերտցի, էջ 58:

<sup>161</sup> Մատթեոս Ուռհայեցի, էջ 94:

ցին զնա, այլ նենգաւորին Սարգսի սաղրելոյն լուեալ՝ ել ի քաղաքէն, և չոգաւ ի Յոյնս զանդարծ ուղևորութիւն»<sup>162</sup>:

Հայոց Բագրատունիների թագավորության անկումից հետո Վահրամ Պահլավունին չհեռացավ Անիից և իր շուրջը համախմբեց հայոց ցաքուցրիվ ուժերը: Սակայն նրան չի հաջողվում համախմբել հայոց զորուժը, Բյուզանդիայի ավանդական նենգադրժության պատճառով: Անին վերջինիս կողմից զավթելուց հետո, ինչպես հաղորդում է պատմագիրը, հայոց ուղեկորույս «հեծելագորն անտէրունչ շրջեալ ոմն ի Պարսս, ոմն ի Յոյնս, ոմն ի Վիրս: Սեպուհ գունդն ազատաց ելեալ ի հայրենեաց, անկեալ ի ճոխութենէ, մոնչեն ուր և են իբրև գկորինս առիծուց ի խշտիս իւրեանց»<sup>163</sup>: Մատենագիրների հաղորդած տեղեկությունների համաձայն, հայոց զորքի զգալի մասը դրվեց կայսրության տրամադրության տակ, ծառայելով նրա քաղաքական շահերին: Վերջինս ըստ երևույթին ճանաչեց Վահրամ գորապետի իրավունքները, հաշվի առնելով գործում նրա ունեցած ազդեցությունը: Իր հերթին Վահրամը համաձայնեց դրան, հույս ակնկալելով պահպանել հայոց զորուժը, հայ իշխանների իրավունքները և երկիրը պաշտպանել դրսեկ ցեղերի հրոսումներից: Վերևում նշվեց, որ Բյուզանդիայի կայսեր և Դվինի ամիրայի միջև 1045թ. կայացած համաձայնությամբ վերջինիս կողմից գրավված շրջանները մնալու էին նրա իշխանության տակ: Բայց Անիի գրավումից հետո Մոնոմախ կայսրը ամիրայից պահանջեց վերադարձնել գրաված տարածքները: Մերժում ստանալով՝ կայսրն իր գորապետ Նիկոլայոսին հրամայեց «հռոմեական զինական ուժով, իբերական զորքով, ինչպես և Մեծ Հայքի առկա և Անեցու (Վահրամ Պահլավունու) հրամանատարության տակ գտնվող ուժով» ռազմի ելնել ամիրայի դեմ<sup>164</sup>:

Հայոց զորքը գլխավորում է Վահրամ Պահլավունին: Իր որդու՝ Գրիգորի հետ ծերունագարդ զորավարը մեկնեց ռազմի դաշտ, թերևս հուսալով որ քրիստոնյաների զենքի հաղթանակով Հայոց ոստանը կազատագրվի իսլամի տիրապետությունից: Սակայն քրիստոնյա զորքն ընկավ մղեգնաջան ամիրայի նյութած ծուղակը և պարտվեց: «Հռոմայեցիները, գրում է Սկիլիցեսը, կատարյալ պարտություն կրեցին, նրանցից անհամար բազմություն սրի քաշվեց, քանզի ծիերն ընկնելով ցեխի ու ճահիճների մեջ, չէին կարողանում փախչել»<sup>165</sup>: Արիստակես Լաստիվերցին նույնպես հաղորդում է քրիստոնյա զորականների պարտության մասին, նշում,

<sup>162</sup> Արիստակես Լաստիվերտցի, էջ 62:

<sup>163</sup> Նույն տեղում, էջ 60:

<sup>164</sup> Հովհաննես Սկիլիցես, էջ 148:

<sup>165</sup> Նույն տեղում, էջ 148-149:

որ բյուզանդացի զորապետը<sup>166</sup> կայսեր կողմից նշանակվելով Անիի կառավարիչ, «անչափ պատուով մեծարե զհայրապետն Պետրոս, և նուաճե զաշխարհն ընդ ձեռամբ. և ինքն բազում զօրօք խաղայ ի վերայ քաղաքին Դունայ»<sup>167</sup>:

Պետրոս կաթողիկոսը իր արծաթասիրությանը հագուրդ տալուց զատ, հավանաբար, դեռ փայփայուն էր նաև այն հույսը, որ իր Աթոռը կարող է պահպանել Անիում, գուցե և Հայոց կաթողիկոսության հիմնավորը կենտրոնն Դվինում: Սակայն նրա ակնկալիքները չիրականացան: Քանի դեռ կաթողիկոսը պետք էր կայսրությանը՝ վերջինիս կողմից Հայաստանի հանդեպ դավադիր ձեռնարկումներն իրականացնելու ժամանակ, Հայոց հովվապետը «մեծարվում», հարգալից վերաբերմունքի էր արժանանում բյուզանդական իշխանությունների կողմից: Նույն էր վերջիններիս վարած քաղաքականությունը նաև Վահրամ Պահլավունու, Գրիգոր Մագիստրոսի և մյուս անվանի հայ գործիչների նկատմամբ:

Դվինի ամիրայի դեմ մղված մարտում ընկան նաև Վահրամ Պահլավունին և որդին՝ Գրիգորը, ինչը «մեծ սուգ հասոյց Հայոց»<sup>168</sup>: Դվինի պարիսպների տակ քրիստոնյա զորքի ծանր պարտության մասին հիշում է նաև Մատթեոս Ուռհայեցին, նշելով, որ Դվինի մատույցներում «եղև կոտորած մեծ ի վերայ քրիստոնէիցն, և Բազումք ի զօրացն Հռոմոց անկան ի սուր և ի գերութիւն, ընդ որ և մեծ սպարապետն Հայոց Վահրամ հանդերձ որդւովն իւրով Գրիգորիւ սպանաւ ի մեծ պատերազմին ի Դուին քաղաքին»<sup>169</sup>:

Այդպիսով կյանքի վերջալույսին Վահրամ Պահլավունին սթափ գնահատելով երկրի վիճակը, ստիպված համակերպվեց ստեղծված ռազմա-քաղաքական կացությանը և հայոց զորուժը երկրում պահպանելու հույսով զորակից եղավ քրիստոնյա կայսրությանը: Սակայն նրան վիճակված չէր տեսնել իր հույսերի գեթ մի փոքր մասի իրականացումը՝ կայսրության հայադավ քաղաքականության և թյուրք-սելջուկյան աշխարհավեր արշավանքների պատճառով: Հաղթանակի խորհրդանիշ դարձած քաջապանծ զորավար Վահրամ Պահլավունու ողբերգական մահը խորունկ վիշտ պատճառեց հայրենի երկրի ապրած տագնապներին անկեղծ կարեկից հայ գործիչներին, ժողովրդին: Հորեղբոր եղերական մահը ծանր ապրող Գրիգոր Մագիստրոսը գտնում էր, որ որբացել, ուղեկորույս են ՚յարձել ոչ միայն ինքն, այլև նրա կուսակիցները: Մագիստրոսը վշտահեծ սիրտն է գեղում, գրելով. «Աւա՛ղ որդւոյս սիրեցեալ և կարօտեալ ի սուրբ

<sup>166</sup> Լաստիվերցու մոտ զորապետի անունն Ասիտ է:

<sup>167</sup> Արիստակէս Լաստիվերտցի, էջ 63:

<sup>168</sup> Նույն տեղում:

<sup>169</sup> Մատթեոս Ուռհայեցի, էջ 98:

և ի քաղցր հորեն. աւա՛ղ տարագիր և արտակացեալ յաստուածային քո խրատուէ»<sup>170</sup>: Վիշուն իրոք հնարավոր չէր փարատել, և մատենագիրը գոչում է. «Իսկ մեզ զինչ, որբութիւն և թշվառութիւն և տարակուսա՛նս. այժմ ոչ պատկառենք զանիրաւսն գործել և ոչ փութամբ յառաքինութիւնս և ի բարեգործութիւնս. ի քունմէ գաւազանէ զերծեալք, ո՞՞զմեզ այժմ խրատէ. և ո՞՞մատակարարէ զտկարութիւն մեր. ո՞՞ և զանժուժութիւն համբերութեամբ իւրոյ մխիթարէ. ո՞՞ զաղքատս կերակրէ առատատուր և զուարթ լրջմտութեամբ. և ո՞՞արդար դատողութեամբ զորքս և զայրիս տածէ, կամ զգերեալսն գնէ, կամ զբանտարկեալսն արծակէ, կամ զցրուեալսն ժողովէ. առ ո՞՞րք այժմ տնանկացեալն յիւրմէ բնակութեանց ընթացի իբրու յիւր իսկ հայրենի սեփական. քանզի արդարև յոքունց քոյդ կարծեցեալ էր ամենեցունց ապաստան...»<sup>171</sup>:

Գրիգոր Մագիստրոսը շեշտում է նաև, որ իր հորեղբորը «վայելէր թագաւոր և յայսպիսի պաղատան ճեմէլ... այսպիսի հայրենիս ստանալ, այսպիսեօք զանծօք փարթամանալ», ինչպիսին եղել էին հայոց Արշակունի արքաները<sup>172</sup>:

Գրիգոր Մագիստրոսը Վահրամ զորավարին ներկայացնում է նաև իբրև նահատակ, որն իր կյանքը զոհաբերեց հանուն քրիստոնեական հավատի և Հայոց առաքելադրոշմ եկեղեցու: Մատենագիրը հորեղբորը համարում է «Նոր Մարտիրոս և հրաշալի վկայ, ի բազմաց ընտրեալ և ի թշնամեաց խաչին Քրիստոսի խոցեալ, և ի վերայ կաթուղիկէ եկեղեցւոյ վկայեալ, այժմ քոյովդ արեամբ զքոյդ մաքրեալ անծն և ի դասս երկնային գօրաց անցեալ»<sup>173</sup>:

Վահրամ Պահլավունու կողակիցն էր Վասպուրականի Արծրունյաց թագավորության մարզպանի Անծևացյաց իշխան Տիգրանի դուստր Սոփին, որը տակավին 1015թ. հրաժեշտ էր տվել այս աշխարհին: Վահրամը կնոջ աճյունն ամփոփել էր տվել Սարմաշենի վանքում: Սոփիի դամբանաքարի վրա դրոշմված է «Այս հանգիստ է Սոփիայ աղախնոյն Քրիստոսի, կնոջ Վահրամայ Պահլաւունւոյ իշխանաց իշխանի, դուստր Տիգրանայ Հայոց մարզպանի տեառն Անծևացեաց մեծին Վասպուրականի կիսաւրեա առ Աստուած փոխեցա և թողի զաւակս իմ տրտում. թ. ՆԿԴ (1015)»<sup>174</sup>:

<sup>170</sup> Գրիգոր Մագիստրոսի թղթերը, էջ 38:

<sup>171</sup> Նույն տեղում, էջ 39:

<sup>172</sup> Նույն տեղում, էջ 40-41:

<sup>173</sup> Նույն տեղում:

<sup>174</sup> И. Орбели, Надписи Мармашена, с. 445.

## Վահրամ Պահլավունու եղբայրները և որդիները

Մարմաշենի արծանագրության մեջ, ինչպես նշվեց, Վահրամ Պահլավունին հիշում է իր եղբայրներին՝ իշխանաց իշխան Վասակին, Ապլղարիբին և ծաղկահասակ Յամգեին («մանուկն Յամգե»): Վերջինս հիշվում է նաև եղբոր՝ Ապլղարիպի կողմից 1040թ. Անիի Գրիգոր Պահլավունու եկեղեցու որմին թողած արծանագրության մեջ<sup>175</sup>: Յամգեն Յամագասպ անվան արաբական ծնն է<sup>176</sup>: Գրիգոր Սագիստրոսն իր ԺԱ թղթում հիշում է նաև մյուս երկու հորեղբայրներին՝ Տիգրանին և Գրիգորին<sup>177</sup>: Վերջինս նույնացվում է Յամգեի հետ<sup>178</sup>, ինչը սակայն դժվար է ապացուցել:

Վահրամ Պահլավունու կրտսերագույն եղբայր Ապլղարիպը Յովհաննես-Սմբատ թագավորի օրոք վարում էր Յայոց մարզպանի պաշտոնը: 1035թ. նա թագավորի հրովարտակով մեկնում է Կ. Պոլիս՝ Միքայել կայսեր մոտ և մեծ ջանքերի ու ծախսերի զնով Յայաստան է բերում Սուրբ խաչի մասունքը, որը տեղադրում է Անիում՝ իր կառուցած Ս. Փրկիչ եկեղեցուն: Այս մասին նույն եկեղեցու որմին նրա թողած արծանագիր հիշատակարանում ասվում է. «Ի ՆՁԴ: թուականիս. ես Ապլղարիպ մարզպան եղէ հրովարտակ ի Սմպատա շահանշահէ առ կայսրն Յունաց Միխէլ ի Կոստանդինուպոլիս. և շատ ջանիւ և մեծածախ գանձիւ բերի մասն ի սրբո խաչէն և եկեալ կատարեցի գտաճարս զայս և զնշանն լուսո կանգնեցի ի պսակ հարսինս Քրիստոսի և եղի լուծ սպասաւորաց եկեղեցոյս զկիրակէին արն զհշերապաշտան առնել մինչև ի գալուստն Քրիստոսի. և քահանա որ մեռանի ի սուրբ Փրկչիս: Խ: մի կալցեն յեկեղեցիքդ: Եւ եթէ ոք ի քահանայից եկեղեցոյս և յիմ սպասուցս և կամ ի գրեմոյս յսփշտակէ կամ ծախելով կամ զինչևիցէ պատճառանաւ և կամ զազահութեան զհետ երթա և զեկեղեցոյս մուտքս խորէ և Սուրբ Փրկչիս ի պէտս ոչ անցուցանէ: ՅԺԸ: Յայրապետացն նգովեալ լիցի»<sup>179</sup>:

Իր բարձրագոյնի դիրքի բերումով Ապլղարիպը հոգածու էր նաև եկեղեցու նկատմամբ, իհարկեւ, առաջին հերթին իր սոհմի վաղեմի ոստան Անի մայրաքաղաքում:

<sup>175</sup> Տես Դիվան Յայ վիմագրության, I, էջ 33:

<sup>176</sup> Արաբ մատենագիրները սովորաբար Յամագասպ անունը հիշում են Յամգա ծնով:

<sup>177</sup> Տես Գրիգոր Սագիստրոսի թղթերը, էջ 41:

<sup>178</sup> Տես նույն տեղում, էջ ԺԶ, ծան. 2:

<sup>179</sup> Դիվան հայ վիմագրության, I, էջ 46:

Հաջորդ տարի Ապլղարիպ Պահլավունին Ս. Փրկիչ եկեղեցուն նվիրաբերում է կուղպակներ, ձիթհանք, այգի և վարելահողեր: Նա եկեղեցին զարդարում է ոսկով, արծաթով և թանկարժեք ակներով, նվիրում Աստվածաշունչ և տոնական (Հայսմավուրք), եկեղեցուն կից կառուցում աղբյուրի վերգետնյա մաս: Այս մասին նույն եկեղեցուն 1036թ. նրա թողած արձանագրության մեջ ասվում է.

«Յամն աստուածապատիւ և հոգևոր տեառն Պետրոսի Հայոց կաթողիկոսի և ի թագաւորութեան Սմբատա որդու Գագկա շահանշահի ի ՆՁԵ (1036) թուականիս ես Ապլղարիպ մարզպան որդի Գրիգորո իշխամի և թռն Ապուղամրի և եղբայր Վահրամա և Վասակա, շինեցի զսուրբ Փրկիչս ի մայրաքաղաքս յԱնի շատ ջանիւ և մեծածախ գանձիւ, և զնեցի հալալ ընչից ինոց կուղպականի: Գ: և ձիթհաց և այգի և հողեար և ետու ի Սուրբ Փրկչիս, և զարդարեցի ոսկւով և արծաթւով և ակամք պատուականաւք և ետու Աւետարան և Տաւնական... և հին և նոր Կտակարանաւք և կանգնեցի միլ<sup>180</sup> առ սուրբ Փրկչիս»<sup>181</sup>:

Պետրոս կաթողիկոսն օծում է Ս. Փրկիչ եկեղեցին (նույն 1036թ.): Արժեվորելով Ապլղարիպ Պահլավունու եկեղեցանպաստ ուղեգիծը, կաթողիկոսը եկեղեցուն է նվիրում Աշնակ գյուղի այգին, պատշաճ հատուցելով նաև այն կառուցողին: Այս մասին նրա թողած արձանագրության մեջ կարդում ենք. «Ի ՆՁԵ թուականիս Հայոց և ի մեծափառ թագաւորութեանս հզար և տիեզերակալ Սմբատա որդու Գագկա Հայոց և Վրաց շահայնշահի. կամ եղև ինձ, տեառն Պետրոսի Հայոց կաթողիկոսի տալ զայգին Աշնկի որ ի մեր կորդո»<sup>182</sup> արկած էր քրիստոսասէր մարզպանին Ապլղարիպա որդու Գրիգորո Պահլաւունու վասն առաւել սիրոյն և երախտեացն զոր ծառայալ էր զսուրբ Լուսաւորչի աթոռս: Արդ տուաք որմով և ծառովք պտղաբերովք և անպտղաւք և խոտագետնովք և Գ աւր ջուր ազատ ի խալաէ և ի գեղջէ յամենայն հասուց և գրեցաք մեծաւ հաստատութեամբ զկտակս զայս»<sup>183</sup>:

Արձանագրության մեջ շեշտվում է նաև Ապլղարիպի եկեղեցանպաստ ուղեգիծը, մարզպանի նկատմամբ կաթողիկոսի վերաբերմունքը: «Արդ,- կարդում ենք նույն արձանագրության մեջ,- եթէ ոք զապարանսդ զոր շինեալ է Ապլղարիպա առ սուրբ Փրկչիս և կամ զոր ինչ տուեալ է ի

<sup>180</sup>«Միլ» բառն ունի աղբյուր-ջրուղու ամբողջ կառուցվածքի իմաստ (տես Լ.Гюзальян, Персидская надпись Кей-Султана Шеддаи в Ани («Академику Н. Я. Марру». сборник ст., М.-Л., 1935, с. 638-640), Ս. Ավագյան, Վիճագրական արձանագրությունների բառաքննություն, էջ 206, Գ.Ս.Գրիգորյան, Նվիրատվություններ Անիի եկեղեցիներին ու վանքերին, էջ 47):

<sup>181</sup> Դիվան հայ վիճագրության, I, էջ 44-45:

<sup>182</sup> Նկատի ունի անշակ ու խոպան վայրը:

<sup>183</sup> Դիվան հայ վիճագրության, I, էջ 48:

պետս եկեղեցոյդ և որոշէ ոք և կամ յապարանսդ բնակի և եկեղեցոյդ հոգսդ զոր ինչ պիտո լինի և երկիրդիւ Աստուծոյ. ոչ հոգա ի Սուրբ Լուսա-  
տորչէն և ի նորին աթոռակալացն մինչև զնեզ յամենեցուն նգովեալ լիցի.  
իսկ կատարիչ գրոյս աւրինեալ լիցի»<sup>184</sup>:

Արծանագրութիւնն ից երևում է նաև, որ Ապլղարիպը Ս. Փրկիչ եկե-  
ղեցուն կից կառուցել է մեկ այլ շէնք «ապարանք» անունով, որն ամենայն  
հավանականութեամբ, եղել է եկեղեցու սպասավորների բնակութեան տու-  
նը, նաև ունեցել է հյուրասենյակներ: Անիի պեղումների ժամանակ հայտ-  
նաբերվել են այդ շինութեան հետքերը<sup>185</sup>:

1040թ. Ապլղարիպն ի հիշատակ ծնողների, վերանորոգել է տալիս  
Պահլավունյաց տոհմական եկեղեցին՝ Ապուղամբենց Ս. Գրիգորը, կից  
կառուցելով երկու մատուռ՝ մեկը որպէս ծնողների, մյուսը՝ վաղամեռիկ  
եղբոր Յամզեի և քրոջ՝ Սեդայի հոգիների հանգստարան, եկեղեցու սպա-  
սավորներին պարտավորեցնելով մատուցել պատարագներ: Այս առթիվ  
Ապլղարիպի թողած արծանագրութեան մեջ կարդում ենք.

«Ի: ՆՁԹ (1040) թուականիս ես Ապլղարիպ Յաոց մարզպան, որդի  
Գրիգոր և թռն Ապուղամբի Յայոց իշխանաց, թպէտ և անտէս էի ի հաւ-  
րէ իմ յաղագս կրսերութեան, այլ հարկեցա ի ծնողական սիրոյն և շինեցի  
զայս հանգստարան հաւր իմո Գրիգոր և եղբար իմո Յամզէ և քեռ իմո  
Սեդայի և շինեցի սենակ: Բ: զսուրբ Ստեփաննոս և զսուրբ Քրիստափոր և  
պայման քահանայիցդ այս է. որ զամէն ուրբաթ ի սուրբ Ստեփաննոսն  
ժամն իմ մաւրն Շուշանա արասցեն և զշաբաթն իմ հաւրն Գրիգոր և ի  
սուրբ Քրիստափոր զամէն ուրբաթ իմ քեռն Սեդայի և զշաբաթն իմ եղ-  
բարն արնեն Յամզէի և առաջաւորացն ուրբաթին և աղցացն<sup>186</sup> ուրբա-  
թանոյն փոխան յարծակաւուրքն արասցեն: Ը: ար...»<sup>187</sup>:

Արծանագրութեան «անտէս էի ի հաւրէ իմ յաղագս կրսերութեան»  
արտահայտութիւնը տարբեր կերպ է մեկնաբանվել: Մի դեպքում այն  
մեկնվել է իբրև մանուկ հասակում Ապլղարիպի որբացած լինելը, հորը  
չտեսնելը, մեկ այլ դեպքում՝ վաղ հասակում հոր մահը և նրան չհիշելը  
կամ հոր մահվանից հետո Ապլղարիպի ծնված լինելը<sup>188</sup> և այլն: Ինչևէ,  
Ապլղարիպը փոքր հասակում զրկված լինելով հորից, սփոփվել, մխի-

<sup>184</sup> Նույն տեղում:

<sup>185</sup> Տես Н. Марр, Ани, Ереван, 1939, с. 202-204.

<sup>186</sup> Աղցացն բառն ունի աղուհացքի՝ աղով ու հացով ապրելու, պահեցողութեան  
իմաստ (տես Ս. Ավագյան, Վիմական արծանագրութիւնների բառաքննութիւն, էջ  
28):

<sup>187</sup> Դիվան հայ վիմագրութեան, I, էջ 33:

<sup>188</sup> Տես Գրիգոր Մագիստրոսի թղթերը, առաջաբան, էջ ԺԸ, Գր. Աճառյան, Յայոց  
անձնանունների բառարան, Ա, Երևան, 1942, էջ 21, Ն. Ակինեան, նշվ. աշխ., էջ 22:

թարվել է գորովագութ մոր Շուշան տիկնոջ շնորհիվ: Իսկ նշյալ արծանագրության փորագրման տարում արդեն վախճանվել էին նրա մայրն ու եղբայրները, քույրը:

Արծանագրության մեջ վկայված սենեակ բառեզրն ունի մատուռի, փոքր եկեղեցու իմաստ, քանզի Ապլղարիպը վանքի սպասավորներին պարտավորեցնում է իր ծնողների, եղբոր և քրոջ հիշատակին պատարագներ մատուցել նորակառույց այդ շինություններում (սենեակներում)՝ Ս. Ստեփաննոս և Ս. Քրիստափոր մատուռ-եկեղեցիներում<sup>189</sup>:

1040թ. Ապլղարիպը յուրաշեն այս եկեղեցու մուտքի արևմտակողմում, 15-րդ կամարի մեջ թողել է արծանագրություն, որից երևում է, որ նա կառուցել է մեկ այլ շինություն<sup>190</sup>:

Եկեղեցու հանդեպ Ապլղարիպի ցուցաբերած հոգածության դրսևորում էին նաև նրա կողմից կատարված նվիրատվությունները: Տակավին 1021թ. նա իր «Արծուեբոյն» անվամբ հորջորջված կալվածն ընծայաբերում է Հաղբատի մենաստանին և սահմանում՝ ս. Գևորգի տոնին Հովհաննես-Սմբատ թագավորի արևշատության և իր (Ապլղարիպի) մեղքերի թողության համար: Արծանագրության մեջ ասվում է. «Ես Ապլղարիպ որդի Գրիգորոյ ետու զԱրծուեբոյնն ի Հաղբատ զանձագին արարեալ վասն Յովանիսի (թագաւորի) արևշատութեան և ինձ մեղացս թողութեան»<sup>191</sup>: Անիի Շուշան Պահլավունու եկեղեցու մուտքի բարավորի վրա Ապլղարիպի թողած անթվակիր արծանագրության մեջ ասվում է, որ նա իր «հալալ ինչքով» գնել է մի կուղպակ և նվիրել եկեղեցուն: Նույն արծանագրությամբ հաստատվում է նաև, որ Ապլղարիպը հողամաս է նվիրել այդ եկեղեցուն<sup>192</sup>:

Վահրամ Պահլավունին ունեցավ երեք որդի՝ Սմբատը, Ապուղամը և Գրիգորը: Ավագ որդին՝ Սմբատը, որ ուներ մագիստրոս պատվատիտղոսը (անշուշտ, շնորհված Բյուզանդիայի կայսեր կողմից), տակավին 998թ. Ատրպատականի Մամլան ամիրայի դեմ Ծունբ գյուղում հայ-վրացական զորքերի մղած մարտում գործուն մասնակցություն ունեցավ՝ զուցե իբրև հոր գլխավորած հայոց զորքի զորաբաժիններից մեկի հրամանատար: Այս մասին հիշատակում է Ասողիկը, գրելով, որ Գագիկ I թագավորը «յամենայն զօրացն Հայոց հատեալ զգունդ Ջր յընտիր ընտիր վառելոցն՝ գունարե ի ձեռն իշխանաց իշխանին Վահրամայ...», որ զՄարմաշէն և

<sup>189</sup> Ս. Ավագյան, Վիմական արծանագրությունների բառաքննություն, էջ 283:

<sup>190</sup> Դիվան հայ վիմագրության, I, էջ 46:

<sup>191</sup> Կ. Ղաֆաղարյան, Հաղբատ, Երևան, 1963, էջ 150-151: Ապուղամը դրամական նվիրատվություն է արել նաև Սանահնի վանքին (տես Կ. Ղաֆաղարյան, Սանահնի վանքը և նրա արծանագրությունները, Երևան, 1957, էջ 97):

<sup>192</sup> Դիվան հայ վիմագրության, I, էջ 49:

գԲրզներն շինեաց, և Սմբատայ մագիստրոսի, որդւոյ Վահրամայ»<sup>193</sup>: Ասողիկի այս հաղորդման մեջ «շինեաց» եզակի բայածևը հավանաբար պետք է վերաբերվի նաև Սմբատին իբրև Բագնայրի եկեղեցու կառուցողի, քանի որ Սամուել Անեցին գրում է. «Սմբատ մագիստրոսն շինեաց զիրեշտակաբնակ և զփափագատենչ վանքն, որ Բագնայր յորջորջիւր՝ ժողովեալ աստուածայնոց արանց»<sup>194</sup>: Ուստի Ասողիկի վերը բերված հաղորդումը սրբագրելի է «Վահրամայ... որ զՄարմաշէն շինեաց և Սմբատայ մագիստրոսի որդւոյ Վահրամայ, որ զԲրզներն շինեաց» ձևով<sup>195</sup>: Այդպիսով պարզ է դառնում, որ Սմբատ Պահլավունին քաղաքամայր Անիի արևմտակողմյան Արջո Առիջ (Ալաջա) լեռան հյուսիսային ստորոտում կառուցել է Բագնայրի հոյաշեն վանքը, այնտեղ ժողովելով հոգևոր այրերի՝ «աստուածայնոց արանց»:

Գրիգոր Մագիստրոսը ծանր ապրեց մյուս հորեղբորորդու՝ Գրիգորի մահը: Հոգու անամոք ցավով նա նշում է, որ չի կարողացել մասնակցել նրա հուղարկավորությանը և՛ ծայնակցել նրա վրա ողբ անողներին: Վահրամ հորեղբոր մահվան առթիվ Սյունյաց հովվապետին հղած դրում գրում է. «Ոչ մերձ առ քեզ արժանացեալ իմ, զի հայրենական պսակին թերևս հասեալ բախտի ըստ հարազատին քո Տիգրանայ»<sup>196</sup>, ապա եթէ ոչ այլ միստումն Գրիգորի յուղարկաւորութեան եւ արբանակութեան զկնի հուր ի ձեռին և զղամբանականն քաջահնչող ծայնին և ուժգնակի գոչմամբ զմեծի զրկանացս ըստ Երեմիա ոչ կարօտէի աղբիւրանալ վտակաց»<sup>197</sup>:

Վահրամ Պահլավունու որդի է հիշվում նաև Աբուղամբը, որը 1031թ. դեռ ողջ էր և արձանագրություն է փորագրել տալիս Անիի Ս. Առաքելոց եկեղեցու որմին: Այդտեղ ասվում է. «ՆՁ թուին. շնորհին Աստուծոյ, ես Աբղամբ որդի Վահրամայ իշխանաց իշխանի ետու զԿառնուտի արտն ի սուրբ Առաքեալքս, վասն եղբար իմ Գրիգորոյ առողջութեան և կենացն յերկարութեան»<sup>198</sup>:

<sup>193</sup> Ստեփաննոս Տարոնեցի, III, ԽԱ, էջ 270:

<sup>194</sup> Սամուել Անեցի, էջ 105:

<sup>195</sup> Տես Ն. Ակինյանի նշվ. աշխ., էջ 19:

<sup>196</sup> Տիգրանը համարվում է Վահրամ Պահլավունու եղբայր (տես Ղ. Ալիշան, Շնորհալի և պարագայ իւր, էջ 12): Հր. Աճառյանի կարծիքով Տիգրանը նույնական է Վահրամի եղբոր՝ Ապուղամբի հետ (տես Հայոց անձնանունների բառարան, Կ. Ե. Երևան, 1962, էջ 150):

<sup>197</sup> Գրիգոր Մագիստրոսի թղթերը, էջ 41:

<sup>198</sup> Դիվան հայ վիմագրության, I, էջ 12:

Անիի Գրիգոր Պահլավունու եկեղեցու մուտքի բարավորի վրա Վահրամ Պահլավունու թողած անթվակիր<sup>199</sup> արձանագրության մեջ նշվում է, որ վերջինս օջականցիներից գնել է երկու կրպակ և ընծայել այդ եկեղեցուն: Արձանագրության մեջ ասվում է. «Կամաւքն Աստուծոյ ես Վահրամ իշխանաց իշխան, ետու զիմ որդոյն զԱպուխամրի ոգեբաժին և գնեցի Բ կուղպակ զլորագոյնին և զորսաւտին յՈՂականց. ետու ի սուրբ Գրիգորի և քան եկեղեցիքս որ ունին ի տարին Գ քառասունք. արդ եթ յք հակառ գա յիմոց կամ յաւտարաց նզովեալ եղիցի հաւրէ և յորդո և Սուրբ Յոզոյն յԺԸ հայրապետաց և Ապուխամրի մեղացն պարտական եղիցի առաջի Աստուծոյ»<sup>200</sup>:

Եթե ստույգ համարենք արձանագրությունը 1031-1033-ով թվագրելը, ապա պարզ է դառնում, որ Ապուղամրն այդ թվերին արդեն վախճանվել էր, և սգացող հայրը նվիրատվություններ է արել որդու հոգու հանգստյան համար:

Վահրամ Պահլավունու մյուս որդին վերը հիշված Գրիգորը տառապում էր ծանր հիվանդությամբ: 1037թ. բուժվելու նպատակով նա մեկնեց Մուֆարդին, Հիսե անունով բժշկի մոտ և նրանից ստացավ բուժման դեղատոմսեր, որոնք տեղ են գտել հայոց բժշկարաններում<sup>201</sup>: Ինչպես նշել ենք, Գրիգորը զոհվեց 1045թ.՝ հոր հետ, Դվինի ամիրայի դեմ մղված կռվում:

---

<sup>199</sup> Ենթադրաբար թվագրվել է 1031-1033թթ. (տես K, Basmadjian, Les inscriptions arméniennes d' Ani, de Bagnair et de Marmachen, Paris, 1931, N 11).

<sup>200</sup> Դիվան հայ վիմագրության, I, էջ 32:

<sup>201</sup> Տես Գ. Յովսէփեան, Յիշատակարանք ծեռագրաց, էջ 672-674:

## Գլուխ վեցերորդ

### Գրիգոր Մագիստրոս

Պահլավունիների տոհմի հռչակը պանծացրեց նաև Վասակ Յուլուճի շնորհասուն որդին՝ Գրիգորը, հիշված «Բջնեցի», «Մագիստրոս» վերադիրներով: Նա հայտնի էր իբրև մտացի, խորագիտակ անձնավորություն, օժտված անզուգական գիտունությամբ, պետական, ռազմական, գաղափարաբանական, գրական և մշակութային-մանկավարժական բազմաձև-տությամբ: Նա քաջագիտակ էր փիլիսոփայության, ինչպես նաև բնագիտության, բժշկագիտության և մաթեմատիկայի ասպարեզներում, տաղասաց էր, երգահան՝ շարականագիր<sup>202</sup>:

Գրիգոր Մագիստրոսը հավանաբար ծնվել է Անիում, մոտ 990թ.: Նրա մանկությունն անցել է այդ հռչակավոր քաղաքում, խաղաղության պայմաններում: Պահլավունիներն Անիում ունեցել են անշուշտ, սեփական շքեղ բնակարաններ: Սկզբնապես նա ուսանել է Անիի ուսումնագիտական կենտրոնում, ստանալով հիմնավոր ու բազմակողմանի գիտելիքներ: Հետագայում ուսումը շարունակել է Կոստանդնուպոլսի ճեմարանում, հասու եղել հելլենական գիտությանն ու քաղաքակրթությանը: Մագիստրոսը, ինչպես ինքն է նշել, ծանոթ էր նաև ասորական և արաբական մատենագրությանը: Նա այդ մասին վկայում է Պետրոս Գետադարծ կաթողիկոսին հղած մի նամակում, գրելով. «Բազում աշխատութեամբ խոնջեալ և տազնապեալ, մինչ տակաւին յիմում անտիականն ելով տիս, հագիւ հազ մակացու այսմ եղեալ, սուղ ինչ էակացն հասեալ, ըստ որումն են յԱրաբացւոց և Քաղղեացւոց և Յունաց, ոչ դանդաղեցայ քննութեամբ զփորձ առնուլ»<sup>203</sup>: Հետևաբար, Մագիստրոսը տիրապետել է հունարենին, հասու եղել արաբերենին, ասորերենին և ուսումնասիրել այդ լեզուներով գրված իմաստասիրական, աստվածաբանական և քերթողական արվեստին առնչվող գործերը: Նա վաղ հասակից հաղորդակցվել է գիտությանը, արվեստներին, նախապատվություն տալով հելլենական գիտությանը: Իր երկու աշակերտներին գրած նամակից երևում է, որ նա քաջածանոթ էր Արիստոտելի և Պորփյուրի աշխատություններին<sup>204</sup>: Ուշագրավ է, որ իր որդի Վահրամին ուղղած թղթում Մագիստրոսը հորդորում է

<sup>202</sup> Լ.Խաչերեան, Գրիգոր Պահլավունի Մագիստրոս 985-1058թթ., Ս. Մխիթարյան, Գրիգոր Մագիստրոսի կյանքը և գեղարվեստական ժառանգությունը, Երևան, 2001:

<sup>203</sup> Գրիգոր Մագիստրոսի թղթերը, էջ 9:

<sup>204</sup> Տես նույն տեղում, էջ 105-106:

մտավոր սնունդ ստանալ «իմաստության ստիճաններից», իմա հնադարի հույն գիտուններ Պյութագորասի, Պլատոնի, Արիստոտելի երկերից «Իբրու զստինն դիեցեալ, մինչ ի տարերս տակաւին տարբերէիր...»<sup>205</sup>:

Արաբ գիտնական Իբրահիմ ամիրային հղած թղթից նույնպէս երևում է, որ Մագիստրոսը լավ ծանոթ էր հին հունական փիլիսոփայությանը. պարսկական, արաբական գիտությանն ու գրականությանը<sup>206</sup>:

Գրիգոր Մագիստրոսի թոռնորդի Ներսես Շնորհալին իր «Վիպասանութիւն» պոեմում, որը չափածոյի վերածված հայոց պատմությունն է, հետևյալն է գրում Մագիստրոսի մասին.

Աստուածային շնորհօք լցեալ,  
Իմաստութեամբ պայծառացեալ,  
Հօրն մերոյ նա հայր եղեալ...  
Ի յարքայէն Յունաց պատուեալ  
Եւ նահանգաց յօքունց տիրեալ  
Տեսականան ճոխացեալ,  
Եւ երկիւղին զարդարեալ,  
Ըստ Հոմերի տաղաչափեալ,  
Ըստ Պլատոնի պերճաբանեալ,  
Յունականին ներհուն եղեալ,  
Յոքնիմաստիցն մակացեալ...<sup>207</sup>:

Ներսես Շնորհալու կենսագիրը Գր. Մագիստրոսին բնութագրում է որպէս «յոյժ իմաստուն եւ հանճարեղ, եւ ներքին եւ արտաքին ուսմամբ ներակրթեալ վարժմամբ ի մանկական տիոց, հայկական և յունական դպրութեամբ...»<sup>208</sup>:

Գրիգոր Մագիստրոսին ճանաչում և գնահատում էին Բյուզանդիայի մայրաքաղաքում, որտեղ նա տակավին ուսումնառության ժամանակ ուներ մերձակիցներ մտավոր խավի մեջ: Նա գիտնականի, իմաստասերի իր կարողությունները փայլուն կերպով դրսևորել է բյուզանդացի գիտնականների հետ ունեցած բանավեճերում, որոնց ընթացքում նա «յաղթեր բնաւիցն, եւ տկարագոյն զամենեսեան երեւեցուցանէր անճշմարիտ գիտութիւնն, հօգօր զոլով նորա ի պատասխանիս, եւ հանճարեղ եւ խոհական ի դարձուածս բանից»<sup>209</sup>:

<sup>205</sup> Նույն տեղում, էջ 235:

<sup>206</sup> Տես նույն տեղում, էջ 200-201:

<sup>207</sup> Ներսես Շնորհալի, Վիպասանութիւն, էջ 108-109:

<sup>208</sup> Գ. Հովսէփեանց, Յիշատակարանք ծեռագրաց, Ա, էջ 426:

<sup>209</sup> Տես Դ. Ալիշան, Գայապատում, էջ 332: Մագիստրոսի իմաստությունը շեշտում է նաև Արիստակես Լաստիվերցին: Տես Արիստակես Լաստիվերտցի, էջ 62:

Նույնն է հավաստում նաև Մատթեոս Ուռհայեցին, գրելով. «Գրիգոր Պահլավունին՝ որդին Վասակայ էր անպարտելի շնորհօք լցեալ և զարմանալի էր սա յամենայն պատասխանիսն ընդդէմ Գոռոնոց, այդ քաջակիրք և ամենայն հմտութեանց հետևեալ և բովանդակ հասեալ սորա ի վերայ հին և նոր կտակարանացն Աստուծոյ. և սա ի յամբիոնսն մատեր ընդ իմաստասէրսն ի մէջ սրբոյն Սոփեայ և խոսէր ընդ վարդապետացն Գոռոնոց...»<sup>210</sup>:

Վերոնշյալ Իբրահիմ ամիրային ուղղած թղթում Գրիգոր Մագիստրոսը հոգևոր կեցության ոլորտում հույժ պատվելի է համարում հավատից հետո «իմաստութիւն և հանճար»<sup>211</sup>: «Եւ են սոքա,- գրում է նա,- մակաւսասար ամենայն պարառութեան և պայծառութեան, որք ի մերծակայունս և զբոլոր բարիսն պարունակեալ և յապառնիսն առհաւատչեայ»<sup>212</sup>: Նա ցկյանս հավատարիմ մնաց իր գիտական, քաղաքացիական, նաև քաղաքական հավատամքին: Չնայած ալեհույզ ժամանակի հարուցած վայրիվերումներին, Գրիգոր Բջնեցին երբեք չդավեց մտավորականի, գիտուն իմաստասերի իր կոչմանը, ստեղծելով գիտական, գեղարվեստական աստվածխոհական արժեքավոր գործեր: Միջնադարյան հայ իրականության մասին համակողմանի գաղափար կազմելու համար հույժ կարևոր նշանակություն ունի հատկապես նրա նամականին, որը հազվագյուտ զրական-պատմական երևույթ էր վերազարթոնք ապրող հայ մտաշխարհում: Մագիստրոսի նամակները («թղթերը») ուղղված են ժամանակի հասարակության ընտրախավի ներկայացուցիչներին, իհարկե, ամենից առաջ իմացախոհական հակումներ, շահագրգռություններ ունեցողներին՝ հոգևոր հայրերին, իշխաններին, գիտնական վարդապետներին, զորավետներին, քաղաքական գործիչներին, իր աշակերտներին, ազգականներին<sup>213</sup>: Նրա թղթերն իրենց բովանդակությամբ շատ ընդգրկուն են՝ առլցված իմաստասիրական, զրական-բանահյուսական, մանկավարժական-ուսուցողական, ազգային-գաղափարաբանությանն առնչակցվող հանրագիտական բնույթի մտակառուցումներով, իմաստահեղ մտորումներով: Նրա երկասիրած գործերի առանցքում նաև հայ մտավորականն է իր իմացական խոկումներով: Նրա գրչի տակ հառնում են իր ալեհույզ դարաշրջանի քաղաքական, բարոյաբանական, գաղափարական և իմացական իրողությունները: Գրիգոր Մագիստրոսն ամենից առաջ, իհարկե, մեծ իմաստասեր էր, ժամոթ էր հնադարի խոշոր գիտնականների գործերին: Նա ակնածամքով է հիշում ոչ միայն Արիստոտելին, Սոկրատին և Պլատոն-

<sup>210</sup> Մատթեոս Ուռհայեցի, էջ 183:

<sup>211</sup> Գրիգոր Մագիստրոսի թղթերը, էջ 201-202:

<sup>212</sup> Տես նույն տեղում:

<sup>213</sup> Գրիգոր Մագիստրոսի գրվածքները երբեմն ստանում են գեղարվեստական հնչերանգներ (տես Ս. Մխիթարյան, նշվ. աշխ., էջ 68-71):

նին, այլև հնադարի գիտուններ Աբյուդենոսի՝ Բերոսոսին, էպիկուրյան-ներին, պլութագորականներին, քրիստոնեացված նոր պլատոնականութ-յան ներկայացուցիչներին:

Գրիգոր Մագիստրոսի կարծիքով գիտությունը, մարդկային իմաս-տությունը հասարակության հոգևոր կյանքի շարժիչ զսպանակներն են: Մարդը բանական էակ է, ասում է նա, իսկ բանական էությունը չի կարող իմաստուն չլինել և զուրկ լինել մտածելու, մտահանգումներ անելու կա-րողությունից: Այս առնչությամբ նա գրում է. «իսկ եթե ոչ բանաւոր, զհարդ մարդ. և եթե ոչ իմաստուն, որպա՞կ բանաւոր. և եթե ոչ մակստացական. հի՛ կէն իմաստուն. և որ ոչ իմաստուն, որգո՞ն մտաց և մահիկէն իմաս-տուն. և որ ոչ իմաստուն, որգո՞ն մտաց և մակացութեան ընդունակ»<sup>214</sup>: Նա մտքի բնական հատկությունն է համարում խորաքնին մտածությամբ, խոհականությամբ նոր գաղափարներ ծնելը: Իմաստությամբ է պայմանա-վորում մարդու կամային հատկությունները: Քանզի, գրում է Մագիստրո-սը,- «բան գոյացութեանն մտացն ծննդականութիւն և խոր մտածութեան խոհականութիւն իմաստութեան յառաջարկութիւն կամաց հատուցանել ինչ կամ հայցել: Եւ որ ոչն իմաստուն, ոչ յայտսիկ յածի...»<sup>215</sup>:

Թռռնիկ Մամիկոնյանին գրած նամակում Մագիստրոսը գտնում է, որ ովքեր չեն կարողանում տրամաբանորեն, քննաբար մտահայել, պետք է օրինակ վերցնեն իրենց գործի մեջ մեծահմուտ արհեստավորներից ու-կերիչներից, քարգործներից, դարբիններից, որոնք «մեծի լսողութեան ունին պէտս և աւագ աչօք շուրջ հայել և այս այնոցիկ որոց ի հոգւոյն ծիր ընկալեալ է ըստ շնորհին. և բազում հոգ և կրթութիւն և ջան...»<sup>216</sup>: Մատե-նագիրը նաև խորհուրդ է տալիս մեղվաջան աշխատանքով դիտարկել իրական կյանքի երևութները, հասու լինել նրա ելևէջներին: Նույն նամա-կում նա գրում է. «Աղաչեմք անհակամիտաբար ուղղել զքեզ զայսպիսի թևակոխութեանց և պարապել ճշմարտութեանն և զհետ երթալ աւանդու-թեանց հարցն»<sup>217</sup>: Այդպիսով Մագիստրոսը Թռռնիկի պարտքն է համա-րում լինել ճշմարտախոյզ և հավատարիմ մնալ հայրենադիր ավանդու-թիւն: Նա իմաստությունը համարում է «անկողոպտելի գանձ», որից սա-կայն պետք է օգտվել զգուշորեն, իմաստունին վայել ձևով<sup>218</sup>: Միաժամա-նակ խորհուրդ է տալիս շատ չտարվել առտնին, կենցաղական վայելքնե-րով և չհեռանալ «իմաստասիրության արհեստից»: Մագիստրոսը վատա-բանում է այն գիտունին, որը «թողեալ զիմաստասիրութեանն արհեստ,

<sup>214</sup> Գրիգոր Մագիստրոսի թղթերը, էջ 205:

<sup>215</sup> Նույն տեղում:

<sup>216</sup> Նույն տեղում, էջ 232-233:

<sup>217</sup> Տես նույն տեղում, էջ 232-233:

<sup>218</sup> Նույն տեղում, էջ 202:

չոգաւ ի կենցաղական զեղխումն. իբրու թէ կոյր ի ծնէ եղեալ, զգայ զկուրութեանն, և ըղծայ տեսութեան, իսկ զկնի տեսութեան ի պատահմանէ կուրացեալ, յոյժ տարակուսելի է»<sup>219</sup>:

Գրիգոր Մագիստրոսը Ս. Կարապետ վանքի վանահորը հղած թղթում գրում է, որ իմաստահեղ կարծիքը ծնվում է երեք կերպ՝ «տրամախոհութեամբ և տեսութեամբ և ի րոյ», որոնք սակայն դժվարըմբռնելի են դառնում այն ժամանակ, երբ «տրամախոհիմբ... ոչ ստուգաբար, և տեսանենք որակութիւն և ոչ ըստ ձևոյն, և լսենք և ոչ ճշմարտէ», ուստի խորհուրդ է տալիս ամենից առաջ հիմնովին տարրալուծել երևույթները՝ տրոհելով երեք մասի՝ «երիւք ստուգութեամբ» և այնուհետև մտահայել դրանք: Այդ կերպ,- գրում է նա,- «սիրապէս թևակոխիցիմք՝ զանուն, զբնութիւն և զիր: Եւ այսպէս պարառաբար ստորաբաժանելով, և հազիւ հազ տակաւին ճանաչենք զգոյութիւն գոյին»<sup>220</sup>:

Գրիգոր Մագիստրոսի տիեզերընկալմամբ գոյություն ունեն երեք աշխարհներ. 1. Աստվածն իբրև «անշարժելի աշխարհ», 2. երկինքն իբրև «շարժուն աշխարհ», և 3. մարդն իբրև «բանաւոր աշխարհ»<sup>221</sup>: Այդպիսով նա տիեզերքը դիտում է հարաժամյա շարժման ու զարգացման մեջ, մարդուն համարում բանական, մտավոր աշխարհի մարմնացում, իմաստության արտահայտություն:

Գրիգոր Մագիստրոսը բարձր է գնահատում նաև հայ գիտունների, որոնք նրա կարծիքով հաղթող են եղել արվեստների ու գիտության բոլոր բնագավառներում և առավելություն ունեն շատ հույն գիտուններից<sup>222</sup>: Նա ըստ պատշաճի արժեվորում է իմացության սերմնացանների՝ հայ վարդապետներին, նրանց համարելով «հոգւոյ կենդանութեան պատճառ»<sup>223</sup>: Մագիստրոսը գիտունի հատկանիշներ է դիտում համբերատար ու տևական ունկնդրելու, մտքի աչքերով քննելու կարողութունակությունը, մտավոր անշեջ եռանդն ու մեղվաջան աշխատանքը: Նրա կարծիքով ովքեր հակված են գիտական խոկումների, «մեծի լսողութեան ունին պէտս և աւագ աջօք շուրջ հայել և այս այնոցիկ որոց ի հոգւոյն ձիր ընկալեալ է ըստ շնորհին. և բազում հոգ և կրթութիւն և ջան...»<sup>224</sup>:

<sup>219</sup> Նույն տեղում, էջ 5:

<sup>220</sup> Գրիգոր Մագիստրոսի թղթերը, էջ 71:

<sup>221</sup> Տես նույն տեղում, էջ 115:

<sup>222</sup> Տես նույն տեղում, էջ 205:

<sup>223</sup> Նույն տեղում, էջ 232:

<sup>224</sup> Նույն տեղում, էջ 232:

Գրիգոր Մագիստրոսը տանել չէր կարողանում գիտության մեջ անիրազեկ ու անհետևողական մարդկանց<sup>225</sup>, հատկապես իրենց կոչումին դավող մտավորականներին<sup>226</sup>:

Մագիստրոսը կարևորում է դաստիարակների, ուսուցիչների դերը: Նա գտնում է, որ մանկական տարիքից անհրաժեշտ է երեխայի մեջ սնուցել բարեպաշտություն, սեր ուսման նկատմամբ: Անուսումնությունը դիտում է որպես բոլոր չարիքների պատճառ: Եթե երեխան,-գրում է նա, «ոչ երկիւղիսն Աստուծոյ ի մանկական տիսն վարժի, կարծեմ, եթէ ոչինչ օգտէ. քանզի չար ախտ անծին հանդիպի ի վատթար հրահանգից և յանուսումնութենէ և ի չար ունակութենէ»<sup>227</sup>:

Ուսման բնագավառում Մագիստրոսը պարտադիր էր համարում «յոթ ազատ արվեստների» եռյակ և քառյակ գիտությունների ուսուցումը<sup>228</sup> (նախ քերականություն, ճարտասանություն և դիալեկտիկա, իմա՝ դատելու, բանավիճելու արվեստ, ապա՝ թվաբանություն, երկրաչափություն, աստղագիտություն (օրացույցի գիտեմալը) և երաժշտություն, որոնք բխում էին անտիկ շրջանի գիտական համակարգից: Ըստ Մագիստրոսի, առանց դրանք տիրապետելու, հնարավոր չէ աստվածաբանության յուրացումը: Այդպիսով եկեղեցուն կից դպրոցներում առաջին հերթին պարտադիր պետք է ուսուցանվեին «յոթ ազատ արվեստները», որոնք նպաստելու էին եկեղեցական արարողակարգի կատարելագործմանը, կրոնական գրքերն ըմբռնելու, աղանդավորների հետ բանակոխվներ վարելու և այլ գործընթացների համար): Այդ կերպ Մագիստրոսը կամենում էր հաստատուն հիմքերի վրա դնել դպրոցներում գիտության այդ ճյուղերի դասավանդումը և բարձրացնել եկեղեցու շահագրգռվածությունը դրանց նկատմամբ: Առանց սեփական անձը գիտությամբ լուսավորելու, հնարավոր չէ մերժեմալ Աստծուն,- հորդորում է գիտնականը<sup>229</sup>: Մագիստրոսը հետամուտ էր Հայաստանում գիտության այդ ճյուղերի արմատավորմանը: Նա ստեղծեց քերականության դասագիրք<sup>230</sup>, որը կազմված էր նախորդ քերականների երկերի որոշ մասերից: Մագիստրոսն իր տղային հղած նամակում գրում է. «Ոչ եմք երբեք դադարեալ ի թարգմանութենէ ևս... բայց և զերկրաչափականն զեւկլիդոսին սկսայ թարգմանել. և եթէ

<sup>225</sup> Տես նույն տեղում, էջ 112:

<sup>226</sup> Նույն տեղում, էջ 5:

<sup>227</sup> Նույն տեղում, էջ 69:

<sup>228</sup> Տես նույն տեղում, էջ 8-9, 72, 105 և այլն:

<sup>229</sup> Տես նույն տեղում, էջ 8-9, 97:

<sup>230</sup> Գրիգոր Մագիստրոսի ստեղծած այս դասագրքի գիտա-քննական բնագիրը տես Н. Адонц, Дионисий Фракийский и армянские толкователи, Петроград, 1915, Л. Խաչերեան, Գրիգոր Պաղիալունի Մագիստրոս, էջ 357-464:

տակաւին կամնացի Տէր երկարանալ մեզ ի կենցաղունս, բազում հոգս յանձին կալեալ զմնացեալսն բոլոր Յունաց և Ասորվոց թարգմանել ոչ դանդաղեցայց»: Նա որդուց խնդրում է օգնել իրեն այդ գործում<sup>231</sup>:

Հայտնի է, որ հին հայերենում «թարգմանել» բայն ուներ նաև «մեկնել», «բացատրել», «վերլուծել» իմաստը: Ըստ երևույթին Մագիստրոսը հենց այդ իմաստով է գործածում «թարգմանել» բառեզրը (նկատի ունենալով հունարեն և ասորերեն լեզուներով շարադրված աշխատությունները), երբ մտահղանում է վերլուծել դրանք: Անշուշտ, Գրիգոր Մագիստրոսը չէր ձեռնարկի այնպիսի խրթին և մեծ ջանքեր պահանջող աշխատանք, որպիսին էր «բոլոր հունաց և ասորվուց» երկասիրությունները հայերենի թարգմանելը:

Գրիգոր Մագիստրոսը Հայ Առաքելական եկեղեցու ջերմեռանդ պաշտպանն ու ջատագովն էր: Նա հմուտ ու քաջագիտակ էր նաև աստվածաբանության, քրիստոնեաբանության, Հայոց եկեղեցու նրա հիմքերի ամրակայացման գործում: Նրա հեղինակած գրեթե բոլոր գրվածքները արգասիք են խորահմուտ հավատաբանի, հայրենասեր գործչի իմաստահեղ մտորումների: Հիմնականում դրանով էր պայմանավորված Պետրոս Գետադարձ կաթողիկոսի և ուրիշ հայ հոգևորականների հետ նրա դրսևորած հոգեկցությունը, որն արտացոլք է գտել նրա թղթերում: Պետրոս Գետադարձ կաթողիկոսին հղած նամակներից երևում է, որ Գրիգոր Բջնեցին զնահատել է նրա գիտունությունը, Հայ Առաքելական եկեղեցու առաջնորդ լինելու իրողությունը: «Պետականդ բոլոր սրբազանիս և զլուխ առաքելական», այսպիսի խոսքերով է դիմում նրան Մագիստրոսը: Իր հերթին Պետրոսը հիացել է Գրիգոր Մագիստրոսի իմաստասիրությամբ, որին նրա գրել է. «զանսպառն հեղուս գիտութիւն և շնորհ»<sup>232</sup>:

Գրիգոր Մագիստրոսը համոզված էր, որ «Գիտության լույսն ընկալում են հավատով»<sup>233</sup>: Նա զնահատում է երկու կարևոր հատկանիշ՝ հավատն ու իմաստությունը<sup>234</sup>: Ի զուգակշիռ Գրիգոր Նարեկացու, Մագիստրոսը համոզված է, որ մարդու ամենամվիրական ձգտումը պետք է լինի Աստծուն մերձենալը, քրիստոնեական հավատի մեջ ունեցած ջերմեռանդությունը:

Գրիգոր Մագիստրոսը մեծ հեղինակություն էր վայելում հայ հոգևորականության բարձր ոլորտներում: Մատթեոս Ուռհայեցու վկայությամբ Հայոց ՆՁԵ (485/1036) թվականին արեգակի խավարմամբ ահաբեկված Հովհաննես-Սմբատ թագավորը և Պետրոս կաթողիկոսն այդ երևույթի

<sup>231</sup> Տես Գրիգոր Մագիստրոսի թղթերը, էջ 66:

<sup>232</sup> Գրիգոր Մագիստրոսի թղթերը, էջ 3:

<sup>233</sup> Նույն տեղում:

<sup>234</sup> Նույն տեղում, էջ 201:

պարզաբանման համար նշանավոր վարդապետ և աստվածաբան Յովհաննես Կոզեռնի մոտ են ուղարկում պատվիրակություն բաղկացած հոգևոր հայրերից ու աշխարհական տերերից Գրիգոր Մագիստրոսի գլխավորությամբ<sup>235</sup>, ինչը վկայում է արքունիքում և հոգևոր վերնախավում նրա ունեցած բարձր համարումի մասին:

Գիտության և բանականության լույսով հավատն իմաստավորելու համար Գրիգոր Մագիստրոսն անեցի գիտուն Գրիգոր Յնձեցուն առաքեց Վանանդի թագավոր Գագիկ Աբասյանի մոտ, նրան հորդորելով հիմնել թագավորական ճեմարան, ընդ որում նշելով, որ գոյություն ունի Աստծուն մերձենալու միայն մեկ ուղի, այն է երբ հավատացյալն իրեն լուսավորում է գիտությամբ: «Մերձենալ առ Աստուած,- գրում է Մագիստրոսը,- բարի է յոյժ: Եւ ոչ այլ ինչ է հնար մերձենալ, եթէ ոչ գիտութեամբ լուսաւորել զանձն»<sup>236</sup>: Գագիկ արքային հղած թղթում Մագիստրոսը Գրիգոր Յնձեցուն բնութագրում է իբրև խորագիտակ «աստուածեղէն դաւանութեան մերոյ բախտի»<sup>237</sup>:

Միաժամանակ դիտելի է, որ Մագիստրոսը հավատը և նրա իմաստասիրությունը՝ աստվածաբանությունը շաղկապում է բնական գիտությունների հետ: Նա հմուտ էր ոչ միայն իմաստասիրության, քերականության, դիցաբանության, քրիստոնեաբանության, այլև բնագիտության, բժշկագիտության և մաթեմատիկայի բնագավառներում: Մոկքի և Մանագլեբրտի եպիսկոպոս Գրիգորին հղած թղթում Մագիստրոսը համայն տիեզերքը բաժանում է մեծ և փոքր աշխարհների, մեծը՝ «աշխարհ աստուածային եութիւնն իմանի... իսկ փոքր՝ մարդկայինս սեռ», և հորդորում է «որքան կարողութիւն է զարդարել զաշխարհ և օգնական լինել իբրև զժառայ հլու և հպատակ Ստեղծչին զսա»<sup>238</sup>: Նա գիտությունը բաժանում է երեք գլխավոր ճյուղերի բնագիտություն, մաթեմատիկա և աստվածաբանություն, դրանք հարակցելով միմյանց հետ<sup>239</sup>: Յույն դպիր Կիրակոսին ուղղած թղթում նա գրում է՝ «որք ի բնաբանականէն յաստուածաբանականն անբառնան, ըստ այնոսիկ հաւանիմք զու»: Բնագիտությունից աստվածաբանություն բարձրացողներին համարում է խավարից դեպի լույսն ու արեգակը ձգտողներ<sup>240</sup>: Իմաստասերները,-գրում է նա, նյութականից բարձրանում են անմյութականը «այսինքն ի բնաբանականէն յաս-

<sup>235</sup> Տես Մատթէոս Ուռհայեցի, էջ 67:

<sup>236</sup> Գրիգոր Մագիստրոսի թղթերը, էջ 97: Մագիստրոսը Գրիգոր Յնձեցուն դիտում է որպէս «սայազատ Դայկեան և Պաիլաւունեան» (տես նույն տեղում):

<sup>237</sup> Նույն տեղում:

<sup>238</sup> Գրիգոր Մագիստրոսի թղթերը, էջ 85:

<sup>239</sup> Նույն տեղում:

<sup>240</sup> Նույն տեղում, էջ 114:

տուածաբանականն»<sup>241</sup>: Մագիստրոսը համոզված է, որ Հայոց եկեղեցին կարող է անսասան մնալ «քաջողջական հոգևովն մաքրափայլ տեսութեամբ», քանի որ «քաջաց և առաքինեաց են յարմարագոյն հովուաց»<sup>242</sup>:

Նա Տիրոջ պատվիրանները և գիտությունը համարում է «աչքերի լոյս», որից զրկվում են դրան անգիտացողները: Ի հաստատումն դրա, Մագիստրոսը վկայաբերում է Սողոմոն իմաստունին, որը «գիմաստութիւն խնդրէ յԱստուծոյ», իսկ Դավիթը՝ «զպատուիրանս Աստուծոյ և զգիտութիւն լոյս աչաց հաւանեցաւ զոյ»<sup>243</sup>:

Գրիգոր Մագիստրոսը հելլենական գիտության ջատագովն էր<sup>244</sup>, ծգտում էր այն սերմանել նաև հայ մտաշխարհում: Հունական գիտությունը համարում է այս աշխարհում վեհագույնն ու ազնվագույնը<sup>245</sup>: Բայց նա իր աշակերտներին խորհուրդ էր տալիս հույն իմաստասերների և գիտության մյուս մշակների գործերն ուսումնասիրելուց առաջ տիրապետել «ներկուռ վերծանութեամբ զհին և զնոր կտակարանս» և դիցաբանությունը<sup>246</sup>: Իբրահիմ անունով արաբ գիտունին հղած թղթում Մագիստրոսը գրում է, որ «թեև ոչ ենք անտեղեակ աթենացուցն ստորոգութեանց և հելլենական հանճարոյ, սակայն հաւատք մեր ծածկեցին զիմաստութիւն, վասն զի հոգեղենք ենք և ոչ մարմին, և ոչ անմարմին», բայց հարում է նա, հոգին ծածկում է մարմնին՝ «երկրորդ ծննդեամբն մեր, որ ի հոգւոյն ծնեալք եղեալք»: Դրա շնորհիվ, շարունակում է գիտնականը, մեր հավատքը հնարավորություն է ընծեռում վերահասու լինել և հավատալ ամերևույթին, այդ կերպ ըմբռնել մարդկային իմացականությանն անհասանելի, անմեկնելի երևույթները<sup>247</sup>: Նույն ամիրային ուղղված մեկ այլ նամակում Մագիստրոսը մեկ անգամ ևս հավաստում է, որ այս կյանքում «պատուելի է նախ հաւատ, երկրորդ իմաստութիւն և հանճար: Եւ են սոքա մակաւասար ամենայն պարառութեան և պայծառութեան», ավելին. դրանք պարունակում են ամենայն բարիքներ և ապագայի առհավատչյան են<sup>248</sup>: Այդպիսով հավատն ու իմաստությունը ընդգրկում են ամեն ինչ և նախապատրաստում են զալիքը: Այստեղից հետևում է, որ առանց հավատի և իմաստության չի կարող լինել բովանդակալից ու պայծառ ապա-

<sup>241</sup> Նույն տեղում:

<sup>242</sup> Նույն տեղում, էջ 146:

<sup>243</sup> Նույն տեղում, էջ 173:

<sup>244</sup> Տես Մ. Աբեղյան, Երկեր, Դ, Երևան, 1970, էջ 34-35, 37:

<sup>245</sup> Գրիգոր Մագիստրոսի թղթերը, էջ 106:

<sup>246</sup> Տես նույն տեղում, էջ 105:

<sup>247</sup> Նույն տեղում, էջ 174:

<sup>248</sup> Տես նույն տեղում, էջ 201-202:

գա: Այս դեպքում ևս գիտնականը առաջնություն է վերապահում հավատին:

Գրիգոր Մագիստրոսը հավատքի աղբյուր է համարում Ս. Գիրքն իբրև արդարախոյզ ու ճշմարիտ ուսմունք և աշխարհընկալում պարզևող առաջին ու գլխավոր մատյանը: «Եւ ո՞ արդեօք ծեր կամ հնագոյն քան զգիրս սուրբս և աստուածաշունչս, վասն զի յայնժամ ոչ գոյր գիրս, այլ միայն հարցն և ծերոցն պարտ էր հաւանել գրուցատրութեան»<sup>249</sup>, - գրում է նա Պետրոս կաթողիկոսին հղած թղթերից մեկում: Ըստ Մագիստրոսի, աստվածային պատվիրանները «լոյս են և լոյս տան աչաց, և յայնմանէ երկիւղ սուրբ, որ մնայ յաւիտեան»<sup>250</sup>, ուստի Սուրբ Գիրքը հավերժագո ու հարամնա արժեք է դառնում: Ընդ որում Մագիստրոսը գտնում է նաև, որ հելլենացի գիտունների իմացախոհական գործերում նույնպես առկա է «կաթիլ իմն աստուածային»<sup>251</sup>: Հետևությունը պարզ է բացի Աստվածաշնչից, կարևորում է նաև անտիկ գիտության ուսումնասիրությունը, ինչը աշխարհականացող, մտավոր վերազարթոնք ապրող ժամանակի պահանջն էր:

Գրիգոր Մագիստրոսն աշխարհական լինելով հանդերձ, խորացել է նաև աստվածաբանության մեջ: Նա Ս. Գրքից կատարում է բազմաթիվ հղումներ, տեղյակ էր եկեղեցու հայրերի գործերին:

Մագիստրոսն իրեն դրսևորում է ոչ միայն իբրև խորատես հավատաբան և ջերմեռանդ եկեղեցաբան, այլև գտնում է, որ առանց քառյակ գիտությունները, բնագիտությունն ուսումնասիրելու, հնարավոր չէ աստվածաբանությունն ուսուցանել: «Որք.-կարդում ենք Պետրոս կաթողիկոսին նրա հղած մի թղթում,- ոչ նախուստ կրթեալք են, բոլորովին ոչ գոյ հնար թևակոխել զայնպիսի աստուածաբանութիւնս, քանզի պարտ է նախ ի բնաբանականէն յուսումնականն ամբառնալ և անտուստ աստուածաբանականն»<sup>252</sup>: Մագիստրոսի կարծիքով իմաստասիրելու ունակությունը «ծիր պարզևի ի հոգւոյն է. բայց և զկնի քառիցն ուսումնականաց տիրապէս կատարեալ անցանել... ի մակացութեանն մակացութիւն. քանզի և սա ոչ այլ ինչ ունի տեսութեան դիտաւորութիւն, եթէ ոչ ի նմանութիւն Աստուծոյ»<sup>253</sup>: Այդպիսով «գիտությունների գիտության (մակացութեանն մակացութիւն»), իմա՝ աստվածաբանության (որի նպատակն Աստծուն նմանվելն է) ուսումնասիրելուց առաջ պետք է խորանալ քառյակ գիտությունների մեջ:

<sup>249</sup> Նույն տեղում, էջ 27:

<sup>250</sup> Նույն տեղում, էջ 4:

<sup>251</sup> Նույն տեղում, էջ 5:

<sup>252</sup> Գրիգոր Մագիստրոսի թղթերը, էջ 8:

<sup>253</sup> Նույն տեղում, էջ 226:

Գրիգոր Մագիստրոսի «Չազարտողեան» պոեմը Ս. Գրքի չափածո-  
յացված համառոտ շարադրանքն է: 1045թ. Բագրատունի վերջին թագա-  
վորը նենգորեն հրավիրվեց Կ. Պոլիս: Ենթադրվում է, որ նրա ետևից այն-  
տեղ մեկնած Գրիգոր Մագիստրոսը հետապնդել է նաև հայոց թագավորին  
պաշտպանելու նպատակներ<sup>254</sup>: Կայսրության մայրաքաղաքում նա հան-  
դիպեց մահմեդական հավատաբան Մանուչեին, որն իր իմաստությամբ  
հռչակված էր արաբական աշխարհում, նաև պատվի էր արժանացել Կոս-  
տանդին կայսեր կողմից: Այս գիտունի հետ Մագիստրոսը զրույցի է  
բռնվում հավատի շուրջ: Մանուչեն Ղուրանը գերիվեր է համարում Աստ-  
վածաշնչից, քանի որ, ըստ նրա, մահմեդականների այդ սրբազան գիրքը  
շարադրված է չափածո ձևով: Դրան ի պատասխան, Մագիստրոսն ասում  
է, որ չափածոյով հորինելը ոչ թե ի վերուստ է սահմանված, այլ ձեռք է  
բերվում աշխատությամբ: Վեճը հանգուցալուծվում է, երբ Մագիստրոսը  
հայտարարում է, թե այն, ինչ Մուհամմեդը գրել է 40 տարում, ինքը գրելու  
է 4 օրում, սկսելով աշխարհի արարչագործությունից և հասցնելով մինչև  
Քրիստոս: Մանուչեն խոստանում է քրիստոնյա դառնալ, եթե Մագիստ-  
րոսն իրոք շարադրի իր խոստացածը<sup>255</sup>: Չեղինակն այս պոեմում գրում է  
նաև Չայոց Եկեղեցու հայրերի մասին, սկսած Գրիգոր Լուսավորչից մինչև  
Մաշտոցն ու թարգմանիչները: Պոեմն սկսվում է այսպես.

«Մեծ են գործք աստուածային, սքանչելի նորա բանին.

հրաշալի անպատմելին, յամենայնի գարմանալին...

Ստեղծող գոյից բոլոր՝ որք ի ծածուկ և որք երևին...

Անսկիզբն, անժամանակ և արարող յալիտենին<sup>256</sup>:

Գրիգոր Լուսավորչի մասին գրում է.

Չսրբոյն մեր Գրիգորի և զՉայոց Լուսաւորչին,

Քաղաքաւըն Պահլաւին և ըստ ազգին Արշակունին,

Չմաքուր հայրապետին և սքանչելի մարտիրոսին...

Մարգարէ զսա տեսողին և ուսուցիչ մերոյ ազգին<sup>257</sup>:

Այնուհետև տրված են Տրդատ Մեծի հետ Գրիգորի Չոռն մեկնելն,  
այլա Կեսարիայում ձեռնադրվելն, այնտեղից Ս. Կարապետի և Աթանա-  
զիների մասունքները Չայաստան բերելը և Աշտիշատում ամփոփելը,  
Չեփսիսմյանց մահատակությունը և այլն: Չիշվում են նաև Գրիգոր Լուսա-  
վորչի որդիները, նշելով նաև «Արդ զիս յայս տոհմէ գիտեմ ազգաւ Պարթև  
իմ հայրենին»<sup>258</sup>: Գրիգոր Լուսավորչից սերած լինելու գաղափարը նույն-

<sup>254</sup> Լ. Խաչերեան, Գրիգոր Պահլաւունի Մագիստրոս (985-1058), էջ 134-135:

<sup>255</sup> Տես Տաղասացութիւնք Գրիգորի Մագիստրոսի Պահլաւունոյ, էջ Ա-Գ:

<sup>256</sup> Նույն տեղում, էջ 1-2:

<sup>257</sup> Նույն տեղում, էջ 70-71:

<sup>258</sup> Նույն տեղում, էջ 73:

պես հիմք կարող էր դառնալ Մագիստրոսի եկեղեցանպաստ ուղեգծի և հոգևոր հայրերի հետ նրա ունեցած հոգեկցության համար:

Պոենում զգացվում է նաև Գրիգոր Նարեկացու ազդեցությունը: Նրա հետևողությամբ Մագիստոսն առաջադրում է բոլոր ազգերի, ցեղերի ու անհատների փրկության զաղափարը<sup>259</sup>: Վերջին դատաստանը պատկերելիս նա դողում ու սարսափում է Նարեկացու պես<sup>260</sup>:

«Հազարտողյանը» համարվում է հայոց տաղասացության մեջ նորարարություն, և անդրանիկ հանգավոր երկասիրությունը<sup>261</sup>: Այս պոեմին է հարում Մագիստրոսի «Ներբողեան ի սուրբ խաչն Քրիստոսընկալ» գործը, որտեղ գովերգում է Ս. խաչը.

Նախնոյն մեր առաջին նորոգութեան կնիքըդ կանգնեալ...

Գործիդ մահու կենաց ի յարութիւն մեզ ներգործեալ:

Բըղխումն անապական՝ աղբիւր կենաց ի քեզ հոսեալ<sup>262</sup>:

Ս. խաչը ոչ միայն արիություն, իմաստություն է պարզևում, այլև «սգաւորաց մխիթարիչ» է, տրտմացողներին ուրախացնող, աշխարհի չորս ծագերից մոլորյալներին ժողովող, որը նաև թողություն է պարզևում մեղապարտ հոգիներին<sup>263</sup>: Այստեղ նույնպես զգացվում է Գրիգոր Նարեկացու ազդեցությունը: Վերջինս համոզված էր, որ խաչի նշանով խափանվում են թշնամական հարձակումները, պրկվում են չար ոգիները և այլն<sup>264</sup>: Նարեկացին տենչում է, որպեսզի խաչը պաշտպան լինի իր երդիկին, միշտ լինի իր աչքերի առջև, նույնիսկ դրոշմվի իր դռան ճակատին<sup>265</sup>:

Գրիգոր Մագիստրոսը գրել է նաև «Առ սուրբ Կարապետն Յովհաննես» ներբողյանը, որտեղ շեշտում է Հովհաննեսի հրեշտակային վարքը, Աստծուց նրա արժանանալը Փրկչին մկրտելու շնորհին: Այս գրվածքը նմանության եզրեր ունի Գրիգոր Նարեկացու «Քարոզ Գրիգոր Նարեկացույ ստացեալ ի սուրբ Յովհաննես Սկրտչին» գործի<sup>266</sup> հետ: Մագիստրոսը հորինել է մի շարական, ուր գովերգվում է Հավուց թառի Ամենափրկիչ

<sup>259</sup> Տես նույն տեղում, էջ 76:

<sup>260</sup> Տես Ս. Աբեղյան, Երկեր, Դ, էջ 47:

<sup>261</sup> Տես Ս. Մխիթարյան, նշվ. աշխ., էջ 106:

<sup>262</sup> Գրիգոր Մագիստրոս, Տաղասացութիւնք, էջ 85:

<sup>263</sup> Տես նույն տեղում, էջ 84, 86-87, տես նաև Գր. Մագիստրոս, Թղթեր, էջ 168-169:

<sup>264</sup> Տես Գրիգոր Նարեկացի, Մատենան ողբերգութեան, աշխ. Պ. խաչատրյանի և Ա. Ղազինյանի, Երևան, 1985, Բան ՂԱ, 15-26:

<sup>265</sup> Տես նույն տեղում, Բան ՂԱ, 34, 36: Նշենք նաև, որ Նարեկացին ունի «Տաղ սուրբ խաչին» բանաստեղծությունը (տես Գրիգոր Նարեկացի, Տաղեր և զանծեր, աշխ. Ա. Քյոշկեթյանի, Երևան, 1981, էջ 129-130):

<sup>266</sup> Տես Գր. Նարեկացի, Տաղեր և զանծեր, էջ 141 և հտ.:

եկեղեցուն քանդակված Հիսուսի պատկերը: Նույն եկեղեցու որմին Գրիգոր Մագիստրոսի կողմից 1013թ. թողած արձանագրության մեջ Հավուց թառը համարվում է «հանգստարան եւ արքայան անձեռագործ սուրբ պատկերին Յիսուսի Քրիստոսի որ ի փայտին»<sup>267</sup>: Հետագայում (1360-ական թթ.) Արարատյան երկրի Եպիսկոպոս Մանուել Բջնեցին (եղվարդի Ազիբեկենց իշխանական գերդաստանից) այդ սրբությանը նվիրված գանձի մեջ գրում է, որ Քրիստոսի խաչելությունից հետո նրա պատկերը տեղափոխվում է Հռոմ: Գրիգոր Մագիստրոսն իր Վահրամ որդուն ուղարկում է Հռոմ խնդրելու այդ սրբությունը: Վասիլ կայսրը և Գորգ իշխանը Մագիստրոսին են նվիրում այդ գանձը: Վերջինս «մեծօ հանդիսի ընդ յառաջ շարժի» և ուսամբարձ բերում զԵտեղում է «յուխտի, յարկ իւր կայանի», ապա, որոշ ժամանակ անցնելուց հետո այն տեղափոխում է իր հիմնած Հավուց թառի վանք<sup>268</sup>: Վասիլ կայսեր հիշատակումը վկայում է, որ հիշյալ սրբությունը Հայաստան է տեղափոխվել ավելի վաղ՝ հավանաբար, Վասիլ II կայսեր և վրաց Գեորգի թագավորի օրոք: Այնուհետև Մանուել Բջնեցին գրում է.

Իսկ Մագիստրոսին յորժամ եդ հարկին զտիպն աստուածային:

Արար խրախութիւն տաւնախմբութիւն զեաւթն աւր միասին:

Եւ ի դէմս դրոշմին եւ յեկեղեցին երգեաց գովութիւն:

Ձերգս շարականին, զորս ըստ պատկերին, որք ի կարգ խաչին<sup>269</sup>:

Հավուց թառի Ամենափրկիչ եկեղեցու անվավեր արձանագրության մեջ նշվում է, որ եկեղեցին «վերստին կառուցել է» Մագիստրոսը<sup>270</sup>, այնտեղ զետեղելով Փրկչի պատկերը՝ «զվեմն հաւատոյ», ինչի մասին նշվում է նաև Մագիստրոսի հորինած շարականում:

Գրիգոր Մագիստրոսը հովանավորում էր եկեղեցու հայրերին, որոնք նրան էին դիմում իրենց հուզող գիտական, ուսումնական, նաև առօրեական կենսահույզ խնդիրները լուծելու ակնկալությամբ: Մագիստրոսը սիրով արձագանքում էր նրանց՝ նամակներով, երբեմն նաև անձնական շփումներով: Հայտնի է նրա մերձակցությունը Պետրոս Գետադարձ կաթո-

<sup>267</sup> Գ. Հովսեփեանց, Հաւուց թառի Ամենափրկիչը եւ նոյնանուն յուշարձաններ հայ արուեստի մէջ, Երուսաղէմ, 1937, էջ 2:

<sup>268</sup> Տես նույն տեղում, էջ 88:

<sup>269</sup> Նույն տեղում:

<sup>270</sup> Տես Ղ. Ալիշան, Այրարատ, էջ 354: Սամուել Անցու երկուն Հավուց թառի առաջնորդ Նաթանայել Եպիսկոպոսի կողմից թողած 1343 թվակիր հիշատակարանում այդ եկեղեցու հիմնադիր է համարվում Քեդի ամրոցի տեր Գեորգ իշխանը, (XIIIդ.-սկիզբ), որը Հասանի որդին էր և Գրիգոր Ապիրատի եղբայրը (տես Կ. Մաթևոսյան, Հավուց թառի վանքի և Ապիրատյան տոհմի պատմության նորահայտ տվյալներ («Բանբեր մատենադարանի», 17, Երևան, 2006թ., էջ 154-155, 160-163):

ղիկոսի հետ, ինչը բխում էր Եկեղեցու հանդեպ Մագիստրոսի տածած խորը հարգանքից, որի թելադրանքով Մագիստրոսը Պետրոսին նվիրեց «խաչանշան գավազան», այդ առթիվ նրան ծոմելով չափածո ներբողական: Այդ գրվածքում կաթողիկոսը համեմատվում է հրեից Մովսես մարգարեի հետ, համոզմունք հայտնվում, որ նույն գավազանով նա տարասփռված հայերին առաջնորդելու է դեպի «Ավետյաց երկիր»<sup>271</sup>, իմա Յայոց բնաշխարհ: Պետրոսին հղած նամակները հետևանք էին վերջինիս ունեցած գիտական նախասիրությունների և գերծ էին քաղաքական գաղափարակցության հնչերանգներից: Յայտնի է, որ Մագիստրոսը երբեք չթղթակցեց Պետրոս կաթողիկոսին գաղափարակից Վեստ Սարգսի հետ:

Մագիստրոսն իբրև աշխարհիկ իշխանավոր, նաև գերակայություն ուներ Եկեղեցու հանդեպ, նշանակում էր իրեն ենթակա շրջանների հոգևոր առաջնորդներին, հարկ եղած դեպքերում սաստում նրանց: Այսպես, նա դժգոհում է մի եպիսկոպոսից, որին ինքն էր հովվապետ կարգել: Նշում է, որ նրան չի կարելի եպիսկոպոսի անուն տալ, թեև «դէտ կացուցի, և ոչ միայն դէտ, այլ և վերադիտող», մինչդեռ նա չէր վերացրել բնակչության հեթանոսաբարո սովորույթները գերեզմանի շուրջ սգահանդեսի պահին պար գալը, սուլելը, ոտքերով գետինը դռփելը, ծափ տալը և այլն<sup>272</sup>:

Գրիգոր Մագիստրոսը հիմնեց Բջնի եպիսկոպոսությունը, որն ազդեցիկ դեր խաղաց արևելահայոց կյանքում: Նրա ջանքերով Բջնին դարձավ եկեղեցական վիճակի կենտրոն, փոխարինելով Արարատյան եկեղեցաթեմին: Նրա առաջնորդը մասնակցում էր Յայոց կաթողիկոսի ընտրություններին, կոչվում «արքեպիսկոպոս Բջնոյ և Արարատայ»<sup>273</sup>: Քրիստոնեական հավատն ու հայրենիքը Մագիստրոսի համար անբաժան էին, ուստի նա ջանքեր էր ներդնում Եկեղեցու հիմքերն ամրապնդելու, հայրենիքի սահմանները պաշտպանելու համար: Մոկաց Գրիգոր եպիսկոպոսին հղած թղթում նա գրում է, որ Աստծու պատվիրաններից ամենագլխավորը հայրենիքի սահմանները պաշտպանելու պատգամն է<sup>274</sup>:

Սիջագետքի, Տարոնի և հարակից շրջանների դուքս կարգված Մագիստրոսը հոգեբանական ճգնաժամի մեջ էր դառն հիասթափություն էր

<sup>271</sup> Տես Գրիգոր Մագիստրոսի թղթերը, էջ 31-32: Մագիստրոսը չէր կիսում Պետրոս Վեստադարձի քաղաքական հայացքները: Յայտնի է, որ 1037թ. Յովհաննես-Ամբատ թագավորի հրամանով Պետրոս կաթողիկոսը բանտարկվեց հենց Գրիգոր Մագիստրոսի Բջնի ամրոցում (տես Յաւաքումն Պատմութեան Վարդանայ Վարդապետի, էջ 98):

<sup>272</sup> Տես Գրիգոր Մագիստրոսի թղթերը, էջ 47:

<sup>273</sup> Լ. Խաչիկյան, ԺԴ դարի հայերեն ձեռագրերի հիշատակարաններ, Երևան, 1950, էջ 6, նույնի ժե դարի հայերեն ձեռագրերի հիշատակարաններ, մասն Ա, Երևան, 1955, էջ 51, 162, 422:

<sup>274</sup> Գրիգոր Մագիստրոսի թղթերը, էջ 55:

ապրում, իրեն համարում վաճառված ու տարագիր, «ի հարց շիրմաց արտակացեալ և ի դաստակերտաց և ի բազում աշխատութեանց ունայնացեալ»<sup>275</sup>: Անշուշտ, Գրիգոր Նարեկացու հետևողությամբ է Մագիստրոսը ինքնապարսավ խոսքերով հիշում իր աշխարհական «ծովածուփ կենցաղավարության» և այլ մեղանշումների մասին, գոչելով. «Ո՞ զիս փրկեսցէ յայսպիսի վտանգէ»: Իր ծանրամեղ համարվող աշխարհական գայթակությունների պատճառով նա իր մերձավորներ Գրիգոր քահանային և Ստեփաննոս արքեպիսկոպոսին ուղղած նամակում խնդրում է. «Անկեալ առ ոտս աղաչեցէ՞ք, խնդրելով և պաղատանօք, զի բացցի աչք իմ հոգւոյ և լուսաւորեսցէ իւրով աստուածութեամբն և թողցէ զիմս յանցանս և ողորմեսցի ամենակալն Աստուած»<sup>276</sup>: Նման մտայնությամբ հոգևոր խոկումների գիրկն ընկած Մագիստրոսը բնական մղումով հարկ է որ ընկներ խորհրդապաշտ մտորումների գիրկը, ջանալով բանական ճանապարհով կապվել Բարձրյալի հետ և արժանանալ նրա ամենալից շնորհներին: Անշուշտ, նման պայմաններում նրա խորհրդապաշտական մտազեղումները առաջադեմ մտածողի հոգևոր տարերքն էին, նրա վերասուլաց մղումների արգասիքը:

Մագիստրոսը ջատագով էր հոգևորականների համերաշխության: Նա Գուգարաց Ձորոփոր գավառի խնատի վանքի առաջնորդին գրում է. «Չրամայիմք անաչառու և հնազանդ և հլու աստուածային պատուիրանին լսել և ծառայել անարատութեամբ»<sup>277</sup>: Նույն վանքի միաբաններին հորդորում է լինել համերաշխ, «քանզի զի՞նչ բարի է կամ զի՞նչ վայելուչ, զի բնակին եղբարք ի միասին»: Նրանց առաջարկում է ժողով գումարել և ընտրել նոր առաջնորդ՝ վախճանվածի փոխարեն, «զոր կամի Աստուած և դուք, և միաբանութեամբ գրեցէք առ իս, և փոյթ առ իս առաքեցէք»<sup>278</sup>:

Գրիգոր Մագիստրոսը եկեղեցականներին հորդորում էր չհեռանալ լեռները, չմեկուսանալ ժողովրդից, հետևել Քրիստոսին և նրա պես շրջել ամենուր, քանզի «ոչ միայն ի լերին կարող ենք զԱստուած Բանն ի մեզ ընդունել, այլ և յամենայն տեղուք, վասն զի ընդ ամենայն տեղիս է տէրութիւն նորա»<sup>279</sup>:

Հայտնի է Մագիստրոսի բացասական դիրքորոշումը թոնդրակյան աղանդավորների նկատմամբ, որոնց նա հեռացած էր համարում Հայոց եկեղեցուց ու նրա դավանանքից: Աղանդավորները փորձեցին ասորիների կաթողիկոսի միջոցով պաշտպանություն գտնել հալածանքներից:

<sup>275</sup> Նույն տեղում, էջ 139-140:

<sup>276</sup> Նույն տեղում, էջ 77:

<sup>277</sup> Նույն տեղում, էջ 99:

<sup>278</sup> Նույն տեղում, էջ 101:

<sup>279</sup> Նույն տեղում, էջ 91:

Վերջինս դիմեց Մագիստրոսին եղելությանը հասու լինելու նպատակով: Մագիստրոսը նրան հորդորեց ընթերցել Անանիա Նարեկացու գործը («Գիր խոստովանութեան»-ը), նրա միջոցով տեղեկանալ թոնդրակյանների մասին և ուղիղ ճանապարհի վրա դնել նրանց: Աղանդավորները, գրում է Մագիստրոսը, խարխլում են Հայոց եկեղեցու հիմքերը, հետևելով «խարդալանող խաւարասէր խոպանողացն և ցանկապատառ հետևողաց նոցա»<sup>280</sup>: Մագիստրոսը դատապարտում է թոնդրակեցիներին, որոնք մեղադրում են եկեղեցուն նյութապաշտության (խաչի պաշտամունքի, քահանայի զգեստների, պատարագի պարագաների և այլնի) մեջ: Նա նաև նշում է, որ նրանք մերժում են Ս. Գիրքը, եկեղեցու խորհուրդները, հոգևոր նվիրապետությունը: Նրանց համարում է «աբտաքոյ օրինացն քրիստոնէից»<sup>281</sup>: Ինչպես հավաստում է Մագիստրոսը, թոնդրակեցիները «զինքեանս անուանեն քրիստոնէայս», և շրջելով առանց եպիսկոպոսների ու քահանաների, ասում են «մեք յվրամեան գնդէն ենք և հաւատով համեմատ նոցա»: Ուշագրավ է, որ Մագիստրոսը գրում է, որ աղանդավորներից ոչ ոքի չի վնասել «մարմնական պատուհասիւք, թէպէտև յօրէնսն հրամայէ զվերջին պատուհասն կրել նոցա»<sup>282</sup>: Անշուշտ, Մագիստրոսը համոզված էր, որ թոնդրակեցիները հավատուրաց և հայրենադուժ չեն, ուստի ընդառաջեց այն աղանդավորներին, ովքեր ցանկանում էին վերադառնալ Հայոց եկեղեցու գիրկը և «խոստովանեցան զյանցանս իւրեանց և զմոլորութիւնս իւրեանց»: Նա գուցե անծամբ եղավ թոնդրակ ավանում<sup>283</sup> ու թեև ոչնչացրեց, ցրեց թոնդրակեցիների կազմակերպությունները, բայց մարդասիրական մղումներով Բջնիի եփրեմ եպիսկոպոսի և ուրիշ հոգևոր հայրերի միջոցով Մագիստրոսն, ինչպես ինքն է նշում, մկրտել տվեց թոնդրակեցիներից ավելի քան հազար հոգու:

Մագիստրոսը հոգածու էր նաև Հայոց եկեղեցու արժանավոր սպասավորներ պատրաստելու գործին: Իր աշակերտներ Բարսեղին ու Եղիշեին նա ուղարկեց Պետրոս կաթողիկոսի մոտ՝ կրոնավորելու և ծառայելու «Հիսուսի կենսաբեր սուրբ նշանին», վստահելով, որ նրանք «զծայն օտարի ոչ լուիցեն» և չեն դավի իրենց կոչմանը<sup>284</sup>: Հարկավ, հետագայում նրա այս աշակերտները ձեռնադրվեցին եպիսկոպոսներ: Ընդամեն Մագիստրոսը չէր զլանում նաև սովորել հոգևոր հայրերից: Նա բարձր էր

<sup>280</sup> Նույն տեղում, էջ 164:

<sup>281</sup> Նույն տեղում, էջ 154-155, 160, 168-169:

<sup>282</sup> Նույն տեղում, էջ 159, 161:

<sup>283</sup> V. Nersessian, *The Tondrakian Movement*, Allison Park, Pennsylvania, 1988, p. 63, К. Юзбашян, *Армянские государства эпохи Багратидов и Византия IX-XI в.в.*, М., 1988, с. 244.

<sup>284</sup> Տես Գրիգոր Մագիստրոսի թղթերը, էջ 18-20:

գնահատում Սյունյաց Յովհաննես արքեպիսկոպոսին, նրան համարելով «իր լուսատուն», «աստվածապատիվ հոգևոր տերը», «իր խոհերում վեհագույնը»<sup>285</sup>, որակումներ, որոնք թույլ են տալիս կարծելու, որ Սագիստրոսը շատ բան է սովորել նրանից: Յովհաննեսի նկատմամբ Սագիստրոսի տածած հարգանքը հավանորեն բխում էր նաև այդ հոգևորականի կողմից Սյունյաց աթոռի և Յայոց Յայրապետական կենտրոնի միջև հարաբերությունների բարելավման փաստից: Սյունյաց պատմիչը նրան կոչում է «յոգներանեան այրն Աստուծոյ, կրկին լուսատրիչն և երկրորդ Մորոգողն նուազեալ տանն այնմ և բոլոր աշխարհիս Սիսական», որը գահակալեց «աւելի քան 450 ամ»<sup>286</sup> (1006-1056): Յովհաննեսից Սագիստրոսը մխիթարական թուղթ է ստացել «յաղագս անեզրական և անտանել տարակուսանաց կործանման բոլոր Արամեան նահանգի»<sup>287</sup>: Նրան հղած նամակում Սագիստրոսը իր հորեղբորը Վահրամին գնահատում է իբրև «նոր մարտիրոս և հրաշալի վկա», որը «խոցվեց Քրիստոսի խաչի թշնամիներից և նահատակվեց հանուն Սայր Եկեղեցու», իսկ Վահրամի ծնողները հետևելով «իրենց նախնի» Սահակ Պարթևին, «վանս նորագոյնս շինեալ բազումս, և զավերեալս նորոգեալ...»<sup>288</sup>: Այդպիսով մատենագիրը հորեղբոր և նրա ծնողների վաստակն արժևորում է նաև Եկեղեցու հանդեպ նրանց նվիրվածությամբ:

Գրիգոր Սագիստրոսը բարձր է գնահատում վարդապետին իբրև «հոգւոյ կենդանութեան պատճառ», քանի որ նա բարության պատճառ լինելով՝ արժանի է ավելի մեծ պատվի, քան «զհարք ըստ մարմնոյ», և որ հենց վարդապետների միջոցով է մարդկանց մեջ սերմանվում Աստուծոյ խոսքը, որը «կյանք է ու լույս»<sup>289</sup>: Նա խորին հարգանք էր տածում հատկապես Անիի Սարգիս վարդապետի նկատմամբ, որին անվանում է «ամբողջ հռետորական դասի մեջ» «մտքերով վեհագույնը» և «աստվածային տելետիս»՝ հզոր «ի պուրետիկոսականն մատենագրութեանն»<sup>290</sup>: Սարգսին հղած թղթերից մեկում խոսելով Միջագետքում, Վասպուրականում իր ջանքերով ձեռք բերած խաղաղության, թոնդրակեցիների աղանդի վնասակար միտումների մասին, Սագիստրոսը նշում է, որ թեև շատ է զբաղված, բայց կարոտ է այդ մտացի վարդապետի օժանդակության և ցանկություն է հայտնում, որպեսզի հանդիպեն և «առ միմեանս սիրովն Աս-

<sup>285</sup> Տես նույն տեղում, էջ 46:

<sup>286</sup> Տես Ստեփաննոս Օրբելեան, Պատմութիւն նահանգին Սիսական, Թիֆլիս, 1910, ԾԲ, էջ 295:

<sup>287</sup> Գրիգոր Սագիստրոսի թղթերը, էջ 36:

<sup>288</sup> Նույն տեղում, էջ 42-43:

<sup>289</sup> Տես նույն տեղում, էջ 209:

<sup>290</sup> Նույն տեղում, էջ 57:

տուժոյ ողջունենք և առ միմեանս զգեղեցիկ հակառակութիւնսն ճեպենք իմաստասիրել»<sup>291</sup>: Այս վարդապետին Մագիստրոսը դիտում է որպէս քրիստոնեացված նոր պլատոնականության հետևորդ՝ «զնորագոյնն իբրու չքնաղ և պայծառ պղատոնական»<sup>292</sup>: Յետևաբար, Մագիստրոսը Սարգսի մեջ գնահատել է նրա նտավոր տարերքը և իմացական արժանիքները: Մագիստրոսի թղթերից երևում է, որ երբ վերջինիս և Գագիկ II արքայի միջև հուլիս սրվել էին հարաբերությունները (որի հետևանքով Մագիստրոսը մեկուսացել էր Բջնիում), արքան Սարգսին ուղարկեց նրա մոտ, որպէսզի հաշտեցնի իրեն հետ: Սարգսիսը ժամանեց Պահլավունյաց երկրորդ ոստան Ամբերդ և այնտեղից հաշտության շուրջ թուղթ հղեց Մագիստրոսին, որը պատասխանեց նամակով լի ցավատանջ մտորումներով<sup>293</sup>:

Գրիգոր Մագիստրոսն իր իմացական խոհերը կիսում էր նաև Սևանա վանքի Սարգիս վարդապետի հետ: Երբ նա տեղեկացավ Բյուզանդիա տարագրված Գագիկ II-ի մոտ Սարգսի մեկնելու մասին, խնդրեց, որպէսզի վերջինս նախ այցելի իրեն, որպէսզի «ճեպենք իմաստասիրել», - գրում է նա<sup>294</sup>: Մագիստրոսը թղթակցում էր նաև Տարոնի Ս. Կարապետ վանքի վանահոր Սարգսի հետ: Նշելով Սարգսի «կատարյալ գիտության և իմաստության» մասին, նա գրում է, որ «Յոգույն այսոցիկ շարժին ի մեղ ներգործութիւնք, քանզի յորժամ կամիցի գողորմութիւն իւր առատացուցանել և հրաշագործել, յաւելու զհաւատսն զօրութեամբ և զհայացուածսն ըստ պատշաճին... այսպէս Ստեղծիչն միշտ հնարի զհոգւոց մարմնոց մերոց փրկութիւն»<sup>295</sup>: Ս. Կարապետի այս վանահայրը աշակերտել էր Մագիստրոսին, երբ վերջինս դասավանդում էր այդ հռչակավոր մենաստանի ճեմարանում<sup>296</sup>: Մագիստրոսը վանահորից խնդրում է միջոցներ գտնել ծաղիկ հիվանդությամբ տառապող իր որդուն բուժելու համար<sup>297</sup>:

Գրիգոր Մագիստրոսն իր իմացական մտորումները կիսում էր նաև Գրիգոր և Ստեփաննոս արքեպիսկոպոսների, Մուկքի և Մանազկերտի եկեղեցական վիճակի առաջնորդ Գրիգոր Եպիսկոպոսի, Պահլավունյաց հայրենական տիրույթների հոգևոր հայրերի, զանազան կրոնավորների հետ, խորհուրդներ տալիս նրանց, ակնկալում նրանց հոգեկցությունը:

<sup>291</sup> Նույն տեղում, էջ 69:

<sup>292</sup> Նույն տեղում, էջ 69:

<sup>293</sup> Տես նույն տեղում, էջ 64:

<sup>294</sup> Տես նույն տեղում, էջ 68-69:

<sup>295</sup> Նույն տեղում, էջ 73:

<sup>296</sup> Տես նույն տեղում, էջ 71-72:

<sup>297</sup> Տես նույն տեղում, էջ 74-75:

Մագիստրոսը մտերմիկ հարաբերությունների մեջ էր նաև Մարմաշենի վանքի առաջնորդ Սոսթենես եպիսկոպոսի հետ: Գիտնականը նրան համարում էր «ամենայն աստուածեղէն պատգամացն տեսանօղ և յարդարօղ», որը խռովահոյզ ժամանակներում դարձավ «ճակատամարտիկ իմն, միամարտ և աննահանջ արիութեամբ դիմակայեալ անտամելի և անժուժելի խազմարարաց ներքուստ և արտաքուստ»: Նա Սոսթենեսին ուղարկում է կնքամատանի՝ «պերճ և պաճոյճ մակագրեալ»<sup>298</sup>:

Հայոց եկեղեցու հիմքերն անրապնդելու, նրա դավանանքը տեսական բարձր հիմքերի վրա դնելու համար Գրիգոր Մագիստրոսը հիմնեց և հովանավորեց Սանահնի, Կեչառույքի, Բջնիի, Հավուց թառի և Տարոնի Ս. Կարապետ վանքի ճեմարանները, որտեղ ուսուցանվում էին նաև աստվածաբանական, դավանաբանական խորը գիտելիքներ:

Մագիստրոսը մեծ ավանդ ունի նաև եկեղեցաշինության բնագավառում: Նա հայրենի ոստան Բջնիում, Հրազդանի աջ ափին կառուցել տվեց Ս. Աստվածածին հոյաշուք եկեղեցին (կառուցումն ավարտվեց 1031թ.), նրան օժտելով անհրաժեշտ պիտավայրերով: Գմբեթավոր այդ եկեղեցում (որը կանգուն է նաև այժմ) նա թողել է մի արձանագրություն, որտեղ ասվում է. «Թ ՆԶ (1031) Շնորհիւն Աստուծոյ այս հրամանք է իմ՝ Տեառն Պետրոսի Հայոց կաթողիկոսի և Սմբատայ շահնշահի, որ հաստատեաց զեպիսկոպոսարան ի Բջնի քաղաքի զՍուրբ Աստուածածինս հիմնարկեալ կատարեաց Գրիգոր իշխանաց իշխան, որդի Վասակայ և տուաւ վիճակ ի Սուրբ Աստուածածինս ի Փոշահանից մինչև ի Նիգ. և Դիւատուն զԱռակս և Աղստև. և տուաք գաւազան և Սուրբ Նշան և Աթոռ: Արդ՝ եթ ոք խափանել ջանայ զԱթոռս կամ յայլ տեղիս փոխել, կամ զհողը յաիշտակել, կամ զաւանդ եկեղեցոյս գողանալ՝ թէ եպիսկոպոսս կամ յիշխանաց ով որ հակառակի, նզովեսցի յԱստուծոյ և ի մենջ, և ի ՅԺԸ հայրապետաց, և արմատակի ջնջեսցի յիշատակ նորա յերկրէ, և անլոյծ կապեսցի: Եւ արդ՝ այս է բնական և առաջին սահմանահատ վիճակ և Աթոռ զոր հաստատեսցաք արձանագրով և շրջաբերականաւ զՍահմանահատ վիճակի սորա, որ է յարևելց ի Ծար զետոյ մինչև գետն Ախուրեան յԱնուոյ, և ի հիւսիսայինս յԱղստև... Եւ որ հատանել ջանայ յայսմանէ ի միջոյ կամ յեզերաց աւելի կամ մասն ինչ, զվերասացեալ զպատիծս կրեսցէ և ի հանդերձելումն...»<sup>299</sup>:

Այդպիսով Բջնիի եկեղեցաթեմը տարածվում էր Սևանա լճից մինչև Ախուրյան գետը, հյուսիսում հասնում մինչև Աղստև գետ, հարավում՝ Վարաժնունիքի սահմանները: Այս զավառում Պահլավունիների երկրորդ

<sup>298</sup> Տես նույն տեղում, էջ 102-104:

<sup>299</sup> Հ. Եղիազարյան, Բջնիի վանքը և Բջնի գյուղի մյուս հուշարձանները («Էջմիածին», 1963, Թ-Ժ, էջ 44):

հոգևոր կենտրոնը Կեչառիսի վանքն էր՝ Կեչառույք ավանում (այժմյան Ծաղկածոր քաղաքը): Գրիգոր Մագիստրոսն ավարտեց վանքի Ս. Գրիգոր Լուսավորիչ եկեղեցու կառուցումը<sup>300</sup>: Այդ առթիվ նա թողել է արծանագրություն, ուր ասվում է. «...ես Գրիգոր Մագիստրոս որդի Վասակայ... հիմնադրեալ շինեցի զեկեղեցիս ի տեղուոջս որ կոչի Կեչառուս, ի նախասացեալ գաւառի Ծաղկնուց, հանդերձ մատրամքս. եւ նուիրեցի գտաւճարս եւ զեկեղեցիս յանուն Սրբոյն Գրիգորի Լուսաւորչի մերոյ, և զարդարեցի զսա սպասուք, արծաթեղինօք և ոսկեղինօք, զրովք և այլովք պիտոյիք, որպէս վայել էր տաճարիս: Դարծեալ ետու եկեղեցույս զեօղս երկուս և այգի մի: (եւ) մեք շնորհին Աստուծոյ եպիսկոպոսունքս Բջնոյ Վանական և Համավար, սահմանեցաք և հաստատեցաք ի թմ և կալուած վերոյգրեալ եկեղեցույս զեօղս քսան և հինգ և քաղաք մի, որք են Բուժան, Շոկաթն և այլն»<sup>301</sup>:

Կեչառիսի վանքի եկեղեցու շինութեան մասին հիշատակում է Վարդան Արևելցիին, նշելով, որ այն կառուցել է Ապիրատ իշխանը՝ Հասանի որդին և Ապլջահապի ու Վասակի (Գրիգոր Մագիստրոսի քրոջ ամուսնու) պապը<sup>302</sup>: Կեչառիսի վանքի այդ եկեղեցու կառուցումը նույն իշխանին է վերագրում նաև Մխիթար Այրիվանեցին<sup>303</sup>:

Վանքի Ս. Գրիգոր եկեղեցու հարավային մուտքի ճակատակալ քարի վրա արծանագրված է. «Ի ՆՕԲ (1003)թ. Հայոց ի թագաւորութեան Գագկա եւ հայրապետութեան Տեառն Սարգսի եւ Գրիգոր Մագիստրոս որդի Հասանա շինեցի զեկեղեցիս ինձ ի բարեխաւսութիւն եւ իմ պատրոնին եւ իմ որդեացն որք ընթեռնոյք զիս յաղաթս յիշեցեք ի Քրիստոս աղաչեն»<sup>304</sup>:

Մինչդեռ Սիմեոն Կաթողիկոսը «Զամբռ»-ում գրում է, որ Կեչառիսի վանքը «հիմնաւորեցեալ է ի թուռջն Նևր (995) յԱպիրատ իշխանէ»<sup>305</sup>: Ինչպես տեսնում ենք, եկեղեցու հիմնարկման վերաբերյալ բերված թվականները միմյանցից տարբեր են: Հակասությունը փորձել է լուծել Գ. Հով-

<sup>300</sup> Տես Մխիթար Այրիվանեցի, էջ 58-59: Եկեղեցին իր հատակագծային հորինվածքով «բավականին ընդարձակ գմբեթավոր սրահ է» (Ստ. Մնացականյան, նշվ., աշխ., էջ 190):

<sup>301</sup> Ղ. Ալիշան, Այրարատ, էջ 260:

<sup>302</sup> Տես Վարդան, էջ 97:

<sup>303</sup> Տես Մխիթար Այրիվանեցի, էջ 58:

<sup>304</sup> Հ. Եղիազարյան, Կեչառիսի վանքը և նրա վիճագիր արծանագրությունները («Էջմիածին», 1955, XII, էջ 38): Արծանագրությունը տեղ է գտել նաև Ղ. Ալիշանի «Այրարատ»-ում (էջ 259), որտեղ Կեչառիսի վանքի շինութեան թվական է նշված ՆՁԲ, որը դեռևս Գ. Հովսեփյանն ուղղել է ՆՕԲ-ի (տես Գ. Յովսեփյան, Խաղբակեանք կամ Պռոշեանք Հայոց պատմութեան մէջ, Ամթիլիսա, 1969, էջ 159):

<sup>305</sup> Տես Սիմեոն Կաթողիկոս, Զամբռ, Վաղարշապատ, 1873, էջ 283:

սեփյանը, 995թ. դիտելով որպես եկեղեցու կառուցման սկզբի, իսկ 1003 թ. ավարտի տարի<sup>306</sup>: Իհարկե, գիտնականի այդ ենթադրությունը կարոտ է լրացուցիչ ապացույցների:

Վերոնշյալ երկու արձանագրություններում ուշադրություն է գրավում այն փաստը, որ Կեչառիսի եկեղեցու կառուցող է համարվում Գրիգորը՝ Մագիստրոս պատվատիտղոսով, և առաջին արձանագրության (1051թ.) մեջ վերջինիս հայր է հիշվում Վասակը, իսկ երկրորդում՝ (1003թ.) Յասանը: Այդպիսով հավաստվում է, որ Կեչառիսի հնագույն եկեղեցու կառուցողը Յասանի որդի Գրիգոր-Ապիրատն էր (այս եկեղեցին լրիվ ավերակ է), իսկ վանքի այժմյան մեծ տաճարը (Ս. Լուսավորիչը) կառուցել է Գրիգոր Մագիստրոս Բջնեցին՝ Վասակի շնորհաշատ որդին: Ս. Լուսավորիչ գմբեթավոր եկեղեցին Կեչառիսի ճարտարապետական համալիրի գլխավոր կառույցն է:

Գրիգոր Մագիստրոսի միջնորդությամբ Կեչառիսի վանքն ազատվում է ամեն տեսակ հարկերից ու տուրքերից: Այդ մասին վկայված է տաճարի հարավային որմին փորագրված արձանագրության մեջ, ուր ասվում է.

«Ի հինգ հարիւր երրորդի ամի (1051) թուականութեանս Թորգոմեան ի թագաւորութեանն սուրբ եւ ինքնակալ թագաւորին Կոստանդեա Սաւունմախիւն<sup>307</sup> բերաւ ոսկի մատանի զոր հզաւրին եւ առաքինոյն բարեպաշտին Գրիգորո Մագիստոռոսին կիտաւտին եւ դուկին Վասպուրականի եւ Տարաւնո Արշակունոյն եւ Յայկազնոյն մեծաւ աշխատութեամբ ազատեալ էր զմեծահռչակաւոր եկեղեցիքս իւր ոչ այլ ինչ հայցէ բայց միայն աղաթս առնել սուրբ եւ ինքնակալ թագաւորին Կոստանդեայ ընդ նմին եւ ծառաին Քրիստոսի Գրիգորոյ եւ որդւոց իւրոց եւ յիշատակ կարգեալ յեկեղեցիքս Կեւչառուաց ուր Մագիստոռոսն կենդանի է՝ ամենայն շաբաթ աւր զժամն Յասանայ արասցեն անխափան եւ յետ ելիցն Մագիստոռոսին արասցեն անխափան»<sup>308</sup>: Հավանաբար, Մագիստրոսի կողմից է կառուցվել նաև Ս. Լուսավորիչ եկեղեցու հարավային կողմի Ս. Նշան ոչ մեծ եկեղեցին: 1013թ. Գրիգոր Մագիստրոսը Գառնիի արևելակողմում, Ազատ գետի բարձրադիր ձախ ավիին կառուցում է Հավուց թառի վանքի

<sup>306</sup> Տես Գ. Յովսէփեան, նշվ. աշխ., էջ 159:

<sup>307</sup> Բյուզանդիայի Կոստանդին IX Մոնոմախ կայսրը (1042-1055), որը 1045թ. վերացրեց Հայոց Բագրատունիների թագավորությունը, ստեղծելով «Անիի և Իբեթիայի» կառապանությունը: Նրա օրոք՝ 1054թ. Քրիստոնեական եկեղեցին տրոհվեց երկու մասի (ուղղափառ և կաթոլիկ), իսկ հայ եկեղեցին մինչ այդ էլ (VI դարից) դավանապես սահմանազատված էր Արևմտյան եկեղեցուց և հավատարիմ էր մնում քրիստոնեության մախնավամղ սկզբունքներին:

<sup>308</sup> Յ. Եղիազարյան, Կեչառիսի վանքը և նրա վիմագիր արձանագրությունները, էջ 38-39:

Ս. Ամենափրկիչ եկեղեցին (կոչվել է նաև Ս. Աստվածածին): Եկեղեցին գմբեթավոր էր, քառանկյուն, արևելքից-արևմուտք երկայնակի հատակագծով<sup>309</sup>: Լեռներից դեպի վանք ձգվող խողովակաշարով ջուր է հասցվել վանքի միաբաններին: Մագիստրոսի կառուցած եկեղեցին մեզ է հասել գրեթե ավերակ վիճակում<sup>310</sup>:

Հավուց թառի Ս. Ամենափրկիչ եկեղեցուն 1013 թվակիր արձանագիր հիշատակարանում Գրիգոր Մագիստրոսը հաղորդում է հետևյալը:

«Թուին ՆԿԲ, ... ես Գրիգոր Մագիստրոս վերստին շինեցի զեկեղեցիս յիշատակ ինձ և ծնողաց իմոց. նաեւ ի տերանց աշխարհիս գամծագին արարի զվայրս սորա լերամբն և դաշտամբն եւ ամենայն կազմութեամբն որ ի սմա, քառադէմբ չորս անկեամբ յաջամբ ահեկամբ ի դիմաց եւ ի թիկանց. եւ տուաք յիշատակ անջնջելի արձանագրով եւ աշխարհակալ թագաւորի թղթովն եւ կայսերական կնքովն. հաստատեցաք ձեռագրով և հայրապետական մամական. եւ ի նաւակառիս տաճարիս, գոր շինեցաք զհայրենիս մեր սուրբ եկեղեցւոյս՝ որ է Հայոց թառ, հանգստարան եւ աւթարան անձեռագործ սուրբ պատկերին Յիսուսի Քրիստոսի որ ի փայտին, խնդրելին Յովհաննու աւետարանչին, հրամանաւ մար Տեառն մերոյ սուրբ Աստուածածնին. եւ նորոգեալ հաստատեցաք վերստին զսուրբ ուխտս վերջինս քան զառաջինն»<sup>311</sup>:

Հավուց թառը գրչության, ուսումնական հայտնի կենտրոն էր՝ Գրիգոր Մագիստրոսի հովանու ներքո: Գիտնականն անշուշտ, մասնակցում և ուղղություն էր տալիս վանքում կատարվող մտավոր-մշակութային ձեռնարկումներին: Նշված արձանագրության մեջ նա չի մոռանում նաև շեշտել, որ դրել է «զվեմն հաւատոյ հիման սուրբ եկեղեցւոյ»<sup>312</sup>:

Գրիգոր Մագիստրոսը հովանավորում էր նաև Սանահնի վանքին կից գործող վարդապետարանը: Նա նույնիսկ այդ վանքի միաբաններին համարում էր իր հարազատ եղբայրները և հակված էր ընծայատրումներ անել նրանց<sup>313</sup>: Մագիստրոսը Սանահնի վանքում ուներ իր սրահը՝ կոչված «Ճենարան Մագիստրոսի»: Այն գտնվում էր Աստվածածին և Ամենափրկիչ եկեղեցիների արանքում: Սրահի համար պատեր չեն կառուցել, այլ նշված եկեղեցիների պատերի կողքին կանգնեցրել են որմնասյուներ և դրանց վրա դրել սրահի կամարապատ տանիքը: Գրավոր սկզբնաղբ-

<sup>309</sup> Տես Հ. Եղիազարյան, Հավուց թառի վանքը («Էջմիածին», 1963, 2, էջ 41-42):

<sup>310</sup> Նույն տեղում:

<sup>311</sup>Ղ. Ալիշան, Այրարատ, էջ 354-355, Գ. Յովսէփեանց, Հաւուց թառի Ամենափրկիչը, էջ 2:

<sup>312</sup> Տես Ղ. Ալիշան, Այրարատ, էջ 354, Գ. Յովսէփեանց, Հաւուց թառի Ամենափրկիչը, էջ 2:

<sup>313</sup> Տես Գրիգոր Մագիստրոսի թղթերը, էջ 142:

յուրներում թեև չի վկայված «Մագիստրոսի ճեմարան» անունը, սակայն ավանդաբար սրահն այդպես է կոչվել<sup>314</sup>:

Հայոց եկեղեցու նկատմամբ Գրիգոր Մագիստրոսի հոգածու վերաբերմունքն առաջին հերթին բխում էր Հայրենի երկրի հոգևոր և քաղաքական ապագայի, նրա ինքնագո կեցության նկատմամբ իր ունեցած պետական, քաղաքական շահագրգռություններից: Մագիստրոսը համոզված էր, որ հայ ժողովրդի, որպես կենսունակ ընդհանրության գոյատևման կյուն գրավական կարող է դառնալ Հայոց առաքելաշավիղ եկեղեցին:

Ներսես Շնորհալիւն գրում է, որ Գրիգոր Մագիստրոսը՝

Աստուածային շնորհօք լցեալ,  
Իմաստութեամբ պայծառացեալ,  
Հօրն մերոյ նա հայր եղեալ,  
Ըստ մայրականն միջնորդեալ:  
Ի յարքայէն Յունաց պատուեալ  
Եւ նահանգաց յոքունց տիրեալ...  
Եկեղեցիս վայելչացեալ  
Ի Հայաստան աշխարհ շինեալ:  
Զկրօնաստանս յարդարեալ,  
Զվանականս յանձանծեալ,  
Զարդինական անծն ընկալեալ,  
Զվարդապետաց հոյլ ժողովեալ:  
Հայր ըստ Յոբայ որբոց եղեալ,  
Այրեաց զարանց խնամ ածեալ  
Զնիւթական գանձ ստացեալ  
Տնանկաց յանձինս սերմանեալ...  
Սա այսպիսի վարուք կացեալ,  
Ըստ Աստուծոյ ուղևորեալ,  
Ժամանակաց ինչ յառաջեալ  
Եւ առ նախնիսն յաւելեալ<sup>315</sup>:

Բազմահմուտ գիտնականն ու հայրենամվեր պետական գործիչը, որ նշանավոր էր նաև իր եկեղեցամպաստ գործունեությամբ, Միջագետքի կառավարչի պաշտոնում փաստորեն դատապարտվեց տարագրության, ուստի չկարողացավ վայելել յուրաշեն եկեղեցիներն այցելելու երանությունը:

<sup>314</sup> Տես Կ. Ղաֆաղարյան, Սանահնի վանքը և նրա արձանագրությունները, էջ 29:

<sup>315</sup> Ներսես Շնորհալի, Վիպասանութիւն, էջ 109-110:

Գրիգոր Մագիստրոս Պահլավունին ապրեց և գործեց բուռն իրադարձություններով հագեցված ժամանակաշրջանում, ականատես եղավ սելջուկ-թյուրքական արշավանքներին, հայոց Բագրատունիների թագավորության անկման ցավագին գործընթացներին, Հայաստանի հանդեպ Բյուզանդիայի վարած քաղաքականության կործանարար հետևանքներին: Այդ տարիներին ավելի ուժգնորեն դրսևորվեց տակավին վաղ հասակից Գրիգորի մեջ սնուցված հայրենասիրության, Հայոց պետականության, Հայ Առաքելական եկեղեցու հայրենադիր հիմքերի պաշտպանության գաղափարը: Նրա քաղաքական հավատամքը ձևավորվեց հոր Վասակ Յուլունի<sup>316</sup> հայոց սպարապետի և հորեղբոր քաջակորով Վահրամի զորավոր ազդեցության ներքո: Գրիգորն ականատես եղավ օղուկ-թյուրքերի դեմ 1021թ. հոր զլխավորությամբ հայ ռազմիկների մղած հերոսամարտին<sup>317</sup>: Գրիգորը հիանում էր հորեղբոր՝ Վահրամ Պահլավունի զորավարի մարտական սխրանքներով, հայրենասիրական խոյանքներով<sup>318</sup>: Անշուշտ, Գրիգորը ծանոթ էր և ընթերցել էր Մարմաշենի վանքի կառուցման առթիվ տակավին 1029թ. հորեղբոր թողած արձանագրությանը, որը նաև պատգամ էր հարազատ տոհմի գալիք սերունդներին: Արձանագրության մեջ նշվում էր, որ Պահլավունիները միշտ եղել են «ամենայն տամբ և տոհմիս հաւատարիմը տերանց մերոց և նահատակեալ ի վերա տանս Հայոց աշխատութեամբ և արեամբ և որդւոց մերոց...»<sup>319</sup>: Պահլավունիների փառապանծ ավանդների պահպանմանը նախանձնախնդիր էր նաև Գրիգոր Մագիստրոսը, քաղաքական վեհակշիռ մտքի տերը, բազմահմուտ գիտնականը<sup>320</sup>:

1040թ.. ինչպես հայտնի է, վախճանվեցին հայոց թագավորներ Յովհաննես-Սմբատը և Աշոտ IV-ը: Հայոց զորքը մասամբ ցրվեց, շատերը հակվեցին Բյուզանդիայի կողմը: Թվում էր, թե վերջինս ի զորու է դյուրությանբ տիրանալ Անի մայրաքաղաքին և իրագործել Յովհաննես-Սմբատի չարաբաստ կտակը: Սակայն երբ կայսրության զորքը պաշարեց Անին, «յայնժամ,- հավաստում է մատենագիրը,- ժողովեցան մնացեալք

<sup>316</sup> Մատթեոս Ուռհայեցի, էջ 67:

<sup>317</sup> Հաւաքունն Պատմութեան Վարդանայ Վարդապետի, էջ 98:

<sup>318</sup> Տես Գրիգոր Մագիստրոսի թղթերը, էջ 37-39:

<sup>319</sup> И. Орбели, Надписи Мармашена, с. 442.

<sup>320</sup> Տես Լ. Խաչերեան, «Գրիգոր Պահլավունի Մագիստրոս» աշխատությունը:

գօրքն Հայոց առ մեծ սպարապետն Վահրամ Պահլաւունին և խնդրէին ելանել ի պատերազմ ի վերայ գօրացն Հռոմոնց»<sup>321</sup>:

Պահլավունիների հայրենասիրական ուղեգծին հետևողականորեն դիմադարձում էր բյուզանդանես խմբավորումը Վեստ Սարգսի և Պետրոս Գետադարձ կաթողիկոսի գլխավորությամբ<sup>322</sup>: Վեստ Սարգիսը հույս ուներ, որ Բյուզանդիայի հովանավորությամբ կարող է հասնել քաղաքական բարձունքների<sup>323</sup>:

Հայրենադրուժ իշխանի փառանույն կրտսերներին վերջ տալու նպատկադրումով Պահլավունիները (այդ թվում նաև Գրիգոր Մագիստրոսը) 1043թ. թագավոր հռչակեցին տասնութամյա Գագիկ II-ին: Արիստակես Լաստիվերցու վկայությամբ Վահրամ Պահլավունին «այդ հօր և անուանի... հանդերձ իւրովք ազգակցօք, որդւովք և եղբօրորդւովք իբրև երեսուն ազատօք... կոչեալ առ ինքեանս զԳագիկ որդի Աշոտոյ, թագաւորեցուցին ի վերայ իւրեանց, և իմաստութեամբ և հնարիւք մուծին ի քաղաքն»<sup>324</sup>:

Մատթեոս Ուռհայեցին, ինչպես նշվել է, Գագիկ II-ի օծումը վերագրում է Գրիգոր Մագիստրոսին, գրելով, որ վերջինիս հրամանով է Գագիկին օծվել «սրբակեացն Սեծն Մարցն»<sup>325</sup>: Ըստ Սմբատ Սպարապետի, Գագիկ II-ը թագավոր է օծվել «հրամանաւ մեծին Գրիգորի, որդւոյ Վասակայ Պահլաւունոյ»<sup>326</sup>:

Հասկանալի է, Գրիգոր Մագիստրոսն իբրև աշխարհական գործիչ, չուներ եկեղեցական կարգ, ուստի չէր կարող օծել Գագիկ II-ին: Ըստ երևույթին «Սեծն Մարցն» ժամանակի կաթողիկոս Պետրոս Գետադարձն էր, իսկ Ուռհայեցու «որոյ անուն ըստ նախնոյն իւրոյ Գրիգոր ճանաչի» արտահայտությունը վերաբերում է օծողին այդ ժխահանդեսը կատարել հրահանգող Գրիգոր Մագիստրոսին, որը մտավոր, գիտական մերձակցություն ուներ Պետրոս Գետադարձի հետ<sup>327</sup>: Դրանք պահպանվեցին նաև

<sup>321</sup> Մատթեոս Ուռհայեցի, էջ 85-86:

<sup>322</sup> Տես Հայ ժողովրդի պատմություն, հ. III, էջ 150-153: :

<sup>323</sup> Հմմտ. Արիստակես Լաստիվերսցի, էջ 57-58:

<sup>324</sup> Նույն տեղում:

<sup>325</sup> Մատթեոս Ուռհայեցի, էջ 86-87:

<sup>326</sup> Տես Սմբատայ Սպարապետի Տարեգիրք, էջ 37:

<sup>327</sup> Տես Գրիգոր Մագիստրոսի թղթերը, էջ 3-31: Ուռհայեցու «Սեծն Մարցն» արտահայտությունը տեղիք է տվել տարակերպ մեկնությունների: Գր. Մագիստրոսի թղթերի հրատարակող Կ. Կոստանյանցի կարծիքով «Սեծն Մարցն» նույն ինքը Պետրոս կաթողիկոսն էր: Նա նաև ենթադրում է, որ «գուցե Սեծն Մարցն վերաբերեր Վահրամին (սպարապետին-Վ.Վ.), քանի որ նախածեռնողը նա էր» (Գր. Մագիստրոսի թղթերը, առաջաբան, էջ ԼԸ, ծան. 2): Մ. Օրմանյանը ենթադրում է, որ «Սեծն Մարցն» մագիստր (կամ մաստեր) կոչման ազավաղված ձևն է (Ազգապատում, Ա, սյունակ 1430): Հր. Բարթիկյանի կարծիքով Ուռհայեցու «որով

1045թ. հետո, երբ վերջինիս ուղղված թղթերից մեկում նա գրում է՝ «Գիտեմք, որ հոգաս միշտ վասն ին»<sup>328</sup>:

Մատթեոս Ուռհայեցին հաղորդում է, որ «Ժողովեցան ամենայն նախարարքն Հայոց առ հայրապետն Տէր Պետրոս և օծին զԳագիկ թագաւոր ի վերայ ամենայն տանն Հայոց»<sup>329</sup>:

Գրիգոր Մագիստրոսը սթափորեն գնահատեց թյուրք-սելջուկների հրոսախմբերի հարձակումների կործանարար ազդեցությունը Հայաստանի քաղաքական ճակատագրի վրա և զորակից եղավ նրանց դեմ Գագիկ II-ի ձեռնարկած հարձակմանը, որը պսակվեց հաջողությամբ: Գագիկ II-ը, վկայում է Ուռհայեցին, այդ հարձակումից առաջ զորքով շրջում էր «ընդ աշխարհս հայրենեաց իւրոց և զամենայն անհնազանդսն ի հնազանդութիւն ատէր»<sup>330</sup>:

Գրիգոր Մագիստրոսն օժանդակել է թագավորին կենտրոնախույս ուժերի դեմ նրա մղած պայքարում: Այնուհետև ըստ Ուռհայեցու, Գագիկը «բազմութեամբ զօրօք» շարժվել է դեպի Այրարատ, կամենալով «առնուլ զվրէժխնդրութիւն յազգէն հարաւայնոյ: Յայնժամ սպառազինեալ մեծի իշխանին Գրիգորի որդի Վասակայ Պահլաւունւոյ և երթեալ զօրօք բանակս հարկանէր ի վերայ գետոյն Հուրաստանի մերձ ի Բջնի մեծի ամրոցին»: Պահլավունյաց այս ոստանի մատույցներում էլ հենց տեղի ունեցավ վճռական մարտը, երբ «զօրքն Հայոց յաղթեցին զօրացն Պարսից, և արարին կոտորած մեծ ի վերայ Հուրաստանի գետոյն և զիշխանս թուրք զօրացն ձերբակալ արարին և մնացեալքն փախստական գնացին ի պարսիկս»<sup>331</sup>:

Քանի որ Դվինի Շաղդադյան ամիրա Աբուլ-Ասվարը դաշնակցում էր թյուրք-սելջուկներին, ուստի Բջնիի մոտ Գրիգոր Մագիստրոսի տարած

---

և օժեաց գնա սրբակեացն Սեծն Մարցէն» դարձվածը հետագա շրջանի ընդմիջարկություն է, և «Մարցէն» ուղղելի է «Մարցին» (եգիպտացին), որի տակ պետք է հասկանալ Գրիգոր Մագիստրոսի որդի Վահրամ (Գրիգոր II) կաթողիկոսին (որը թեև այդ պաշտոնում ընտրվեց 1066թ., բայց 1071 կամ 1072թթ. եղավ եգիպտոսում): Այս մասին տես Գր. Բարթիկյան, Ուռհայեցու երկում հանդիպող «Մարցէ» անվան մասին («Պատմաբանասիրական հանդես», 1973, N 2, էջ 165-166): Գուցե «Մարցէն» անվան տակ մատենագիրը նկատի է առել Գուգարքի Մարց գյուղից Պետրոս կաթողիկոսի ծագումը (գյուղը գտնվում է Ալավերդի քաղաքից մոտ 16 կմ հարավ-արևելքում):

<sup>328</sup> Գրիգոր Մագիստրոսի թղթերը, էջ 12:

<sup>329</sup> Մատթեոս Ուռհայեցի, էջ 86:

<sup>330</sup> Նույն տեղում, էջ 87:

<sup>331</sup> Մատթեոս Ուռհայեցի, էջ 87-88:

հաղթանակից առաջ վերջինս հավանաբար պարտության էր մատնել նաև Աբուլ Ասվարին<sup>332</sup>:

Այդ հաղթանակով փաստորեն ավելի կոփվեց Բագրատունիների և Պաիլավունիների զինադաշինքը, որը էականորեն ամրակայացնում էր երիտասարդ արքայի դիրքերը: Երկու տների սրբազնագործված զինակցությունը թեև մնաց անխախտ, սակայն փոքր-ինչ հետո տարապարտորեն վատացան Գրիգոր Մագիստրոսի և Գագիկ II-ի հարաբերությունները: Գագիկ արքան անսաց ամբաստանողներին և հալածանքներ սկսեց Գրիգոր Բջնեցու դեմ, որը Անիի Սարգիս վարդապետին հղած թղթում դառնացած գրում է, որ ինքը միշտ ջանացել է պաշտպանել հայրենիքի սահմանները: «Ես,- գրում է նա,- ոչ խրամատել փութացայ, այլ խնամակալել», ի հակակշիռ նրանց, ովքեր քանդում են հայրենիքի սահմանները («զցանկ հայրենի»)՝<sup>333</sup>:

Մագիստրոսը լիովին հասու էր իր շուրջը հյուսված դավին և Աստուծուց խնդրում էր. «փրկեա զանձն իմ ի խորամանկութենէ նոցա... համբարծի զաչս իմ, մի ամաչեցից և մի ծիծաղեսցին զինև թշնամիք իմ»: Իսկ նրա թշնամիները տենչում էին՝ «ե՞րբ իցէ զի մեռցի և կորիցէ անուն նորա»: Թշնամիները միակամ և միաբան էին և, ինչպես գրում է Մագիստրոսը,- «նոքա որպէս առիւծ վարանին ի դարանի յափշտակել զիս. և դարծեալ պատեցան զինև, ուշ եղեալ խոնարհեսցուցանել զիս յերկիր. և զի միաբանութեամբ յարուցեալ ի վերայ իմ..., հատուցանել ինձ չար փոխանակ ընդ բարոյ ատելութիւն փոխանակ սիրոյ իմոյ»<sup>334</sup>:

Գուցե հակառակորդ հոսանքին տոն է տվել նաև Պետրոս կաթողիկոսը, որի նկատմամբ Մագիստրոսը անթաքույց համակրանք էր տածում: Պավադրությունը, որ զերծ չէր անձնական և քաղաքական շահարկումներից, տվեց իր դառը պտուղները: Մագիստրոսը կծու, անիրական որակումներ է անում Գագիկ II-ի հասցեին: Իր հանդեպ Գագիկ արքայի վերաբերմունքը Մագիստրոսը համարում է նրա անփորձության, երիտասարդության արդյունք: Գագիկը,- գրում է նա, «ոչ երկիրդիսն Աստուծոյ ի մանկական տիսն վարժի, կարծեմ, եթէ ոչինչ օգտէ. քանզի չար ախտ անծին հանդիպի ի վատթար հրահանգից և յանուսումնութենէ և ի չար ունակութենէ»<sup>335</sup>: Ստեղծված պայմաններում Գրիգոր Մագիստրոսը ստիպված Անիից հեռացավ Անբերդ ամրոց՝ Պաիլավունիների մյուս կենտրոն, իսկ այնտեղից՝ Բջնի:

<sup>332</sup> V. Minorsky, *Studies in Caucasian History*, p. 52.

<sup>333</sup> Գրիգոր Մագիստրոսի թղթերը, էջ 55:

<sup>334</sup> Նույն տեղում, էջ 52-53:

<sup>335</sup> Նույն տեղում, էջ 68-69:

Գագիկ II-ը շուտով զգաց, որ Գրիգոր Մագիստրոսն անպարտ է: Նա համոզվեց, որ նախկինի պես երկրի համար բարդ ու օրհասական իրավիճակում իրեն հենարան կարող են լինել գլխավորապես Պահլավունիները ի դեմս Վահրամ գորապետի, Գրիգոր Մագիստրոսի և նրանց շուրջը համախմբված գործուն ուժերի: Ուստի Գագիկն Անիի Սարգիս վարդապետին ուղարկեց Գրիգոր Մագիստրոսի մոտ, որպեսզի տարհանոզի նրան և փոխել տա երիտասարդ արքայի հանդեպ նրա դիրքավորումը: Սարգիս վարդապետը նախ մեկնեց Անբերդ և այնտեղից թուրթ հղեց Բջնիում գտնվող Մագիստրոսին, հորդորելով մոռացության տալ արքայի հետ ունեցած վեճերն ու հակամարտությունը և նախկինի պես հավատարմություն դրսևորել նրա հանդեպ: Սակայն Մագիստրոսը մնաց անդողվելի իր նկատմամբ արքայի ցուցաբերած տարապարտ վերաբերմունքի պատճառով, նրան բնորոշելով որպես «մանկամիտ», ուրիշի ազդեցությանը ենթարկվող<sup>336</sup>:

Գրիգոր Մագիստրոսն անշուշտ, նկատի ուներ Հայաստանում խնորված կացությունը, երբ Վեստ Սարգիսն ու իր կողմնակիցները մի պահ նույնիսկ դարձան դրության տերը: «Իմ է, - գրում է նա, - բոլորիցս բեկումն... մարմորքիմ, ոչ տեսանելով զելս իրացն»: Խորատես քաղաքականագետը հասկանում էր, թե ինչպիսի վտանգ է սպառնում հայրենի երկրին՝ Վեստ Սարգսի գլխավորած խմբավորման դավադիր ձեռնարկումների պատճառով: Նա վշտից տոչորված զոչում է. «գիա՞րդ վիճակեցաք ի վերջին աուրս, վիատեալք և վիրաւորեալք վատթարութեամբ և միայն եղեալք վատնիչք տէրութեան գանձուն»: Նա նկատում է նաև, որ արդյունքում «տարագիր մեզ լինել տակաւին հասանէ, և ոչ յարկս հարցն հանգչիլ»<sup>337</sup>: Հայաստանի անհույս ու թշվառ կացությունը նկատի առնելով նա ոգեկոչում է հայոց նահապետներին, թագավորներին, իհարկէ, նաև Բագրատունի գահակալներին, նշելով, որ խամրել է հայոց փառքը, քանի որ այլևս չկան նրանց արժանի հետնորդներ<sup>338</sup>:

Մագիստրոսը շարունակեց Գագիկ II-ի հանդեպ իր անբարեհաճ վերաբերմունքը, նրա հասցեին նետելով թունալից խոսքեր, նրան մեղադրելով այն բանում, որ իբր արքան իր հանդեպ «մահ և կապանս հնարէր գաղտնի, զի ի կենացս լուծցէ. և ամենեցուն պատուիրէր թշնամեաց իւրոց և իմոց, որք յաղագս նորա մաքառէին ընդ իս...»<sup>339</sup>: Այս պայմաններում նա ստիպված հեռանում է Տարոն, մերժելով թագավորի հաշտության առաջարկը: Տարագրված Մագիստրոսն իրեն համեմատում է մայրական

<sup>336</sup> Տես նույն տեղում, էջ 52 և հտ.:

<sup>337</sup> Նույն տեղում, էջ 62:

<sup>338</sup> Տես նույն տեղում, էջ 59-61:

<sup>339</sup> Նույն տեղում, էջ 139:

կաթից զրկվածի, իր հայրերի գերեզմանոցում հանգչելու իրավունքից զուրկ մնացած հայրենակորույս աստանդականի հետ<sup>340</sup>:

Այդուհանդերձ Գրիգոր Մագիստրոսը չվարանեց արքայի հետ հաշտության և համագործակցության եզրերի դիմել: Գագիկ II-ին հղած պատասխան նամակում Մագիստրոսը նրան հորդորում է. «Ձմտաւ ամ զքսութիւն ոմանց և զի չարն և ի վատթարագոյնսն կողմ զհակամիտօղւն զքեզ խրատողացն... Եւ ի բարծրագոյնն մակարդակ լեառն ձգեա՛ զքոյդ վեհական խոհեմութիւն»<sup>341</sup>: Նա արքային հորդորեց փակել իր դեմ թշնամանք հարուցողների երախները և չխոցոտել իրեն, խոստանալով ներել նրան: «Եւ ես ներեմ և աղաչեմ, որ ձեզ կեանք տայ և բարի միտս, ողջ լիք». եզրափակում է իր խոսքը Մագիստրոսը<sup>342</sup>:

1045թ. Գագիկ II, չամսալով Վահրամ Պահլավունու և նրա կուսակիցների հորդորներին, Վեստ Սարգսի և Պետրոս կաթողիկոսի խորհրդով ընդունեց Սոնոմախ կայսեր հրավերը և ընկավ նրա լարած որոգայթը, զրկվելով թագավորական գահից: Գրիգոր Մագիստրոսը նույնպես դարձավ կայսեր նյութած դավադրության զոհը և Գագիկ II-ի ետևից մեկնեց Կ. Պոլիս. որտեղ նա ճաշակեց Հայոց թագավորության վերացման դառնությունը<sup>343</sup>:

Կայսեր կամքով գահընկեց արված Պետրոս կաթողիկոսին հղած նամակում Գրիգոր Մագիստրոսը դառնությամբ գրում է, որ հավատացել է ստահող խոստումներին և երբ վերադարձել է հայրենիք, տեսել է, որ այն վաճառված է, իրենք հայտնվել են հալածականների, տարամերժվածների վիճակում<sup>344</sup>:

Այդպիսով Գրիգոր Մագիստրոսն ընկավ Հայոց անկախ պետականության վերացմանը նպատակաուղղված կայսեր լարած նույն որոգայթը, որին զոհ գնաց նաև հայոց թագավորը:

Հակառակ վերը հիշատակված վկայությունների, Սամուել Անեցու երկի տպագիր բնագրում սպորդած տեղեկությամբ իբր Գրիգոր Մագիստրոսը Բագրատունյաց վերջին թագավորի նկատմամբ ունեցել է նույն դիրքավորումը, ինչպիսին ունեին Վեստ Սարգիսն ու Պետրոս Գետադարծը: Այս երեքը, գրում է ժամանակագիրը, «նենգեցին զԳագիկ և զԱնի ետուն ի կայսրն Յունաց. վասն որոյ ելին ի բընիկ աշխարհէն իւրեանց տէր Պետ-

<sup>340</sup> Տես նույն տեղում:

<sup>341</sup> Նույն տեղում, էջ 210:

<sup>342</sup> Նույն տեղում, էջ 212-213:

<sup>343</sup> Արիստակես Լաստիվերոսցի, էջ 62:

<sup>344</sup> Տես Գրիգոր Մագիստրոսի թղթերը, էջ 13:

րոս և Գրիգոր Վասակայ որդին, Գագիկ և այլք իշխանք Յայոց և Եկին ի Յոռոմս»<sup>345</sup>:

Ամենայն հավանականությամբ, Գագիկ II-ը Կ. Պոլիս է մեկնել առանց Գրիգոր Մագիստրոսի կարծիքը հաշվի առնելու: Ըստ երևույթին արդեն տարագիր եղած Գագիկ II-ը Մագիստրոսին նամակ է ուղարկել, նրան մեղադրելով իրեն չսատարելու համար: Պատասխան թղթում Մագիստրոսը գրում է. «Այլ դու եթէ ի մենջ զօգնութիւն խնդրեցիր, ո՞ր էր, որ օգնէր. ո՞ արար տեղեակ գիս. զհարդ ճանաչես զիս հալածելոցն հաւաքի՞չ կամ խռովութեան շիջուցիչ, եթէ ընդ խազմարարս խռովիչ, ասա առաջի տեսռն»<sup>346</sup>:

Յայագիտության մեջ հնչել են կարծիքներ Գրիգոր Մագիստրոսի բյուզանդամուղության մասին: Իբր նա «այնքան էր տոգորված բյուզանդական գաղափարներով, որ հեշտությամբ կարող էր մոռանալ հայրենիքի շահերը»,<sup>347</sup> գրում է Լեոն: Այլ առիթով վաստակավոր պատմաբանը մեղմնելով Մագիստրոսին իր տված բնութագիրը, գրում է, որ «հունական կուսակցության երրորդ խոշոր ներկայացուցիչ Գրիգոր Բջնեցին ավելի չափավոր հակումներ էր ցույց տալիս ամենից առաջ հենց այն պատճառով, որ նրա մեջ խոսում էր տոհմային ինքնասիրությունը»<sup>348</sup>: Լեոյի կարծիքով Կ. Պոլիս մեկնած Գրիգոր Մագիստրոսը «մենակ մնացած ուխտադրության գոհ դարձած Գագիկի կողմը չանցավ հայրենի շահերը պաշտպանելու համար, այլ բոլորովին հակառակ ուղղություն բռնեց», իր տիրույթները հանձնելով կայսեր, որով իբր նա «առաջին խոշոր և կործանարար հարվածը» հասցրեց Գագիկի դատին<sup>349</sup>: Բայց չէ՞ որ Արիստակես Լաստիվերցին ժամանակամերձ պատմիչը, գրում է, որ Գրիգոր Մագիստրոսն իր կալվածները հանձնել է կայսեր միայն այն ժամանակ, երբ համոզվել է, որ այլևս Գագիկ II-ին թույլ չեն տալու հայրենիք վերադառնալ: «Գրիգոր որդի քաջին Վասակայ, գրում է պատմիչը,-ելեալ և նա գնաց առաջի թագաւորին: Եւ քանզի այր իմաստուն էր և խելամուտ յոյժ աստուածային գրոց, որպէս թէ ոչ այլ ոք, իբրև ետես ոչ են թողլոց զԳագիկ ի տեղի իւր,

<sup>345</sup> Սամուել Անեցի, էջ 107-108: Սամուել Անեցու ժամանակագրության հնագույն, նրա ապրած ժամանակաշրջանում օրինակված ձեռագրերում այդպիսի տեղեկություն չկա: Այն համարվում է հետագայի գրիչների կողմից կատարված հավելում (տես Կ. Մաթևոսյան, Սամվել Անեցու ժամանակագրության հնագույն ձեռագրերը («Ավադեմիկոս Նիկողայոս Մառ» ժողովածու, Երևան, 2005, էջ 41):

<sup>346</sup> Գրիգոր Մագիստրոսի թղթերը, էջ 210:

<sup>347</sup> Լեո, Յայոց պատմություն, հ. II («Երկերի ժողովածու», հ. II, Երևան, 1967, էջ 646):

<sup>348</sup> Նույն տեղում, էջ 669:

<sup>349</sup> Նույն տեղում, էջ 679:

յառաջ կացեալ տայ զբանալին Բջնոյ ցթագաւորն, և զամենայն զիր զհայրենի ժառանգութիւնն»<sup>350</sup>:

Սեկ այլ կարծիքի համաձայն, Գրիգոր Մագիստրոսն իբր թե եղել է «Ղովհաննէս- Սմբատի կտակը» նյութողներից մեկը»<sup>351</sup>, ինչը սակայն չի հաստատվում սկզբնաղբյուրներով: Իսկ մեկ ուրիշ հետազոտողի կարծիքով «Պետրոս կաթողիկոսը, Գրիգոր Մագիստրոսը, Վեստ Սարգիսը նպատակ ունեին վերացնել Բագրատունյաց թագավորությունը և իշխանությունը վերցնել իրենց ձեռքը: Նրանք իրենց նպատակն իրագործելու համար վճռական հարաբերությունների մեջ էին մտել Բյուզանդական կայսրության հետ»<sup>352</sup>:

Գրիգոր Մագիստրոսը ստիպված եղավ իր տիրույթները փոխանակել Միջագետքի հետ: Արիստակես Լաստիվերոցու վկայությամբ, նա իր կալվածները հանձնում է կայսեր, «և մեծարեալ ի նմանէ՛ առնու զայստիւ մագիստրոսութեան, և զտեղիս բնակութեան ի սահմանս Միջագետաց գիւղս և քաղաքս, գրով և ոսկի մատանեալ»<sup>353</sup>: Մագիստրոսը երբեք չհամակերպվեց Չայոց թագավորության վերացման գաղափարին: Նրա հոգուն ծանրացած էր իր հայրենիքի ծանր ճակատագիրը: Նա մոտ 13 տարի մնաց Միջագետքում, կրելով տարագրության հոգնաշխատ լուծը: Իր գաղափարների մեջ նա մնաց անհողդողդ և հույսը չկորցրեց Չայոց թագավորության վերականգնման անստույգ թվացող հեռանկարի նկատմամբ: Ոգեկոչելով հայոց հերոսական անցյալն ու հայոց թագավորների փառքը, նա կարծում էր, որ տակավին կանգուն է Չայկի ու Արշակ արքայի երկիրը, վերականգնվելու է Չայոց թագավորությունը, «թպլտև ոմանց անարի և անգօր գոլ, սակայն տիրապետեալ տանս Թորգոմեան, պահելով զաթոռն»<sup>354</sup>: Ընդ որում Մագիստրոսը թեև հունական գիտության և մշակույթի ջատագովն էր, սակայն միշտ դիմադիր դիրքավորում ուներ Բյուզանդիայի նվաճողական նկրտումների նկատմամբ: Ուշագրավ փաստ է, որ դեռևս Ռոմանոս III կայսեր (1028-1034) օրոք Մագիստրոսն իր որդուն կոչ էր անում ռազմի ելնել Չայաստանը շահատակող բյուզանդական Նիկողոս զորապետի դեմ: Որդուն ուղղված բանաստեղծության

<sup>350</sup> Արիստակես Լաստիվերոցի, էջ 62:

<sup>351</sup>Ա. Ղովհաննիսյան, Դրվագներ հայ ազատագրական մտքի պատմության, Լ, Երևան, 1957, էջ 136:

<sup>352</sup> Տես Ա. Մնացականյան, Թոնդրոսկյան շարժման մի քանի զլխավոր հարցերի մասին («ՉՍՍՌ ԳԱ Տեղեկագիր (հաս. գիտ.)», 1954, N 3, էջ 74): Չետագայում նա իրաժարվեց այս տեսակետից (տես «Չայրենիքի ծայն» շաբաթաթերթ, 1968թ. օգոստ. 21-ի համարը):

<sup>353</sup> Արիստակես Լաստիվերոցի, էջ 62:

<sup>354</sup> Գրիգոր Մագիստրոսի թղթերը, էջ 61:

մեջ Մագիստրոսն այդ զորապետին համարում է «աւարառող, աւերօղ»: Որդուն ոգեվառելու միտումով նա ոգեկոչում է հայոց քաջապանծ նախնի «Թորգոմեան» Յայկին, գրելով.

Արդ միլարեայն դու պնդես զլայնալիճ հայրենին.

Ջերեքթեանն դու մխես, յառաջ մատիր և քաղես .

Այս քեզ Բելայն հաս հանդես և Թորգոմեանն Յայկայ...<sup>355</sup>

Մագիստրոսն ի դեմս Նիկողասի, նկատի ունի Վասպուրականի կառավարիչ (1030-ական թթ.) Նիկոլայոս Խրիսեյիոս Բուլղարին, որին հիշում է Յովհաննես Սկիլիցեսը<sup>356</sup>: Վասպուրականի այս կառավարիչը ջանում էր ընդլայնել Բյուզանդիայի սահմանները դեպի հյուսիս Բագրատունիների Յայոց թագավորությունը : Նրա այդ մտահղացումը կռահելով, Մագիստրոսը որդուն կոչ է արել դիմակայել նրան<sup>357</sup>:

Գրիգոր Մագիստրոսը ջանքեր չխնայեց հայրենիքի միասնությունը, անկախությունը պահպանելու համար: Այս մասին նա գրում է Անիի Սարգիս վարդապետին ուղղված թղթում<sup>358</sup>: Նա ծանր տարավ Բագրատունյաց թագավորության անկումն ու դրան հետևած իրողությունները: Հորեղբոր մահվան առթիվ սյունյաց հովվապետին գրած նամակում Գրիգորը նախ շեշտում է Միջագետքի կառավարիչի իր պաշտոնը, զեղում իր խոցված հոգին, նշելով, որ զրկված է հայրենի ժառանգությունից և մատնվել է թշվառական ու անհույս կացության<sup>359</sup>: Ըմբոստածայն այս թղթում հառնում են նրա հայրենաբաղձ էությունն ու հավատամքը, տոհմասիրությունը, իհարկե նաև ազատաշունչ գաղափարները:

Գրիգոր Մագիստրոսը որպես Միջագետքի կառավարիչ, ամեն գնով ջանում էր պաշտպանել Յայաստանը թյուրք-սելջուկյան հրոսակներից: 1048թ. սելջուկ-թյուրքական զորքը Ատրպատականի կողմից ներխուժեց Յայաստանի Բասեն և Կարին գավառներ, սրածելով ու ավարի մատնելով քրիստոնյա բնակչությանը: Բյուզանդական բանակները Վասպուրականի կատապան Ահարոն Բուլղարի և Անիի ու Իբերիայի բանակաթեմի կառավարիչ, ծագումով հայ Կեկավմենոսի գլխավորությամբ անհաջող դիմադ-

<sup>355</sup> Գրիգոր Մագիստրոսի թղթերը, էջ 234:

<sup>356</sup> Տես Յովհաննես Սկիլիցես, էջ 111:

<sup>357</sup> Տես Զր. Բարթիկյան, Գրիգոր Մագիստրոսի քաղաքական կողմնորոշման հարցի շուրջը («Էջեր հայ ժողովրդի պատմության և բանասիրության», հոդվածների ժողովածու, Երևան, 1971, էջ 68-72):

<sup>358</sup> Տես Գրիգոր Մագիստրոսի թղթերը, էջ 55:

<sup>359</sup> Տես նույն տեղում, էջ 36: Գագիկ II-ին հղած պատասխան-թղթում Գրիգոր Մագիստրոսը նշում է իր տիրապետության ներքո եղած երկրամասերը, իրեն կոչելով «Վասպուրականի և Տարսոնյ և Մանազկերտի, Արճիշոյ, Բերկոյ, Միջագետաց տէր և Մօնումախին մագիստրոս, վեստ և տուկ» (Տես Գրիգոր Մագիստրոսի թղթերը, էջ 213):

րութիւնը ցույց տվեցին սելջուկ-թյուրքերին<sup>360</sup>, որոնք գրավեցին Արծն վաճառաչահ քաղաքը, կոտորելով նրա բազմահազար բնակիչներին<sup>361</sup>: Ձարհուրելի կոտորածի մասին ցնցող տողեր է թողել Արիստակես Լաստիվերցին՝ այդ սպանդի ականատեսը, որը հավաստում է թե՛ «աչօք մերովք տեսաք և ընդ փորձ չարեացն անցաք»<sup>362</sup>: Թվում էր, թե ահավոր դեպքերը պետք է միաբանեին քրիստոնյաներին: Հարկավ, բյուզանդական զորքին օգնության փութացին նաև վրացիները՝ Լիպարիտ իշխանի, և հայերը՝ Գրիգոր Մագիստրոսի գլխավորությամբ: Սելջուկ-թյուրքերի դեմ մարտնչող Կեկավմենոսի և Ահարոն Բուլղարի գլխավորած 60 հազար զորայիններին նախ միացավ Գրիգոր Մագիստրոսը՝ «Հայոց հզօր իշխանն, որ ունէր զպատիւ մագիստրոսութեան»<sup>363</sup>: 1048թ. սեպտեմբերի 18-ին Բասենի դաշտում տեղի ունեցած ճակատամարտում դրսևորվեց բյուզանդական զորապետների անմիաբանությունը: Մարտի թունդ պահին Ահարոն Բուլղարն իր զորաբաժնով նահանջեց, պատճառ դառնալով քրիստոնյա զորքի ծանր պարտության<sup>364</sup>:

Գրիգոր Մագիստրոսը Բասենի աղետից հետո չդադարեցրեց դիմակայությունը թյուրք-սելջուկներին: Սարգիս վարդապետին ուղղված թղթում նա գրում է, որ թյուրքերից («հարավային բռնությունից») պաշտպանել է ոչ միայն Միջագետքը, այլև Վասպուրականը, Տարոնը, ապահովելով նրանց խաղաղությունն ու պատշաճ օրինակարգը: «Հարցիր,- կարդում ենք այդ թղթում,- ընդ բոլոր Յաքեթեան նահանգի, զի՞նչ յաւուրս յայտոսիկ ի բոլոր տանս Մարդպետական եղեալ գործառնութիւնս՝ ի քաղաքս և ի գեղեակս, յաւանս և ի գիւղս, յանապատս և ի պատս, ի բոլոր տնօրինական առաջարկութիւնս կամ ի հարաւային բռնութենէն խաղաղանալս, զինչ և ի Միջագետս...»<sup>365</sup>:

Վարդան Արևելցին նույնպես Գրիգոր Մագիստրոսին Միջագետքի դուքս նշանակելուց հետո շեշտում է սելջուկ-թյուրքերի դեմ նրա պայքարը: Պատմագիրը գրում է, որ Միջագետքի դուքս նշանակված Գրիգոր Մագիստրոսը «առնու ընդ իւր գլակիրատն զիշխանն Վրաց, և այլ ևս երկու Մագիստրոսս, և երթայ ընդդէմ Բրեհիմայ զօրագլխի Տուղրիլ-Բէգ սուլտանին»<sup>366</sup>:

<sup>360</sup> Տես Հովհաննես Սկիլիցես, էջ 158-161:

<sup>361</sup> Տես նույն տեղում, էջ 160, Մատթեոս Ուռհայեցի, էջ 103:

<sup>362</sup> Տես Արիստակես Լաստիվերցի, էջ 80: Տես նաև Մատթեոս Ուռհայեցի, էջ 107:

<sup>363</sup> Տես Արիստակես Լաստիվերցի, էջ 80: Տես նաև Մատթեոս Ուռհայեցի, էջ 107:

<sup>364</sup> Տես Արիստակես Լաստիվերցի, էջ 81: Այս մասին տես՝ Հ. Սամանդյան, Երկեր, Գ, էջ 47-49:

<sup>365</sup> Գրիգոր Մագիստրոսի թղթերը, էջ 65:

<sup>366</sup> Վարդան, էջ 99:

Գրիգոր Մագիստրոսը քաջ գիտակցում էր, որ սելջուկ-թյուրքերը առաջին հերթին սպառնում են Հայաստանին, որը Բյուզանդիայի նեմ-գադրուժ քաղաքականության պատճառով փաստորեն մնում էր անպաշտպան: Իրենք թյուրք-սելջուկները ևս տեղյակ էին Հայաստանում ստեղծված կացությանը: Դրանից խրախուսվելով Տուղրիլի զորապետներ Իբրահիմ Յանալն ու Գթմուշը 1048թ. հարձակվեցին Վասպուրականի և հարակից շրջանների վրա: Նրանք,- գրում է ժամանակակից պատմիչը,- «ելեալ ի գաւառն Վասպուրականի, յարծակեցան ի վերայ քրիստոնէից իբրև գայլս քաղցեալս անյագեալս ի կերակրոյ...»<sup>367</sup>: Թյուրքական այդ զորախմբերը, ինչպես հաղորդում է Ուռհայեցին,- «անթիւ բազմութեամբ գան ի յաշխարհն Հայոց, վասն զի ի ձեռացն Հռոմոնց գիտացին անտէր և անպահապան գամենայն աշխարհն Հայոց. զի գարս քաջս և զիզօրս քալեալ հանին յարևելից Հռոմոնք...»<sup>368</sup>:

Բագրատունյաց թագավորության բարձունից հետո Բյուզանդիան վերացրեց նաև Հայոց պետականության հենարան կաթողիկոսական իշխանությունը: Քաղաքականապես և հոգևորապես գլխատված Հայաստանը դյուրությամբ ավար դարձավ սելջուկ-թյուրքական նվաճողների համար: Այդ օրհասական իրավիճակում Գրիգոր Մագիստրոսը ամեն ջանք ի գործ դրեց հայրենիքը պաշտպանելու համար: Նա ինչպես նշվեց, 1050-ական թթ. պայքար է ծավալում թոնդրակյան աղանդի դեմ, որին հարում էին նաև Հայաստանում մնացած ազատ դասի որոշ ներկայացուցիչներ ջլատելով երկրի առանց այդ էլ խիստ նվազած պաշտպանունակությունը:

Գրիգոր Մագիստրոսը Հայոց եկեղեցու հայրերին հորդորում էր չմեկուսանալ ժողովրդից, լինել համերաշխ, ջանքեր ներդնել երկրի միասնությունն ու ամբողջականությունը պահպանելու համար: Ուշագրավ է, որ նա Մոկյաց Գրիգոր եպիսկոպոսին ուղարկած նամակում այն միտքն է արտահայտում, որ Աստուծու պատվիրաններից ամենագլխավորը հայրենիքի սահմանները պաշտպանելու պատգամն է<sup>369</sup>: Անշուշտ, պատահական չէր, որ Մոնոմախ կայսրը հայոց թագավորին և կաթողիկոսին հայրենիքից արտաքսեց: Այդպիսով կայսրը չարարկեց հավատակից հզոր հարևանի հանդեպ հայերի տածած վստահությունը և նպատակադրվեց քաղաքականապես և հոգևորապես գլխատել Հայաստանը: Բյուզանդական իշխանություններն իրենց որոգայթները հյուսում էին Վեստ Սարգսի միջոցով և քաջատեղյակ էին, որ հայոց առաջնորդները Գագիկ արքան և Գրիգոր Բջնեցի Մագիստրոսը կայսրության հանդեպ հակոտնյա դիրքերում են, իսկ Պետրոս կաթողիկոսը դեմ էր երկու եկեղեցիների դավանական

<sup>367</sup> Արիստակես Լաստիվերտցի, էջ 65:

<sup>368</sup> Մատթեոս Ուռհայեցի, էջ 102:

<sup>369</sup> Գրիգոր Մագիստրոսի թղթերը, էջ 91, 101:

միությանը, ուստի նա ևս արտաքսվեց: Ի դեպ, նշելի է նաև այն փաստը, որ Գրիգոր Մագիստրոսը՝ հայրենի ավանդույթի նվիրյալն ու պահապանը, պետականորեն օրինապատշաճ իր վարքագծի շնորհիվ չղավեց իր քաղաքական հավատամքին և չթղթակցեց Վեստ Սարգսի հետ:

Հայրենասեր հոսանքի հոգին դարձած Վահրամ Պահլավունին, ինչպես նշվել է, նույնպես դարձավ կայսրության դավադիր խաղերի զոհը և Հայոց թագավորության վերացումից հետո գինևորագրվելով կայսրությանը, զոհ գնաց Դվինի ամիրայի դեմ նրա հարուցած պատերազմում<sup>370</sup>: Բյուզանդիան 1045թ. հետո որոշ ժամանակ չցրեց հայկական զորագնդերը, որպեսզի նրանց օգտագործի իր ախոյանների դեմ: Թվում էր, թե Բյուզանդիայի կայսրը հասավ իր նպատակին: Հայաստանը կորցրեց իր պետականությունը և հպատակվեց նրա կամքին: Սակայն Հայոց թագավորության բարձունը էականորեն կանխորոշեց նաև կայսրության քաղաքական ճակատագիրը, դառնալով նրա կործանման նախերգանքը:

Գրիգոր Մագիստրոսը Պահլավունյաց փառապանծ տան շնորհասուն զավակը, հայոց մտաշխարհի կարկառուն ներկայացուցիչն ու առաջնորդը, ծանր ապրեց հայրենիքին պատուհասված դժբախտությունը և նպատակասլաց ջանքերով աշխատեց նրանից հեռու վանել թյուրքական ցեղերի օրհասաբեր շահատակությունները: Մագիստրոսն իր իշխանությունը դիտում է որպես «բղեշխութիւն»<sup>371</sup>, այն համեմատելով հին Հայաստանի բղեշխությունների հետ և նկատի առնելով, որ ինքն այդ պաշտոնում իրականացնում է Բյուզանդիայի հարավային սահմանային գոտու պաշտպանությունը<sup>372</sup>:

Գրիգոր Մագիստրոսն իր մահկանացուն կնքեց 1059թ., մոտ 68 տարեկան հասակում: Մեծակորով գործչի, հայրենասեր գիտնականի ալեհույզ կյանքը հիրավի ոգու մեծագործություն էր:

<sup>370</sup> Տես Արիստակես Լաստիվերտցի, էջ 63:

<sup>371</sup> Տես Գրիգոր Մագիստրոսի թղթերը, էջ 48:

<sup>372</sup> Հմմտ. G. Dedeyan, Les Armeniens entre Grecs, Musulmans et Croises, vol. 2, Lisbonne, 2003, p. 1190.

## Գրիգոր Մագիստրոսի շառավիղները

Գրիգոր Մագիստրոսի վախճանվելուց հետո նրա զավակների խնամքը, դաստիարակության հոգսերը ծանրացած էին իր կողակցի վրա (ցավոք, վերջինիս անունը հայտնի չէ): Ենթադրվում է, որ Մագիստրոսի կինը ամուսնու մահվանից հետո բնակվում էր Դարույնք ամրոցում (Կոզովիտ գավառ) և 1073թ. դեռ ողջ էր<sup>373</sup>:

Գրիգոր Մագիստրոսն ուներ երկու որդի՝ Վասակը և Վահրամը (Գրիգոր Վկայասեր կաթողիկոսը): Մ. Չամչյանն առանց աղբյուրը նշելու, գրում է, որ Գրիգոր Մագիստրոսն ուներ ևս երկու որդի՝ Վասիլն ու Փիլիպեն, որոնք «կարգեցան ի գործս իշխանութեան. և գործեցին բազում գործս քաջութեան»<sup>374</sup>:

Մագիստրոսն ունեցավ նաև երեք դուստր, որոնց անունները սակայն պատմությունը չի պահպանել: Նրա ավագ որդին Վասակը, համաձայն Վարդան Արևելցու վկայության, Բյուզանդիայի կայսեր կողմից նշանակվել է Անտիոքի դուքս: Պատմագիրը որոշակի չի նշում թե երբ, և որ կայսեր կողմից է Վասակը կարգվել այդ պաշտոնում, այլ լոկ վերջինիս սպանության առթիվ գրում է. «Ի հինգհարիւր քսան և հինգ (1076) թուին սպանին Դոռոնք զՎասակ իշխանն զեղբայր կաթողիկոսին Վահրամայ, որ էր տուկ Անտիոքու...»<sup>375</sup>: Ըստ Մատթեոս Ուռհայեցու, հայոց Շիե (525(1076) թվականին «սպանաւ Վասակ իշխանն Դայոց որդի Գրիգորի Մագիստրոսին և եղբայր Տէր Գրիգորիսի. սա էր տուկի յԱնտիոք քաղաքին, սա սպանաւ ի շուկայ փողոցին Անտիոքայ ի ձեռն նենգաւոր ազգին Դոռոնոց, զի յորժամ անցանէր ընդ փողոցն, զային երկու հաստատք»<sup>376</sup> յերկրպագութիւն Վասակայ և թուղթ ինչ ստութեանց ի վեր կալեալ առաջի Վասակայ, և նա խոնարհեալ զի առցէ զթուղթն ի նոցանէ, և ի նոյն ժամայն հատեալ զնա ուրագովն ի յաջամէջսն, և մեռաւ մեծն Վասակ յամարժան և ի պիղծ արանց»<sup>377</sup>:

<sup>373</sup> Տես Ն. Ակինյան, նշվ. աշխ., էջ 25:

<sup>374</sup> Մ. Չամչեան, Պատմութիւն Դայոց, Բ, էջ 929:

<sup>375</sup> Վարդան, էջ 104:

<sup>376</sup> Լատիներէն *Hastatus* (նիզակակիր) բառից (տես Մատթեոս Ուռհայեցի, ժամանակագրություն աշխարհաբար թարգմ.), էջ 330-331:

<sup>377</sup> Մատթեոս Ուռհայեցի, էջ 213, տես նաև Սմբատ Սպարապետ, էջ 83-84: Վասակ Պաիլավունին Անտիոքի դուքս է համարվում 1058-1079թ.թ. (տես С. Toumanoff. *op. cit.*, p. 272): Սակայն ստույգ հայտնի չէ, թե երբվանից է Վասակը դարձել Անտիոքի

1068-1072թթ. Անտիոքի դուքս է հիշվում հայազգի Խաչատուրը<sup>378</sup>, ուստի պետք է կարծել, որ Վասակն այդ պաշտոնում եղել է 1073-1076թթ. Միքայել VII Դուկաս (1071-1078) կայսեր օրոք: Ն. Ալիմյանը վկայաբերելով Վարդան Արևելցուն, գրում է թե երբ Գրիգոր Մագիստրոսն իր տիրույթները հանձնեց Մոնոմախ կայսեր, «փոխարեն ստացաւ իրեն համար զղջսութիւն Միջագետաց, եւ իր որդւոյն Վասակի համար՝ զԱնտիոքայ դքսութիւնն»<sup>379</sup>: Վարդան Արևելցին, ինչպես տեսանք, սոսկ հիշում է 1076թ. Անտիոքի դուքսի պաշտոնը վարող Վասակի սպանությունը: Այլ տեղեկություններ նա չի հաղորդում:

Բյուզանդական իշխանություններն, ինչպես հայտնի է, չէին հանդուրժում կայսրության սահմաններում հայկական իշխանությունների գոյությունը: Նրանք նույնիսկ 1079թ. սպանեցին Գագիկ II-ին<sup>380</sup>, փորձեցին վերացնել նաև Կիլիկիայի հայկական իշխանությունը: Ամենայն հավանականությամբ, նրանց դուր չէր գալիս նաև Վասակ Պահլավունու ինքնուրույն գործելակերպը: Հատկապես նշելի փաստ է, որ Վասակ Պահլավունու եղբրական մահվանից հետո նրա զինվորները իրաժարվում են հնազանդվել հույներին և ամրանում են Անտիոքի միջնաբերդում: Հավանաբար, 1071թ. Մանազկերտի ճակատամարտում բյուզանդացիների պարտությունից հետո ստեղծված իրադրության պայմաններում անկախանալու փորձեր են արել նաև Անտիոքի հայազգի դուքսերը:

Զորեղ հայկական իշխանություն էր ստեղծել նաև բյուզանդական հայազգի զորապետ Փիլարտոսը Վարաժնունիների տոհմից: Նրա իշխանությունը տարածվում էր Եփրատից մինչև Կիլիկյան Տավրոս և Անտիոք ընկած ընդարձակատարած շրջաններում: Այն որոշ ժամանակ հաջողությամբ դիմակայում էր սելջուկ-թյուրքերին: Բյուզանդական կայսրությունը հավանաբար նկատի առնելով այդ հանգամանքը և, անշուշտ, Փիլարտոսի կողմից քաղկեդոնական դավանանքը ընդունելը, ճանաչեց նրա իշխանապետությունը և նրան շնորհեց «սեբաստոսի» կոչում, վստահելով «Արևելքի դոմեստիկի» (զորապետի) պաշտոնը<sup>381</sup>: Վասակ Պահլավունու

---

դուքս, իսկ սպանության տարին, ինչպես վկայված է Ուռհայեցու և Սմբատի մոտ, 1076-ն է:

<sup>378</sup> Հովհաննես Սկիլիցես, էջ 231, 244: Այս մասին տես J.Laurent, *Le duc d'Antioche Khatchatour 1068-1072* («Etudes d'histoire Arménienne», Louvain, 1971, p.160-166), Ե. Քասունի, ԺԱ դարու Անտիոքի հայ կառավարիչներ Պեխտ Խաչատուր և Վասակ Պահլավունի («Հայկագեան հայագիտական հանդես», հ. 2, Բեյրութ, 1971, էջ 133-134):

<sup>379</sup> Ն. Ալիմեան, *Մշվ. աշխ.*, էջ 26:

<sup>380</sup> Մատթեոս Ուռհայեցի, էջ 219-220, Սմբատ Սպարապետ, էջ 86-87:

<sup>381</sup> G. Dedeyan, *Les Arméniens entre Grecs, Musulmans et Croisés*, vol. 1, Lisbonne, 2003, p.19-20,59.

զինվորները նրա սպանությունից հետո հրաժարվեցին ենթարկվել բյուզանդացիներին և ամրանալով քաղաքի միջնաբերդում, Անտիոք հրավիրեցին Փիլարտոս Վարաժնունուն: Վասակի սպանությունից հետո,- հաղորդում է Ուռհայեցին,- «ժողովեցան զօրք նորա ի կլայն Անտիոքու. և յայնժամ ազատագունդքն Վասակայ կոչեցին զՓիլառտոս և տան զԱնտիոք ի ծեռս նորա»: Փիլարտոսը կարողացավ Վասակ Պահլավունու զինվորների զորակցությամբ տիրանալ այդ հռչակավոր քաղաքին, «և առեալ վրէժ արեան մեծին Վասակայ Պահլաւունույ»<sup>382</sup>:

Գրիգոր Մագիստրոսի մյուս որդին Վահրամը դեռևս հոր կենդանության ժամանակ բյուզանդական ժառանգության մեջ էր և կրում էր «վեստ»-ի պատվատիտղոսը<sup>383</sup>:

Հավանաբար, նա հոր օգնականն էր Միջագետքում նրա կառավարման տարիներին: Հոր վախճանվելուց հետո Վահրամը զուցե ստանձնել է նրա պաշտոնը: Ինչպես նշվեց, ժամանակին Գրիգոր Մագիստրոսը որդուն հորդորում էր դիմակայել Բյուզանդական Նիկողոս զորապետին, որը կամենում էր գրավել Հայաստանի տարածքները:

Վահրամին նվիրված բանաստեղծության մեջ Գրիգոր Մագիստրոսն ամենից առաջ որդուն հորդորում է ունենալ վեհ ու բարեմիտ խոկուններ, խորշել վատթարից, ուսումնասիրել հելլենական իմաստասիրությունը և, նախքան «տերունական ճեմարանում ուսանելը, պահպանել հայրենին, հասնել «րաբունական եռանձնեան» լուսավոր կոչմանը և չմոռանալ հայրենի ավանդությունները: Նա նաև որդուն գրում է, որ նրան է թողնում ոսկուց ու թանկարժեք քարերից ավելի մեծ նվեր՝ հոգևոր հարստություն, որն անկապտելի է, և ձեռք է բերել «յոքնական առաքինութեամբ... և փոխարենս հայցեմ ի քն գաւանդութիւնն մեր ոչ մոռանալ երբէք և զփոյթ սիրոյն առ Քրիստոս Աստուած մեր և զլոյս ճրագի նախնւոյն մերոյ ոչ շիջուցանել...»<sup>384</sup>:

Մատթեոս Ուռհայեցին մեծ գովեստով է հիշում Վահրամին, նշում, որ դեռ մինչև Հայոց կաթողիկոսի գահին բազմելը, նա հայտնի անձնավորություն էր<sup>385</sup>: Ընդառաջելով որդու գիտական հակումներին, Գրիգոր Մա-

<sup>382</sup> Մատթեոս Ուռհայեցի, էջ 213-214: Տես նաև Սմբատ, էջ 83-84: Փիլարտոս Վարաժնունու մասին տես՝ В. Степаненко, Государство Филарета Варажнуни (1071-1084/86) гг. («Античная древность и средние века», 1975, N 12).

<sup>383</sup> Տես Գրիգոր Մագիստրոսի թղթերը, էջ 235, Ներսես Շնորհալի, Վիպասանութիւն, էջ 111-112:

<sup>384</sup> Գրիգոր Մագիստրոսի թղթերը, էջ 235-236:

<sup>385</sup> Մատթեոս Ուռհայեցի, էջ 155: Ս. Օրմանյանը Վահրամին է վերագրել նաև նրա հոր մասին Ուռհայեցու հետևյալ խոսքերը. «այդ քաջակիրք և ամենայն հմտութեանց հետևեալ և բովանդակ հասեալ սորա ի վերայ հին և նոր կտակարանացն Աստուծոյ. և սա ի յամբիոնսն նստէր ընդ իմաստասէրսն ի մէջ սրբոյն Սոփեաց և

գիստրոսը, ինչպես նշվել է, նրա խնդրանքով շարադրեց «Մեկնութիւն քերականի» գործը, որը դասագիրք էր ծառայում նաև որդու համար:

Ներսես Շնորհալին գրում է, որ Վահրամը սկզբնապես «գօրաց իշխող եղեալ, ի հայրենին աթոռ նստեալ, մինչ յաշխարհի օրէնս կապեալ»: Սակայն կողակցի մահը բեկում մտցրեց նրա կյանքում, և Վահրամն «ըստ ամենայնի իր փոփոխեալ», մտավ վանք և սկսեց «յերկնային ուղին», հեռու մնալով աշխարհական գործերից՝ «զիշխանական կամար լուծեալ»<sup>386</sup>: Այդպիսով սկսվում է նրա կյանքի երկրորդ և ավելի փոթորկալից ու հազեցված ժամանակաշրջանը:

---

խօսէր ընդ վարդապետացն Հոռոմոց, և ի կարգի վարդապետացն էր սա ազգիս Հայոց» (Մատթ. Ուռհայեցի, էջ 183, Մ. Օրմանյանի մոտ՝ Մատթ. Ուռհայեցու երուսաղեմի 1869թ. հրատ., էջ 220 (տես Ազգապատում, Ա, սյունակ 1491): Սակայն Ուռհայեցին նկատի ունի ոչ թե Վահրամին, այլ նրա հորը՝ «Վասակի որդի Գրիգոր Պահլավունուն»:

<sup>386</sup> Տես Ներսես Շնորհալի, Վիպասանութիւն, էջ 111-116:

## Պահլավունիները XI դ. 2-րդ կեսին և XII-XIII դդ.

### Գլուխ առաջին

#### Գրիգոր Վկայասեր Պահլավունի կաթողիկոսը

1066թ. ապրիլին Գրիգոր Մագիստրոսի որդի Վահրամ Պահլավունին հրաժարվելով աշխարհիկ գործերից, բազմեց Հայոց կաթողիկոսների հողմածեծ գահին, ընդունելով Գրիգոր անունը<sup>387</sup>: Նա փաստորեն հիմնադրեց Պահլավունի տոհմի կաթողիկոսական հարստությունը և վերականգնեց Հայոց կաթողիկոսական իշխանությունը, որի աթոռը դեռևս 1060թ. (Խաչիկ II Անեցու վախճանվելուց հետո) բյուզանդական իշխանությունների կամքով թափուր էր մնում: Հայոց պետականության կորստի պայմաններում հույժ կարևոր էր Հայոց կաթողիկոսության վերականգնումը, ինչը առավել հրատապ դարձավ 1065թ. հետո: Այդ տարի Կարսի (Վանանդի) Գագիկ թագավորը ահաբեկված սելջուկ-թյուրքերի հարձակումներից, հատկապես Անի քաղաքի բնակչության զարհուրելի կոտորածից, իր թագավորության մեջ ընդգրկված տարածքները համձնեց Բյուզանդիայի Կոստանդին Դուկաս կայսրին և փոխարենը ստացավ Փոքր Հայքի Ծամնդավ, Ամասիա, Կեսարիա քաղաքները և այլ վայրեր՝ հարակից շրջաններով<sup>388</sup>: Նույն թվականին Գագիկը, սթափ զնահատելով ստեղծված կացությունը, միջնորդեց կայսեր առջև, ստանալով Հայոց հայրապետ ընտրելու իրավունք: Այս առթիվ վարդան Արևելցին գրում է. «Թագաւորն Կարուց Գագիկ որդի Աբասայ նեղեալ յերկիւղէ թուրքացն՝ տայ զհայրենիս իւր ի Յոյնս... Եւ զնացեալ առ կայսր խնդոէ հրամանս ձեռնադրել Հայոց պատրիարգ զՎահրամ որդի Գրիգորի Մագիստրոսի և տուլի. որ կոչեցաւ ի ձեռնադրելն՝ Գրիգորիս»<sup>389</sup>:

<sup>387</sup> Վարդան Արևելցի, էջ 102:

<sup>388</sup> Տես Մատթեոս Ուռհայեցի, էջ 151, Սմբատ, էջ 60: Այս մասին տես Ս. Еремян, Присоединение северо-западных областей Армении к Византии в XI веке («Լրաբեր հաս. գիտությունների», 1971, N 3, էջ 12-13):

<sup>389</sup> Վարդան, ԾԸ, էջ 102: Մի կարծիքի համաձայն, Գրիգոր Վկայասերը կաթողիկոս է ընտրվել Գագիկ Արծրունի թագավորի հրամանով: Իբրև կովան վկայաբերվում է Մատթ. Ուռհայեցու մի հաղորդումը, (Ուռհայեցի, էջ 155) ուր սակայն խոսքը Կարսի Գագիկ թագավորի մասին է (տես Գր. Հակոբյան, Ներսես Շնորհալի, Երևան, 1964, էջ 51): Նշենք նաև, որ Գագիկ Արծրունին վախճանվել է 943 թվին:

Գրիգոր Պահլավունին իր աթոռը հաստատեց Հայոց բնաշխարհից դուրս՝ Գագիկ Աբասյանի նստավայր Ծամնդավում, քանի որ Հայաստանն արդեն գրավել էին քյուրք-սելջուկները, որոնց շահատակությունների հետևանքով, ինչպես վկայում է Ուռհայեցին, «արեամբ լցաւ առհասարակ ամենայն աշխարհն, որ իբրև զծով ծփայր ծայրէ ի ծայր, և քակտեալ ապականեցաւ հայրենատունն մեր խլեալ, խախտեցաւ հիմն բնակութեան Հայաստան ազգացս, ոչ մնաց տեղի յուսոյ ապաւինի, եղաք մատնեալք ի ծառայութիւն ազգաց անօրինաց և օտար գազանաց...»<sup>390</sup>: Հայաստանից դուրս կաթողիկոսի աթոռի հաստատումն անշուշտ, նաև Բյուզանդիայի հայադավ քաղաքականության հետևանք էր:

Գրիգորը մեծ հեղինակություն էր վայելում հայ մտաշխարհում: Ուռհայեցու հավաստմամբ, նա կաթողիկոս ընտրվեց, քանզի «էր յոյժ առաւելեալ հռչակաւոր անուամբ, լցեալ սրբութեամբ և արդարութեամբ, և տիրեալ ամենապայծառ առաքինութեամբ և հասանէր ի վերայ հռետորական իմաստութեանց...»<sup>391</sup>: Գրիգորի կաթողիկոս ընտրվելու գործում հավանաբար, նշանակություն ունեցավ նաև այն հանգամանքը, որ նրա տոհմը սերած էր համարվում Գրիգոր Լուսավորչից: Մատթեոս Ուռհայեցին նույնիսկ կարծում է, որ իբր Սուրբ Հոգին էր Գրիգորին հայտնել, որ բազմելու է «յաթոռ Սուրբ Լուսաւորչին Գրիգորի նախնայն իւրոյ»<sup>392</sup>: Սակայն այլ էր Գրիգորի տարերջը: Նա գերադասեց զբաղվել գրական, վկայաբանական երկերի ուսումնասիրությամբ, դրանց մեջ գտնելով իր հոգու ճարակը: Եվ նա, ինչպես վկայում է Ուռհայեցին՝ «լցեալ առհասարակ զեկեղեցի Աստուծոյ ամենայն աստուածային կտակարանօք. և սա պայծառացոյց զկարգ կրօնաւորութեանն յազգս Հայոց, և սովաւ նորոգեցաւ աթոռ սուրբ Լուսաւորչին Գրիգորի ի Հայաստան աշխարհս»<sup>393</sup>:

Գրիգոր Պահլավունի հայրապետը փաստորեն Սահակից ու Մաշտոցից հետո դարձավ հայոց երկրորդ թարգմանիչ-կաթողիկոսը, որը Ղ. Ալիշանի արտահայտությամբ, եղավ «գլուխ երկրորդ թարգմանչաց և դպրութեան Հայոց... մեր դպրութեան արծաթի դարուն»<sup>394</sup> պարագլուխ»<sup>395</sup>: Հարկավ նա իր տարերջը գտավ մտավոր զբաղումներում, ուստի իրա-

<sup>390</sup> Մատթեոս Ուռհայեցի, էջ 151:

<sup>391</sup> Նույն տեղում, էջ 155:

<sup>392</sup> Նույն տեղում:

<sup>393</sup> Նույն տեղում, էջ 156:

<sup>394</sup> «Արծաթի դար» արտահայտության տակ պայմանականորեն նկատի է առնվել հայեցի ուսման, դպրության ծաղկումը XII-XIII դարերում: Այդ գործընթացի նախակարապետը Գրիգոր Վկայասերն էր:

<sup>395</sup> Ղ. Ալիշան, Ընդհանուր և պարագայ իւր, էջ 27:

ժարվեց կաթողիկոսական իշխանությունից<sup>396</sup> և որոշեց մեկնել Կոստանդնուպոլիս մայրաքաղաք, որը հռչակված էր հելլենական գիտությամբ, ուստի առինքնում էր լուսաբարձ հոգիներին: Նա իր մտահղացումն իրագործեց մեկ տարի հետո, Ծամնդավից մեկնելով այնտեղ: Համաձայն Վարդան Արևելցու վկայության, Գրիգորը Ծամնդավում «ամ մի կալեալ... անցեալ գնայ ի Կոստանդնուպոլիս ի թարգմանութիւն»<sup>397</sup>: Եվ այնուհետև, ինչպես հաղորդում է Ուռհայեցին, - Գրիգոր Վկայասերը «խորհեցաւ թողուլ զգահընկալ և զմեծ պատիւ աթոռոյ հայրապետութեանն»<sup>398</sup>: Թեև Գագիկ Աբասյանը և հայ իշխանները ջանացին նրան պահել Ծամնդավում (ինչը կբարձրացներ իրենց իշխանության հեղինակությունը), սակայն կաթողիկոսը մնաց անդրդվելի: Ավելին. նա կամենում էր Կոստանդնուպոլիսից հետո այցելել Եգիպտոս և «շրջել ընդ ամենայն անապատս Եգիպտացւոց», վկայում է պատմագիրը<sup>399</sup>: Եգիպտոսում Գրիգորը պետք է այցելեր հայ գաղթականությանը, հաղորդակցվեր դպտի եկեղեցականների հետ: Բայց մինչև Եգիպտոս մեկնելը, նա դիմեց ճգնակեցության:

Գագիկ Աբասյանը և նրա շուրջը համախմբված հայ ազնվականները չկամենալով Հայոց հայրապետի գահը թողնել թափուր վիճակում, կաթողիկոսարանի դպրապետ Գեորգ Լոռեցուն բազմեցրին կաթողիկոսական աթոռին: Թեև վերջինս Գրիգոր Վկայասերին խոստացավ ուղեկցել և կիսել նրա ճգնասուն առօրյայի դժվարությունները, «երդմամբ կապեալ զբանն զնալ զհետ իրերաց ի միայնակեցութեան ճանապարհն»<sup>400</sup>, սակայն նա դրժեց խոստումը և փառատենչ մղումներով բազմեց հայրապետական աթոռին: Գրիգոր Վկայասերին անակնկալի բերեց իր դպրապետի վարմունքը: Այնուամենայնիվ նա վերադարձավ Ծամնդավ և Գեորգ Լոռեցուն ձեռնադրեց կաթողիկոս: Գուցե նա չէր կամենում բարձիթողի վիճակում թողնել իր աթոռը: Իհարկե, Գրիգոր Վկայասերը պատշաճ չէր համարում եկեղեցական ուխտը թյուրող այդ կղերականի բազմելը Հայոց հայրապետի գահին: Ուռհայեցու վկայությամբ Գրիգորը փաստորեն հակադիր դիրքավորում ուներ Գեորգ Լոռեցու նկատմամբ: Եվ, -գրում է մատենագիրը,-«եմուտ հակառակութիւն ի մէջ երկուց հայրապետացն Գրիգորիսի և Գեորգայ: Եւ զնաց Տէր Գրիգորիս ի խորհուրդս հոգևոր ճանապար-

<sup>396</sup> Մատթեոս Ուռհայեցի, էջ 190:

<sup>397</sup> Վարդան, ԾԸ, էջ 102:

<sup>398</sup> Մատթեոս Ուռհայեցի, էջ 190, հմմտ. Սմբատ, էջ 82: Քանի որ Ծամնդավը գտնվում էր Բյուզանդիայի սահմաններում, ուստի դյուրին էր այնտեղից Կ. Պոլիս մեկնելը:

<sup>399</sup> Մատթեոս Ուռհայեցի, էջ 190:

<sup>400</sup> Նույն տեղում:

հաց իւրոց առ ի բնակել ի լերինս ընդ միանձունսն ճգնաւորացն Քրիստոսի»<sup>401</sup>:

Այդպիսով Գրիգոր Պահլավունցին հրաժարական է տվել ու հեռացել լեռները, ապրել անապատականի, ճգնակյացի խստամբեր կյանքով: Նա, գրում է Ներսես Շնորհալից,- «ի յիւրայնոցն հրաժարեալ եւ յանապատս հետնեալ. համակրօնից հաւասարեալ, առաքինի վարուք կրթեալ, յօրէնս Տեառն ի տուէ խորհեալ... յանապատի առանձնացեալ»<sup>402</sup>: ճգնակեցութեան նա երկար չտրվեց քանի որ նպատակադրվել էր լինել քրիստոնեաբանութեան կենտրոններում, հունարենից հայերենի թարգմանել քրիստոնեական հավատի համար կյանքները զոհաբերած մարտիրոսների վկայաբանությունները, ուստի կոչվեց «Վկայասեր» պատվանունով<sup>403</sup>: Գրիգորը զրեց նաև զանազան մեկնություններ, «լուսաւորեաց զՅայաստան աշխարհս բազում և ազգի ազգի մեկնութեամբ, որ և յամենայն ազգաց թարգմանութիւնս արարեալ»<sup>404</sup>, - գրում է Ուռհայեցին:

Գուցե, նա ոչ միայն հունարենից է կատարել թարգմանություններ, այլև ասորերենից, որը քրիստոնեաբանութեան լեզու էր:

Գրիգոր Վկայասերը կամենում էր ամենից առաջ մեկնել Երուսաղէմ, սակայն փոթորկահույզ ծովի ալիքները նրան տանող նավը նետեցին Եգիպտոսի ափերը<sup>405</sup>: Այդպիսով Կ. Պոլիս մեկնելուց հետո Գրիգոր կաթողիկոսը ժամանեց Եգիպտոս, որտեղ նա, ինչպես վկայում է Սատթես Ուռհայեցին, «շրջեցաւ ընդ անապատսն ամենայն առաջին սրբոց հարցն և կատարեաց զամենայն փափագումն սրտին իւրոյ»: Նա Եգիպտահայերի համար հաստատեց եպիսկոպոսական աթոռ և իր քեռորդի Գրիգոր Պահլավունցի եպիսկոպոսին կարգեց Եգիպտահայոց առաջնորդ՝ օծելով կաթողիկոս: Զեռու ազդեցությամբ Գրիգոր Պահլավունցին մոտ 1110թ. թարգմանեց Ունուփրիոս անապատականի Վարքը և Գրիգոր Վկայասերի ու Կիրակոսի հետ կարգավորեց ճաշոցը: Գրիգոր Վկայասերը Եգիպտոսում նորոգեց «զամենայն կարգ սուրբ եկեղեցւոյ»<sup>406</sup>:

<sup>401</sup> Նույն տեղում, էջ 190-191:

<sup>402</sup> Ներսես Շնորհալի, Վիպասանութիւն, էջ 113:

<sup>403</sup> Սամուել Անեցի, էջ 113, Սմբատ Սպարապետ, էջ 62:

<sup>404</sup> Սատթես Ուռհայեցի, էջ 156, Սմբատ Սպարապետ, էջ 62:

<sup>405</sup> Վարդան, էջ 102: Եգիպտոս Գրիգոր Վկայասերի մեկնումը դրվում է 1074 կամ 1075թ.թ. (Տես G. Dedejan, Les Armenies..., I, p. 261): Բայց դա կատարվել է ամենայն հավանականությամբ, 1071 կամ 1072թ.թ.: Ուռհայեցին Եգիպտոս Վկայասերի մեկնելը դնում է Հայոց ՇԻԳ(523, իմա՝ 1074) թվականին, ինչը սխալ է, քանի որ Եգիպտոսից կաթողիկոսի վերադարձը նա թվագրում է 1072թ., ուստի անբնական կլինի այդ երկիր նրա ժամանելը դնել այդ թվականից հետո:

<sup>406</sup> Սատթես Ուռհայեցի, էջ 211:

Նա ինչպես գրում է Ուռհայեցին «բազում փառք և մեծութիւն ընկալաւ... ի թագաւորեն եգիպտոսի»<sup>407</sup>: Ուռհայեցու վկայությամբ, այդ ժամանակ եգիպտոսում հաստատվեցին բազմահազար հայեր<sup>408</sup>, որոնք աչքի էին ընկնում այդ երկրի հասարակական-քաղաքական կյանքի այլևայլ բնագավառներում: 1070-ական թթ. եգիպտոսի վեզիրը հայ էր<sup>409</sup>: Նա սատարել է Վկայասերին, որին ջանաց երկար պահել եգիպտոսում: Բայց 1072թ. Վկայասերը վերադարձավ Ծամնդավ, որտեղ գծտություն ծագեց նրա և հայրապետի պաշտոնը վարող վերոնշյալ Գեորգ Լուռեցի վարդապետի միջև (կաթողիկոսական գահի շուրջ), որը հանգեցրեց վերջինիս գահընկեցությանը: Ըստ Ուռհայեցու, «ի թուականութեանն Հայոց ՇԻԱ (521), իմա 1072 թ.) եղև հակառակութիւն ի մէջ Տէր Գրիգորիսի և Տէր Գեորգեայ. և առաքեաց Տէր Գրիգորիսն և ընկեց գՏէր Գեորգն յաթոռոյ հայրապետութեանն և առեալ զքօղն ի գլխոյ նորա. և Գեորգն վիրաւորեալ զնաց ի Տարսոն քաղաքն և անդ մեռաւ»<sup>410</sup>:

Ծամնդավ բերդաքաղաքը ենթակա էր սելջուկ-թյուրքերի սպառնալիքներին, ուստի Գրիգոր Վկայասերը գերադասեց հեռանալ այնտեղից: Նա, ինչպես հավաստում է Մատթեոս Ուռհայեցին, «եկեալ բնակեցաւ ի Մուտառասուն առ Գագիկ որդի Գուրգենայ»<sup>411</sup>: Մուտառասունը բյուզանդական Մուտալասսա կամ Դալասսա ավանն էր Մելիտենե քաղաքից ոչ հեռու, Եփրատի ափին: Այն պատկանում էր ծագումով հայ Դալասիմների տոհմին<sup>412</sup>: Սակայն Գագիկի որդի Գուրգենի ինքնությունը պարզ չէ: Արդյոք նա Դալասիմների գերդաստանից էր, դժվար է ասել: Գուցե նա բազմաթիվ այն ազատներից էր, որը սելջուկ-թյուրքերի կողմից Հայաստանը գրավելուց հետո հեռացել էր բյուզանդական կողմերը, հաստատվելով Մուտառասունում, ըստ երևույթին վասալական ծառայության մեջ մտնելով Դալասիմների մոտ:

<sup>407</sup> Նույն տեղում:

<sup>408</sup> Տես Մատթեոս Ուռհայեցի, Ժամանակագրութիւն, Երուսաղեմ, 1869, էջ 254: Ուռհայեցու վաղարշապատյան (1898թ.) հրատարակության մեջ (էջ 211) երուսաղեմյան հրատ. «Եւ բազումք ժողովեցան հայոց յեգիպտոս իբրև երեսուն հազարաց» դարձածի փոխարեն գրված է «Եւ բազում զօրք ժողովեցան յեգիպտոս իբրև երեսուն հազարաց»: Ավելի ստույգ է երուսաղեմյան հրատարակության վկայությունը:

<sup>409</sup> Տես Ա. Ալպոյաճեան, Պատմութիւն հայ գաղթականութեան, հ. Բ, Գահիրէ, 1955, էջ 459-461:

<sup>410</sup> Մատթեոս Ուռհայեցի, էջ 205-206, տես նաև Սմբատ, էջ 78:

<sup>411</sup> Մատթեոս Ուռհայեցի, էջ 206:

<sup>412</sup> N. Adontz, Notes Armeno-Byzantines («Etudes Armeno-Byzantines», Lisbonne, 1965, p. 172-173).

Այս Գագիկը նույնացվել է Գագիկ Աբասյանի հետ<sup>413</sup>, ինչը սակայն համոզիչ չէ, քանի որ Մատթեոս Ուռհայեցին քանիցս հիշատակում է թե՛ Գագիկին և թե՛ նրա հորը և քաջատեղյակ է նրանց հետ առնչվող իրադարձություններին, ուստի հազիվ թե շփոթեր նրանց: Բացի այդ, Գագիկ Աբասյանը կենդանի չէր Մուտառասուն Գրիգոր Վկայասերի տեղափոխման ժամանակ: Նա վախճանվել էր տակավին 1069թ.<sup>414</sup>:

Այնուհետև Գրիգոր Վկայասերն այցելեց Անի քաղաք, եղավ ծերացած մոր մոտ, ապա Անիի եպիսկոպոս ձեռնադրեց իր քեռորդի Բարսեղին (Վասակ Ապիրատյանի որդուն<sup>415</sup>, որը հետագայում դարձավ հայոց կաթողիկոս: Սակայն Անին արդեն գրավել էին սելջուկ-թյուրքերը: Թեև Անիում այդ ժամանակ մեծ ազդեցություն ունեւր Գրիգոր Վկայասերի մյուս քեռորդին՝ Գրիգոր իշխանը (Վասակի որդին), բայց Անի քաղաքին տիրում էր Մանուչե ամիրան<sup>416</sup>: Ուստի Գրիգոր Վկայասերը չկամեցավ մնալ օտարի գերիշխանությանը ենթակա քաղաքում և հեռացավ Սև լեռներ՝ Ամանոս (որոնք այդպես են կոչվել իրենց ժայռերի սև գույնի պատճառով), որտեղ նա մի ժամանակ կրոնավորել էր: Այժմ նա հաստատվեց Շուրդ վանքում: Սև լեռները գտնվում էին ծագումով վասպուրականցի Փիլարտոս Վարաժնունու իշխանության սահմաններում: Վերջինս 1070-ական թ.թ. ընդգրկում էր Կիլիկիայի հարավ-արևմտյան գավառները՝ Մարաշ կենտրոնով, ինչպես նաև Ասորիքի հյուսիսային շրջանները և հյուսիս-արևմտյան Միջագետքը: Այն զորեղ ուժ էր թշնամիների դեմ<sup>417</sup>: Փիլարտոսը կամենում էր գրավել նաև Սասունը, որտեղ 1070-ական թ.թ. իշխում էր Գրիգոր Վկայասերի քրոջ ամուսին Թոռնիկ Մամիկոնյանը: Վերջինս դավանում էր քաղկեդոնականություն: Ըստ Ուռհայեցու, նույն դավանանքն էր ընդունել նաև Փիլարտոսը<sup>418</sup>: Թեև Միջայել Ասորին գրում է, որ իբր Փիլարտոսն ընդունել էր մահմեդականություն<sup>419</sup>, սակայն դա, եղել է 1086 թ., երբ նա հնազանդվեց սելջուկյան սուլթան Մելիքշահին:

Փիլարտոսը փորձեց Գրիգոր կաթողիկոսի միջնորդությամբ հնազանդեցնել Թոռնիկին: Այդ նպատակով նա Գրիգոր Վկայասերին ուղարկեց Սասուն, ասելով. «Քո փեսայ է Թոռնիկն, գնա և կոչեա գնա ինձ ի

<sup>413</sup> Մ. Օրմանեան, Ազգապատում, Ա, սյունակ 1505-1506:

<sup>414</sup> Սամուել Անեցի, էջ 113:

<sup>415</sup> Մատթեոս Ուռհայեցի, էջ 211, Սմբատ Սպարապետ, էջ 82:

<sup>416</sup> Վարդան, ԾԹ, էջ 103-104:

<sup>417</sup> Michel le Syrien, Chronique, t. III, p. 173.

<sup>418</sup> Տես Մատթեոս Ուռհայեցի, էջ 206 («վարքն և կրօնքն զհոռոմոցն ունէր», - կարդում ենք մատենագրի մոտ Փիլարտոսի մասին):

<sup>419</sup> Տես Chronique de Michel le Syrien, t. III, p. 173.

հնազանդութիւն»<sup>420</sup>: Գրիգոր Վկայասերը մեկնեց Սասուն, հանդիպեց Թոռնիկին և պատմեց իր գալստյան դրոպապատճառի մասին, որից հույժ զարմացած Թոռնիկն ասաց. «Ձիարդ ոչ պատկառեցաւ երեսք անօրինին ի սաստիկ լրբութեանցն իւրոց յուղարկել զքեզ առ իս իբրև զղեսպան հանդերձ սուտ երդամբ»<sup>421</sup>: Վկայասերի ծախողված դեսպանագնացութ- յունից հետո Փիլարտոսը գորքը նետեց Սասունի դեմ, սակայն հազիվ էր այն ոտք դրել Յանձիտ գավառի Ալելուա (Խարբերդի) դաշտ, երբ նրա վրա խոյացան Թոռնիկի զորագնդերը, պարտության մատնելով հզոր ախոյանին և նրան զորակցող ութ հարյուր ֆրանկ զորայիններին<sup>422</sup>, որոնք մինչ այդ իբրև վարձկան ծառայել էին Բյուզանդիայում:

Սակայն Փիլարտոսը չհաշտվեց պարտության մտքի հետ և մահմե- դական ամիրայի միջոցով դավ նյութելով Թոռնիկի դեմ, սպանել տվեց այդ քաջազուն իշխանին: Վրիժաձարավ Փիլարտոսը, ինչպես ցավով նշում է Ուռհայեցին, Թոռնիկի զանգից պատրաստել է տալիս գինու թաս, այրելով նրա մարմինը<sup>423</sup>: Այս հաշվեհարդարից ցնցված Վկայասերն այլևս հրաժարվեց իր աթոռը թողնել Փիլարտոսի տիրույթներում:

Բայց, նշում է մատենագիրը,- «անօրէնն Փիլառտոս յղարկեաց և կո- չեաց զտէր Գրիգորիս յաթոռ հայրապետությանն իւրոյ. և նա ոչ եկն ի կոչն նորա, վասն զի զարհուրեալ էր ի չարաշունչ գազանէն»<sup>424</sup>: Անշուշտ, Վկայասերը երկյուղում էր, որ Փիլարտոսն իր հանդեպ կարող է բռնութ- յուն գործադրել: Երբ վերջինս երկրորդ անգամ դիմեց Վկայասերին նույն առաջարկով, կաթողիկոսը թեև հրաժարվեց կատարել նրա պահանջը, սակայն չկամենալով սրել հարաբերությունները հզոր ու փառատենչ այդ իշխանի հետ, նրան պատասխանեց, որ կարող է իր փոխարեն նրա տի- րույթների հովվապետ կարգել Պետրոս Գետադարձի քեռորդի Սարգսին, որին առաքեց նույնիսկ կաթողիկոսական գավազան և խաչափայտ: Փի- լարտոսը համաձայնվեց այդ առաջարկին, հույս ակնկալելով, որ հայոց կաթողիկոսի գահաթոռը հաստատվելու է իր նստավայրում: Նա Ջահան գավառի Յոնի քաղաքում (Մարաշ քաղաքից ոչ հեռու) մոտ 1076թ. գու- մարել տվեց «ժողով եպիսկոպոսաց և հարանց վանականաց և կրօնաւո- րաց», որտեղ Սարգիսը ձեռնադրվեց կաթողիկոս<sup>425</sup>:

<sup>420</sup> Մատթեոս Ուռհայեցի, էջ 206-207: Տես նաև Սմբատ, էջ 80:

<sup>421</sup> Նույն տեղում, էջ 208: Տես նաև Սմբատ, էջ 80:

<sup>422</sup> Տես Ուռհայեցի, էջ 208:

<sup>423</sup> Տես նույն տեղում, էջ 209, Սմբատ, էջ 81: Թոռնիկի մահը դրվում է 1073թ. (տես G. dedeyan, Les Armeniens entre Grecs, Musulmans et Croises, I, p. 327-328): Դ. Մանանդյանն այն դնում է 1078 թ. (տես Երկեր, Գ, էջ 81) :

<sup>424</sup> Մատթեոս Ուռհայեցի, էջ 210:

<sup>425</sup> Նույն տեղում: Տես նաև Սմբատ Սպարապետ, էջ 82:

Յոնիում կաթողիկոսական աթոռի հաստատումը բնավ չէր նշանակում, թե Գրիգոր Վկայասերը հրաժարվում է Յայոց կաթողիկոսի պաշտոնից: Նորընծա Սարգիս կաթողիկոսին նա համարում էր իր աթոռակիցը, որը պետք է հովվապետեր սոսկ Փիլարտոսի իշխանության ոլորտներում, Վկայասերին ազատելով այնտեղ այցելելուց: 1077թ. վախճանվեց Սարգիս կաթողիկոսը, և Փիլարտոսի հրամանով կաթողիկոս ընտրեցին Թեոդորոսին (Թորոսին)՝ «գղրան եպիսկոպոսն Տեառն Սարգսի Յայոց կաթողիկոսին, զմեծ երաժիշտն ձայնաւորաց՝ որ մականունն ասի Ալախօսիկ, ի քաղաքն՝ որ կոչի Յոնի, ի Ջահան գաւառի»<sup>426</sup>: Թեոդորոսն իբրև հակաթոռ կաթողիկոս, իր նախորդի հետևողությամբ մոտ 13 տարի հովվապետություն էր իրականացնում Փիլարտոսի իշխանության սահմաններում:

Մի կողմից թյուրք-սելջուկյան ցեղերի հարուցած սպառնալիքները, մյուս կողմից Բյուզանդիայի կայսերականացված եկեղեցու դավանաբանական բռնացումները ավելոծում էին Գրիգոր Վկայասերի կյանքը: «Չարչարիմք իբրև զպատժապարտս և ոչ ունիմք հանգիստ», - հետագայում (1102թ.) գրում է նա, հավելելով նաև, որ իր բոլոր դեգերումները, փախուստն ու տառապանքները, տևել են մոտ 40 տարի՝ սկսած այն պահից, երբ «զիմ հայրենի տունն ի խաղաղութեան ժամանակի թողի՝ ի յայս փոխեցայ»: Բայց դրանք իրեն բնավ չեն կարողացել շեղել հայրենասիրի հավատքից<sup>427</sup>:

Իր հայրապետական հոգսերը թեթևացնելու նպատակադրումով 1081թ. Գրիգոր Վկայասերը իրեն տեղապահ կարգեց իր քեռորդի Բարսեղին՝ Գրիգոր Մազիստրոս Բջնեցու թոռանը (ղստեր գծով), Վասակի որդուն: Եռանդուն ու կարողունակ Բարսեղն իբրև կաթողիկոսական փոխանորդ, փայլուն կերպով դրսևորեց իր կազմակերպչական ավյունը, փաստորեն դառնալով ամբողջ հայության գործող հայրապետն ու ինքնոր առաջնորդը: Նա հատկապես մեծ հեղինակություն էր վայելում քաղաքամայր Անիում, Պահլավունիների ոստանում, որտեղ քաջ գիտեին նրա տոհմի և հենց իր ազգամետ գործունեության մասին: Բարսեղը հայ բնաշխարհն ապահովեց հոգևոր-եկեղեցական ընդհանրությամբ, որը տվյալ պահին ուներ նաև քաղաքական հնչեղություն: Կաթողիկոսական գահի երերուն ու թափառաշրջիկ, մասնատված կացությունը հաճախ առ ոչնչի էր հանգեցնում եկեղեցու միարարական ջանքերը: Սակայն Բարսեղը կարողացավ վերականգնել եկեղեցու համախմբող գործառույթները, քեռուն ազատելով կաթողիկոսական հոգսերից: Այնուհետև Վկայասերը հեռանալով Սև լեռներից,

«Ի Մեջերկրեայս անդուստ փոխեալ,

<sup>426</sup> Մատթեոս Ուռհայեցի, էջ 215:

<sup>427</sup> Նույն տեղում, էջ 291:

որ Եփրատայ մերձ առկայեալ  
Քաղաք Քեսոն իմն անուանեալ  
Յոր հուպ է վանք Կարմիր կոչեալ:  
Անդ յիշխանէ պատուասիրեալ,  
Աստուածասէր անձն երևեալ,  
որոյ Վասիլ անուն ծայնեալ<sup>428</sup>»:

Այսպես է գրում նրա քեռորդի Ներսես Շնորհալիւն, հավելելով, որ Վկայասերը պատվի է արժանացել նաև Գող Վասիլի տիկնոջ կողմից:

Այդպիսով Գրիգոր Վկայասերի կաթողիկոսական գահն այս անգամ հանգրվանում է Գող Վասիլի Ուռհայեցու բնորոշմամբ «Յայոց մեծ իշխանի» իշխանության նստոց Քեսուն քաղաքում: Այդ իշխանությունը հիմնվեց 1080-ական թ.թ. կեսերին, ընդգրկելով Սև լեռների (Ամանոսի) ստորոտները և Կիլիկիայի ուրիշ շրջաններ: Այն հաջողությամբ հետ էր մղում սելջուկ-թյուրքերի հարձակումները: Թյուրքերի դեմ հանկարծակի ու հաջող կատարած հարձակումների շնորհիվ, համաձայն Մատթեոս Ուռհայեցու վկայության, Վասիլի իշխանության մեջ հավաքվել էին «մնացեալ զօրքն Յայոց և ամենայն ազգն Բագրատունեացն և Պահլաւունեացն և որդիք թագաւորացն Յայոց, և ամենայն ազգն Պահլաւունեացն հանդերձ ազատագունդ զօրօքն Յայոց առ նա կային հանգուցեալ մեծաւ փառաւորութեամբ...»<sup>429</sup>: Այդպիսով Պահլավունիները չեն հեռացել Բյուզանդիա, այլ հաստատվել են Կիլիկիայում և, հավանաբար, Գող Վասիլի իշխանության վերացումից (1112թ.) հետո գորակցել են Ռուբինյաններին: Վասիլի իշխանությունը առինքնում էր նաև Գրիգոր Վկայասերին, քանզի, վկայում է Ուռհայեցին, - Վասիլը «տիրեալ էր բազում գաւառաց իւրով զօրութեամբ, և ամենայն երամբ կրօնաւորաց, եպիսկոպոսաց, հարց և վարդապետաց առ սա ժողովեցան...»<sup>430</sup>:

Բյուզանդիայի նեւզ քաղաքականության հետևանքով Յայոց կաթողիկոսարանը մատնվեց թափառաշրջիկության, ժողովուրդը ցրվածության, որի հետևանքով էապես խարխլվեցին Յայոց հոգևոր իշխանության, Եկեղեցու հիմնավորը հիմքերը: Ստեղծված պայմաններում Գրիգոր Վկայասերի օրոք կաթողիկոսներ հռչակվեցին մի քանի եկեղեցականներ, թեև անվանապես Յայոց հայրապետի պաշտոնը վերապահված էր մնում Գրիգոր Վկայասերին: Յոնիում նույն ժամանակ աթոռակալեց Թեոդորոսը,

<sup>428</sup> Ներսես Շնորհալի, Վիպասանութիւն, էջ 121-122:

<sup>429</sup> Մատթեոս Ուռհայեցի, էջ 323:

<sup>430</sup> Նույն տեղում, էջ 324: Ինքը Վասիլն աչքի էր ընկնում բարեպաշտությամբ: Նա, - գրում է Սմբատ Սպարապետը, - «եղև այդ աստուածասէր և բարեպաշտ, շինիչ աշխարհի, պայծառացուցիչ եկեղեցեաց, զարդարիչ վանօրից, պարգևատու քահանայից...» (Սմբատ, էջ 122):

Մարաշուն՝ Պողոսը, Անիում՝ Բարսեղը, Տարսոնում՝ Գեորգը: Իսկ Հայկական Ազգանքում կաթողիկոսական իշխանություն ունեին տեղական եկեղեցու հայրերը: Վերը հիշված հովվապետերը, ինչպես վկայում է Ուռհայեցին, յուրաքանչյուրն ինքնուրույնաբար «առնեին ձեռնադրութիւնս և օծանեին եպիսկոպոսունս և տային օրհնութիւնս սուրբ ծիթոյն, և ի նոցանէ օրհնեին քահանայք, և լինէր պատարագ և մկրտութիւն և պսակն կուսաց»<sup>431</sup>:

Այս պայմաններում հայությունը հոգևոր-եկեղեցական առումով տարանջատվում էր իբրև միաձույլ ազգ, խաթարվում էր նրա դեռ չսպառած հոգևոր և քաղաքական կենսունակությունը: Նման իրավիճակում, սրտի մորմոքով գրում է մատենագիրը,-«գայլք եղեն պահապանք հօտին Քրիստոսի»<sup>432</sup>: Անշուշտ, դա հետևանք չէր միայն Վկայասերի վարչական անկարողության: Եկեղեցական-վարչական առումով հույժ բացասական դեր էր ստանձնել Բյուզանդիայի կայսրը, որը խաչիկ կաթողիկոսի մահվանից (1060թ.) հետո հայերին արգելել էր նոր կաթողիկոս ընտրել<sup>433</sup>: Այնուամենայնիվ, որոշ տարածքներում հայկական անկախ իշխանությունների մեջ հաստատվեցին Հայոց եկեղեցական նոր կենտրոններ: Սակայն Բարսեղ Պահլավունու նպատակասլաց ջանքերի շնորհիվ դրանք հետզհետե վերացան: Սթափ գնահատելով առկա դրությունը, Բարսեղը նաև կարողացավ քաղաքական կողմնորոշման նժարը թեքել դեպի նվաճողները, բարելավեց հարաբերությունները սելջուկյան սուլթան Մելիքշահի հետ: 1090թ. նա «հանդերձ ազատօք և եպիսկոպոսօք և քահանայիւք», մեծագին նվերներով մեկնեց նրա մոտ և կարողացավ նրանից կորզել Հայոց եկեղեցու ապահարկության և քրիստոնեությունն ազատ դավանելու երաշխիքներ<sup>434</sup>: Այս փաստն անշուշտ, բարձրացրեց Քեսունում հանգրվանած Հայոց կաթողիկոսության վարկը: Բարսեղը Վկայասերի կողմից օժտվեց մեծ լիազորություններով, փաստորեն դառնալով երկրի հոգևոր իշխանության առաջնորդը, որը տարված էր համերկրային մտահոգություններով: Մելիքշահի մոտից վերադառնալուց հետո նա մեկնեց Ջահան գավառ և գահընկեց արեց Հոնիի Թեոդորոս կաթողիկոսին «և արար միահեծան գհայրապետութիւնսն իւր», - գրում է Ուռհայեցին<sup>435</sup>: Իհարկե, անվանապես Հայոց կաթողիկոսի պաշտոնում մնում էր Գրիգոր Վկայասերը: Սակայն գործնականում եկեղեցու առաջնորդը Բարսեղն էր, որի ազդեցությամբ Կաթողիկոսական աթոռից հրաժարվեց նաև Մարաշուն նստող

<sup>431</sup> Մատթեոս Ուռհայեցի, էջ 229-230:

<sup>432</sup> Նույն տեղում, էջ 230:

<sup>433</sup> Տես Նույն տեղում, էջ 137, Սմբատ, էջ 61:

<sup>434</sup> Տես Մատթեոս Ուռհայեցի, էջ 240:

<sup>435</sup> Մատթեոս Ուռհայեցի, էջ 240-241:

մյուս հակաթու կաթողիկոս Պողոսը<sup>436</sup>։ Բարսեղը ծրագրված շրջահայեցությամբ շարունակեց ի մի ձուլել հայոց տեղական եկեղեցական կենտրոնները, դրանք դնելով քեռու Գրիգոր Վկայասերի հոգևոր տեսչության տակ։ Այդ առաքելությամբ 1091թ. նա ժամանեց Կեսարիա, Անտիոք, Եդեսիա և այլ վայրեր։ Բարսեղի ներդրած ջանքերի շնորհիվ հայոց աստանդակական հայրապետությունը վերստին ձեռք բերեց հեղինակություն։ Հատկանշելի է նաև այն իրողությունը, որ Բարսեղի տեղապահության ժամանակ և նրա եռանդուն գործունեության շնորհիվ Գրիգոր Վկայասերը կարողացավ թոթափել կաթողիկոսական հոգսերի բեռը (որն այնքան ծանրացել էր հայրապետի ուսերին), և ազատ ու անկաշկանդ կերպով դրսևորել իր իմացախոհական ավյունը, մտավոր կարողությունները։

Խաչակիր զորքի կողմից 1099թ. Երուսաղեմի գրավման պահին այնտեղ էր գտնվում նաև Գրիգոր Վկայասերը։ Սատթեսոս Ուռհայեցին գրում է, որ նախքան խաչակիրների կողմից Երուսաղեմի գրավումը, տեղացի բնակիչները կամեցան սպանել Վկայասերին, բայց «Տեր փրկեաց զնա ի ձեռաց նոցա»<sup>437</sup>։ Հասկանալի էր քրիստոնյա զորքի հարձակման պահին տեղացիների նման վերաբերմունքը Հայոց հովվապետի նկատմամբ։

Բյուզանդիան չէր վարանում դավանաբանական խնդիրներ արծարծել մյուս եկեղեցիների դեմ։ 1102թ. կայսրության եկեղեցին զատկական տոնի օրվա առթիվ վեճեր հարուցեց Հայոց եկեղեցու դեմ։ Հայտնի իրողություն է, որ տակավին VI դ. հուլիանիանոս I կայսեր նշանավոր տոմարագետ Իրիոնը (Եռիոն) նրա հրամանով գործածության մեջ էր դրել տոմարական նոր աղյուսակ, որով այդ տոնն ընկնում էր ապրիլի 5-ին։ Կաթողիկ և ուղղափառ եկեղեցիները Ջատիկը նշում էին ըստ այդ տոնացույցի։ Սակայն Հայ եկեղեցին այն մերժեց։ Ականավոր տոմարագետ Անանիա Շիրակացին իր «Ջատիկի ճառ» գրվածքում խիստ քննադատության ենթարկեց Իրիոնի աղյուսակն, այն համարելով խաբեպատիր ու ոչ ճշմարիտ<sup>438</sup>։ Թեև քրիստոնեական մյուս եկեղեցիները (նաև հակոբիկ ասորիները) ընդունել էին Իրիոնի սահմանած տոմարը, սակայն Հայ եկեղեցին Ջատիկի տոնը շարունակեց նշել ապրիլի 13-ին, ենթարկվելով մյուս եկե-

<sup>436</sup> Նույն տեղում, էջ 229։ Սամուել Անեցու երկում տեղ գտած տեղեկության համաձայն, Բարսեղը «զամենայն հակառակսն հնազանդեցուցանէ որք էին յայնմ ժամանակի Ձ կաթողիկոսը...»։ (Ըստ Կ. Մաթևոսյանի (Տես նրա Սամուել Անեցու ժամանակագրության հնագույն ձեռագրերը, էջ 42), այս հաղորդումը հետագայի հավելում է։

<sup>437</sup> Մատթեսոս Ուռհայեցի, էջ 267։

<sup>438</sup> Տես Անանիա Շիրակացու Մատենագրությունը, էջ 297-298։

ղեցիների հարձակումներին: Սուր հարձակման թիրախ դարձան հատկապես Ուռհա (Եղեսիա) քաղաքի հայերը:

Անսալով Ուռհայի հայրենակիցների օգնակոչին, Գրիգոր Վկայասերը, որն այդ պահին հաստատվել էր Սև լեռների ստորոտում, Քեսուն քաղաքի մոտ գտնվող Արեգի անունով մենաստանում, հուսադրող թուղթ հղեց նրանց՝ հորդորելով «անշարժ կեալ ի հաւատս ուղղափառութեան»: Նա նշեց նաև, որ թեպետ ինքը ուռհայեցիներին խրախույսներ է տալիս, քաջալերում է «համբերել ամենայն իմաստութեամբ», սակայն ինքը ևս կիսում է նրանց մտահոգությունն ու տառապանքները: Նա գրում է. «Ոչ իբրև զվատասրտեալ հովիւ արտաքոյ մնամ կրիցն, այլ կամաւորութեամբ ես մահակից ծեզ գտանիմ յամենայն գործս և ի տեսակս տանջանաց և ոչ օտարանամ...»<sup>439</sup>:

Այդպիսով Գրիգոր Վկայասերը ուռհայեցի հայրենակիցների կողքին էր փորձության ժամին և ըստ ամենայնի պատրաստ էր կիսելու նրանց բաժին հասած տառապալից մտատանջությունները, նույնիսկ նրանց հետ միասին դիմել մահվան: Անշուշտ, այդ թուղթը ստույգ արտացոլք է նրա հայրենասիրական, քաղաքացիական վսեմ հավատամքի, ազգանվեր ուղեգծի: Նա համոզված էր, որ հայերն ի դեմս իրենց առաքելաշավիղ եկեղեցու, նույնպես ընթանում են այն լուսածիրով, որ սահմանել էր երկնավոր Առաքյալը՝ Քրիստոս Աստված: Վկայասերն ուռհայեցիներին ոգեպնդեց արիաբար դիմակայել փորձություններին, «որպես Քրիստոսի քաջ զինվորներ՝ հանուն ճշմարտության հաղթանակի» և համոզված լինել, որ չեն թյուրում աստվածադիր հավատքը, ընթանում են Հայոց սուրբ Լուսավորիչների նախանշած անեղծանելի շավղով<sup>440</sup>: Ընդ որում Վկայասերը նույն թղթում օրինակ էր բերում իր բազմածուփ ու տվայտալից ղեգերուններով ու տազնապներով առլեցուն կյանքը, նշում, որ դրանք բնավ չեն սասանել իր հոգին, և որ տառապակիր կյանքը չի խաթարել իր հավատը, և «զուղղափառն և զանթերին ունիմ զհաւատն»<sup>441</sup>, - գրում է նա: Այդպիսով Պահլավունյաց քաջասուն տոհմի ներկայացուցիչ Գրիգոր Վկայասերը կարողացավ տազնապահույզ ուռհայեցիներին հորդորել, որպեսզի չկորցնեն դիմադրության եզրերը և կուլ չզնան օտար հորձանքին ու իրենց դեմ հյուսվող որոգայթներին:

Հայոց հայրապետի մամակը սպասված ներգործությունը թողեց ուռհայեցիների վրա, որոնք հավատարիմ մնացին հայրենադիր դավանությանը և զատկական տոնը նշեցին ոչ թե ապրիլի 6-ի կիրակի օրը, (ինչպես լատինների և քաղկեդոնականների մոտ էր), այլ՝ ապրիլի 13-ի

<sup>439</sup> Յ. Տեր-Ղազարեան, Հայկական Կիլիկիա, էջ 71

<sup>440</sup> Մատթեոս Ուռհայեցի, էջ 286-290: Տես նաև Սմբատ, էջ 121:

<sup>441</sup> Մատթեոս Ուռհայեցի, էջ 291:

կիրակի օրը<sup>442</sup>: Ուռհա քաղաքի հայերի և նրան տիրացած ֆրանկների կոմս Բալդվինի միջև հարաբերությունների բարելավման նպատակադրումով Գրիգոր Վկայասերի գիտությամբ 1103թ. Ուռհա մեկնեց Բարսեղ Պահլավունին, որը շարունակում էր վարել Հայոց եկեղեցու ընդհանուր գործերը: Նա Ուռհա մեկնեց «ի քաղաքէն Անույ ամենայն պաշտօնէիւք իւրովք և ազատօք, եպիսկոպոսօք և քահանայիւք»: Այս դեսպանագնացությունը տվեց սպասված արդյունքները: Կոմս Բալդվինը, գրում է մատենագիրը.- «յոյժ մեծարեաց զնա մեծաւ պատուով որպէս վայել է հայրապետի, և զիւղս և տուրս պարզէր նմա, և յոյժ սիրեաց զհայրապետն Հայոց»<sup>443</sup>: Այդ կերպ հարթվեցին ուռհայեցի հայերի և ֆրանկների միջև արծարծված դավանաբանական վեճերը և, հավանաբար, վերադարձվեցին դրանց ընթացքում Ուռհայի հայոց եկեղեցուց խլված կալվածները, ելնելով մահմեդականներով շրջակալված եկեղեցիների և նրանց հոտի միաբանության անհրաժեշտությունից: Անշուշտ, որոշակի ազդեցություն ունեցավ նաև այն համգամանքը, որ այդ պահին Գող Վասիլը ոչ միայն հաջողությամբ հետ էր մղում թյուրք-սելջուկյան ամիրայությունների գրոհները, այլև զորակցում էր հավատակից խաչակիրներին, թեև Արևելքում վերջիններիս ստեղծած առաջին իշխանությունը՝ Եդեսիայի կոմսությունը 1098թ. հիմնվել էր այդ քաղաքի հայազգի կառավարիչ Թորոսի (Թեոդորոսի) ուխտադրուժ սպանությամբ՝ նույն Բալդվինի սաղոմանքով<sup>444</sup>: Հետագայում Բալդվինը շարունակեց իր դավադիր խաղերը նաև Գող Վասիլի հիմնած իշխանության նկատմամբ: Այդուամենայնիվ, նա չէր կարող հաշվի չառնել այդ իշխանության զորությունը, թյուրք-սելջուկյան ամիրայությունների դեմ Գող Վասիլի տարած փայլուն հաղթանակները, որոնց մասին ոգևորությամբ գրում է Ուռհայեցի<sup>445</sup>:

1103թ., երբ նոր էր Բարսեղը վերադարձել Ուռհայից, հարկ եղավ զբաղվել Աղվանից եկեղեցու վախճանված հովվապետի փոխարեն նոր առաջնորդի ընտրության խնդրով: Նա Անիից մի եպիսկոպոսի ուղարկեց Գանձակ քաղաք, որտեղ գումարված Աղվանքի եպիսկոպոսների ժողովում Աղվանից կաթողիկոս ընտրվեց փոքր-ինչ առաջ վախճանված Ստեփանոսի եղբայրը: Սակայն վերջինս վատ վարք դրսևորեց, ուստի բանադրվեց արդեն պաշտոնապես Հայոց կաթողիկոս ճանաչված Բարսեղի կողմից և զրկվեց «յաթոռոյ և ի պատուոյ հայրապետութեանն»<sup>446</sup>:

<sup>442</sup> Տես նույն տեղում, էջ 292:

<sup>443</sup> Մատթեոս Ուռհայեցի, էջ 294:

<sup>444</sup> Մատթեոս Ուռհայեցի, էջ 260-262, Անանուն Եդեսացի, Ժամանակագրություն, թարգմ., առաջաբան և ծանոթագրութ. Լ. Տեր-Պետրոսյանի, Երևան, 1982, էջ 38:

<sup>445</sup> Մատթեոս Ուռհայեցի, էջ 306-307:

<sup>446</sup> Նույն տեղում:

Այնուհետև Բարսեղը մեկնեց Գերմանիկե (Մարաշ), իսկ փոքր-ինչ հետո Քեսուն Գրիգոր Վկայասերի մոտ, ըստ երևույթին նրանից անհրաժեշտ հանձնարարություններ ստանալու մտադրությամբ: Քեսունում Բարսեղը երկար չմնաց, Անին ձգում էր նրան: Սակայն նա նոր էր ժամանել Անի, երբ Վկայասերից լուր սատացավ՝ ցավագին շեշտադրությամբ: Վերջինս գրում էր, թե «հասեալ է ժամանակ իմ, եկ յուղարկեա զիս առ Տէր»՝ կոսհելով այս աշխարհին իր հրաժեշտ սալու պահը: Բարսեղն առանց հապաղելու մեկնեց Վկայասերի աթոռամիստ՝ Քեսունի Կարմիր վանք «յուսալով վերջին օրհնութեանն»<sup>447</sup>: Ճանապարհին Ծովքի Սենձկերտ բերդի մերձակայքում նա ենթարկվեց ավազակների հարձակմանը, սակայն յուրայինների հետ «քաջասրտաբար արիացեալ» հակահարված տվեց ավազակներին, որոնք ստիպված էին բավականանալ նրանից կորած փոքր գումարով<sup>448</sup>:

Բարսեղը Քեսուն հասավ այն պահին, երբ դեռ ողջ էր Վկայասերը, որն արդեն մահվան մահճում Վասիլ իշխանի և Բարսեղի ներկայությամբ վերջինիս քեռորդուն (որը Վկայասերի քրոջ բռն էր) Գրիգորին (Ապիրատի որդուն) կարգեց Հայոց կաթողիկոս (իհարկե, նա այդ լուծը կրելու էր Բարսեղի մահվանից հետո) «և միջնորդ կացուցաներ զիշխանն Հայոց զՎասիլն զտերն Քեսնոյ և ամենայն աշխարհաց նորա»: Փոքր-ինչ հետո, 1105թ. հունիսի 3-ին Գրիգոր Վկայասերն ընդմիշտ փակեց աչքերը և թաղվեց Քեսունի Կարմիր վանքում<sup>449</sup>, «ոչ ի նախնեաց դիրս թաղեալ, այլ յօտարաց պանդխտացեալ»<sup>450</sup>, - ցավով նշում է Ներսես Շնորհալին:

Գրիգոր Վկայասերի 40 ամյա հովվապետության ընթացքում Հայաստանն անցավ քաղաքական փոթորիկների խաչուղիներով: Սակայն երբեք չմարեց Վկայասերի մտքի ջահը: Գտնվելով հայ բնաշխարհից դուրս, նա իր շնորհասուն զարմիկի ու փոխանորդի՝ Բարսեղի միջոցով կարողացավ իր աջը պարզել համայն հայության վրա, կատարեց իր չարչարաբեկ հոգու սրբանվեր ուխտը կոփեց Հայոց հավատը, առաջ մղեց հայ քրիս-

<sup>447</sup> Վարդան, էջ 113: Սի հետազոտողի կարծիքով Գրիգոր Վկայասերը հռոմկյան դարձրել է «ամենայն հայոց կաթողիկոսարան» (տես Յ. Թուրշյան, Պահլավունիների վերելքն ու անկումը XI-XIII դարերում («Պատմաբանաս. հանդես», 1974, N1, էջ 147): Մինչդեռ Հայոց կաթողիկոսարանը Ծովք դրպակից հռոմկյա է տեղափոխվել 1150թ. Գրիգոր III Պահլավունի կաթողիկոսի օրոք (Վարդան, էջ 128):

<sup>448</sup> Տես նույն տեղում, 113:

<sup>449</sup> Մատթեոս Ուռեայեցի, էջ 300, Սմբատ, էջ 126:

<sup>450</sup> Ներսես Շնորհալի, Վիպասանութիւն, էջ 23: Գրիգոր Վկայասերի աշակերտ Վարդան Հայկազնն իր ուսուցչի մահվան առթիվ գրած ներբողականում գրում է, որ Վկայասերն իր ճառերով «բերկրեալ զոգիսըն լսողաց, պատուող ամեն սուրբ վկայաց... Նաւակատիս մարտիրոսաց յուրախութիւն ժողովրդաց...» («Բագմաւ-վէպ», 1873, հ.Ա, էջ 267):

տոնեաբանական միտքը: Հարկավ, ինչպես նշում է Ուռհայեցին, նրա մահվամբ «եղև անկեալ սիւնն հաւատոյ Հայաստանեայց և պարիսպ սրբոյ եկեղեցւոյ տանն արևելից Հայաստանեայց. վասն զի սա եղև սքանչելագործ ի մէջ Հայաստանեայց... Երրոգեաց զկարգ հաւատոց Հայաստանեայց և անհանգիստ թարգմանութեան էր պարապեալ, և զամենայն պակասութիւն կտակարանացն Աստուծոյ առ մեզ կարգաւ կատարեալ զարդարեաց ի Յունաց և յԱտուրոց թարգմանութեան հոգս տարեալ՝ անդադար խորհրդով և ամենայն պայծառութեամբ Սուրբ Գրոց ելից զեկեղեցի Հայաստանեայցս... Յամենայն կողմանց կարող էր օգնել հօտին Քրիստոսի, վասն զի էր բանիբուն կորովի գրոց շնորհաց»<sup>451</sup>:

Գրիգոր Վկայասերը իր հոգու ճարակը գտավ մտավոր-աստվածաբանական զբաղումներում և երբեք կուլ չզնաց օտար դավանություններին և առմիշտ հավատարիմ մնաց նախնավանդ հավատքին: Նրա օրոք Հայ Առաքելական Եկեղեցին հավատարիմ իր արմատ-ակունքներին, անխաթար պահեց իր դավանական դիմագիծը, միաժամանակ չխուսափելով քրիստոնեական նյութ եկեղեցիների հետ հոգևոր հաղորդակցությունից: Նրա գրական վաստակից փշրանքներ են պահպանվել («Վասն մուլորման Ձատկին», «Հաւատով խոստովանիմք», «Կիրակէին» և այլն): Վկայասերն իր նպաստն է բերել Հայսմավուրք ժողովածուների ստեղծման գործին<sup>452</sup>, էապես սատարելով ալեխոով այդ ժամանակների Հայոց լեզվի ու գրականության զարգացմանը: Ինչպես նշվել է, Գրիգոր Վկայասերը հիմք դրեց Պահլավունի տոհմից սերած կաթողիկոսական դինաստիային, վաստակելով Գրիգոր Լուսավորչի հանգած տան վերականգնողի փառապսակը: Նա իրեն համարում էր Լուսավորչի Աթոռի լիիրավ ժառանգորդ: Ուշագրավ է, որ Վկայասերը հույն թարգմանչի օգնությամբ իր կողմից թարգմանված Հովհան Ոսկեբերանի Վարքի 1102 թվակիր հիշատակարանում գրում է. «Ես Գրիգոր որդի Գրիգորի Մագիստրոսի ի Հայկազունւոյ, ըստ աշխարհի Պարթեւ, ըստ ժառանգութեան Պահլաւիկ, ըստ ցեղընտիր լինելոյ յազգէ Արշակունի, կոչեցայ ի դիտապետութիւն Ասքանազեանս եւ բնիկ աթոռ հայրապետութեան նախնեացն իմոց, եւ բազում նեղութիւն կրեալ մեր յայլասեռ ազգաց հեթանոսաց եւ ի յե[ր] կաբնակաց: Եւ ապա ի յառաջասացեալ ամդ հասաք ի սուրբ լեռոնն, զոր Սեան կոչեն, ի մեր սեփիական պարգեական եկեղեցիքն յուխտն սուրբ... եւ անդ յերեսուն եւ ի վեց ամի մերոյ աթոռակալութեանս թարգմանեցի զվարս ճգնութեան մեծ եւ սքանչելի առնն Աստուծոյ Յովհաննու Ոսկեբերանի...»<sup>453</sup>:

<sup>451</sup> Մատթեոս Ուռհայեցի, էջ 298-299:

<sup>452</sup> Տես Մ. Ավդալբեգյան, «Յայսմաւուրք» ժողովածուները, Երևան, 1982, էջ 32 և հտ.:

<sup>453</sup> Հայերեն ծեռագրերի հիշատակարաններ. Ե-ԺԲ դդ., էջ 135-136: Նկատենք նաև, որ տակավին 1076թ., «ի սաստկացեալ սրոյ Սկիթացւոցն», Վկայասերը թարգմանել էր տվել Ոսկեբերանի «Սեկնութիւն զործոց առաքելոցն» երկը (տես Գ. Յովսէփեանց, Յիշատ. ծեռագրաց, էջ 255): Նա նաև թարգմանել է տալիս

## Պահլավունի Վահրամը Եգիպտոսի լիազոր-վեզիրի պաշտոնում

969 թվականից Եգիպտոսում իշխանության գլուխ անցած Ֆաթիմյան տոհմի խալիֆաները թեև հիմնել էին թեոկրատական պետություն, սակայն լինելով շիա դավանանքի հետևորդներ և, հաշվի առնելով երկրի բազմացեղ ու բազմակրոն կացությունը, հանդուրժող վերաբերմունք էին ցուցաբերում այլակրոնների (քրիստոնյաներ, հրեաներ և այլն) նկատմամբ: Ֆաթիմյանների օրոք Եգիպտոսում իսլամը դավանողների դեմ կանգնած քրիստոնյաների միասնական եկեղեցին և նրա շուրջը համախմբված քրիստոնյաները պատկառելի ուժեր էին<sup>454</sup>: Երկրի միասնությունն ապահովելու, նրա ներքին կացությունը կայունացնելու նպատակադրումով Ֆաթիմյան խալիֆաները առաջ էին քաշում կարողունակ այլազգիների, այդ թվում նաև հայերի: Տակավին 1073թ. Ֆաթիմյան Սուստանսիր խալիֆան (1036-1094) ի գորու չլինելով վճռական միջոցներով երկրում կայունություն հաստատել, իշխանությունը հանձնել էր երկրի գործերի գլխավոր հրամանատարին՝ հայազգի Բադր ալ-Չամալին, նրան վերապահելով լիազոր-վեզիրի իրավազորություն: Քանի որ Շարիաթի օրենքով ոչ քրիստոնյան (զհմմիմ) չէր կարող լիիրավ լինել, ուստի Բադր ալ-Չամալին ընդունեց իսլամը:

Ֆաթիմյանների օրոք քրիստոնյա վեզիրներն ունեին միայն գործադիր իշխանություն, բայց զուրկ էին լիազոր-վեզիրի իրավունքներից: Բացառություն էր Հաֆիզ խալիֆայի (1130-1149) օրոք լիազոր-վեզիրի պաշտոնին հասած Վահրամը Պահլավունի տոհմից: Անշուշտ, նրա կարճատև վեզիրության համար Եգիպտոսում արդեն հող էր նախապատրաստված ի դեմս ամենազոր Բադր ալ-Չամալիի և նրան հաջորդած վեզիրների, որոնք հիմնականում հայեր էին:

Վահրամ Պահլավունին ծնվել էր Եդեսիայի իշխանության եփրատացվոց երկրամասի Թլպաշար բերդաքաղաքում, որը Պահլավունիների սեփականությունն էր: Նա Գրիգոր Վկայասեր կաթողիկոսի քեռորդին էր:

---

(1101թ.) Գրիգոր Նազիանզացու Վարքը «ի յիշատակ իւր եւ ծնաւոյց իւրոց եւ ազգի իւրոյ (Հայերեն ձեռ. հիշատակարաններ Ե-ԺԲ դդ. էջ 137): Վկայասերը թարգմանել է տալիս նաև V դարի ասորի ուղղափառ եկեղեցական Բարժումայի (այլ է նույն անունը կրող նեստորական վարդապետից) Վարքը (Տես նույն տեղում, էջ 160), ինչպես նաև մի Տոնական (Տոնացույց)՝ հունարենից (նույն տեղում, էջ 139):

<sup>454</sup> A. Мей, Мусульманский ренессанс, М., 1973, с. 56-57.

Ըստ Ներսես Շնորհալու, նրա մի եղբայրը Գրիգորիսն, ինչպես վերը նշվեց, քեռու կողմից 1076թ. կարգվել էր Եգիպտոսի հայոց առաջնորդ, մյուս եղբայրներն էին Վասակն ու Ապիրատը: Եգիպտոսի լիազոր-վեզիր Բադր ալ-Ջամալին էապես սատարեց Պահլավունիներին:

Վահրամ Պահլավունին Եգիպտոս է ժամանել 1073թ.<sup>455</sup>, գտնվելով իր հակառակորդների հետ, որոնք նրան թույլ չէին տվել ժառանգել Թլպաշարի վախճանված իշխանի պաշտոնը<sup>456</sup>: Հավանաբար, Վահրամը Եգիպտոս է մեկնել քեռու Գրիգոր Վկայասերի Եգիպտոս ժամանելուց հետո<sup>457</sup>: Հետագայում Հաֆիզ խալիֆայի կողմից Սիկիլիայի նորմանացի Ռոջեր II թագավորին (1130-1154) հղած երկրորդ նամակից երևում է, որ Եգիպտոս ժամանելու պահին Վահրամը թեև բոլորովին զուրկ էր ունեցվածքից, դրամից, մերձավորներից, սակայն շուտով նա կարողացավ ձեռք բերել մեծ կարողություն<sup>458</sup>:

Վահրամ Պահլավունին նույնպես գրավեց Բադր ալ-Ջամալիի ուշադրությունը: Վերջինս, անշուշտ, հաշվի առնելով Վահրամի տոհմական ժազումն ու կարողությունները, նրան նշանակեց Ղարբիյա նահանգի (ընկած էր Նեղոսի դելտայում) կառավարիչ<sup>459</sup>: Այդ ընթացքում վառ կերպով դրսևորվեցին Վահրամ Պահլավունու վարչական, քաղաքական կարողությունները: 1135թ. Եգիպտոսում գահի շուրջը պայքար բռնկվեց: Հաֆիզ խալիֆայի որդի Ալ-Հաշիմն օգտվելով հոր թուլությունից, ապստամբեց նրա դեմ, իր կողմնակիցներով գրավեց Կահիրե մայրաքաղաքը և կամեցավ տիրանալ խալիֆայի գահին: Խռովարարներին հակահարված տալու և երկրում անդորր հաստատելու նպատակով զորքը Վահրամ Պահլավունուն խնդրեց ստանձնել վեզիրության պաշտոնը և վճռական քայլեր ձեռնարկել Ալ-Հաշիմի ու նրա կողմնակիցների դեմ: Վահրամը զորքն առաջնորդեց և շարժվեց դեպի Կահիրե, պաշարեց այն և պահանջեց երկու տարուց ի վեր թափուր մնացած վեզիրության պաշտոնը հանձնել իրեն: Ելնելով ստեղծված իրավիճակից, անշուշտ, նաև տեղի տալով Վահրամի կողմն անցած զորուժի առջև, Հաֆիզ խալիֆան 1135թ. մարտի

<sup>455</sup> M. Canard, Notes sur les Arméniens en Egypte a l' époque Fatimide («Annales de l' Institut d' Etudes Orientales», t. XII, Alger, 1955, p. 153).

<sup>456</sup> M. Canard, Un vizir chretien a l' époque Fatimide: l' arménien Bahram («Annales de l' Institut d' Etudes Orientales», t. XII, Alger, 1954, p. 90-91).

<sup>457</sup> Գ. Մըսրլեան, Ականաւոր հայեր Եգիպտոսի մէջ, Գահիրե, 1947, էջ 65:

<sup>458</sup> M. Canard, Un vizir chretien p. 92.

<sup>459</sup> Գ. Մըսրլեան, Ականաւոր հայեր, էջ 65, Ա. Տեր-Ղևոնդյան, Վահրամ Պահլավունին Ֆաթիմյան խալիֆայության վեզիր, («Արևելագիտության հարցեր», 1-2, Երևան, 1983, էջ 111):

30-ին լիազոր-վեզիրի պաշտոնը հանձնեց Վահրամ Պահլավունուն<sup>460</sup>, որն արդեն գրեթե բոլորել էր իր ութսուն տարին<sup>461</sup>:

Լինելով միակ քրիստոնյան լիազոր-վեզիրների մեջ, Վահրամ Պահլավունին մահնեղական ժողովրդի վատահոլությունը շահելու համար իր երկամյա վեզիրության (1135-1137) ընթացքում վերացրեց երկրում բնավորված անիշխանությունը, վերականգնեց ներքին կարգը, կատարեց բարենորոգչական աշխատանքներ: Այդուհանդերձ նա քաջ գիտեր, որ իբրև քրիստոնեական հավատին հավատարիմ մնացած լիազոր-վեզիր, չի կարող երկար ժամանակ վատահոլություն վայելել երկրի մահնեղական վերնախավում: Ուստի անհրաժեշտ էր ունենալ հուսալի հենարան՝ ի դեմս հայերի: Այդ նպատակադրումով Վահրամ Պահլավունին Կիլիկիայից ու Եփրատեցվոց երկրամասից Եգիպտոս հրավիրեց բազմաթիվ հայերի և նրանցից կազմավորեց յոթ հազարանոց զորաբաժին՝ բաղկացած հիմնականում Սասունի ու Խուսի լեռնականներից<sup>462</sup>: Այն պահվում էր պետական միջոցներով և իր գոյությունը պահպանեց 32 տարի՝ մինչև 1172թ., երբ Սալահեդդինը տապալեց վերջին Ֆաթիմյանին և անցավ իշխանության գլուխ<sup>463</sup>:

Իր վեզիրության ընթացքում Վահրամը բազմաթիվ հայերի Եգիպտոսի պետական համակարգում նշանակեց բարձր պաշտոնների: Նրա մի եղբայրը՝ Գրիգորիսը, ինչպես նշվեց, ժամանակին քեռու Գրիգոր Վկայասերի կողմից նշանակվել էր Եգիպտոսի հայոց հոգևոր առաջնորդ, որը սակայն եղբոր վեզիրության ժամանակ արդեն կնքել էր իր մահկանացուն<sup>464</sup>: Վահրամը մյուս եղբորը՝ Վասակին կարգեց Վերին Եգիպտոսի Գուս մահանգի կառավարիչ: Հավանաբար, կարևոր պաշտոնում նշանակվեց նաև նրա մյուս եղբայրը՝ Ապիրատը: Վահրամ Պահլավունու եղբորորդիներ Վասիլն ու Ջորավարն օժտվեցին վարչական և զինվորական պաշտոններով: Վահրամը շարունակեց նորանոր հայերի ներգրավել պետական համակարգում: Վահրամի վեզիրության տարիներին Եգիպտահայերի թիվը

<sup>460</sup> Գ. Մըսրլեան, էջ 65, Հր. Աճառյան, Հայ գաղթականության պատմություն, Երևան, 2002, էջ 449, Ա. Տեր-Ղևոնդյան, նշվ. աշխ., էջ 111:

<sup>461</sup> M.Canard, Notes sur les Arméniens, p. 153.

<sup>462</sup> Հ. Թուրշյան, XI և XII դարերի եգիպտահայ գաղութի պատմությունից («Արևելագիտական ժողովածու», II, Երևան, 1964, էջ 313-315), Հայ գաղթաշխարհի պատմություն, հ. 2-րդ, Երևան, 2003, էջ 292:

<sup>463</sup> Հայ գաղթաշխարհի պատմություն, հ.2-րդ, էջ 292-293:

<sup>464</sup> M. Canard, Notes sur les Armeniens, p. 152.

հասավ 30 հազարի<sup>465</sup>։ Հայերին գրավում էր եգիպտոսի ղպտիական եկեղեցու հակաքաղկեդոնական դիրքավորումը<sup>466</sup>։

Վահրամ Պահլավունու հայամետ գործելակերպը հարուցեց մահմեդական վերնախավի դժգոհությունը։ Նրանց գործակցում էր Հաֆիզ խալիֆան<sup>467</sup>։ Այդ դժգոհության ալիքի վրա բարձրացած Ղարբիյայի նահանգապետ Ռիդուան իբն ալ-Վալախշին, որը պատկանում էր սուննի դավանության ծայրահեղ մոլեռանդությամբ հայտնի մալիքի հոսանքին, սրբազան պատերազմ հայտարարեց Վահրամի դեմ, նրան մեղադրելով բուլղր պաշտոնները քրիստոնյաներին հանձնելու, տեղացիներին պաշտոնազրկելու մեջ։ Նա իր շուրջը համախմբեց 30 հազար մոլեռանդների և հարձակվեց Վահիրեի վրա, գրավեց այն, կոտորեց բազմաթիվ հայերի, կողոպտել տալով նրանց տները, եկեղեցիները։ Պղծվեց Վահրամի եղբոր Գրիգորիս եպիսկոպոսի գերեզմանը<sup>468</sup>։

Վահրամ Պահլավունին հայերից ու մահմեդականներից կազմված իր զորքը հանեց Ռիդուանի դեմ, բայց մարտի վճռական պահին մահմեդականներից բաղկացած զորաբաժինը լքեց նրան և անցավ հակառակորդի կողմը։ Այդպիսով Վահրամի երզվյալ ախոյան Ռիդուան իբն ալ-Վալախշին 1137թ. տիրացավ վեզիրի պաշտոնին, շարունակելով անլուր հալածանքները հայերի դեմ, պաշտոնազրկելով, կոտորելով նրանց, ավերելով նրանց վանքերն ու եկեղեցիները<sup>469</sup>։

Վահրամի հայկական զորամասը կամեցավ հակահարված տալ Ռիդուանի զորքին, սակայն նոր արյունահեղությունից խուսափելու միտումով ծերունագարդ Վահրամը կամովին հրաժարվեց վեզիրության պաշտոնից և հայ զորականների հետ հեռացավ Վերին եգիպտոսի Գուս նահանգ եղբոր Վասակի մոտ, որը սակայն այդ պահին սպանված էր Ռիդուանի կողմնակիցների կողմից։ Կատարվածից ցնցված Վահրամը փորձեց վրիժախատույց լինել թշնամիներից, սակայն տեղի տալով նրանց գերակշիռ ուժերի առջև, ստիպված հեռացավ Նուբիայի սահմանագլխին գտնվող հայկական ճերմակ անունով վանք։ Այդ պահին նա «խիստ շատ տկար և

<sup>465</sup> Մատթեոս Ուռհայեցի, էջ 211, M. Canard, Un vizir chretien, p. 100.

<sup>466</sup> S. Dadojan, The Fatimid Armenians, Leiden, 1997, p.81.

<sup>467</sup> Ա. Ալպոյաճեան, Արաբական միացեալ հանրապետութեան եգիպտոսի նահանգը և հայերը, Գահիրե, 1960, էջ 31:

<sup>468</sup> Նույն տեղում, էջ 31: Ռիդուանը համարվել է կրոնափոխ հայ (տես Ն. Семенова, Из истории Фатимидского Египта, М., 1974, с.140): Սակայն սկզբնաղբյուրները հիմք չեն տալիս նման երևադրության համար:

<sup>469</sup> Գ. Սըսըլեան, էջ 66-67, Ա. Տեր-Ղևոնդյան, էջ 113:

հիվանդ էր»<sup>470</sup>: Ըստ իբն ալ-Ասիրի, այդտեղ կրոնավորող Վահրամը «լուր ուղարկեց Յաֆիզին, երաշխավորագիր խնդրելով: Վերջինս տվեց, և նա վերադարձավ ու բանտարկվեց պալատում: Որոշ ժամանակ մնալուց հետո վանական դարձավ ու դուրս եկավ բանտից»<sup>471</sup>:

Երկտարյա վեզիրության ընթացքում Ռիդուանը բռնարկու արարքներով խիստ վատթարացրեց երկրի վիճակը, հարուցելով վերնախավի, նաև խալիֆայի դժգոհությունը:

Ղեկավարներն իրենց հանգուցալուծումը գտան այն պահին, երբ խալիֆան իր պալատ հրավիրելով Վահրամին, նրան օժտեց խորհրդականի իրավունքներով, ինչի դեմ ըմբոստացավ Ռիդուանը, որը սակայն չարաչար պարտվեց խալիֆայի զորքից, ապա բռնվեց ու բանտ նետվեց, իսկ ութ տարի հետո սպանվեց<sup>472</sup>:

Յաֆիզ խալիֆան կտրուկ փոխեց իր վերաբերմունքը Վահրամի նկատմամբ: Ուշագրավ է, որ դեռևս Վահրամին Յաֆիզի գրած առաջին նամակում, որն ուղարկվել էր ի պատասխան Կահիրե վերադառնալու Վահրամի խնդրանքի, խալիֆան նրան է ուղղել հետևյալ խոսքերը. «Ո՛վ գերընտիր, զորացյալ և հաղթական հրամանատար, ուժ և ա՛րև խալիֆայության, թագ և սյուն պետության»<sup>473</sup>: Եվ 1139թ. մայիսին, շնորհագրկված Վահրամ Պահլավունուն դարձյալ տեսնում ենք խալիֆայի արքունիքում, փաստորեն օժտված երկրի կառավարիչի իրավունքներով: Թեև պաշտոնապես Եգիպտոսի վեզիր էր նշանակված Սելիմ իբն Միսալը, սակայն իրապես վեզիրի գործառնությունը վերապահված էր Վահրամին<sup>474</sup>:

Այս անգամ Վահրամ Պահլավունին անպաշտոն կերպով մեկ ու կես տարի կատարեց լիազոր-վեզիրի պարտականությունները, ապա 1140թ. դեկտեմբերի 7-ին կնքեց իր մահկանացուն, մոտ 85 տարեկան հասակում<sup>475</sup>:

Արաբ մատենագիրները վկայում են, որ Վահրամ Պահլավունու (Բահրամ ալ-Արմանիի) մահվան օրը Յաֆիզ խալիֆայի հրամանով երկրի պետական հաստատություններում դադարեցվել են բոլոր աշխատանքները: Եռօրյա սգից հետո խալիֆան հրավիրել է Եգիպտոսի հայոց առաջնորդին և միասին հոգ են տարել Վահրամի հուղարկավորությունն ըստ պատշաճի կազմակերպելու համար: Յանգուցյալի դագաղը խալիֆայի պալատ-

<sup>470</sup> Աբուսահլ Յայ, Պատմութիւն եկեղեցեաց և վանորէից Եգիպտոսի, Վենետիկ, 1895, էջ 49:

<sup>471</sup> Իբն ալ-Ասիր, էջ 248:

<sup>472</sup> Ա. Ալպոյաճեան, նշվ. աշխ., էջ 32:

<sup>473</sup> Գ. Մըսրլեան, էջ 75:

<sup>474</sup> Գ. Մըսրլեան, էջ 75, Ա. Տէր-Ղևոնդյան, էջ 113:

<sup>475</sup> M. Canard, Un vizir chretien p. 110, M. Canard, Notes sur les Arméniens, p. 153.

տից դուրս է բերվել կեսօրին: Այն պատած էր զարդանախշված մետաքսով: Սգո թափորի մեջ էին ոչ միայն շարականներ երգող հայ եկեղեցականներ, այլև մահմեդական նշանավոր պաշտոնյաներ, Մուհամմեդ մարգարեից սերած ազնվականներ բոլորը հետիոտն: Թափորի հետևից ընթանում էր խալիֆան ձի նստած: Վահրամի աճյունն ամփոփվեց հայկական վանքում: Թաղման պահին խալիֆան արտասվեց<sup>476</sup>:

---

<sup>476</sup> Գ. Մըսրլեան, էջ 67, Ա. Տեր-Ղևոնդյան, էջ 114:

Բարսեղ Պահլավունի կաթողիկոսը

Գրիգոր Վկայասեր կաթողիկոսի վախճանվելուց հետո, Բարսեղ Պահլավունին, որը գործնականում կատարում էր Հայոց հայրապետի գործառույթները, 1105թ. ճանաչվեց Վկայասերի իրավահաջորդ՝ Հայոց կաթողիկոս: Անշուշտ, դրանում կարևոր դեր խաղաց այն փաստը, որ Բարսեղը նույնպես սերում էր Պահլավունիներից և Վկայասերի օրոք վառ կերպով դրսևորել էր իր կարողունակությունները եկեղեցական գործերում: Դեռևս նախորդ դարի 20-ական թվականներին Բարսեղի պապ Ապիրատը (Հասանի որդին) զորակից էր եղել Աշոտ IV Բագրատունուն, Հովհաննես-Սմբատի դեմ նրա մղած կռիվների ժամանակ: Իսկ 1031թ. Ապիրատը հիշվում է որպես Կեչառիսի վանքի կառուցող, նաև երևանում առու հանող<sup>477</sup>: Մատթեոս Ուռհայեցին Ապիրատին և նրա հորը հիշում է որպես «յագգե քաջանց և ի պատերազմող զօրականաց, յագգե Պահլաունեաց»<sup>478</sup>: Ապիրատի որդի Վասակը Բարսեղ կաթողիկոսի հայրն էր, իսկ վերջինիս մայրը (որի անունը չի պահպանվել) Գրիգոր Մագիստրոսի դուստրն էր: Բարսեղի եղբայրներն էին Հասանն ու Ապլջահապը: Մատթեոս Ուռհայեցին նրանց բնորոշում է «արք քաջք և հզօրք» արտահայտությամբ<sup>479</sup>, նշում, որ նրանք հոր հետ «նստուցին զՏէր Բարսեղ յաթռ Տեառն Պետրոսի: Եւ եղև օրն այն օր մեծ և ուրախութիւն ամենայն տանն Հայոց, վասն զի տեսին նորոգեալ զաթռո հայրապետութեանն ի քաղաքն յԱՄԻ»<sup>480</sup>: 1020թ. Հովհաննես-Սմբատի և նրա թագապահանջ եղբոր Աշոտ IV-ի ընդհարումների ժամանակ Ապիրատ Պահլավունին Աշոտ IV-ին զորակցելու պատճառով «երկուցեալ ի թագաւորէն Յովհաննիսէ, ապստամբեալ փախեաւ ի մմանէ և գնաց ի Դուին քաղաք առ Ապուստար զօրաւարն»: Ապիրատին ուղեկցում էր իր հեծյալ զորքը, որի թիվը Ուռհայեցին հասցնում է 12 հազարի: Աբու Ասվարը «մեծարեալ գնա բազում աւուրս», սակայն երկյուղելով Ապիրատի զորությունից, վերջինիս զորականներից գաղտնի «յ գրոյց սիրոյ կոչեաց զԱպիրատն և ի ծածուկ կորոյս զայնալիսի այր քաջ, հզօր և անուանի ի մէջ ամենայն աշխարհին Հայոց»<sup>481</sup>:

<sup>477</sup> Վարդան, էջ 97, Մխիթար Այրիվանեցի, էջ 73:

<sup>478</sup> Մատթեոս Ուռհայեցի, էջ 269:

<sup>479</sup> Լույն տեղում, էջ 221:

<sup>480</sup> Լույն տեղում, էջ 221-222:

<sup>481</sup> Լույն տեղում, էջ 10-11:

Ապիրատ Պահլավունու որդիներ Ապլջահապան ու Վասակը (Բարսեղ կաթողիկոսի հայրը) իրենց մոր Վանենիի հետ Սարի անունով իշխանի կողմից տեղափոխվեցին Անի (Դվինից) «հեծելագունդ գործի» ուղեկցությամբ: Հովհաննես-Մմբատ թագավորը վրիժախատույց չեղավ նրանց նկատմամբ: Նա, ինչպես հավաստում է Ուռհայեցին,- «կարի ժոյժ ապաշաւեր զանիրաւ մահն Ապիրատին Հայոց իշխանին» և նրա որդիներին ի տիրութիւն տվեց «գաւառս և զիշխանութիւնս»<sup>482</sup>:

Վասակն ամուսնացավ Գրիգոր Մագիստրոսի դստեր հետ: 1046թ. Գրիգոր Մագիստրոսը Ապլջահապին ու նրա գերդաստանին հետը տարավ Միջագետք իր իշխանության ոլորտ<sup>483</sup>: Ապիրատի մյուս որդին Վասակը մնաց Անիում: Նա ունեցավ երկու որդի Գրիգոր իշխանը և Բարսեղը (հետագայի կաթողիկոսը):

Հայոց հովվապետի պաշտոնն ստանձնելով՝ 1105թ. Բարսեղը հայրապետական Աթոռը փաստորեն տեղափոխեց Անի, անշուշտ, նկատի ունենալով արևելահայ եկեղեցականների կամքը: Հենց Անիում էլ տեղի ունեցավ Բարսեղի ծեռնադրությունը՝ հոր ու եղբայրների մասնակցությամբ:

Բայց որովհետև հայկական իշխանությունների մեջ առավել զորեղն ու ազդեցիկը Գող Վասիլի իշխանությունն էր, ուստի նրա նստավայր Քեսուն քաղաքի մերձակայքի Կարմիր վանքը (Ամանոս (Սև) լեռների ստորոտին) շարունակեց մնալ կաթողիկոսանիստ: Եվ Բարսեղը թողնելով Անիի աթոռը, հաստատվեց Քեսունում<sup>484</sup>, որպես Ամենայն Հայոց կաթողիկոս:

Բարսեղ Պահլավունին հավատարիմ մնալով քեռու Գրիգոր Վկայասերի պատվիրաններին, զարգացրեց նրա հովվապետական գործունեության լուսավոր եզրերը: Ընդ որում վերջինս Բարսեղի խնամքին էր թողել մաս Վկայասերի մյուս քրոջ (անունը չի պահպանվել) մանկահասակ որդիներ Գրիգորին (հետագայում կաթողիկոս) և Ներսես Շնորհալուն: Ծովքի Ապիրատ իշխանի զավակներին, որոնց հոգիները հասունացան ու առնականացան Բարսեղի հոգաժողովան ներքո: Վերջինս դարձավ նրանց կենսական նեցուկը:

Իհարկե, Բարսեղի հայրապետական գործառույթները ոչ միշտ էին հնարավորություն տալիս ըստ ամենայնի զբաղվել նրանց դաստիարակությամբ, կրթությամբ, ուստի այդ հոգսերը մա դրեց կաթողիկոսական աթոռանիստի վանահայր Ստեփանոս վարդապետի վրա, որը հայտնի էր իր գիտունությամբ:

<sup>482</sup> Նույն տեղում, էջ 11:

<sup>483</sup> Ենթադրվում է, որ Գրիգոր Մագիստրոսը Միջագետքի կառավարիչ եղած ժամանակ փեսայի (Ապլջահապի) իրավասության տակ է դրել Ծովք դղյակը (տես Ն.Ակիներան, նշվ. աշխ., էջ 31): Բայց դա չի հաստատվում աղբյուրներով:

<sup>484</sup> Ներսես Շնորհալի, Բանք չափաւ, էջ 596-597:

Բարսեղը սերտ կապեր էր պահպանում Գող Վասիլի հետ, որին Վարդան Արևելցին կոչում է «Մեծ իշխանաց իշխան», բազում բերդերի, գավառների տիրակալ<sup>485</sup>: Բարսեղը, համաձայն Ուռհայեցու մի վկայության, Գող Վասիլի հոգաբարձուն և խոստովանահայրն էր<sup>486</sup>: 1112թ. Գող Վասիլը կնքեց իր մահկանացուն, և Բարսեղ կաթողիկոսը նրա հոգեորդի Վասիլին կարգել տվեց Գող Վասիլի իրավահաջորդ<sup>487</sup>: Երկրորդ Վասիլը, ինչպես նշվել է, «էր մայրենեօք յազգէ Կամսարական»<sup>488</sup>: Փաստորեն նրան իշխանությամբ օժտել է Բարսեղն իր բարձր հեղինակությամբ: Ըստ Ուռհայեցու, «արար միաբան ժողով Տէր Բարսեղ և տայ զամենայն իշխանութիւնն ի տղայ Վասիլն»<sup>489</sup>:

Հաջորդ տարի 1113թ. մայիսի 26-ին Բարսեղ կաթողիկոսը ճակատագրի դաժան խաղով զոհ գնաց պատահարին: Ըստ Ուռհայեցու, Բարսեղն այդ օրն իր հովվապետական պարտքի մղումով բարձրանում է Քեսուռի մոտակա Վարդահեր գյուղի տներից մեկի տանիքը քահանաների, եպիսկոպոսների հետ աղոթք վերառաքելու առ Աստված: Անսպասելիորեն տունը փլվում է, ծանր վնասվածքներ պատճառելով կաթողիկոսին (կոտրվել էր նրա ողնաշարը): Երեք օր հետո նա վախճանվեց, մահվանից առաջ կտակելով իր մարմինն ամփոփել Քեսուռի Կարմիր վանքում, քեռու կողքին, ինչը կատարվեց պատշաճ սգահանդեսով<sup>490</sup>: Վարդան Արևելցին մի փոքր այլ ձևով է ներկայացնում Բարսեղի մահը: Վերջինս իր մահվանից փոքր-ինչ առաջ մտադրվում է գնալ Երուսաղեմ, սակայն նախքան մեկնելն, իր մորաքրոջ որդուն՝ Գրիգորին կամենում է ձեռնադրել եպիսկոպոս, «զի ինքն աներկբայ զառաջի եղեալ ճանապարհն վճարեսցէ»: Սակայն Կարմիր վանքին կից կառուցվող տան հեծանը վեր հանելիս պոկվում է շինարարների ձեռքից և պատճառ դառնում նրա մահվան: Պատահարից հետո դեռևս հինգ օր նա ողջ է մնում և հասցնում է Գրիգորին կաթողիկոսական իրավունք վերապահել<sup>491</sup>:

Հավատարիմ Պահլավունիների տան ավանդներին, Բարսեղն իր գիտակցական կյանքի ողջ ընթացքում ծավալեց հայրենամետ, ազգաշահ

<sup>485</sup> Վարդան, էջ 117:

<sup>486</sup> Մատթեոս Ուռհայեցի, էջ 324:

<sup>487</sup> Տես Վարդան, էջ 117, Մատթեոս Ուռհայեցի, էջ 324:

<sup>488</sup> Մատթեոս Ուռհայեցի, էջ 324: Վասիլ Պահլավունիին կնության առավ Լամբրոնի իշխան Յեթումի դուստր Մարեմիկին (Մարիամին) Պապեռոնի տեր Սմբատի քրոջը (տես Ղ.Ալիշան, Հայապատում, էջ 414, G. Dedeyan, Les Arméniens entre Grecs, Musulmans et Croises, vol. II, p. 689, 1233):

<sup>489</sup> Մատթեոս Ուռհայեցի, էջ 324:

<sup>490</sup> Նույն տեղում, էջ 329, Սմբատ, էջ 141-142:

<sup>491</sup> Վարդան Արևելցի, էջ 116:

գործունեություն: Նա էականորեն արդյունավորեց Հայոց եկեղեցական կյանքը, կոփեց հայրենի հավատքը և վերջ տվեց կաթողիկոսական յշխանության տարանջատվածությանը, բացառելով առանձնացված հայրապետական աթոռների գոյությունը: Սակայն անժամանակ մահը կտրեց մեծաջան այդ կաթողիկոսի բեղմնավոր կյանքի թելը: Նրա մահվանից հետո, 1113թ., Աղթամարի Ղավիթ Եպիսկոպոսը պատրվակ բռնելով Բարսեղի հաջորդի Գրիգոր Պահլավունու պատանեհասակ լինելը (մա 15 տարեկան էր), իրեն հռչակեց կաթողիկոս<sup>492</sup>:

---

<sup>492</sup> Նույն տեղում:

## Գրիգոր III Պահլավունին Հայոց կաթողիկոս

Գրիգոր II Վկայասեր Պահլավունու կտակով 1113թ. նրա քեռորդի Գրիգորը Ծովք դոյակի տեր Ապիրատի որդին ընտրվեց Հայոց կաթողիկոս: Նա այդ ժամանակ հազիվ էր բուլորել իր 15 տարին: Սամուել Անեցիի նշում է, որ Գրիգորը Հայոց հայրապետի գահին բազմեց «տղայ հասակաւ ժե»<sup>493</sup>: Նույն մատենագրի հավաստմամբ Գրիգոր III-ը «յաղագս աստուածընկալ և հոգիընկալ շնորհի ընկալելոյ և սրբական և մաքրափայլ վարուցն պատուեալ փառաւորութեամբ ոչ միայն ի մերազնեայ արանց՝ այլև յօտարաւեռ թագաւորաց և յիշխանաց.մանաւանդ ի հռոմայեցւոց թագաւորացն և պատրիարգացն»<sup>494</sup>:

Գրիգոր III-ը, գրում է Մատթեոս Ուռհայեցիին, «էր յազգէ Գրիգորոյ Մագիստրոսին որդւոյ Վասակայ Պահլաւունւոյ» (Գրիգոր III-ը Գրիգոր Մագիստրոսի դստեր թոռն էր): Նույն մատենագրի վկայությամբ Գրիգոր III-ը կաթողիկոս է ընտրվել Կարմիր վանքում գումարված ժողովում: «Ձկնի մահուանն Տեառն Բարսեղի,- գրում է Ուռհայեցիին,- եղև ժողով եպիսկոպոսաց և հարանց Կարմիր վանքն մերծ ի Քեսուն գաւառ և հրամանաւ Հոգւոյն ձեռնադրեցին զՏէր Գրիգորիս եպիսկոպոս ի վերայ ամենայն Տանն Հայոց. և ի նմին անուր տան զձեռնադրութիւն կաթողիկոսութեան ի վերայ աթոռոյ սրբոյն Գրիգորի. և նստաւ ի հայրապետական աթոռն մինչ էր ի տղայութեան հասակին, վասն զի չև ևս էր լեալ սկիզբն մօրուացն. և էր բարծրահասակ և գեղեցկատեսիլ և բարուքն յոյժ խոնարհ»<sup>495</sup>:

Պահլավունիների տան ազդեցությունը մեծ էր ոչ միայն Հայոց բնաշխարհում այլև հայկական հոծ միջավայր ունեցող այն շրջաններում, որոնք Հայաստանից դուրս էին: Ուստի Գրիգոր III Պահլավունու հայրապետությունն առարկություն չհարուցեց ո՛չ Քեսուն գավառում, և ո՛չ էլ Կիլիկյան բարձունքներում արդեն (1080 թվից) հաստատված Ռուբինյան իշխանությունում: Նրա հայրապետությունը չվիճարկեցին նաև արևելահայ եկեղեցականները: Սակայն Վասպուրականի Դավիթ եպիսկոպոսը, պատրվակելով Գրիգոր III-ի դեռահաս տարիքը, ինչպես նշվել է, 1113թ.

<sup>493</sup> Սամուել Անեցի, էջ 124: Տես նաև Սմբատ Սպարապետ, էջ 142:

<sup>494</sup> Սամուել Անեցի, էջ 122:

<sup>495</sup> Մատթեոս Ուռհայեցի, էջ 329-330:

իրեն հռչակեց կաթողիկոս, հայտարարելով, որ «աթոռ է սա թագաւորացն Արծրունեաց և վայել է լինել և պատրիարգ»<sup>496</sup>:

Աղթամարի ինքնահռչակ կաթողիկոսին ճանաչեցին միայն Սյունիքի ու Արտազի հովվապետերը, որոնք սակայն մեկ տարի հետո «դարձան...ի հնազանդութիւն մեծ աթոռոյն և Աղթամար մնաց յիրում ապստամբութիւն»<sup>497</sup>, - վկայում է Սամուել Անեցի: Աղթամարի կաթողիկոսը փորձեց «ընծայիւք և աղաչանօք» իր կողմը գրավել Անիի և արևելահայոց մյուս հոգևոր հայրերին, սակայն կտրուկորեն մերժվեց նրանց կողմից, «մանաւանդ», - վկայում է Վարդան Արևելցի,- ի յԱնույ գլխաւորացն. որոց գրէ մեծ շնորհակալութիւն օրհնութեամբ պատրիարգն Գրիգորիս ամենայն վանորէիւք Սեաւ լերինն, և շրջակայ եպիսկոպոսացն ձեռագրով»<sup>498</sup>:

Այնուամենայնիվ հակաթոռ կաթողիկոսի գոյութեամբ Հայ եկեղեցին վերստին մասնատվեց: Ուստի Հայոց հոգևոր առաջնորդները ժողով գումարեցին Կարմիր վանքում և դատապարտեցին Ղափթ կաթողիկոսի պառակտիչ ուղեգիծը<sup>499</sup>:

Սակայն հազիվ էր բոլորել Գրիգոր III Պահլավունու հովվապետության երկու տարին, երբ Ուռհայի կոմս Բալդվինը պատերազմ սանձազերծեց Գող Վասիլին հաջորդած Վասիլ իշխանի դեմ և 1115թ. նենգությամբ կալանեց նրան: Ապա «գազանաբար ի խոշտանգանս արկանէր զայրն քաջ և զհօօր պատերազմող և բռնութեամբ առեալ ի նմանէ զամենայն գավառն և խափանեաց զիշխանութիւնն Հայոց յայնմ աշխարհէն»<sup>500</sup>, գրում է Ուռհայեցի: 1117թ. Բալդվինը իր դաշնակից Գալարան (Կալարան) կոմսի զորակցությամբ հարձակվեց նաև Ապլղարիպ իշխանի տիրույթների վրա: Վերջինիս Վարդան Արևելցի հիշում է որպես Հայոց իշխան, որդի Վասակի, եղբայր Լիկոսի, «որ էին տէրք հազար զօրականի, որ յառաջ ունէին զԹլպաշարն և զՊիրն, առեալ ի թուրքաց մեծաւ քաջութեամբ»<sup>501</sup>: Բալդվինը, գրում է Ուռհայեցի, «զօրաժողով արար և գնաց ի վերայ Պիրին և ի հոգս առեալ զքրիստոնեայսն առաւել քան զթուրքն և զտարի մի ի խսար արկեալ զիշխանն Հայոց զԱպլղարիպն չարաչար և ազգի ազգի նեղութեամբ. և յայնժամ առ վտանգին և առ վշտացն անճարեալ լինէր Ապլղարիպն և տայր զՊիրն և զամենայն գաւառն ի Պաղտոյինն, և ինքն գնաց առ իշխանն Հայոց առ Թորոս Ռուբենայ որդին յԱնաւարդայ: Եւ կոմսն տայր զՊիրն և զամենայն գաւառն ի Կալարան իշխանն

<sup>496</sup> Վարդան Արևելցի, էջ 116:

<sup>497</sup> Սամուել Անեցի, էջ 124:

<sup>498</sup> Վարդան, էջ 116:

<sup>499</sup> Տես Ներսէս Շնորհալի, Թուրք ընդհանրական, Վենետիկ, 1871, էջ 49:

<sup>500</sup> Մատթեոս Ուռհայեցի, էջ 337:

<sup>501</sup> Վարդան, ԿԵ, էջ 117-118: Հմմտ. նաև Սմբատ Սպարապետ, էջ 133:

Փոանգաց»<sup>502</sup>: Այս Ապլղարիպը համարվել է 1078թ. հուլյանի կողմից եղբոր Լիկոսի հետ սպանված Վասակի Անտիոքի իշխանի որդի<sup>503</sup>, որն ինչպես նշվել է, Գրիգոր Մագիստրոսի որդին էր: Անանուն Եղեսացին հետևյալն է հաղորդում Ապլղարիպի մասին. «Պիր կոչվող անառիկ ամրոցին տիրում էր մի հայ Ապլղարիպ անունով: Ուռհայի տեր Բաղդուինը իր ազգականներից մեկի Գալերան անունով փառահեղ պատանու և բազում ֆրանկ զինվորների հետ եկավ պաշարեց այդ ամրոցը: Պաշարումը երկար տևեց, քանի որ այն հնարավոր չէր կռվով գրավել, այլ միայն շրջափակումով: Երբ, ինչպես ասացինք, պաշարումը երկարածովեց, Ապլղարիպը նեղն ընկավ, որովհետև տեսավ, որ օգնության հասնող չկա: Ապա նա հանձնեց ամրոցը Բաղդուինին պայմանով, որ Գալերանը կնության առնի իր դստերը: Ամրոցը դարձավ նրա աղջկա օժիտը, և այսպես Պիրը հանձնվեց ֆրանկների ձեռքը»<sup>504</sup>:

Երբ Քեսուն քաղաքն (1115թ.) ընկավ խաչակիրների գերիշխանության տակ, զրկվելով մորական գծով Պահլավունի<sup>505</sup> Վասիլ իշխանի հովանավորությունից, Գրիգոր III Պահլավունին փորձեց իր աթոռը տեղափոխել Անի, որին թեև շարունակում էին տիրել Շադդադյան ամիրաները, սակայն իր հայափոծ բնակչությամբ, նվիրական հիշատակներով հայտնի այդ հռչակավոր քաղաքն իրավունք ուներ դառնալու Հայոց հայրապետության աթոռանիստը: Գրիգոր III Պահլավունին մոտ 1123թ. կարողացավ Անիի Աբուլ Ասվար Ամիրայից (որը 1110թ. հաջորդեց հորը՝ Մանուչեին) համաձայնություն կորզել կաթողիկոսական աթոռը Անի տեղափոխելու վերաբերյալ: Ըստ Սամուել Անեցու, «սրբազան հայրապետն և առաջնորդն հաւատոյ տէր Գրիգորիս, վասն զի ուխտ սիրոյ ունէր առ Ապլտար վասն սեփական աթոռոյս՝ զալ այսրէն նորա յօժար կամակցութեամբ»<sup>506</sup>: Աբուլ Ասվարը ջանում էր հայ բնակչությանը հեռու պահել հավատակից Վրաստանից: Սակայն նա հայերին խիստ դժգոհեցրեց, երբ Անիի Մայր տաճարը վերածեց մզկիթի և նրա գմբեթին բարձրացրեց իսլամի խորհրդանիշը համարվող մի մեծ մահիկ, կաթողիկոսին զրկելով այդ հոյաշուք տաճարը նախկինի պես հայրապետական գահանիստ

<sup>502</sup> Մատթեոս Ուռհայեցի, էջ 338:

<sup>503</sup> Տես Դ. Микаелян, ук. соч., с. 79. Ն. Ակինեան, նշվ. աշխ., էջ 26:

<sup>504</sup> Անանուն Եղեսացի, էջ 56:

<sup>505</sup> Տես Մատթեոս Ուռհայեցի, էջ 324:

<sup>506</sup> Սամուել Անեցի, էջ 127: Սամուել Անեցին ժամանակակից էր այս իրադարձություններին: Նրա ժամանակագրության հովանավորողն ու պատվիրատուն Գրիգոր III-ն էր (տես այս մասին. Կ. Մաթևոսյան, Սամուել Անեցու «ժամանակագրության» ավարտման թվականը և պատվիրատուն (Պատմաբանաս. հանդես, 1992, N 1, էջ 158-159):

ուարձնելու հնարավորությունից: Ամիրայի այդ քայլից դժգոհած անեցիները 1124թ. դիմեցին վրաց թագավոր Դավիթ Բագրատունի Շինարարին, հրավիրելով գալ և գրավել Անին, որի դարպասները նրանք բացեցին վրաց զորքի առջև: Աբուլ Ասվար ամիրան գերի տարվեց Վրաստան, որտեղ և վախճանվեց<sup>507</sup>: Երկու տարի հետո Անիին տիրացավ Աբուլ Ասվարի որդի Փատլունը, ընդունելով վրաց թագավորի գերակայությունը: Դավիթ Շինարարին հաջորդած Դեմետրե թագավորի (ծնված հայ կնոջից) օրով Անիի Փատլուն ամիրան ու եղբայրներն «արարին սաստիկ երդումն, վասն զի սուրբ Կաթողիկէն»<sup>508</sup>, որ էր յԱնի, հանապազ Դայոց կայցէ և մի մտցէ ի նա Տաճիկ և այլ մսլիման ազգ»<sup>509</sup>:

Սակայն Աբուլ Ասվարի որդիները դրժեցին Դայոց կաթողիկոսին իրենց հոր տված խոստումը: Փատլուն ամիրան հույժ անբարյացակամ վերաբերմունք ցուցաբերեց հայերի նկատմամբ: Նա, ինչպես հաղորդվում է Սամուել Անեցու ժամանակագրության մեջ, դիմում էր զանազան միջոցների, որպեսզի վրիժառույց լինի հայերի հանդեպ, անշուշտ նրանց անկախ դիրքավորման, աճող ազդեցության պատճառով: Դայերին հետին դիրքեր նդելու նպատակադրումով Փատլունը ծանրացրեց հարկերը, ջանալով տնտեսապես թուլացնել նրանց: Ժամանակակից մատենագիրը վկայում է, որ այդ ամիրայի կողմից իրականացրած «հարկապահանջ յափշտակութեանց» պատճառով «եհաս ի վերայ մեր վերջին աղքատութիւն և տառապանք անհնարինք...»<sup>510</sup>:

Ստեղծված պայմաններում Գրիգոր III-ն «առաւել զայրացաւ տրտմագին ցասմամբ առ գործողս իրին»<sup>511</sup>, և կաթողիկոսական գահաթոռն Անի տեղափոխելու հնարավորությունը զրեթե իսպառ բացառվեց:

Դայոց կաթողիկոսի գահանիստի աստանդական կացության պայմաններում Պահլավունի հայրապետները կարողացան պահպանել Դայոց ընդհանրական Աթոռի վարկն ու նվիրապետական համակարգը, Դայ եկեղեցին ձերբագերծվեց կազմալուծումից: Պահպանվեցին թեմակալների կանոնական իրավունքները: Դավանական տարածայնությունների պայմաններում Քաղկեդոնական եկեղեցին ի զորու չէղավ թյուրել Դայոց եկեղեցու առաքելաշնորհ իրավունքները:

<sup>507</sup> Տես Վարդան, էջ 119, Մատթեոս Ուռնայեցի, էջ 359, Լ.Սելիքսեթ-Բեկ, Վրաց աղբյուրներ..., Ա, էջ 218:

<sup>508</sup> Նկատի ունի Անիի Մայր տաճարը:

<sup>509</sup> Մատթեոս Ուռնայեցի, էջ 365:

<sup>510</sup> Սամուել Անեցի, էջ 127: Այս մասին տես Դ. Մարգարյան, Դյուսիսային Դայաստանի և Վրաստանի ժԲ դարի պատմության մի քանի հարցեր, Երևան, 1980, էջ 90-97:

<sup>511</sup> Ս. Անեցի, էջ 127:

1139թ. Հայոց Աղվանքից Գրիգոր III Պահլավունուն «Թուղթ մաղթանաց» են հղում հայտնի օրենսգետ Դավիթը Ալավկա որդին և ուրիշ հոգևոր այրեր, խնդրելով եպիսկոպոս ուղարկել Աղվանք՝ նրա հովվապետին ձեռնադրել տալու համար: Գրիգոր III-ի հրամանով Կարինի եպիսկոպոս Սահակը մեկնեց Աղվանք և իրականացրեց նրա առաջնորդի (կաթողիկոսի) ձեռնադրումը<sup>512</sup>:

Թեև Հայոց կաթողիկոսի նստավայրը Կիլիկիայի Հայոց իշխանության կազմում չէր, սակայն Գրիգոր III-ը վայելում էր Ռուբինյան իշխանների հովանավորությունը: Վերջիններիս համար ծակատագրական եղավ 1137 թվականը, երբ Բյուզանդիայի Հովհաննես Կոմնենոս կայսրը գրավեց Կիլիկիան, գերի տանելով Լևոն I Ռուբինյանին: Սամուել Անեցին այդ անցքը դնում է 1132թ.<sup>513</sup>, մինչդեռ այն տեղի է ունեցել ավելի ուշ 1137թ.<sup>514</sup>:

Փաստորեն Կիլիկիայի Հայոց իշխանությունը ժամանակավորապես վերացվեց, որով Հայոց կաթողիկոսությունը զրկվեց քաղաքական հենարանից: Կիլիկիայի հանդեպ նման վերաբերմունքն է՛լ ավելի խորացրեց հայ-բյուզանդական տարածայնությունները, ուստի Գրիգոր III հայրապետը կողմնորոշվեց դեպի խաչակիր իշխանությունները, որոնք (հատկապես Անտիոքի դքսությունը) ջանում էին սիրաշահել հայերին, որպեսզի ձեռք բերեն նրանց զորակցությունը թշնամիների դեմ հնարավոր բախումների դեպքում: Գրիգոր III-ը և Ներսես Շնորհալիին կողմ էին եկեղեցիների միությանը<sup>515</sup>: 1141թ. խաչակիր հոգևորականների կողմից Անտիոքում գումարված եկեղեցաժողովին հրավիրվեցին նաև Գրիգոր III-ը և Ներսես Շնորհալիին: Այդ ժողովի միջոցով ավելի սերտացան Հայ և Լատին եկեղեցիների միջև եղած առնչությունները: Գրիգոր III-ը Իննուկենտիոս II պապից ստացավ «Սիրո գիր» և ընծաներ, հրավիրվեց Երուսաղեմում նրա գումարած եկեղեցաժողովին, որտեղ առաջին անգամ արծարծվեցին Հայ և Լատին եկեղեցիների ծիսադավանական խնդիրները: Ժողովում Գրիգոր III-ը պաշտպանեց Հայոց դավանանքը, ծիսակարգը և, իհարկե, Հայ եկեղեցու կանոնական իրավագորությունը: Երուսաղեմում,- գրում է Սամուել Անեցին,- «ծանուցեալ և իմացեալ զառատաիոս ծաւալումն աստուածային շնորհին ի վերայ հայրապետին (Գրիգոր III-ի-Վ.Վ.), ազգն

<sup>512</sup> Տես Կիրակոս Գանձակեցի, էջ 199-200:

<sup>513</sup> Տես Սամուել Անեցի, էջ 130:

<sup>514</sup> Տես այս մասին Ա. Բոզոյան, Բյուզանդիայի արևելյան քաղաքականությունը և Կիլիկյան Հայաստանը, Երևան, 1988, էջ 117-119:

<sup>515</sup> G. Dédéyan, Le rôle complémentaire des frères Pahlawuni Grigor III, catolico, et saint Nerses Sisorhali, coadjuteur, dans le rapprochement avec les latins, à l' époque de la chute d' Edesse (v. 1139-v. 1150). REA. t. XXXIII, 1992.

Հռոմայեցւոց իշխողքն աշխարհաց, որք Ֆռանկք կոչին և ընդ վայելչագ-  
գեաց և պատշաճագեղ տեսիլ մարմնոյն, ժանեան և զհոգւոյն գեղեցկու-  
թիւն և ի բանսն հաւատոյ զճշմարտութիւն ամենեկիմբ զոր պայծառ և կա-  
նոնական կարգաւ և քանոնով վարդապետական ճոխութեամբ բարբա-  
ռէր: Ուրախացան հաճելութեամբ և առաւել սէր հաստատեցին ընդ հայ-  
րապետին և ընդ ազգս մեր...»<sup>516</sup>:

Գրիգոր III կաթողիկոսը հույս ուներ խաչակիրների օգնությամբ վե-  
րականգնել Կիլիկիայի Հայոց իշխանությունը: 1145թ. նա պատգամավո-  
րություն առաքեց Հռոմի եվզեմիոս III պապի մոտ՝ ակնկալելով, որ նրա  
օգնությամբ հնարավոր կլինի վերականգնել Ռուբինյան իշխանություն-  
ը<sup>517</sup>: Բայց պապը չկարողացավ որևէ շոշափելի օգնություն ցուցաբերել  
կիլիկահայերին:

Սակայն կիլիկահայերը Լևոն I-ի քաջակորով որդու Թորոսի գլխա-  
վորությամբ վերականգնեցին (1145թ.) Ռուբինյան իշխանությունը:

Ստեղծված պայմաններում, երբ թյուրք-սելջուկյան ամիրայություն-  
ները (Արտուխյանների, Դանիշմանյանների) խիստ նեղում էին խաչակիր-  
ներին և հայերին, վերաթարծվեց Տրդատ III թագավորի և Հռոմի կայսր  
Կոստանդին Մեծի միջև կնքված դաշինքի գաղափարը, որը տեղ է գտել  
Ազաթանգեղոսի երկում<sup>518</sup>: Կիրակոս Գանձակեցու հավաստմամբ Գրիգոր  
III կաթողիկոսի օրոք «գիին դաշինսն Տրդատայ և սրբոյն Գրիգորի և Կոս-  
տանդիանոսի կայսեր և Սեղբեստրոսի հայրապետին վերստին նորոգես-  
ցին»<sup>519</sup>: Դաշինքի գաղափարը վերահառնեց ի դեմս «Դաշանց թուղթ»  
հորջորջմամբ անվավեր գրվածքի<sup>520</sup>, որի համաձայն, հայերի հավատա-  
կից ֆրանկներն արշավելու են Արևելք, ազատագրելու են Քրիստոսի գե-  
րեզմանը, նաև Արևելքի բոլոր քրիստոնյաներին մահմեդականների  
մարմնավոր լծից<sup>521</sup>:

Սիքայել Ասորու վկայությամբ հույները, ֆրանկներն ու հայերը դաշ-  
նակցում էին միմյանց ընդդեմ թյուրք-սելջուկների<sup>522</sup>:

<sup>516</sup> Սամուել Անեցի, էջ 123:

<sup>517</sup> Կղեմես Գալանոս, Միաբանութիւն Հայոց Սուրբ Եկեղեցւոյն ընդ մեծի Սուրբ  
Եկեղեցւոյն Հռոմայ, Հռոմ, 1690, էջ 235: Տես նաև Մ. Օրմանեան, Ա, սյունակ 1601-  
1604: Ցավոք, հայ մատենագիրները ոչինչ չեն հաղորդում այս պատգամավո-  
րության մասին:

<sup>518</sup> Ազաթանգեղոս, էջ 462:

<sup>519</sup> Կիրակոս Գանձակեցի, էջ 118:

<sup>520</sup> Տես Հր. Բարթիկյան, «Դաշանց թուղթ. կազմը, ստեղծման ժամանակը,  
հեղինակն ու նպատակը («Պատմաբանաս. հանդես», 2004թ. N 2):

<sup>521</sup> Սամուել Անեցի, էջ 120, Գ.Յովսէփեանց, Յիշատակարանք ձեռագրաց, Ա, էջ  
693 և այլն:

<sup>522</sup> Տես Michel le Syrien, Chronique, t. III, p. 297.

## Ծովքի Պահլավունիները

1125թ. Գրիգոր III-ը կաթողիկոսարանը տեղափոխեց Վասիլ Պահլավունու իշխանանիստ Ծովք (Ծով) դոյակ, որն ընկած էր «յերկրին Անտիոքայ, ի գաւառին Տլքոյ»<sup>523</sup>: Վերջինս մտնում էր Եդեսիայի կոմսության կազմի մեջ: Վասիլ Պահլավունին որոշ կախվածություն ուներ Եդեսիայի կոմսերից: Ծովք անունով դոյակ է հիշվում նաև Ծովքի Անձիտ գավառում<sup>524</sup>:

Տլուք գավառն ընկած էր Կիլիկիայի հարավ-արևելքում: Տակավին 1098թ. այն ընդգրկվել էր Արևելքում խաչակիրների ստեղծած առաջին պետության՝ Եդեսիայի կոմսության կազմի մեջ, իսկ հետագայում, վերջինիս բարձունից հետո՝ ենթարկվել Անտիոքի դքսությանը: Ուստի հայ մատենագիրները XIIդ. այն տեղադրում են «երկիրն Անտիոքայ» անունով վարչա-աշխարհագրական միավորի տարածքում: Բայց XII դ. սկզբներին չպետք է այն դիտել որպես Անտիոքի դքսության մաս<sup>525</sup>: Ծովքն այդպիսին դարձավ XII դ. երկրորդ կեսին: Ըստ Ուռհայեցու, 1161թ. Անտիոքի դուքս Ռենալդը ժամանում է «յերկիրն Տլքոյ» և Ծով դոյակ<sup>526</sup>:

Ականատեսի հավաստմամբ, Ծովք անունն են կրում Տավրոսյան լեռնաշղթայի ստորոտում, Բերդուս քաղաքից մոտ 20 կմ հարավ-արևելք ընկած երեք փոքր լճերը (այստեղից՝ «Ծովք» հոգնակի անվանաձևը): Ծովքի լճերը երկայնքով ձգվում են մոտ 10, լայնքով՝ 5 կմ: Ջրերը վճիտ են, քաղցրահամ, սառնորակ, լի ձկներով<sup>527</sup>: Ծովքի արևմուտքում էր Ծով դոյակը: Այս փոքրիկ բերդի մասին ականատեսը գրում է. «Յյուսիսէն ու արևմուտքէն ձորակներով անջատուած և անտառներով ծածկուած, հարաւէն լիճերու՝ Ծովքի ջուրը միացած Ազու գետին հետ ոլորապտույտ կը հոսի բերդին ստորտը քերելով»<sup>528</sup>:

Հայ մատենագրության մեջ Ծովքի և Ծով դոյակի մասին առաջինը հիշատակում է Ներսես Շնորհալին, 1112թ. դոյակի մատույցներում իր

<sup>523</sup> Սովիերք հայկականք, ԺԴ, Վենետիկ, 1854, էջ 464:

<sup>524</sup> Ս. Երեմյան, Հայաստանը ըստ «Աշխարհացոյց»-ի, էջ 36-56-107:

<sup>525</sup> Բ. Կիլիկիեցու, Ծովք. Ծովք-Տլուք և Հոմ-կլայ, Վիեննա, 1904, էջ 13:

<sup>526</sup> Մատթոս Ուռհայեցի, էջ 427:

<sup>527</sup> Մ. Տէր-Ղազարեան, նշվ. աշխ., 41:

<sup>528</sup> Նույն տեղում, էջ 98:

հոր սպանության առնչությամբ<sup>529</sup>: Շնորհալիւն հորը՝ Ապիրատ Պահլավունուն հիշում է որպէս Գրիգոր Մագիստրոսի թոռ<sup>530</sup> (ղուստրերից մեկի գծով), հետևաբար, Ապիրատ իշխանի մայրը Մագիստրոսի դուստրն էր, որի անունը, ցավոք, չի պահպանվել: Ն. Ակինյանի կարծիքով<sup>531</sup> այս դստեր անունին էր Ապլջահապը, որին հիշում է Մատթեոս Ուռհայեցին: Սակայն Ուռհայեցու մոտ (և ոչ էլ որևէ այլ աղբյուրում) չի նշված, որ Ապլջահապը Մագիստրոսի փեսան էր: Մատենագիրը վկայում է, որ «Ապիրատ ոմն, որ էր մեծ իշխան Հայոց, որդի Հասանայ», ծառանալով Յովհաննես-Սմբատ թագավորի դեմ, 12 հազար զորականների հետ փախավ Դվին քաղաք, Ապուտար Ամիրայի մոտ: Վերջինս ինչպէս նշվել է, դավադիր կերպով սպանել տվեց Ապիրատին, որի կինն ու զավակները հեռացան Անի: Յովհաննես-Սմբատ թագավորը Ապիրատի որդիներ Ապլջահապին ու Վասակին տվեց «գաւառս և զիշխանութիւնս»<sup>532</sup>: Ն. Ակինյանի հետևողությամբ Ապլջահապին Գրիգոր Մագիստրոսի փեսա են համարում նաև ուրիշ ուսումնասիրողներ<sup>533</sup>: Ենթադրվում է, որ երբ Գրիգոր Մագիստրոսը 1045թ. տեղափոխվեց Միջագետք, «իրեն հետ առաւ փեսան Ապլջահապ եւ զետեղեց Ծովք ամրոցին մէջ»<sup>534</sup>: Սակայն Անձիտ գավառում գտնվող Ծովքը և առավել ևս Տլուքի Ծովքը Գրիգոր Մագիստրոսի իշխանության մեջ չէին: Վերջինս Գագիկ II թագավորին հղած թղթում նշում է իրեն ենթակա շրջանները, իրեն հորջորջելով «Վասպուրականի և Տարօնոյ և Մանազկերտի, Արճիշոյ, Բերկրոյ, Միջագետաց տէր...»<sup>535</sup>: Եթե ամզան ընդունենք, որ Ապլջահապն իրոք Մագիստրոսի փեսան էր, ապա ինչու վերջինիս նա չպետք է ամրոց նվիրեր իր իշխանության ուղորտում:

Ընդունելի չէ նաև այն կարծիքը, որ իբր Մագիստրոսը փեսային է շնորհել Անձիտի Ծովք դոյակը, որի իշխան Ապիրատի սպանությունից հետո նրա որդիները՝ Գրիգոր III կաթողիկոսը և Ներսես Շնորհալիւն տեղափոխվում են Տլուք և Գող Վասիլ իշխանի հովանավորությամբ հիմնադրում նոր դոյակ և, «ի նշան իրենց հայրենիքի, այն կոչվում Ծովք»<sup>536</sup>:

Ներսես Շնորհալիւն իր հոր՝ Ապիրատի մասին գրում է.

<sup>529</sup> Ներսես Շնորհալի, Վիպասանութիւն, էջ 131:

<sup>530</sup> Նույն տեղում, էջ 128-129:

<sup>531</sup> Ն. Ակինյան, նշվ. աշխ., էջ 31:

<sup>532</sup> Մատթեոս Ուռհայեցի, էջ 10-11:

<sup>533</sup> Steu՝ Յ. Տէր-Ղազարեան, նշվ. աշխ., էջ 91, G. Dedeyan, Les Armeniens entre Grecs, Musulmans et Croises, vol. 2, p. 1245-1246.

<sup>534</sup> Ն. Ակինյան, նշվ. աշխ., էջ 31:

<sup>535</sup> Գրիգոր Մագիստրոսի թղթերը, էջ 213:

<sup>536</sup> Թ. Հակոբյան, Ստ. Մելիք-Բախշյան, Հ. Բարսեղյան, Հայաստանի և հարակից շրջանների տեղանունների բառարան, հ. II, Երևան, 1988, էջ 863:

Զպահլաւունին ազգաւ սերեալ,  
Զհարազատ տերանցն եղեալ,  
Աստուածային շնորհօք լցեալ  
Եւ երկիւղին զարդարեալ,  
Գեղապաճոյճ անձն երևեալ,  
Իշխանութեամբ շքեղացեալ,  
Զնախնական անուն առեալ,  
Որ Ապիրատն էր յորջորջեալ,  
Թոռն մեծի Գրիգորի լեալ,  
Որ Մագիստրոս մականուանեալ,  
Զայս տունկ բարի արմատացեալ  
Իսմայելեան հողմոյն խլեալ,  
Որք ըստ մեղաց մերոց շարժեալ,  
Արմատախիլ զՅայք արարեալ:  
Յարևելեան կողմանց սկսեալ  
Մինչ յարևմուտս ժամանեալ,  
Որոյ առ մեզ եկեալ հասեալ  
Եւ զամրականն պաշարեալ<sup>537</sup>:

Յայտնի է Ապիրատ Պահլավունու կողակցի անունը՝ Վանեն, որին հիշում է Շնորհալու պատմերով 1173թ. Եվդոկիայում Ավետարանն ընդօրինակող գրիչը: Վերջինիս թողած հիշատակարանում նշված են Ներսես Շնորհալու և եղբոր՝ Գրիգոր III կաթողիկոսի հարազատները՝ «եղբայրն զԱպիրատ եւ զքոյր նոցա Մարիամ յայրութեան եւ ի սրբութեան վախճանեալ... եւ զմայրն նոցա Վանեն ըմդ նոսին և զբարեհոգի մայր պսակաւորիս զՄարեմիկ դուստր Յեթմոյ Սեւաստասի»<sup>538</sup>:

Ներսես Շնորհալին 1151թ. շարադրած «Բան հաւատոյ» դավանաբանական պոեմի հիշատակարանում նախ նշում է եղբոր՝ Գրիգոր III կաթողիկոսի անունը, ապա հիշում մյուս եղբայրներ Վասիլին, Զորավարին և քրոջը՝ Մարիամին<sup>539</sup>: Եղբայրներին ու քրոջը Շնորհալին հիշում է նաև «Վիպասանութիւն» պատմական պոեմում, նշելով, որ Գրիգոր III կաթողիկոսն իր եղբայրներին՝

Յիշխանական գահ յառաջեալ,  
Վասիլ անուն վեհ երևալ  
Եւ Զօրավար համապատուեալ,  
Եւ Մարիամ քոյր անուանեալ...<sup>540</sup>

<sup>537</sup> Ներսես Շնորհալի, Վիպասանութիւն, էջ 128-129:

<sup>538</sup> Գ. Յովսէփեանց, Յիշատակարանք ձեռագրաց, էջ 458:

<sup>539</sup> Ներսես Շնորհալի, Բանք չափաւ, Վեներտիկ, 1928, էջ 244:

<sup>540</sup> Ներսես Շնորհալի, Վիպասանութիւն, էջ 136:

Շնորհալին նրանց հիշատակում է նաև «Յիսուս որդի» հավատապատում-պոեմում՝ շարադրված 1152թ.:

Նախ վեհագոյ տեառնըն մեծի,  
Ապա Վասլին վեհ իշխանի,  
Զօրավարին բարձրագունի  
Եւ ծնեալ նոցունցըն զաւակի  
Եւ բովանդակ ազգատոհմի...  
Եւ Մարեմայ ճըզնաւորի,  
Քեռ ըստ մարմնոյ մեր պանծալի  
Եւ Վահրամայ իւր զաւակի  
Յանգուցելոյն առ Քրիստոսի...<sup>541</sup>

Վերը նշված տվյալներից երևում է, որ Ապիրատ Պահլավունու զավակներն են՝ Վասիլը, Գրիգոր III կաթողիկոսը, Ներսես Շնորհալին, Զորավարը և Մարիամը, որը տրվել է ճգնակեցության, հավանաբար, վաղամեռիկ որդու պատճառով:

Ապիրատ Պահլավունին և որդիները Ծովքին տիրում էին որպես հայրենատեր իշխաններ: Ներսես Շնորհալին «Բան հավատոյ» պոեմի հիշատակարանում եղբոր՝ Գրիգոր III կաթողիկոսի մասին գրում է.

Ի Ծով անուն դղեկէն ելեալ,  
Զոր սեփհական ինքեան շինեալ...<sup>542</sup>

Ապիրատ Պահլավունին կարողացավ պահպանել Ծովքի փոքրածիր իշխանությունը, դիմագրավելով սելջուկ-թյուրքական ցեղերի հարձակումներին: Ծովք ամրոցի պաշտպանները 1112թ. Ապիրատի գլխավորությամբ հերոսաբար դիմակայում և հետ են շարտում ամրոցը պաշարած հրոսակներին, սակայն մարտն ավարտվելուց հետո դարանամուտ թյուրքը մահացու վիրավորում է նրան թունավոր նետով, որից փոքր-ինչ հետո Ապիրատը վախճանվում է, «եւ ի շիրին հարցն ամփոփեալ», - գրում է Ներսես Շնորհալին<sup>543</sup>: Այս վկայությունից երևում է, որ մինչև Ապիրատը Ծովքի գերեզմանոցում ամփոփվել են նաև նրա տոհմակիցները: Վերջիններս 1045թ. հետո թյուրք-սելջուկյան ցեղախմբերի հարձակումներից խուսափելով հեռացել են Ամանոսի լեռներ, հաստատվելով Ծով դոշակում, որը 1080-ական թթ. կեսերից ընդգրկվել է Գող Վասիլի իշխանության կազմի մեջ և հովանավորվել նրա կողմից: Ըստ Մատթեոս Ուռեայեցու, այդ իշխանության մեջ հավաքվել էին «մնացեալ զօրքն Յայոց և ամենայն ազգն Բագրատունեացն և Պահլաւունեացն և որդիք թագաւո-

<sup>541</sup> Ներսես Շնորհալի, Յիսուս Որդի, աշխ. Վ. Ղազարյանի, Երևան, 1991, էջ 220, 222:

<sup>542</sup> Յ. Թօփճեան, Յուզակ ձեռագրաց Արմաշի վանքին, Վեներտիկ, 1962, էջ 23:

<sup>543</sup> Ներսես Շնորհալի, Վիպասանութիւն, էջ 129-132:

րացն Հայոց, և ամենայն ազգն Պահլաւունեացն հանդերձ ազատագունդ զօրօքն Հայոց առ նա կային հանգուցեալ մեծաւ փառաւորութեամբ. և Աբրո իսայրապետութեանն Հայոց առ նա եղաւ»<sup>544</sup>:

Ապիրատ Պահլավունուց հետո 1112-ից Ծովքին իշխում է նրա ավագ որդին՝ Վասիլը, որի մանկահասակ եղբայրներ Գրիգորը (հետագայում կաթողիկոս) և Ներսեսը (Շնորհալին) դրվեցին Գրիգոր Վկայասեր կաթողիկոսի խնամքի տակ: Վասիլը կնության առավ Լամբրոնի իշխան Չեթումի դստերը: Չեթումին հաջորդած Օշինին Վասիլն ամուսնացրեց իր եղբոր՝ Ջորավարի դստեր հետ<sup>545</sup>: Ներսես Շնորհալին «Ի Սողոմոն արքայն» քերթվածում հիշում է.

Գովեալ Վասիլ իշխան առոյգ,  
Եւ Ջօրավար ընտրեալ ի կարգ<sup>546</sup>:

Ջորավարը 1201թ. գրած հիշատակարանում կոչված է «մեծ սեւաստոս»<sup>547</sup>, ինչը վկայություն է նրա բյուզանդական տիտղոս կրելու մասին: Մ. Չամչյանը Ջորավարին հիշում է Շահան անունով, «զորավար»-ը դիտելով նրա մականուն<sup>548</sup>: Ըստ երևույթին նա ելնում է այն փաստից, որ Ջորավարի դուստրը կրում էր Շահանդուխտ անունը, որը նա մեկնել է «Շահանի դուստր» և ըստ այդմ նրա հորն անվանել Շահան: Մինչդեռ «Շահանդուխտ» նշանակում է «թագավորների դուստր»<sup>549</sup>:

Վասիլ Պահլավունին ընդլայնեց Ծովքի իշխանության սահմանները, մոտ 1136թ. նրա մեջ ընդգրկելով նաև Կարկառ և Քեսուն բերդաքաղաքները, Հիսն-Մանսուրը՝ Սամոսատի հյուսիս-արևմուտքում<sup>550</sup>:

Կարկառն ընկած էր Եփրատի աջ ափին, աշխարհագրական հարմարավետ վայրում, Հայոց (Վերին) Միջագետքի սահմանամերձ գոտում: Տակավին 1060-ական թթ. այն դարձավ Միջագետքում հաստատված հայկական իշխանության կենտրոն: Նրա տերն էր «Ուռհայոյ տուկն, որոյ անուն ասէին Դաւատանոս, այր քաջ և հզօր ի պատերազմի և ամուսնի ի վերայ երկրի և նորա զօրաժողով արարեալ գլուհա և զԿարկառ և

<sup>544</sup>Մատթեոս Ուռհայեցի, էջ 323-324: Ինչպես նշվել է, Ուռհայեցին Գող Վասիլի որդեգիր և նրա իշխանությունը ժառանգած Վասիլին («Տղա» մականվանյալին) հիշում է որպես «մայրենեօք յազգէ Կամսարական» (տես նույն տեղում, էջ 324): Հավանաբար, Գող Վասիլը նույնպես Կամսարականների ժառանգն էր:

<sup>545</sup> Սամուելի քահանայի Անեցոյ Հաւաքմունք ի գրոց պատմագրաց, էջ 226:

<sup>546</sup> Ներսես Շնորհալի, Բանք չափաւ, էջ 392:

<sup>547</sup> Գ. Յովսէփեանց, Յիշատակարանք ձեռագրաց, Ա, էջ 691:

<sup>548</sup> Միք. Չամչեանց, Պատմութիւն Հայոց, հ. Գ, Վեներտիկ, 1786, էջ 18:

<sup>549</sup> Հ. Աճառյան, Հայոց անձնանունների բառարան, հ. Դ, Երևան, 1948, էջ 106:

<sup>550</sup> R. Grousset, Histoire des Croisades et du Royaume Franc de Jerusalem, t. II, Paris, 1935, p. 291.

զշարսնմտուր և խաղայր զօրօք ի վերայ Տաճկաց...»<sup>551</sup>: Ուռհայի (Եղեսիայի) բնակչության ճնշող մեծամասնությունը հայեր էին<sup>552</sup>: Եղեսիայի իշխանության Թլպաշար (Թիլբաշիր) բերդաքաղաքը Պահլավունիների սեփական տիրույթն էր:

XI դ. վերջերից Կարկառի տերերը կախման մեջ ընկան Եղեսիայի կոմսերից: Այդ բերդաքաղաքի տեր Կոստանդինը զորակցում էր ֆրանկներին: Ըստ Անանուն Եղեսացու, 1100-ական թթ. «Կարկառի հայերը հնազանդվել էին ֆրանկներին»<sup>553</sup>: Վերջիններից Կոստանդինի կախվածության մասին վկայում է նաև Միքայել Ասորին<sup>554</sup>: Կոստանդինի տոհմական ծագման մասին աղբյուրները ոչինչ չեն հաղորդում: Նա համարվել է Մամիկոնյան<sup>555</sup>: Գուցե Կոստանդինը սերում էր Պահլավունիներից, որոնք հավանաբար այդտեղ են հաստատվել Գրիգոր Մագիստրոսի՝ Միջագետքի, Վասպուրականի և հարակից շրջանների կառավարչության տարիներին:

Եղեսիայի կոմսության մեջ ընդգրկվեց նաև Բիր (Պիր) քաղաքը (Պիրեճիկ), որը գտնվում էր Եփրատի գետանցի վրա: 1087թ. Ապլղարիպ Պահլավունին՝ Անտիոքի դուքս Վասակի որդին կարողացավ թյուրքերից զրավել այդ քաղաքը, դարձնելով իր իշխանության նստոցը: Նրա իրավունքները հետագայում ճանաչեցին Եղեսիայի կոմսերը: Սակայն, ինչպես նշվել է, 1117թ. Եղեսիայի կոմս Բալդվինը և իր վասալը՝ Սրուճ բերդաքաղաքի տեր Կալարանը հարձակվեցին Բիրի իշխանության վրա: Գրեթե մեկ տարի Բիրը ենթարկվեց նրանց հարձակումներին, որից ստիպված Ապլղարիպ Պահլավունին Բիրը «և զամենայն զաւառն» զիջեց Բալդվինին, հեռանալով Կիլիկիա՝ Թորոս իշխանի մոտ<sup>556</sup>: Նույն թվականին Բալդվինը վերջ տվեց նաև Կարկառի իշխան Կոստանդինի կյանքին<sup>557</sup>: Վերջինիս որդին՝ Միքայելը 1122թ. ստիպված կարկառը հանձնեց Բալդվինին: Այս մասին հիշատակում է Միքայել Ասորին, գրելով. «Միքայել հայը, որ գտնվում էր Կարկառում, տեսնելով, որ թյուրքերն իշխում են, Կարկառը հանձնեց (Բալդվին) թագավորին և դրա դիմաց նա առավ իր երկրում ընկած մի տեղ: Թագավորն ընդունեց Կարկառը և այնտեղ տեղակայեց կայազոր»<sup>558</sup>: Ըստ Անանուն Եղեսացու, Միքայելը Բալդվինին հանձ-

<sup>551</sup> Մատթեոս Ուռհայեցի, էջ 142:

<sup>552</sup> J. Laurent. Des Grecs aux Croisés. Étude sur l' histoire d'Edesse entre 1071 et 1098 («Études d' histoire arménienne», Louvain, 1971. p. 125).

<sup>553</sup> Անանուն Եղեսացի, էջ 46:

<sup>554</sup> Michel le Syrien. Chronique, t. III, p. 210.

<sup>555</sup> Տեո G. Dédéyan. Les Arméniens..., t. II, p. 1211.

<sup>556</sup> Մատթեոս Ուռհայեցի, էջ 337-338, Վարդան Արևելցի, էջ 117-118:

<sup>557</sup> Մատթեոս Ուռհայեցի, էջ 338:

<sup>558</sup> Michel le Syrien, III, p. 210.

նելով Կարկառը, իրեն է, պահել Տլուք գավառը<sup>559</sup>: 1123թ. թուրքմենների Արտուխյան ամիրա Պալակը գրավեց Կարկառը<sup>560</sup>, ապա վերջինիս տիրացավ Ղանիշնանյան տոհմից Ղազի ամիրան<sup>561</sup>: Սակայն 1124թ. Միքայելը վերագրավեց այն<sup>562</sup>:

Այդպիսով Միքայելը պահպանել է Տլուք գավառի նկատմամբ իր իշխանությունը: Այդ գավառում էր նաև Ծովքը: Թե վերջինս և թե Տլուք գավառն ամբողջությամբ ընկած լինելով Եղեսիայի կոմսության տարածքում, կախվածության մեջ էին նրա տիրոջից<sup>563</sup>: 1125թ. Գրիգոր III կաթողիկոսը Եղեսիայի կոմսից 60 հազար դահեկանով գնում է Ծովքը՝ 15 գյուղերի հետ միասին<sup>564</sup>, դառնալով դրանց սեփականատեր: Իսկ Վասիլ Պահլավունին Եղեսիայի կոմս Ջոսլիմից 500 դինարով գնում է Կարկառը, սակայն ինչ-ինչ պատճառներով հակասություններ են ծագում Վասիլի և ֆրանկների միջև<sup>565</sup>: Հավանաբար Վասիլն ու եղբայրը՝ Ջորավարը դրանից դրդված<sup>566</sup>, հեռանում են Կահիրե, իրենց հորեղբոր՝ Եգիպտոսի լիագոր վեզիր Վահրամ Պահլավունու մոտ:

Եգիպտոսի Ղայտիական եկեղեցու քաղկեդոնամերժ դիրքավորման շնորհիվ այդ երկիրը դեպի իրեն էր ձգում հայերին: Եգիպտոսի շիա դավանությամբ Ֆաթիմյան խալիֆաները ինչպես նշվեց, հանդուրժող էին քրիստոնյաների հանդեպ<sup>567</sup>: Սիկիլիայի նորմանացի թագավոր Ռոջեր II-ին (1130-1154) Եգիպտոսի խալիֆա Հաֆիզի իղած երկրորդ նամակում վեզիր Վահրամ Պահլավունու օգնականներ են հիշվում Վասիլ (Basile) և Ջորավար (Zarqa) եղբայրները<sup>568</sup>: Ինչպես նշվել է, Վահրամ Պահլավունին Եգիպտոս է ժամանել 1073-թվին<sup>569</sup>: Վասիլն ու Ջորավարը հավանաբար Եգիպտոս են գնացել Վահրամի վեզիրության ժամանակ՝ 1135թ. և, ամենայն հավանականությամբ, Վահրամի պաշտոնանկության տարում՝ 1137թ. վերադարձել են Կարկառ, որն ըստ Միքայել Ասորու, 1148թ. Վասիլ

<sup>559</sup> Անանուն Եղեսացի, էջ 63:

<sup>560</sup> Մատթեոս Ուռհայեցի, էջ 353:

<sup>561</sup> Michel le Syrien, III, p. 219.

<sup>562</sup> Մատթեոս Ուռհայեցի, էջ 359:

<sup>563</sup> G. Dedeyan, *les Armeniens...*, t. II, p. 1253.

<sup>564</sup> Սմբատ Սպարապետ, Տարեգիրք, էջ 161:

<sup>565</sup> Michel le Syrien, *Chronique*, III, p. 244.

<sup>566</sup> Հմմտ. G. Dedeyan, *les Armeniens*, II, p. 1231.

<sup>567</sup> S. Dadojan, *The Fatimid Armenians*, p. 81, 97-98.

<sup>568</sup> M. Canard, *Un vizir chretien a l'epoque Fatimide: l' Arménien Bahram* («Annales de l' Institut d' Etudes Orientales», t. XII, Alger, 1954, p. 109).

<sup>569</sup> M. Canard, *Notes sur les Arméniens en Egipte, a l' epoque Fatimide* («Annales de l' institut d' Etudes Orientales», t. XII, Alger, 1955, p. 153).

Պահլավունու իշխանության տակ էր, բայց նույն թվին այն հարծակման է ենթարկվել Արտուխյան Կարա Արսլան ամիրայի զորքի կողմից: Կարկառի բնակիչներն ստիպված հեռացել և ապաստանել են Ս. Բարձունա անունով վանքում<sup>570</sup>, որը Կարկառից հեռու չէր: Այն ասորի միաբնակների առաջնորդի նստավայրն էր:

Իր վերջալույսն ապրող Եղեսիայի կոմսությունը չկարողացավ որևէ օգնություն ցույց տալ ձևականորեն իրենից դեռևս կախյալ Կարկառին: Եղեսիայի գրավումից հետո այդ կոմսությունը, կաթվածահար վիճակում, դեռևս հինգ տարի գոյատևեց մերձեփրատյան շրջաններում, ենթարկվելով Արտուխյանների և Իկոնիայի սուլթանության հարձակումներին: 1149թ. Իկոնիայի սուլթան Մասուդը գրավեց Եղեսիայի կոմսության վերջին հենակետերից մեկը՝ Մարաշ քաղաքը, ասպատակներ սփռեց Թլպաշարի գավառում, սրածեց, գերեվարեց նրա բնակիչներին, սակայն չկարողացավ գրավել Թլպաշար բերդաքաղաքը: Մ. Չամչյանը՝ գրում է, որ Վասիլ Պահլավունին Ջոսլինի կնոջից տեղեկանալով Թլպաշարի պաշարման մասին, «էառ զգօրս իւր հանդերձ եղբարք իւրով Շահանաւ՝ որ Ջօրավար կոչիւր, և փութանակի գնաց յօգնութիւն ճոսլինոյ: Եւ մերձ լեալ ի քաղաքն երկոքին եղբարք կորովիք, և տեսալ զբազմութիւն զօրաց թշնամեացն՝ յանկարծակի անկան ի վերայ և արարին մեծամեծ քաջութիւնս. մինչև զարմացուցանել զիշխան նոցա»<sup>571</sup>:

Ըստ Մատթեոս Ուռհայեցու շարունակողի, 1149թ. Եղեսիայի կոմս Ջոսլինն իր զորայինների հետ Կարկառ է ուղարկում «բարի ու մեծահալատ իշխանին Վասիլին, որ էր եղբայր կաթողիկոսին և տէր Կարկռայ», որպեսզի պարենամթերք հասցնեն բերդաքաղաքում պաշարված յուրայիններին<sup>572</sup>: Սակայն թշնամին կանխավ տեղեկանալով այդ մասին, իսլիմ-Արսլան ամիրայի զլխավորությամբ հարձակվում է նրանց վրա, գերի վերցնում Վասիլին ու նրա հետ եղած 400 զորականների, ապա նրանց տանում է Կարկառի բերդի առջև, «քանզի անդ էին կին և որդիք Վասիլին»<sup>573</sup>: Ըստ Սմբատ Սպարապետի, «Վասիլն, եղբայրն տէր Գրիգորի, իշխանն Չայոց, կամեցաւ հաց տանել ի Կառկառ ի պետս բերդին, և առեալ զմնացեալ զօրս ճօսլինի օգնական արսն (400) և իբրեւ մերձ եղեն ի Կառկառ, իսլիմ Ասլանն տէրն Չանձթայ, անկեալ ի վերայ ձերբակալ արար զամենեսեան և առեալ զնաց առաջի բերդին և խնդրեաց զբերդն»<sup>574</sup>:

<sup>570</sup> Michel le Syrien, III, p. 290-291.

<sup>571</sup> Միք. Չամչեանց, Պատմութիւն Չայոց, հ.Գ, էջ 71:

<sup>572</sup> Մատթեոս Ուռհայեցի, էջ 396:

<sup>573</sup> Նույն տեղում:

<sup>574</sup> Սմբատ Սպարապետ, էջ 167:

Այդպիսով Վասիլը Կարկառ է մեկնել ոչ թե Ջուլիհի հանձնարարությամբ, այլ սեփական նախաձեռնությամբ: Ինչևէ, Կարկառում պաշարված Վասիլի կինը և զավակները կարողանում են երգում կորզել իրենց անվտանգության վերաբերյալ և հանձնում են բերդը, իսկ նրա բնակիչներն ուղարկվում են Սամոսատ քաղաք: Վասիլն ու իր ընտանիքը նույնպես տեղափոխվում են այդ քաղաք, և ամիրան քաղաքին հարող զավառում նրանց ի տիրություն է տալիս «Երկիր»<sup>575</sup>: Նույնն է հավաստում նաև Սմբատ Սպարապետը<sup>576</sup>: «Երկիր»-ի տակ պատմագիրները նկատի ունեն բնակության համար հատկացված շրջաններ: Ըստ Միքայել Ասրու, թյուրք ամիրան «Վասիլին, որը նրան էր հանձնել Կարկառը, տվեց Աբդահարը և Կամահա երկիրը»<sup>577</sup>, որն անշուշտ Սամոսատի զավառում էր: Այս շրջաններն ընկած էին Վերին (Չայոց) Միջագետքում, Սամոսատի (Շիմշատի) զավառում, որին նույնպես տիրացել էին Արտուխյան ամիրաները: Վերջիններիս կողմից Վասիլ Պահլավունուն հողեր շնորհելը նպատակ էր հետապնդում մասնատել քրիստոնյաների ուժերը, թուլացնել դեռևս գոյատևող Եդեսիայի կոմսությունը և վերջին ու վճռական հարվածը հասցնել նրան:

Հաջորդ տարի՝ 1150թ. Մասուդ սուլթանը, Արտուխյանների հետ ունեցած պայմանավորվածությամբ, հարձակվեց Եդեսիայի կոմսության վերջին հենավայրերի վրա, առաջին հարվածն ուղղելով Քեսուն բերդաքաղաքին: Նա գրավեց ոչ միայն Քեսունը, այլև Բեհեսնին, Ռապանը, որից հետո «զնաց յերկիրն թլպաշարայ, զոր յանցեալ ամին քակեալ և աւերեալ էր», բայց այս անգամ նույնպես չկարողացավ գրավել այն<sup>578</sup>: 1151թ. Հալեպի Նուրադդին ամիրան դարան նյութելով, գերեց Եդեսիայի վերջին կոմս Ջուլիհ II-ին, որը Եդեսիայի գրավումից հետո հաստատվել էր Քեսունում, իսկ վերջինիս անկումից հետո՝ անցել մերձեփրատյան ուրիշ շրջաններ: Նույն ժամանակ այդ ամիրան կարողացավ գրավել Թլպաշարը, Տլուքը, Մարաշը և Եդեսիայի կոմսության ուրիշ բնակավայրեր<sup>579</sup>: Իսկ Մարդինի Արտուխյան ամիրան տիրացավ Պահլավունիների երբեմնի տիրույթ Բիր քաղաքին, որով իսկ մահմեդականների համակցված հարվածների տակ վերացվեց Եդեսիայի կոմսությունը:

Սակայն պաշտպանական տեսակետից անառիկ թվացող Ծովք դրյակում ևս Հայոց հովվապետն իրեն ապահով չէր զգում: Շուրջ-թուրքը վիտացող թյուրքական ցեղերն ալեկոծում էին նաև Ծովքի անդորրը: Ուստի Գրիգոր Պահլավունին և նրա հետ կղզում ապաստանած մյուս հոգևո-

<sup>575</sup> Մատթեոս Ուռուխյեցի, էջ 397:

<sup>576</sup> Տես Սմբատ Սպարապետ, էջ 167:

<sup>577</sup> Michel le Syrien, III, p. 294-295.

<sup>578</sup> Մատթեոս Ուռուխյեցի, էջ 398, տես նաև Սմբատ Սպարապետ, էջ 167-168:

<sup>579</sup> Տես Իբն ալ-Ասիր, էջ 256-257:

րականները Ծովքում նույնպես չգտան ցանկալի պաշտպանություն օտար հրոսակներից: Նա, ինչպես հաղորդում է Կիրակոս պատմիչը, Ծովքում «նեղեցաւ ի սկիւթականացն և ի տաճկաց այսր անդր յածելով»<sup>580</sup>:

Ստեղծված պայմաններում, 1147 թվականին Գրիգոր III-ը հարկադրված եղավ կաթողիկոսարանի սրբություններն ու Ս. Նշան վանքի սպասքները տեղափոխել Եփրատի ափին, Ծովքի հյուսիս-արևելյան կողմում գտնվող Զոռնկլա բերդաքաղաքի ամրոց, որը պատկանում էր Ֆրանկ իշխանի: Վերջինիս բարեպաշտ տիկնոջը Բեստրիսին Գրիգորը պահ տվեց իր սրբություններն ու սպասքները<sup>581</sup>:

Ողբերգական ընթացք ունեցավ Ջուլին II-ի հետագա ճակատագիրը: Գերվելով Զալեպի ամիրայի թյուրքական զորայինների կողմից, նա կուրացվեց և վախճանվեց գերության մեջ<sup>582</sup>: Ըստ Կիրակոս Գանձակեցու, Գրիգոր III-ը Ջուլին II-ի այրուց խնդրում է Զոռնկլա ամրոցը հանձնել իրեն. «զի լիցի նա աթուր կաթողիկոսութեան Զայոց: Եւ կինն էտ յօժարութեամբ»: Ապա Գրիգոր III-ը Բեստրիսին ուղարկում է Կիլիկիայի իշխան Թորոսի մոտ, որը նրան շնորհում է «զիւղս և ագարակս և այլ կալուածս, և ուրախ արար զկինն յոյժ և ապա առաքեաց զնա յաշխարհն իւր»<sup>583</sup>: Այդպիսով 1150թ. Ջուլին II-ի այրին՝ Բեստրիսը Եփրատի ափին գտնվող Զոռնկլա ամրոցը հանձնում է Գրիգոր III Պահլավունի կաթողիկոսին, որն այն դարձնում է իր գահանիստը<sup>584</sup>: Կաթողիկոսի այդ քայլի դրդապատճառ է համարվում ոչ միայն թյուրքական սպառնալիքը, այլև Աղթամարի հակաթուր կաթողիկոսության ազդեցության թուլացումը: Եվ այդ նպատակադրումով Գրիգոր III-ն իր աթոռը «մի փոքր մոտեցրեց Մեծ Զայքին»<sup>585</sup>: Սակայն կաթողիկոսի բուն նպատակը իր աթոռի ապահովությունն էր, ինչը հարկավ նա գտավ Զոռնկլայում: Ստեղծված դժնդակ պայմաններն էին թելադրողը: Ծովքի վրա դամոկլյան սրի պես կախված էր դժնաբարք ու այլահավատ ցեղերի հարածամյա սպառնալիքը: Գրիգոր կաթողիկոսը եղբոր՝ Ներսես Շնորհալու հետ,- գրում է հիշատակագիրը,-բնակվում էին «յերկրին Անտիոքայ՝ ի գաւառին Սղոյ, ի փոքր դղեակն Ծով կոչեցեալ, և աղաւթին առ տէր ապրեցուցանել զնոսա ի չարաթոյն այլասեռիցն և ի մարդադէմ գազանացն, որ և փրկեալք լինէին և ապրեալք որպէս ճնճղուկ յորոգայթ որսողաց: Իսկ ապա տեսեալ զտկարութիւնն զաւրութեան մերասեռիցս երկեան դարդարել ի դղեակն Ծով, քանզի ոչ ունէր այնքան ամ-

<sup>580</sup> Կիրակոս Գանձակեցի, էջ 108:

<sup>581</sup> Նույն տեղում, էջ 108-109:

<sup>582</sup> Մատթեոս Ուռհայեցի, էջ 397, Անանուն Եղեսացի, էջ 117:

<sup>583</sup> Կիրակոս Գանձակեցի, էջ 109:

<sup>584</sup> Սմբատ Սպարապետ, էջ 168-169:

<sup>585</sup> Լ. Տեր-Պետրոսյան, Խաչակիրները և հայերը, հ. Ա, Երևան, 2005, էջ 353-354:

րութիւն, որ եթէ կարաւ զոլ փրկել զնոսա...»: Ուստի,-շարունակում է հիշատակագիրը,- Պահլավունիները տեղափոխվեցին «զանձատչելի ամրոցն Հռոմկլայ... ազգայնաւք և ամենայն զարմիւք և սպասաւորաւք և ամենայն լրմամբ Սրբոյ աթոռոյն խաղաղացան անդորրաբար ի կասկածանաց և յերկիրէ չարաշշուկ բռնաւորացն: Եւ թպէտ և այլ շուրջաբնակ զաւառքն առան յայլազգեաց մինչև ի մեծն Անտիոք, այլ նոքա անփորձ մնացին ամրութեան տեղոյն աղագաւ...»<sup>586</sup>:

Սեկ այլ հիշատակագիր շեշտում է, որ Հռոմկլայի նախկին տերն, այդ ամրոցից «անցելեալ յահէ նեղչացն փախուցեալ ըզսա կանաւ սմին տուեալ լինիլ սեփականեալ»<sup>587</sup>: Այդպիսով Բեատրիսը Հռոմկլան անհատույց հանձնում է Գրիգոր III կաթողիկոսին: Սակայն որոշ ժամանակ հետո Բեատրիսի որդին Ջոսլին III-ը ժամանում է արդեն Հռոմկլայում իր աթոռը հաստատած Գրիգոր III-ի մոտ և ամրոցի դիմաց պահանջում 15 հազար դահեկան, ինչը վճարվում է, ապա գործարքը վավերացվում է Ջոսլին III-ի կողմից, իր իսկ ձեռքով գրված երդմնագրով, որը պահ է տրվում կաթողիկոսական դիվանում<sup>588</sup>:

Համաձայն Սմբատ Սպարապետի վկայության, երբ թյուրքերը գրավեցին Քեսունը, Գրիգոր III-ը և իր դասակիցները «ի Ծովք բերդն իւրեանց երկնչէին դաղարել, ապա խորհեցան զնալ յարեւելս առ թագաւորն Վրաց. զի Անի ի ձեռս նորա էր, թերևս անդ գտանիցեն անդորրութիւն և տեղի ապաստանի անկասկած ի թշնամեաց»<sup>589</sup>: Անի մեկնելու ճանապարհին Գրիգոր III-ը Թլպաշար ամրոցում հանդիպում է Ջոսլին II-ի տիկնոջը Բեատրիսին, (որին տակավին 1147թ. պահ էր տվել Հայոց եկեղեցու սպասքները) և հաղորդում արևելք մեկնելու շարժառիթների մասին: Բարեպաշտ տիկինը նրան ետ է դարձնում «ի ճանապարհէն տալով նմա զանձատչելի բերդն Հռոմկլայն ի բնակութիւն»: Ուստի Գրիգոր III-ը հրաժարվում է Անի տեղափոխվելուց և վերադառնում է Ծովք, իսկ փոքր ինչ հետո եղբոր՝ Ներսես Շնորհալու հետ գնում և ամրանում է Հռոմկլա դղյակում: «Եւ,- շարունակում է պատմագիրը,- զկնի ժամանակաց ետուն ճոսլնին ժեՌ (15000) դահեկան ի զինն Հռոմկլային, իսկ կոմս ճոսլինն ետ Տեր

<sup>586</sup> Գ. Յովսէփեանց, Յիշատակարանք ձեռագրաց, էջ 428-429:

<sup>587</sup> Յ. Թօփճեան, Յուցակ ձեռագրաց Արմաշի վանքին, էջ 22:

<sup>588</sup> Սմբատ Սպարապետ, էջ 169: Սմբատի Տարեգրքի 1859թ. փարիզյան հրատարակության մեջ նշված է, որ «երեստ կինն պարոն ճոսլինին զՀռոմկլայն սուրբ կաթողիկոսին Տեր Գրիգորիսի, ձեռնագրով զի մնասցէ աթոռ հայրապետութեան Հայոց» (Սմբատայ Սպարապետի Տարեգիրք, Փարիզ, 1859, էջ 95):

<sup>589</sup> Սմբատ Սպարապետ Տարեգիրք, Վենետիկ, 1956, էջ 169:

Գրիգորիսի և Տէր Ներսէսի զգիր ձեռին իւրոյ զի Հռոմկլայն յաւիտեան մնասցէ աթոռ հայրապետացն Հայոց»<sup>590</sup>:

Վարդան Արևելցու վկայությամբ Հռոմկլան Գրիգոր III-ին է հանձնել Ջոսլին II-ի այրին Բեատրիսը, որը «ոչ վստահանայր միայն բնակիլ ի մէջ այլազգեաց քանզի տիրեալ էր Թուրքն բոլոր շրջակայ գաւառացն և սեփհականեցաւ աթոռ Հայոց զոր բարեպաշտ կին Ջոսլին իշխանին շարժեալ ի Հոգւոյ ետ յերկոսեան հարազատսն ի Տէր Գրիգոր և Ներսէս»<sup>591</sup>: Վերջիններս Ջոսլին II-ի տիկնոջն ու որդուն Ջոսլին III-ին վճարում են «ինչս յուլով»<sup>592</sup>:

---

<sup>590</sup> Նույն տեղում:

<sup>591</sup> Վարդան, էջ 128:

<sup>592</sup> Նույն տեղում, տես նաև Ստեփաննոս Օրբելեան, էջ 443:

Պահլավունիները Հռոմկլայում

1150 թվականից Հռոմկլա անառիկ դոյակը դարձավ Հայոց կաթողիկոսանիստը և Պահլավունի տոհմի շառավիղների հանգրվանը: Գրիգոր III կաթողիկոսը իր աթոռը չտեղափոխեց Կիլիկիայի հայկական իշխանություն, քանի որ այնտեղ ևս դրությունը բարդ էր՝ Բյուզանդիայի և Իկոնիայի սելջուկյան սուլթանության հարուցած սպառնալիքի պատճառով: Այդուամենայնիվ Հռոմկլայում հաստատված Պահլավունի հայրապետները իրենց հոգևոր իշխանությունը գործադրում էին նաև Կիլիկիայի Հայկական պետությունում, ինչպես նաև Մեծ Հայքում: Ստեփաննոս Օրբելյանը գրում է, որ Հռոմկլան «էր գահ հայրապետացն և աթոռ կաթողիկոսացն Հայոց: Յորում կային անպատմելի սրբութիւնք և նշխարք առաքելական»<sup>593</sup>:

Գրիգոր III-ը և մյուս Պահլավունիները Հռոմկլա ամրոցին տիրում էին որպես անկախ ավատիշխաններ: Գրիգոր III-ն այնտեղ հիմնում է հրաշագան հորինվածքով զմբեթավոր եկեղեցի<sup>594</sup>: Հռոմկլան իր անմատույց դիրքով ուներ պաշտպանական մեծ հնարավորություններ և հիմնականում զերծ էր մնում օտար ցեղերի շահատակություններից:

Ստեղծված իրավիճակում Վասիլ Պահլավունի իշխանը և եղբայրը՝ Ջորավարը հավանաբար գերադասել են տեղափոխվել Հռոմկլա: Հիշատակագրի վերը նշված հաղորդումը Հռոմկլա Գրիգոր III-ի տեղափոխվելու մասին («ազգայնաբ և ամենայն զարմիւք») թույլ է տալիս կարծելու, որ վերջիններիս մեջ եղել են նաև Վասիլի ու եղբոր գերդաստանները: Վասիլ Պահլավունու դուստրերից մեկն ամուսնացած էր Կիլիկիայի Սլեհ իշխանի (1169-1175) հետ: Անանուն Եղեսացին գրում է, որ երբ Սլեհն սպանվեց, և իշխանության գլուխ անցավ Ռուբենը, Գրիգոր IV կաթողիկոսը ժամանեց Կիլիկիա և վերցնելով քրոջը բերեց Հռոմկլա<sup>595</sup>: Բացի Գրիգոր IV կաթողիկոսից, Վասիլի և Սարեմիկի զավակներ են հիշվում Սարգիս քահանան, «զԱպիրատն քաջ և զՀասան կորովին, զՎահրամն խոհեմն և զՎասակ հեզն, զՀեթում պատանի և մանուկ գեղեցիկ, որ ի քսանամենից մինչև ի տիս երիտասարդութեան վախճանեալ... Եւ զՂ կուսանսն բարեհոգիք քորք սոցին»<sup>596</sup>: Ըստ այդմ Վասիլն ունեցել է յոթ

<sup>593</sup> Ստեփաննոս Օրբելեան, էջ 443:  
<sup>594</sup> Տես Կիրակոս Գանձակեցի, էջ 111:  
<sup>595</sup> Անանուն Եղեսացի, էջ 135:  
<sup>596</sup> Գ. Յովսէփեանց, Յիշատակարանք ձեռագրաց, էջ 458:

ուստր և չորս դուստր: Դուստրերից մեկը՝ Վանինեն կնության տրվեց Սատուհի իշխան Չորսվանելին (Վիզենի որդուն), որի զավակներ են հիշվում Վասիլը, Շահնշահը և Թոռնիկը<sup>597</sup>: Վասիլի և Սարենիկի երրորդ դստեր մասին հայտնի է միայն, որ նա Գրիգոր V Քարավեժ կաթողիկոսի (1193-1194) մայրն էր<sup>598</sup>: Վասիլի մյուս զավակների մասին տեղեկություններ չկան:

Վասիլի եղբոր՝ Չորավարի որդիներ են հիշվում Գրիգոր VI կաթողիկոսը (Ապիրատ կրկնանունով, 1194-1203), «Մեծ իշխան պարոն Միքայելը», որը Ծովային Կիլիկիայի Բերդկան (Բերդիկ) ամրոցի տերն էր: Նա մասնակցեց Լևոն II-ի թագադրման շքահանդեսին (1198թ. Տարսուղում)<sup>599</sup>: Չորավարի մյուս որդի Վասիլը 1201թ. հիշվում է «պարոն» պատվանունով, որպես Սողոմոնի առակներն ընդօրինակել տվող<sup>600</sup>: Չորավարի դուստրեր են հիշվում Թագուհին և Շահանդուխտը: Թագուհուն կնության առավ Պապեռոն բերդի տեր Բակուրանը: Թագուհու եղբայրը՝ Գրիգոր VI կաթողիկոսը 1194թ. փեսային նվիրած Ավետարանի հիշատակագրում խնդրում է նախ հիշել «զբարեպաշտ իշխանն՝ զմեծ սեւաստիաւսն զԲակուրան... ընդ նմին և քրիստոսասէր ամուսինն իւր զԹագուհի՝ զոր ըստ մարմնոյ քոյր իմ»<sup>601</sup>: Բակուրանը ևս մասնակցեց 1198թ. Լևոն II-ի թագադրման շքահանդեսին<sup>602</sup>:

Չորավարի մյուս դուստրը՝ Շահանդուխտը ինչպես նշվեց, կնության տրվեց Լամբրոնի իշխան Օշինին: Շահանդուխտի որդու՝ Ներսես Լամբրոնացու միջոցով մայրն ընդունեց կրոնական կոչում և մտավ վանք: 1190թ. Սկևռայի վանքում ընդօրինակված ձեռագրում հիշվում է Շահանդուխտը՝ «ամենաբարի և ճգնազգեաց, այժմ կրանաւորեալ ի ձեռաց որդոյ իւրոյ... երկու դստերաւք Շուշանաւ և Տալիթիւ, որք նորին ճգնող շաւղացն հետեւին...»: Իսկ մոտ 1198թ. օրինակված ձեռագրի գրիչը իր թողած հիշատակարանում խնդրում է հիշել Ներսես Լամբրոնացուն (ձեռագրի ստացողին) «և զաստուածասէր մայր իւր՝ տիկնաց տիկին՝ Շահանդուխտ կոչեցեալ, և զհարազատս իւր...»<sup>603</sup>:

Շահանդուխտի եկեղեցանպաստ գործունեության մասին վկայում է 1190թ. մոտերքը ընդօրինակված «Վարք սրբոց»-ի գրիչը՝ Լամբրոնի իշ-

<sup>597</sup> Նույն տեղում, էջ 400:

<sup>598</sup> Սմբատ Սպարապետ, էջ 204:

<sup>599</sup> Տես Սմբատ, էջ 210, Գ. Յովսէփեանց, Յիշատակարանք ձեռագրաց, Ա, էջ 583:

<sup>600</sup> Բ. Սարգիսեան, Սայր ցուցակ հայերէն ձեռագրաց Մատենադարանին Մխիթարեանց ի Վենետիկ, Կ.Ա., 1914, էջ 168:

<sup>601</sup> Գ. Յովսէփեանց, Յիշատակարանք ձեռագրաց, էջ 583:

<sup>602</sup> Սմբատ Սպարապետ, էջ 210:

<sup>603</sup> Գ. Յովսէփեանց, Յիշատակարանք ձեռագրաց, էջ 540, 627:

խանների ծագմանը նվիրված բաժնում, նշելով, որ Օշինը կառուցում է կաթողիկե մեծ եկեղեցի՝ Ս. Փրկիչ անունով (իր իշխանանիստ Լամբրոն բերդաքաղաքում) և «բազմացոյց ի սմա եղբայրութիւնս, և հանապազ խնամս տանէր առ սոսա հանդերձ բարեգարդ զուգակցան իւրով՝ տիկնաց տիկին Շահանդուխտի»<sup>604</sup>:

Վասիլ և Զորավար Պահլավունիների մահվան թվականները հայտնի չեն: Ենթադրվում է, որ Վասիլը պետք է ողջ լիներ իր փեսայի՝ Մլեհի գահակալության տարում՝ 1169թ.<sup>605</sup>: Բայց այդ մասին հիշատակություն չկա աղբյուրներում: Անշուշտ, Մլեհի և Վասիլի դստեր անունությունը կարող էր ավելի վաղ տեղի ունեցած լինել: Ցավոք, Վասիլի մահվան տարեթիվը չի նշված նաև նրա դամբանաքար-խաչքարի վրա փորագրված արձանագրության մեջ<sup>606</sup>:

Կաթողիկոսարանը Հռոմկլա տեղափոխելուց հետո Ծով դոյակը մնաց կանգուն, դիտվելով իբրեւ վանական հաստատություն՝ «Ծովուց վանք»<sup>607</sup>: 1151թ. ընդօրինակված Ավետարանի վերջում նշվում է, որ այն գրվել է «յամրոցիս՝ որ կոչի Ծով, ընդ հովանեաւ Սրբոյ Աստուածածնիս և Սրբոյ նշանիս»<sup>608</sup>: Գրիգոր Երեցը հաղորդում է, որ 1161թ. Անտիոքի դուքս Ռենալդը «իջանէր յերկիրն Տլըոյ եւ ի բերդն կաթողիկոսի, որ կոչի Ծով»<sup>609</sup>: Ծովքի վանական հաստատությունը դոյակով հանդերձ կանգուն էր նաև հետագա դարերում: Այսպես, 1478թ. օրինակված գանձարանի գրիչը նշում է, որ՝ «գրեցաւ սուրբ գանձարանս ի Ծովքս, ի դուռն Սուրբ Նշանիս...»<sup>610</sup>: Ականատեսի վկայությամբ XX դ. սկզբներին Ծով դոյակն ավերված էր՝ ծածկված ծառերով ու վայրի բույսերով<sup>611</sup>:

Վասիլ Պահլավունու որդի Գրիգորը ծնողների վախճանվելուց հետո որդեգրվեց Գրիգոր III հայրապետի կողմից, ժամանակակիցների ըմբռնմամբ դարձավ նրա որդին և այդ պատճառով ստացավ «Տղա» մականունը: Նկատենք նաև, որ Հռոմկլայում Գրիգոր III-ի հովանու ներքո էր գտնվում նաև իր եղբորորդի Ապիրատը Շահանի որդին՝ հետագայում Գրիգոր VI կաթողիկոսը (1194-1203):

<sup>604</sup> Նույն տեղում, էջ 553:

<sup>605</sup> G. Dedeyan, les Armeniens..., t. II, p. 1244.

<sup>606</sup> Սինչև 1972թ. այդ խաչքարը մնում էր Հռոմկլայում, բայց նույն թվին տեղափոխվեց Բեյրութ (նույն տեղում, էջ 1245):

<sup>607</sup> Գ. Յովսեփեանց, Յիշատակարանք ձեռագրաց, էջ 357:

<sup>608</sup> Նույն տեղում, էջ 361:

<sup>609</sup> Մատթեոս Ուռհայեցի, էջ 427:

<sup>610</sup> Ժե դարի հայերեն ձեռագրերի հիշատակարաններ, մասն II (1451-1480). կազմեց Լ. Խաչիկյան, Երևան, 1958, էջ 433:

<sup>611</sup> Յ. Տեր-Ղազարեան, Հայկական Կիլիկիա, էջ 98:

Գրիգոր III-ի օրոք Սիջազետքում դեռևս իրենց զգալ էին տալիս թոնդրակյան աղանդավորները: Ըստ Ներսես Շնորհալու, Սիջազետքում Թլկուրանի իշխանության մեջ ընդգրկված Ամաք և Շպոթան գավառներում բնավորված թոնդրակեցիների կողմ էին հակվել նաև որոշ քահանաներ: Թլկուրանի իշխան Առյուծը դիմեց Գրիգոր III-ին, խնդրելով խրատական հրամաններ առաքել այդ քահանաներին<sup>612</sup>: Գրիգոր III-ը եղբորը Ներսեսին գրել տվեց հորդորալից նամակ ուղղված նշված գավառների թոնդրակյաններին, պահանջելով հրաժարվել իրենց մուղրաշավիղ գաղափարներից:<sup>613</sup> Նամակում համգամանորեն քննարկվում էին աղանդավորների հերձամիտ գաղափարները և աստվածաբանական փաստարկումներով հերքվում նրանց սկզբունքները, հիմնավորվում էին եկեղեցու խորհուրդները, ծեսերը, պաշտպանվում էր խաչի պաշտամունքը և ապա խստիվ պահանջվում էր հրաժարվել իրենց մուղրություններից<sup>614</sup>:

Գրիգոր III-ի ջանքերով հնարավոր եղավ Ռուբինյանների հետ հաշտեցնել Լամբրոնի տեր Օշինին (Յեթումի որդուն)՝ Օշին գանձակեցու թոռանը: Տակավին 1070-ական թթ. սելջուկ-թյուրքերի ճնշման տակ Օշին իշխանն ստիպված հեռացել էր Ուտիքի իր տիրույթներից՝ «ի ժառանգութենէ իւրմէ որ կոչի Մայրեաց ջուրք հանդերձ Գանձակայ... Եւ եկեալ յաշխարհն Կիլիկեցոց... էառ ի Տաճկաց և զականաւոր բերդն Լամբրոն»<sup>615</sup>: Ընդհուպ մինչև 1160-ական թթ. Օշինյաններն ունեին բյուզանդամետ դիրքորոշում, ինչը հույժ թուլացնում էր Ռուբինյանների դիրքերը Կիլիկիայում: Օշինյանները զորակցում էին կայսրությանը Ռուբինյանների դեմ նրա մղած պատերազմներում: Սակայն 1152թ. Կիլիկիայի Թորոս իշխանի դեմ բյուզանդացիների ձեռնարկած հարձակման ժամանակ (երբ Օշինյանները զորակցում էին հույներին) Մանուել կայսեր զորքը չարաչար պարտություն կրեց: Ստեղծված պայմաններում Օշինյանները հարկադրված էին փոխել իրենց դիրքորոշումը Ռուբինյանների նկատմամբ, հատկապես այն պատճառով, որ նույն ժամանակ Կիլիկիայի Թորոս Ռուբինյան իշխանը պաշարեց նրանց Լամբրոն անառիկ ամրոցը<sup>616</sup>: Լամբրոնի իշխան Օշինն ամուսնացած էր Գրիգոր III Պահլավունու եղբայր Զորավարի դուստր Շահանդուխտի հետ, ինչը կարող էր դյուրացնել Գրիգոր III-ի

<sup>612</sup> Տես Ներսես Շնորհալի, Ընդհանրական թուղթ, էջ 241-242:

<sup>613</sup> Տես նույն տեղում, էջ 269:

<sup>614</sup> Տես նույն տեղում, էջ 241-288:

<sup>615</sup> Սամուել Անեցի, էջ 117: Իրականում Լամբրոնը հարակից գավառով Օշինին էր հանձնել նրա աներ Ապլղարիբ Արծրունին, որը 1021թ. զաղթել էր Վասպուրականից և 1040թ. Կոստանդին Սոնոմախից ստացել էր Լամբրոնը, Աղանան, Մսիսը և այլն (տես Վարդան, էջ 106, տես նաև Դ. Микаелян, укр. соч., с. 70):

<sup>616</sup> Դ. Микаелян, укр. соч., с. 113.

կողմից ձեռնարկվող բանակցությունները Լամբրոնի տերերի հետ: Վերջիններիս և Կիլիկիայի իշխանի (Լևոն I-ի որդու) հաշտեցման առաքելության հաջողության դեպքում Կիլիկիայում հայկական մյուս (Լամբրոնի) իշխանությունը միավորվելու էր Ռուբինյանների իշխանության հետ, եականորեն զորակցելով նրան: Կիլիկիայի Յայկական պետության հզորացումն անշուշտ, նպաստելու էր նաև Յայոց եկեղեցու ազդեցության մեծացմանը:

1164թ. Գրիգոր III Պահլավունի կաթողիկոսը եղբորը՝ Ներսես եպիսկոպոսին (Շնորհալուն) ուղարկեց Լամբրոն, նրա տերերի հետ համաձայնության եզրեր գտնելու հույսով: Ներսեսին հաջողվեց հաշտեցնել կողմերին<sup>617</sup>, որի շնորհիվ Օշինն ընդունեց Ռուբինյանների գերակայությունը: Ներսես Շնորհալու հաջող առաքելությունը պայմանավորված էր նաև այն իրողությամբ, որ Պահլավունիները խնամհացած էին ոչ միայն Ռուբինյանների, այլև Օշինի գերդաստանի հետ: Ինչպես նշվեց, Օշինի կինը Գրիգոր III-ի եղբոր դուստրն էր, իսկ Յեթումյան թորոս իշխանի դուստրը կնության էր տրվել Գրիգոր III-ի մյուս եղբորը:

Պահլավունի հովվապետները փայփայում էին այն հույսը, որ Լամբրոնի իշխանի և թորոս իշխանի միջև հաշտություն ձեռք բերելու պարագայում հնարավոր կդառնար միավորել կիլիկահայությանը, նրան դարձնել պետականորեն առավել կենսունակ և հաստատուն երաշխիքներ ստեղծել նրա հավաքական գոյապահպանման, Կիլիկիայի հայկական պետականության զորացման համար: Նրանք երազում էին նաև այդ կերպ հուսալի և ապահով հանգրվան ստեղծել իրենց աթոռի համար:

Երկու տարի հետո՝ 1166թ. Գրիգոր III-ը կնքեց իր մահկանացուն:

Գրիգոր III-ին հաջորդեց նրա կրտսեր եղբայր Ներսես Շնորհալին Գրիգոր Մագիստրոսի շնորհասուն թռռնորդին, ծնված մոտ 1100թ. Ծովք դրյակում: Ներսեսը նախնական կրթությունը ստացավ Շուղրի Կարմիր վանքում: Տակավին երիտասարդ Ներսեսը եղբոր Գրիգոր III-ի կողմից ձեռնադրվեց քահանա, ապա եպիսկոպոս, դառնալով կաթողիկոսի տեղապահն ու խորհրդատուն: Նա վաղ դրսևորեց իր հոգևոր տարերքը տաղերգուի, երաժշտի, երգահանի, եկեղեցաբանի և մատենագրի ծիրքը, անշեջ եռանդով ձեռնամուխ եղավ Յայոց եկեղեցու ծիսակարգը, ժամերգությունները բարեփոխելու շնորհակալ գործին: Կիրակոս Փանծակեցու հավաստմամբ, Գրիգոր III-ի հայրապետության տարիներին «էին վարդա-

<sup>617</sup> Ներսես Շնորհալի, Ընդհանրական թուղթ, էջ 86:

պետք անուանիք և իմաստունք Ներսես սքանչելի, հարազատ նորուն կաթողիկոսի, և միւս Ներսես եպիսկոպոս Լամբրոնեցի»<sup>618</sup>: Ըստ նույն պատմագրի, Շնորհալին «բազում ինչ կարգեաց... յեկեղեցիս քաղցր եղանակաւ խոսրովային ռճով շարականս, մեղեդիս, տաղս և ոտանաւորս... արար նա զքարոզ սրբոյ պատարագին քաղցր եղանակաւ, և տունս շարականաց նմին խորհրդաբար, և երկու զանձս ըստ գրոյ անուան իւրոյ մի «Վարդավառին» և մի «Փոխման աստուածածնին», որպէս Նարեկացին Գրիգոր»<sup>619</sup>:

Ներսես Շնորհալին հեղինակեց նաև պոեմներ, տաղեր, խրատներ, առակներ, աշխարհական կյանքն արտացոլող ժողովրդահաճո գործեր, որոնք կրուն են իր ալեհույզ ժամանակի դրոշմը: Կիրակոս Գանձակեցին գրում է, որ «յամենայնի համճարեղ էր Ներսէս, արար և առակս խորհրդաբարս ի գրոց, և հանելուկս, զի փոխանակ առասպելաց զայն ասասցեն ի գինարբուն և ի հարսանիս: Եւ էր ինքն հեզ ամենայնիս և պարկեշտ, արժանաւոր այրն Աստուծոյ»<sup>620</sup>:

Դարակազմիկ նշանակություն ունեցավ Ներսես Շնորհալու «Թուղթ ընդհանրական»<sup>621</sup> վերտառությամբ շրջաբերական մամակն՝ ուղղված հայ ժողովրդի բոլոր խավերին: Այն պարունակում է հեղինակի իրավական լուսախորհուրդ պատվիրամենքը, որոնք փաստորեն ունեին խրատական իրավանորմերի բովանդակություն: Դրանք բխում էին այն իրավիճակից, որի մեջ հայտնվել էր հայ ժողովուրդը հալածված թյուրք-սելջուկյան նվաճողների կողմից: Հայերը, ցավով նշում է Շնորհալին, եղել են ցանուցիր՝ «որք յարևելս ի սեփական աշխարհոյ Հայաստանեայց բնակեալք, և որք յարևմտեան կողմանսդ սահեալք մեղեդեամբ, և որք ի միջերկրեայս ի մէջ այլալեզու ազանց տարաբերեալք, և որք յիւրաքանչիւր յեզերս աշխարհաց ըստ մեղաց մերոց ցրուեալք ի քաղաքս և ի դղեակս, ի հիւղս և յազարակս...»<sup>622</sup>:

Շնորհալին շեշտում է նաև Հռոմկլայի Սայր Աթոռի մեկուսացված կացությունը, որի պատճառով ինքն ի վիճակի չէր ազատ շրջել ու քարոզել հայահոծ միջավայր ունեցող շրջաններում՝ «յաղագս ժամանակիս չարութեան և բազմիշխանութեան: Եվ քաղաք թագաւորական և բազմաժողով ոչ գոյ ազգի մերուն, որպէս զի անդամօր նստելով յաթոռ հայրա-

<sup>618</sup> Կիրակոս Գանձակեցի, էջ 111:

<sup>619</sup> Նույն տեղում, էջ 119-120:

<sup>620</sup> Նույն տեղում, էջ 147:

<sup>621</sup> Օգտագործել ենք Վենետիկի 1871թ. և Երևանյան (1995թ.) հրատարակությունները:

<sup>622</sup> Ներսես Շնորհալի, Թուղթ ընդհանրական, աշխ. Է. Բաղդասարյանի, Երևան, 1995, էջ 53:

պետութեան և վարդապետութեան ուսուցանեալք ժողովրդեան մերոյ զաստուածային պատուիրանս... Այլ եմք իբրև զայծեամն յորսորդաց և ի շանց փախուցեալք՝ ի քարանձաւիս<sup>623</sup> յայս բնակելով»<sup>624</sup>: Նա նաև նշում է, որ Մայր Աթոռը գրկված է նյութական միջոցներից: Հռոմկլայում ապաստանած կաթողիկոսարանը զուրկ էր ապրուստի համար անհրաժեշտ կենսամիջոցներից «ի գիւղից, կամ յագարակաց, յորոց ունիմք և ոչ մի: Նաև ոչ անդաստան հողոյ, զի վաստակօք և աշխատութեամբ զայլտս մեր լնուաք, և ոչ օգնութիւն ուստեք»<sup>625</sup>: Եվ որովհետև,- գրում է Շնորհալին,- «մեք իբրև ի կամաւոր բանտ է ի կապանաց յայսմ տօթագին քարանձաւի արգելեալք», ուստի ինքն ստիպված է գրավոր ձևով հաղորդակցվել իր հոտի հետ «որպէս բերանով ընդ ամենեսին»<sup>626</sup>:

Շնորհալու «Թուղթ ընդհանրականն» այդ խառնակ պայմաններում փոխարինեց նախկինում Հայոց եկեղեցաժողովների սահմանած կանոնական որոշումներին, իհարկէ, մի էական վերապահութեամբ, որ այն չունէր եկեղեցու սահմանած իրավանորմերին հատուկ պարտադիր բնույթը: «Թուղթ ընդհանրականի» հեղինակը գրում է, որ իր պատվիրանները կատարել «ոչ պահանջեմք յունեքէ», այլ «աղաչեմք ընկալարուք սիրով և յօժարութեամբ», որպէս «հոգու համար օգտակար դեղեր»<sup>627</sup>: Տարամերժ ու շփոթ իրավիճակը եկեղեցուն թույլ չէր տալիս կանոնական նոր որոշումներ կայացնել: Թեև Շնորհալու և նրա հաջորդների օրոք գումարվեցին նոր եկեղեցաժողովներ, սակայն դրանցից Չագավանի 1270 թ. ժողովը նոր կանոններ ընդունեց<sup>628</sup>: Փաստորեն «Թուղթ ընդհանրականի» միջոցով Շնորհալին կարողացավ ստեղծել տարասփռված հայ ժողովրդի, հոգևորականության համար գործուն և օրինակատաշաճ կանոնական պատվիրաններ, որոնք երկար ժամանակ գործադրվեցին Հայոց եկեղեցու կողմից, կարելիության շրջանակներում վերջինիս շուրջը համախմբելով ժողովրդի բոլոր խավերին:

«Թուղթ ընդհանրականի» առաջին բաժինն ուղղելով հոգևոր դասին, իբրև ժողովրդի առաջնորդի ու նախապատվելի խավի, Շնորհալին նրանց է դիմում հետևալ խոսքերով՝ «Սիւնք էք աշխարհի և պարիսպ ընդդէմ թշնամուոյն՝ աղօթիւք ձեր և բարի վարուք. հրեշտակք ի մարմնի, և աս-

<sup>623</sup> Եկատի ունի Հռոմկլայի ամրոցը:

<sup>624</sup> Ներսէս Շնորհալի, Թուղթ ընդհանրական, էջ 60:

<sup>625</sup> Նույն տեղում:

<sup>626</sup> Նույն տեղում, էջ 62:

<sup>627</sup> Տես նույն տեղում, էջ 72:

<sup>628</sup> Տես Գ. Յովսէփեան, Չագավանից ժողովը («Շողակաթ», Վաղարշապատ, 1913):

տեղը լուսատուը յերկրի...»<sup>629</sup>: Եւ կրոնավորներին պատվիրում է չհեռանալ իրենց դասակիցներից, առանձին չբնակվել, չզբաղվել անձնական շահստացությամբ: Շնորհալու ժամանակ կյանքի աշխարհականացման ազդեցությունից զերծ չեր նա, եկեղեցին, որի որոշ սպասավորներ չէին զլանում այդի մշակելուց, զանազան կենսապիտույքներ, դրան վաստակելուց: Նրանք գերադասում էին ապրել ճոխ ու վայելուչ կենսակերպով և ոչ թե քարշ տալ միաբանի խղճուկ գոյությունը: Հոգևորականների այս բնույթի կանոնական մեղանչումները մեղմելու նպատակով Շնորհալին իբրև վերապահություն, կարգազանց եկեղեցականներին պատգամում է ստացած եկամուտների մի մասը բաշխել ընչազուրկներին: «Սեք,- գրում է նա,- ոչ ղնեմք օրէնս այսպիսի կրօնաւորաց ամենևին ի բաց կալ ի տնկազործութենէ և յամենայն գոյից ստանալոյ», բայց, հավելում է նա,- «զպտղաբերացն ձերոց մասն տուք Աստուծոյ ի ձեռս աղքատաց և կարօտելոց»: Եւ կոչ է անում մարմնական տքնությամբ սեփական հոգիների համար անբարել գանձեր<sup>630</sup>: Շնորհալին վանականների իմաստությունն ու սրբակենցաղ վարքը համարում է նրանց զույգ աչքերը, որոնցից մեկի հիվանդության դեպքում նրանց իմաստությունն ու գործերը կլինեն պակասավոր ու թեական, ի հետևանս որի «բազում անկարգութիւնս մտանէ յեկեղեցի»<sup>631</sup>:

Եպիսկոպոսներին ուղղված խոսքում Շնորհալին հորդորում է լինել հեզաբարո և պարկեշտ, «հեզութեամբ և հանդարտութեամբ հովուել զժողովուրդս, որպէս հովիւք՝ զհօտս, և ոչ ճոխութեամբ և սաստկութեամբ ըստ աշխարհի իշխանաց», և Հիսուսի պես հրաժարվել հպարտությունից, զոռոգությունից, լինել արդարադատ, զերծ մնալ բոլոր տեսակի ախտերից, լինել բարեսեր, սակավապետ և հյուրասեր, հեռու մնալ արծաթասիրությունից, որը մայրն է «ամենայն չարեաց»<sup>632</sup>: Եթե եպիսկոպոսները «ոչ իցեն վարժեալք վարդապետական բանիւ», պետք է իրենց մոտ ունենան աստվածաբանության մեջ խորագիտակ խորհրդատուների<sup>633</sup>: Դատապարտում է նրանց, ովքեր իրենց եպիսկոպոսական իշխանությունն ամրապնդելու համար, «վասն սնուտի փառացն» եկեղեցուց և ժողովրդից մաքսավորի պես կորզած հարստությամբ կաշառում են ամիրաներին, «ամեցուցանեն զկապալս ի վերայ եկեղեցույ...»<sup>634</sup>:

<sup>629</sup> Ներսէս Շնորհալի, Թուղթ ընդհանրական, էջ 74:

<sup>630</sup> Նույն տեղում, էջ 82-83:

<sup>631</sup> Նույն տեղում, էջ 96:

<sup>632</sup> Ներսէս Շնորհալի, Թուղթ ընդհանրական, էջ 105 և հտ:

<sup>633</sup> Տես նույն տեղում, էջ 113:

<sup>634</sup> Նույն տեղում, էջ 115:

Քահանաներին (որոնց աստիճանով երկրորդն է համարում եպիսկոպոսներից հետո) Շնորհալին հորդորում է «արիաբար և հոժարամիտ սրտով և առանց ծուլանալու» սահմանված ժամերին, անթերի կերպով «մաքուր հոգևով և սուրբ սրտիւ անարատ հաւատով և մեծաւ յուսով և պարզ մտօք և կատարեալ ահիւ» կատարել աղոթքներ և իբրև «հարք և ծնողք ժողովրդեան ձերոյ՝ յամենայն ժամ տուք նոցա զհոգևոր խրատս»<sup>635</sup>։ Նա քահանաներին պատվիրում է «զմիտս և զգայարանս... պարսպել յամենայն վնասակար իրաց», հեռու մնալ աշխարհային վայելքներից, հատկապես քաղաքի վաճառափողոցներուն շրջելուց<sup>636</sup>։ Հորդորում է Սկրտության խորհուրդը կատարելիս կամ հաղորդություն տալիս արծաթ չպահանջել, «այլ որ ունին և տան սիրով, որպէս զնուէր եկեղեցւոյ՝ առէք, և որ աղքատ լինին մի բռնադատէք»<sup>637</sup>։

Շնորհալին պատվիրում է պսակադրությունը կատարել տղաներին 15, աղջիկներին՝ 12 տարեկան հասակում։ Արգելում է աղջիկ առևանգողին պսակելը։ Գտնում է, որ այր ամուսինը կնոջից պետք է տարիքով ավելի մեծ լինի, ինչպես որ Ադամը Աստծու կողմից առաջինն ստեղծվեց, նոր ապա նրա զուգակիցը Եվան։ Քահանաներն առանց պսակվողների կամքը հաշվի առնելու, չպետք է պսակեն։ Արգելում է ազգականների ամուսնությունը մինչև չորս աստիճան<sup>638</sup>։ Արգելում է նաև աշխարհիկ տերերի և այլազգիների ներկայությամբ հոգևոր այրերի կողմից դատ վարելը։ Քահանան,- գրում է Շնորհալին, դատ կարող է անել միայն սրբակյացների առջև, քանզի Պողոս առաքյալը գրում է, որ պետք է դատել միայն սրբերի առաջ<sup>639</sup>։ Քահանան իրավունք չունի վարել քաղաքի կամ գյուղի հոգաբարձուի կամ զավառապետի պաշտոնը, կամ լինել «գրօղ հարկաց կամ սակից, կամ յայլ ինչ գործակալութիւն աշխարհի», որով նա ծառայում է երկու տիրոջ, մինչդեռ նա պարտավոր է ծառայել միայն Աստծուն։ Արգելում է քահանաներին զենք վերցնել և ձի նստել, նետեր արծակել, մասնակցել ձիընթացարանի խաղերին, քանզի, ինչպես Պողոսն է ասում, «մեր զենքը մարմնավորը չէ»<sup>640</sup>։ Շնորհալին թույլ է տալիս զենք վերցնել միայն ուղևորության ընթացքում հնարավոր վտանգներից պաշտպանվելու համար<sup>641</sup>։

<sup>635</sup> Տես Նույն տեղում, էջ 119-121:

<sup>636</sup> Տես Նույն տեղում, էջ 125:

<sup>637</sup> Նույն տեղում, էջ 130-131:

<sup>638</sup> Տես Ներսէս Շնորհալի, Թուղթ ընդհանրական, էջ 133-134:

<sup>639</sup> Տես Ա Կորնթ., 2, 1:

<sup>640</sup> Տես Ա Կորնթ., Ժ, 4:

<sup>641</sup> Տես Ներսէս Շնորհալի, Թուղթ ընդհանրական, էջ 137-138:

Հայ իշխաններին ուղղելով իր պատգամները, Շնորհալիւն գրում է. «Առ իշխանսդ, որք ի նուագեալ ժամանակիս տիրեք ի տեղիս տեղիս բազմաց և կամ սակաւուց, զօրաց և գաւառաց, զորս աղաչեմ, մի անհնագանդ լինիք օրինացն Աստուծոյ», և ինչպես որ ձեր ծառայներն են անթերի կերպով, հնազանդորեն կատարում ձեր հրամանները և թերանալիս պատժվում են ձեր կողմից, նույնպես և դուք, քանի որ «բնութեամբ ծառայք էք Աստուծոյ, ծառայեցէք Տեառն երկիւղիւ և հնազանդութեամբ... մի անիրաւաբար վարիք առ հնազանդեալսդ ծանր և դժուարակիր հարկադրութեամբ, զոր ոչ կարեն բառնալ, այլ օրինօք դատեցէք և ըստ չափոյ զօրութեան զիւրաքանչիւր ոք... մի նեղէք զաղքատս և զտնանկս, զի մի բողոքեսցեն առաջի Աստուծոյ վասն ձեր, ... Սի չար և անիրաւ գործակալս և գաւառապետս կացուցանէք ի վերայ աշխարհի ձերոյ»<sup>642</sup>: Իշխաններին կոչ է անում «անբան կենդանիների» տեղ չդնել ծառայներին և ապահովել նրանց ապրուստի միջոցով, չկրճատել զինվորների ռոճիկները, չափից ավելի չբռնանալ նրանց հանդեպ, որպեսզի վախից մղված չփախչեն և չդրժեն տված երդումը: Նաև կոչ է անում առանց օրենքի, զայրույթի թելադրանքով մահավճիռ չկայացնել, լինել վրիժառուց ու ներողամիտ<sup>643</sup>:

Զինվորական դասին հղած պատվիրաններում Շնորհալիւն հորդորում է «հնազանդ լինել տերանց ձերոց յամենայնի», ինչի դիմաց Աստված հատուցելու է: Իսկ եթե զինվորը նենգություն է դրսևորում իր իշխանի, նրա ամրոցի, սեփականության նկատմամբ, այդպիսով դավում է Աստծուն: Հորդորում է հավատարմորեն ծառայել այլազգի այն տերերին, որոնց ենթակա են: Երբ զորականները իշխանների կողմից վերակացու են կարգվում որևէ գործի վրա, պետք է վարվեն «արդարութեամբ և իրաւամբ առ հնազանդեալսն», չբռնանալ, բավարարվել ռոճիկով և չհափշտակել աղքատների ունեցվածքը, պատերազմներում զինավառվել «առաւել քան մարմնական զինուրք, հաւատոյ զինովն»<sup>644</sup>:

«Առ քաղաքականսդ» բաժնում քաղաքաբնակ առևտրականներին, արհեստավորներին պատվիրում է առևտուր անելիս չխաբել «անմեղ գնողաց», չթերակշռել, շինականներին չքամահրել և չհամարել անգետներ, հրաժարվել վաշխով փող տալուց, ողորմալ «կարօտելոց և աղքատաց»<sup>645</sup>:

Երկրագործներին ու համայն ժողովրդին հղած պատվիրաններում կոչ է անում խոստովանությամբ քավել մեղքերը, հրաժարվել հողի, երես ու բերան հայիոյելուց, քանի որ հողի հայիոյողն Աստծուն է հայիոյում,

<sup>642</sup> Նույն տեղում, էջ 142-143:

<sup>643</sup> Նույն տեղում, էջ 143-144, 149-152:

<sup>644</sup> Նույն տեղում, էջ 153-155:

<sup>645</sup> Նույն տեղում, էջ 156-157:

«զի հոգի յԱստուծոյ է փչումն և երեսն պատկեր է Աստուծոյ, նոյն և բերանն ընդունող է մարմնոյ և արեանն Քրիստոսի»: Նաև հորդորում է հրաժարվել հարբեցությունից, «որ է մայր պոռնկութեան և ամենայն պղծութեան և անիրաւութեան և վիճման և աղտեղի բանից անարգանաց, յորմէ և սպանութիւնք լինին»: Կոչ է անում երեխաների մեջ սնուցել սեր Աստծու նկատմամբ, գթասիրություն և սեր միմյանց հանդեպ և ողորմագութ վերաբերմունք աղքատների նկատմամբ<sup>646</sup>:

«Առ կանանց դասս» պատգամներում պատվիրում է ամենայնիվ լինել պարկեշտ ու բարեձև, անծերը զարդարել ամոթխածությամբ ու պատկառանքով «առաւել քան ոսկով և արծաթով», չպչովել, հեռու մնալ կավատությունից, չհետևել կախարդության և աղանդների, «քանզի կավատը մնամող լիցի օձին՝ գործի անօրենութեան լինելով սատանայի», իսկ «կախարդութիւնն ի սատանայէ է»: Շնորհալու կարծիքով աղանդը դատապարտելի է քանի որ եթե «այլ մեղք ի գործսն է վնասն», ապա աղանդն հարվածում է «ի հաւատն»<sup>647</sup>:

Ներսես Շնորհալու «Ընդհանրական թուղթը» դարաշրջանի անխարդախ հայելին է, որի մեջ ստույգ արտացոլք են գտել ալեհույզ իրականության հոռի կողմերը: Շրջաբերական այդ ընդարձակ նամակով հեղինակը կամեցել է սրբագրել հասարակական հարաբերությունները, փտահանել մեղապարտ հոգիները:

Շնորհալին քաջածանոթ էր նաև աստվածաբանական, փիլիսոփայական, բնագիտական և ճարտասանական արվեստներին<sup>648</sup>:

Ներսես Շնորհալու ստեղծագործությունների պսակը նրա չափածո գործերն են, որոնք աչքի են ընկնում իրենց անպաճույճ ու դյուրասահ ոճով: Հեղինակի նվիրական համոզումով տոգորված այդ երկերը դարձան դարաշրջանի անխարդախ հայելին: Սոս 1122թ. Շնորհալին շարադրում է «Վիպասանութիւն» պատմական պոեմը, Մովսես Խորենացու հետևողությամբ վեր հանելով Հայոց անցյալի պատմարժան եղելությունները: Սկսելով հայերի անվանադիր Հայկ նահապետից, նա հիշատակում է Արտաշեսյան և Արշակունի թագավորների կատարած գործերը, դրվատանքով է խոսում Արտաշեսի, Տիգրան Մեծի, Տրդատ Մեծի, ինչպես նաև Գրիգոր Լուսավորչի, Մեսրոպ Մաշտոցի և Ավարայրի քաջապանծ հերոս Վարդան Մամիկոնյանի մասին: Հեղինակը պատշաճն է հատուցում նաև Պահլավունի տոհմից սերող գործիչներին, նրանց մեջ առաջին տեղում հիշելով Վասակ Պահլավունուն, գովեստով է պատմում վերջինիս շնորհաշատ որդու Գրիգոր Մագիստրոսի մասին, հատկապես շեշտում է նրա

<sup>646</sup> Ներսես Շնորհալի, Թուղթ ընդհանրական, էջ 158-159:

<sup>647</sup> Նույն տեղում, էջ 161-162:

<sup>648</sup> Տես Գր. Հակոբյան, Ներսես Շնորհալի, էջ 34:

իմաստությունը<sup>649</sup>: Հիշում է նաև Պապ թագավորին, Ներսես Մեծին<sup>650</sup>: Հեղինակը պատմում է նաև արաբական խալիֆայության, սելջուկ-թյուրքերի կողմից Հայաստանին պատուհասած արհավիրքների մասին: Շնորհալին ցավով է հիշում նաև «հոգիների կորուստը» հավատուրացությունը, այն որակելով իբրև չարիքներից մեծագույնը<sup>651</sup>:

Այս պոեմով Ներսես Շնորհալին շարունակեց և ավելի զարգացրեց Գրիգոր Մագիստրոսի սկսած պատմաքաղաքական ժանրը<sup>652</sup>: Այդ առումով առավել հնչեղություն ունի Շնորհալու «Ողբ Եղեսիո» պոեմը, որն իրավամբ համարվում է նրա չափածո երկերի գլուխգործոցը: Պոեմում պատմվում է Հալեպի Ջանգի անունով թյուրք ամիրայի կողմից 1144թ. Եղեսիայի (Ուռհա) պաշարման, նրա քրիստոնյա բնակչության հերոսական դիմադրության, նույն թվականի դեկտեմբերի 23-ին այդ քաղաքի գրավման և նրա բնակիչների սարսափելի կոտորածի մասին: Ներսես Շնորհալու եղբորորդի Գրիգոր Ապիրատը տեղեկանալով եղեսացիների ապրած ողբերգության մասին, մեկնում է Ծովք ամրոց հորեղբայրների մոտ, նրանց իրազեկում Եղեսիայում կատարվածի մասին և Շնորհալուց խնդրում է գրի առնել այն: Ամենայն հավանականությամբ Շնորհալին իր պոեմը շարադրել է այդ անցքերի թարմ տպավորության տակ, հավանաբար 1145թ. սկզբին:

«Ողբ Եղեսիո» պոեմում Եղեսիա քաղաքը ներկայանում է որպես որդեկորույս, այրիացած կին, որը սզագզեստով նստել է քաղաքի ավերակների վրա և արտասվում, մազերն է փետում, ողբում է սարսափելի աղետը: Քաղաքը դիմում է Հայաստանին և հիշեցնում նրա փառավոր անցյալը, խնդրում պատասխանել, թե ինչու այն կորավ ու անեացավ երազի պես: Ու՞ր է «թագ քո զարդի... պսակն հրաշալի», ու՞ր է հայրապետական աթոռը, հայոց թագավորների գահերը, որտե՞ղ են նախարարները, հայ զորականները: Եղեսիան դիմում է նաև Անի մայրաքաղաքին, շեշտում, որ նա ևս կիսել է իր դառն ճակատագիրը, տալով անթիվ-անհամար զոհեր: Այնուհետև պատկերվում է Եղեսիայի պաշարումը, գրավումն ու նրա բնակչության սարսափելի կոտորածը, որի ընթացքում չէին խնայվում անզամ ծերերն ու երեխաները: Պոեմի վերջում Շնորհալին իր հոգու մորմոքը միաձուլում է Եղեսիայի, նրա բնակիչների ողբին, արտահայտելով ոչ միայն իր մեջ ահագնացող զայրույթը, այլև ժամանակի քաղաքական

<sup>649</sup> Տես Ներսես Շնորհալի, Վիպասանութիւն, էջ 108:

<sup>650</sup> Տես նույն տեղում, էջ 90:

<sup>651</sup> Տես նույն տեղում, էջ 106:

<sup>652</sup> Տես Գր. Հակոբյան, Ներսես Շնորհալի, էջ 171:

տրամադրությունները: Շնորհալին դատափետում է արյան նախճիրներ գործող թյուրքերից<sup>653</sup>:

Այդ պոեմում դրսևորված է հայ ժողովրդի անել կացության, նրա ճակատագրի հանդեպ հեղինակի մտահոգությունը: Հայտնի իրողություն է, որ նշված ժամանակաշրջանում Եդեսիայի բնակչության մեծ մասը հայեր էին<sup>654</sup>, որոնց սակայն օգնության չհասան մյուս քրիստոնյաները: Շնորհալին վայրագ ոսոխի դեմ պայքարի հուսալի միջոց է համարում քրիստոնեության գորացումը<sup>655</sup>:

1151թ. Գրիգոր Ապիրատի խնդրանքով Շնորհալին շարադրեց նաև «Բան հաւատոյ» դավանաբանական պոեմը, որի առաջին մասում նա հիմնավորում է Հայոց հավատքը, քննադատում քաղկեդոնյան երկաբնակությունը: Երկրորդ մասը Հովհաննու Ավետարանի չափածո վերապատումն է, իսկ երրորդ մասում պատկերվում է վերջին դատաստանը: Պոեմի «Յիշատակարան»-ում դրվատվում են Արշակունի և Պահլավունի տոհմերի հայրենասեր գործիչները<sup>656</sup>:

Կատարյալ հավատապատում է Շնորհալու «Հիսուս որդի» պոեմը: Այն նմանության եզրեր ունի Գրիգոր Նարեկացու «Մատյան ողբերգության» պոեմի հետ, որի հետևողությամբ Շնորհալին ինքնախարազանմամբ մտացածին մեղքեր է վերագրում իրեն՝ իբրև «յախտըս խորին» գահավիժուծի, ապա աղերսում է Աստծուն՝

Ձիս պահեա ի հեղեղէ

Յաշխարհածուփ ալեաց չարին<sup>657</sup>:

Կամենալով մեղսագեթծել սեփական անծը, Շնորհալին խոստովանում է, որ ինքն առեցուն է երկրային, մարմնական ախտերով, իր մեջ կրում է «անօթ չարին»: Բարձրյալին աղերսում է երկրային մեղսածուփ կյանքից տեղափոխել «ի հայրենին»՝ երկինք: Նարեկացիական շունչ կա նրա հետևյալ տողերում.

Եմ նըման բեկեալ նաւին

Տարաբերեալ ի մէջ ծովին<sup>658</sup>:

<sup>653</sup> Ներսես Շնորհալի, Յաղագս երկնի և զարդուց նորա, համելուկներ, Ողբ Եդեսիոյ, էջ 50, 56, 93:

<sup>654</sup> Տես J. Laurent, *Des grecs, aux croises. Etude sur l'histoire d' Edesse entre 1071 et 1098* («Etudes d'histoire Arménienne», p. 125).

<sup>655</sup> Տես Հ. Որսկանյան, Ներսես Շնորհալու «Ողբ Եդեսիոյ» պոեմի կրոնական հենքը («Էջմիածին», 2004, 2, էջ 77-78):

<sup>656</sup> Տես Ներսես Շնորհալի, Բանք չափաւ, Վենետիկ, 1830, էջ 225 և հտ.:

<sup>657</sup> Ներսես Շնորհալի, Հիսուս որդի, աշխ. Վ. Ղազարյանի, Երևան, 1991, էջ 20-21:

<sup>658</sup> Նույն տեղում, էջ 28:

Շնորհալիւն հին կտակարանյան մտոիվներով վերարծարծելով փրկագործութեան խնդիրը, չի թաքցնում այդ հետմախտրքի վրա իր ապրած ողբերգութիւնը, որը բխում էր դարաշրջանի կրօնական աշխարհընկալումից: Մի կողմից նրան ոյութում է երկրայինը՝ աշխարհականացող կյանքի թովչանքը, մյուս կողմից երկնային կյանքի վայելքներին արժանանալու չխամրող հույսը: Սակայն նրա մեջ երկրայինն այն աստիճանի է տիրապետող դարձել, որ ստիպված դիմում է ինքնաձողկման, գրելով.

Ես ըզհոգիս իմ գերկնային  
աղտեղեցի գործովք չարին...<sup>659</sup>:

Քերթողական ավյունով հնչեցնելով իր սրտի հույզերը, Շնորհալիւն այն աստիճանի է տարվում երկրայինով, որ նույնիսկ իրեն համարում է դժոխքի բոցերում կիզվող և Ամենակալից խնդրում է փրկել իրեն:

Սակայն Ներսէս Շնորհալիւն համոզված է, որ չի կարող ազատվել աշխարհիկ գայթակղութիւններից, ուստի գրում է, որ իր աչքերը զրկվեցին երկնային լույսից, կուրացան և սովորեցին նայել ոչ թէ Աստծու լուսին, այլ «յաշխարհ նայիլ ինձ ուսուցին»<sup>660</sup>: Նարեկացու նման Շնորհալիւն նույնպէս տառապում է կանացի սեռի նկատմամբ հեշտավետ մեղանչումների պատճառով: Նա գրում է, որ իր սիրտը նետահարված է կանացի գեղեցկութեամբ և անզոր է նրա հարուցած թովչանքի նկատմամբ: Ի քավութիւն իր վշտակիր հոգու, խոստովանում է, որ իր ականջներում մշտապէս հնչում են Բարձրալի պարսավալից խոսքերը «տռփանք ես տածում կնոջ հանդեպ, շնանում ես քո սրտում»<sup>661</sup>, և որ «կապված ու գերի ես կանացի հեշտասիրութեամբ», մարմնի սիրույն հոգին զրկել ես երկնային բարիքներից, ծառայելով «մարմնական գոյին»<sup>662</sup>:

Այնուամենայնիվ Շնորհալիւն չի կարողանում ազատվել գեղեցիկ սեռի հանդեպ ունեցած թովչանքից և սրտի մորմոքով գրում է, որ «քաղցր մեղքից չեմ հագնում»<sup>663</sup>, ուստի Քրիստոս Աստծուց խնդրում է մեռցնել իր անձի մերսում եղած ախտածին հակումները, որպեսզի «թողնի աշխարհի հանդեպ սերը» մահ շեշտում է, որ երկրային մեղսածուկ կյանքի ալիքները իրեն ընկղմել են «ի ծով մեղաց»<sup>664</sup>:

«Հիսուս որդի» գործում Ներսէս Շնորհալիւն հավատարիմ է մնում իր հոգևոր և քաղաքացիական հավատամքին, բարոյաբանական սկզբունքներին ու կենսահայեցողութեանը: Նա ընչավետ խավի ներկայա-

<sup>659</sup> Նույն տեղում, էջ 44:

<sup>660</sup> Ներսէս Շնորհալի, Հիսուս որդի, էջ 54,60:

<sup>661</sup> Նույն տեղում, էջ 90:

<sup>662</sup> Նույն տեղում, էջ 118,150:

<sup>663</sup> Նույն տեղում, էջ 134:

<sup>664</sup> Նույն տեղում, էջ 172, 176, 190:

ցուցիչներին զգուշացնում է չտարվել շահակեզ աշխարհին հատուկ ազահուքյան մեղսածին ախտով, բարեգութ լինել աղքատների հանդեպ, քանզի Քրիստոսն իր երկրորդ գալստյան ժամանակ դատաստան է տեսնելու զրկողների նկատմամբ<sup>665</sup>: Գրիգոր Ներեկացու պես նա Աստծու խնդրում է

Տեր, ի մեղաց դարձո գիողիս,  
պարտեացն իմոց գիր ջնջեսցին...<sup>666</sup>

Պոեմի հիշատակարանի վերջում հեղինակը մաղթում է հիշել նաև Քեսունի տերերին

Վասլին վեհ իշխանին  
Ձորավարին բարձրագունի<sup>667</sup>:

1160թ. խորահնուտ բժշկապետ, աստղագետ Մխիթար Չերացու խնդրանքով Ներսես Շնորհալին շարադրում է «Յաղագս երկնից և զարդուց նորա» տիեզերաբանական պոեմը, որտեղ տիեզերախույզի պես ջանում է պատկերել երկնուլորտը, նույնիսկ անձնավորում այն: Նկարագրվում են երկնային մարմինները՝ արևը, լուսինը, այն ժամանակ հայտնի մոլորակները: Երկինքը, տիեզերքները Բարձրյալի մարմնացումն են: Երկինքը պատմում է իր մասին, իրեն համարում «այս նյութական գոյության» հիմքն ու ավարտը, որը հավերժորեն շարժման մեջ է, երբեք չի հնանում, կենաց անսպառ աղբյուրն է, նրա ժամանակը բաշխողը<sup>668</sup>:

Ներսես Շնորհալին գրել է նաև բարոյակրթական տաղեր, որոնցում հնչում են նրա հոգելից խրատներն՝ ուղղված սովորող սերնդին: Նշելի է նրա «խրատ ուսումնականաց մանկանց» բանաստեղծությունը, որտեղ նա մանուկներին հորդորում է սիրել ուսումը և սովորել համբերատար տքնությամբ, լինել ընթերցասեր, գրասեր, աշխատանքը սիրող, տոկուն, զուսպ ու ժուժկալ, զոյակիցների, ուսումնակիցների նկատմամբ բարեմիտ և հեզաբարո, խուսափել հարբեցողությունից, զազրախուսությունից<sup>669</sup>: «Ի խրատ ոգւոց համայնից» տաղում Շնորհալին բոլոր չարիքների աղբյուր է համարում ազահությունն ու ընչասիրությունը, հարստություն կուտակելու տենչը: Թագավորներին հորդորում է զերծ մնալ գողոզամտությունից, ամբարտապան վերաբերմունք չդրսևորել ստորադրյալների հանդեպ, լինել «քաղցր և հեզ խոնարհական»<sup>670</sup>:

<sup>665</sup> Տես Ներսես Շնորհալի, Չիսուս որդի, էջ 198:

<sup>666</sup> Նույն տեղում, էջ 54:

<sup>667</sup> Նույն տեղում, էջ 220:

<sup>668</sup> Տես Ներսես Շնորհալի, Յաղագս երկնի և զարդուց նորա, էջ 22-23:

<sup>669</sup> Տես Ներսես Շնորհալի, Բանք չափաւ, էջ 342-348:

<sup>670</sup> Տես նույն տեղում, էջ 330,335:

Անկասկած, ճանաչողական նշանակություն ունեն նաև Ներսես Շնորհալու հեղինակած հանելուկները, որոնց թիվը հասնում է մոտ երեք հարյուրի: Դրանք արտացոլում են ժողովրդական կյանքն ու զբաղմունքները: Շնորհալին նաև հոգևոր երգերի ժրաջան մշակ էր: Հորինել է հարյուրավոր երգեր: Նա նաև հմուտ երաժիշտ էր, երգիչ, տեսաբան, խազագետ, զեղազետ, երգուսույց, երգավարժ: Ընդ որում հայկական հոգևոր երգարվեստը ներկայացնող երեք ժողովածուներում (Շարակնոց, Ժամագիրք և Պատարագ) ընդգրկված են Շնորհալու ավելի քան 200 հոգևոր երգեր, որոնք կազմում են նրա հորինած երգերի երկու երրորդը<sup>671</sup>: Ուշագրավ է, որ Կիրակոս Գանձակեցին հավաստում է, որ Շնորհալին «բազում ինչ կարգեաց ... յեկեղեցիս քաղցր եղանակաւ, խոսրովային ոճով<sup>672</sup> շարականս, մեղեդիս, տաղս և ոտանաւորս... Արար նա զքարոզ սրբոյ պատարագին քաղցր եղանակաւ և տունս շարականաց...»<sup>673</sup>: Շարականները նվիրված են տերունական տոներին, հատկապես շատ են վկայաբանական ու դավանաբանական թեմաներով հորինվածները:

Ներսես Շնորհալին հեղինակել է նաև ազգային-հայրենասիրական երգեր նվիրված Տրդատ Մեծին, Աշխեն թագուհուն, արքայադուստր խոսրովիդուխտին (Տրդատ Մեծի քրոջը), Վարդանանց և Ղևոնդյանց նահատակներին<sup>674</sup>: Դրանցում անքակտելիորեն միախլուսված են հայոց անցյալի փառալից հիշատակների նկատմամբ նրա տածած սերն ու հպարտությունը, որոնք ունեին սուր հնչեղություն: «Նորահրաշ պսակաւոր» շարականում Շնորհալին գովերգում է Վարդան Մամիկոնյանին ու նրա զինակիցներին, որոնք Ավարայրի դաշտում իրենց արյամբ «պսակեցին եկեղեցին», քաջաբար հեռու վանելով չարադավ արքային, քրիստոնեական խաչի թշնամիներին<sup>675</sup>:

Շնորհալուց պահպանվել են նաև զանազան թղթեր, նամակներ նվիրված հայ-բյուզանդական եկեղեցիների միությանն առնչվող խնդիրներին: Ուշագրավ է նաև Արևորդիներին ուղղված նրա թուղթը: Հարավային Հայաստանում, Սիջազետքում բնավորված արևապաշտ աղանդա-

<sup>671</sup> Տես Ն. Թահմիզյան, Արևելյան քրիստոնեական երգարվեստը և Ներսես Շնորհալին («Ներսես Շնորհալի» (հոդվածների ժողովածու), Երևան, 1977, էջ 110-113): Տես նաև Ն. Թահմիզյան, Ներսես Շնորհալին Երզնահան և երաժիշտ, Երևան, 1973:

<sup>672</sup> Պարսից խոսրով արքայի անվամբ քաղցրալուր, թովիչ (պահլավերեն «լավ, բարի» և «լսել, լուր» բառերից (տես Հր.Աճառյան, Հայոց անձնանունների բառարան, Բ, Երևան, 1944, էջ 530):

<sup>673</sup> Կիրակոս Գանձակեցի, էջ 119-120:

<sup>674</sup> Տես Գր.Հակոբյան, Շնորհալին և հայոց հոգևոր երգը («Ներսես Շնորհալի» ժողովածու, էջ 130-135):

<sup>675</sup> Տես Չայնքաղ շարական, էջմիածին, 1833, էջ 462-463:

վորների մի մասը Սամոսատ քաղաքից, կամենում են ընդունել Հայոց դավանությունը և 1170-ական թվերին պատվիրակ են ուղարկում Ներսես Շնորհալու մոտ, խնդրելով իրեն ընդունել Հայ եկեղեցու գիրկը: Արևորդիներին հղած թղթում<sup>676</sup> Շնորհալին համաձայնություն է հայտնում, և նրանք հրաժարվում են այդ աղանդից: Այդ թուղթն անշուշտ, արժեքավոր սկզբնաղբյուր է նշյալ աղանդի պատմության ուսումնասիրման համար:

Գրիգոր III-ի և Ներսես Շնորհալու օրոք Հայոց եկեղեցին շփումներ ունեցավ Բյուզանդիայի քաղկեդոնադավան և ասորվոց (Հակոբիկ) եկեղեցիների հետ: Այդ հետմախորքի վրա նորովի վերարժարծվեց եկեղեցիների միության չարչրկված խնդիրը: Այն հարուցվեց Բյուզանդական եկեղեցու նախաձեռնությամբ: Վերջինս կամենում էր պարզել, թե Հայոց եկեղեցու որդեգրած դավանությունը որքանով է համապատասխանում ուղղափառ հավատքին: Գրիգոր III կաթողիկոսի գահակալության վերջին երկու տարիներին՝ 1165-1166թթ. Կիլիկիայի բյուզանդական զորապետն էր Մանուել կայսեր փեսա Ալեքս Աքսուխը, որը կայսեր համձնարարությամբ միջամուխ եղավ դավանական միության խնդիրներին: 1165թ. նա Մամեստիայում հանդիպեց Ներսես Շնորհալուն և նրանից պահանջեց գրավոր ներկայացնել Հայոց դավանության ամփոփ բովանդակությունը կայսեր հանձնելու համար: Թեև Ալեքս զորապետի (ղքսի) հարցումները չեն պահպանվել, բայց դրանց առնչությամբ Շնորհալու տված պատասխանից պարզ է դառնում հարցումների բովանդակությունը: Ըստ Կիրակոս Գանձակեցու, Շնորհալին գրավոր պատասխանը կազմել է Հայոց ՌժԴ (614), ինչ 1165 թվականին<sup>677</sup>:

Ներսես Շնորհալին պատասխան թղթում նախ հավաստում է, որ Հայ եկեղեցին ընդունում է «գամենասուրբ զերրորդութիւնն զՀայր, և զՈրդի, և զՍուրբ Հոգին, յերիս անձնաւորութիւնս բաժանեալ, և ի մի բնութիւն, և աստվածաթիւն ժողովեալ»<sup>678</sup>: Շարունակելով ապացուցել Հայ Առաքելական եկեղեցու ուղղադավանությունը, Շնորհալին մեկառմէկ հերքում է Բյուզանդական եկեղեցու կողմից Հայոց եկեղեցուն ներկայացրած մեղադրանքները, հիմնավորում Հայ եկեղեցու ընդունած հավատո հանգանակը: Նա ապացուցում է նախնական քրիստոնեության ոգուն Հայոց ծիսակարգի հարազատությունը, հիմնավորում հունվարի վեցին Քրիստոսի ծննդյան և մկրտության տոնը նշելը, սրբապատկերների հան-

<sup>676</sup> Տես Ղ. Ալիշան, Շնորհալի և պարագայ իւր, էջ 401-403, Բ. Бартияян, Еретики ареворди («сильи солнца») в Армении и Месопотамии и послание армянского католикоса Нерсеса Благодатного («Эллиенистический Ближний Восток, Византия и Иран»), Москва, 1967, с.108-112).

<sup>677</sup> Տես Կիրակոս Գանձակեցի, էջ 122:

<sup>678</sup> Նույն տեղում:

դեպ հարգալից վերաբերմունքը, սրբասացության ժամանակ «խաչեցար» արտահայտության օգտագործումը, պատարագ մատուցելը, խաչի օրինության, պահեցողության կարգը և այլն<sup>679</sup>:

Մեկ տարի հետո մոտավորապես 1166թ. հուլիսին, Մանուել կայսրը վերստին նամակ է հղում Գրիգոր III կաթողիկոսին, միության շուրջ բանակցություններ վարելու համար: Կայսրը վերջինիս մոտ է ուղարկում իր պալատի սպասավոր Սմբատին, որը պետք է նաև ուղեկցեր Շնորհալուն կայսրության մայրաքաղաքում բանավարությունները շարունակելու համար: Սակայն երկարատև ուղեգնացությունից հետո, երբ Սմբատը ժամանում է Հռոմկլա, Գրիգոր III-ն արդեն վախճանվել էր: Կայսեր պատվիրակի ժամանումն այդպիսով տեղի է ունեցել 1166թ. օգոստոսի 8-ից (Գրիգոր III-ի նահվան օրվանից) հետո (գուցե հաջորդ ամսին):

Սակայն Շնորհալին չկամեցավ մեկնել Կոստանդնուպոլիս, այլ կայսրին հրավիրեց ժամանել Արևելք եկեղեցիների: միջև ցանկալի միությունը հաստատելու համար, պայմանով, որ նա հրաժարվի հայերին հալածելուց: Շնորհալին իր պատվիրակների միջոցով, վերոնշյալ Սմբատի ուղեկցությամբ, Մանուել կայսրին ուղարկում է նամակ, որտեղ բանիբուն կերպով շարադրում է Հայոց դավանանքի հիմնական սկզբունքները<sup>680</sup>: Նույն թվականի վերջին կայսեր պահանջով Շնորհալին շարադրում է «Սահմանք հաւատոյ Հայաստանեայց եկեղեցոյ» թուղթը<sup>681</sup>, որտեղ մեկ անգամ ևս հիմնավորում է Հայոց եկեղեցու դավանությունը, ի մասնավորի նշելով, որ ճշմարիտ հավատի համար տոների, ծեսերի տարբերությունները առանցքային չեն կարող լինել միջեկեղեցական հարաբերություններում և բնավ չպետք է դառնան ազգերի միջև թշնամության պատճառ:

Թե Գրիգոր III-ը և թե Ներսես Շնորհալին դեմ չէին եկեղեցիների միության<sup>682</sup>, որի միջոցով հույս ունեին միաբանված տեսնել բոլոր քրիստոնյաներին ընդդեմ թյուրքական ցեղերի հարածուն ճնշման: Բայց Շնորհալին դեմ էր Բյուզանդիայի կայսերականացված եկեղեցուց Հայոց եկեղեցու կախյալ լինելուն, որին հասնել էր ջանում Կոստանդնուպոլսի պատրիարքությունը և անձամբ Մանուել կայսրը: Շնորհալին գտնում է, որ երկու եկեղեցիների միջև զիջումները պետք է լինեն փոխադարձ հի-

<sup>679</sup> Տես Կիրակոս Գանձակեցի, էջ 122-147:

<sup>680</sup> Տես Ա. Բոզոյան, Հայ-թյուրքական եկեղեցական բանակցությունների վավերագրերը (1165-1178թ.թ.), Երևան, 1995, էջ 41-42:

<sup>681</sup> Տես Ընդհանրական թուղթ սրբոյն Ներսիսի Շնորհալոյ, էջ 120-129:

<sup>682</sup> G. Dédéyan, Le rôle complémentaire des frères Pahlawuni Grigor III, catolicos, et saint Nerses Šnorhali, coadjuteur, dans le rapprochement avec les latins. a l' époque de la chute d' Edesse (v. 1139-v. 1150). REA, t. XXIII, 1992., p.240-249.

մունքներով և ոչ թե կողմերից մեկի թելադրությամբ<sup>683</sup>։ Ուշագրավ է, որ հենց նույն ժամանակ նա կայսրին ուղարկեց նոր նամակ՝ «Յաղագս աւանդութեանց եկեղեցոյ»<sup>684</sup> վերտառությամբ, առաջարկելով ճշմարտախույզ քննությամբ լուծել ծիսական արարողակարգին առնչվող խնդիրները։ Նամակում Շնորհալին գտնում է, որ յուրաքանչյուր եկեղեցի պետք է պահպանի հայրենավանո՞ ծեսերն ու սովորությունները և բնավ կուլ չգնա մյուս կողմին։

1169թ. նոյեմբերին Մանուել կայսրը գրում է իր առաջին նամակն ուղղված Ներսես Շնորհալուն<sup>685</sup>։ Այդտեղ կայսրը համոզմունք է հայտնում, որ երկու եկեղեցիների միավորումն ուղղափառ հավատքի շուրջ դրական լուծման է հանգելու։ Նա Հայոց հայրապետին հորդորում է ընդունել բանակցություններ վարելու նպատակով նրա մոտ առաքված իր պատվիրակների՝ Թեորիանոսի և Աթմանի առաջարկները։

1170թ. հոկտեմբերի սկզբին Շնորհալին պատասխան նամակ է ուղարկում կայսրին, նշելով, որ բանակցությունների միջոցով լիովին վերացել են Բյուզանդական եկեղեցու նեստորամետ ուղեգծի վերաբերյալ հայ-եկեղեցականների մեջ եղած կարծիքը, ինչպես և Հայոց եկեղեցու կողմից Եվտիքեսի ծայրահեղ միաբնակությունը որդեգրելու մասին հիմնագուրկ կասկածները։ Նամակում նաև նշվում էր, որ հայերը զրկված լինելով թագավորությունից, հարկադրված են եղել հեռանալ Հայրենի երկրից, բաժանվելով նրա հոգևոր հայրերից։ Առանց վերջիններիս համաձայնության հնարավոր չէ լիարժեք պատասխան տալ կայսրին, ուստի կամենում են հրավիրել Հայաստանի հոգևոր հայրերին և միասին քննության առնել կայսեր առաջարկը<sup>686</sup>, որից հետո կջանան գտնել համաձայնության եզրեր։ Նամակով Շնորհալին հայտնում է, որ ուղարկում է Հայոց եկեղեցու դավանության մեկնությունը։

Շնորհալու այս նամակին ի պատասխան, Հռոմկլա ուղարկվեց կայսեր երկրորդ նամակը, որի հեղինակն էր Կ. Պոլսի պատրիարքը։ Նամակում ներկայացվում էին Բյուզանդական եկեղեցու հավատքի սկզբունքները և Հայոց եկեղեցու դավանանքի նկատմամբ քաղկեդոնական եկեղեցու վերաբերմունքը<sup>687</sup>։ Այս և կայսեր կողմից Հռոմկլա առաքած հաջորդ թղթերում Բյուզանդիայի կայսերականացված եկեղեցին ցուցահանում է իր բուն նպատակադրումը՝ կախման մեջ զցել Հայոց եկեղեցին և նրան պարտադրել քաղկեդոնական դավանությունը։ Նույն նպատակաուղղվա-

<sup>683</sup> Տես Մ. Օրմանեան, Ազգապատում, Ա, սյունակ 1653-1654:

<sup>684</sup> Տես Ներսես Շնորհալի, Ընդհանրական թուղթ, էջ 130 և հտ:

<sup>685</sup> Տես նույն տեղում, էջ 144-145:

<sup>686</sup> Տես նույն տեղում, էջ 145 և հտ:

<sup>687</sup> Տես Ա. Բոզոյան, նշվ. աշխ., էջ 56-57:

ծությունն ուներ նաև Կ. Պոլսի Միքայել պատրիարքի կողմից Շնորհալուն հղած թուղթը: Վերջինս 1172թ. սկզբներին ուղարկում է պատասխան նամակ<sup>688</sup>, որտեղ հավաստում է, որ դեմ չէ երկու եկեղեցիների միավորմանը, բայց միաժամանակ մեկ կամք և մեկ իշխանություն է տեսնում Սուրբ Երրորդության մեջ և նշում, որ ինչպես երկնային քահանայությունն է բաժանված իննը դասերի և միավորված երեք խմբերում, նույն կերպ, կայսեր առաջնորդությամբ միություն են կազմելու տիեզերական եկեղեցու տարանջատ մասերը: Շնորհալին խոստանում է առաջիկա եկեղեցաժողովում ջանքեր ներդնել երկու եկեղեցիների միությունը գլուխ բերելու համար: Սակայն Հայոց հովվապետը չհասցրեց ժողով գումարել: Հռոմկլան իր վատառողջ կլիմայով քայքայել էր գրեթե քսան տարի այդ ամրափակ դղյակում ապրած Ներսես Շնորհալու առողջությունը: Ուստի 1173թ. օգոստոսի 13-ին նա ընդմիջտ փակեց աչքերը, հրաժեշտ տալով այս աշխարհին:

Ներսես IV Շնորհալի կաթողիկոսը մահվան մահճում պատվիրեց իրեն հաջորդ նշանակել իր եղբոր՝ Վասիլի ավագ որդի Գրիգոր Տղա արքեպիսկոպոսին<sup>689</sup>: Ըստ Վարդան Արևելցու, Ներսես Շնորհալու վախճանվելուց հետո «Առնու զքօղն Գրիգոր եղբօրորդի իւր ձեռնտուութեամբ Նորադնին»<sup>690</sup>: Փաստորեն Գրիգոր IV գահակալել է Հալեպի ամիրա Նուրադ-դինի օգնությամբ: Կաթողիկոսական գահանիստ Հռոմկլան Նուրադ-դինի ամիրայության սահմաններում էր, ուստի հնարավոր է, որ Գրիգոր IV-ի և ամիրայի միջև առկա էր որոշակի մերձակցություն, առանց որի հնարավոր չէր վերջինիս կողմից Գրիգոր IV-ին սատարելը: Դրանում հավանաբար որոշակի նշանակություն ունեցավ նաև Գրիգոր IV Տղայի քրոջ ամուսնու՝ Կիլիկիայի Հայոց իշխան Սլեհի (1169-1175) և Նուրադ-դինի

<sup>688</sup> Տես Ներսեսի Շնորհալույ Հայոց կաթողիկոսի նամականի, Վեներիկ, 1838, էջ 282-290:

<sup>689</sup> Տես Սմբատայ Սպարապետի Տարեգիրք, էջ 191: «Տղա» մականունն անշուշտ, հետևանք չէր Գրիգոր IV-ի մանկահասակության, քանի որ ինչպես նշվել է, երբ նա ապաստան գտավ Հռոմկլայում հաստատված Գրիգոր III Պահլավունու մոտ, փաստորեն դարձավ նրա որդին, ուստի ստացավ «Տղա» մականունը: Իսկ 1173թ. նա արդեն երեսուն անց տարիքի էր:

<sup>690</sup> Հաւաքումն պատմութեան Վարդանայ Վարդապետի, էջ 129: Տես նաև Michel le Syrien, III, p. 353-355.

միջև կնքված զինադաշինքը<sup>691</sup>, որը չէր կարող չանհանգստացնել Բյուզանդիայի Մանուել կայսրին: Վերջինս տեղեկանալով Ներսես Շնորհալու մահվան մասին, չվարանեց նրան դասել տալ եկեղեցու սրբերի կարգը, իսկ նորընծա Գրիգոր IV կաթողիկոսին առաքեց «Ուղղթ մխիթարութեան», հույս հայտնելով, որ նա հետևելու է Շնորհալու ուղեգծին<sup>692</sup>:

Ստեղծված պայմաններում, երբ թե՛ Բյուզանդիան և թե՛ հայուքյան բոլոր հատվածները ենթակա էին թյուրքական ցեղերի հարածուն ճնշմանը, որոշակի հող էր ստեղծվել միջեկեղեցական կնճիռները վերացնելու համար: Բյուզանդիան ի դեմս հայերի, կամենում էր ձեռք բերել հուսալի դաշնակիցներ ընդդեմ թյուրքերի: Դրանում անշուշտ, շահագրգռված էին նաև հայերը: Կողմերը փոխադարձաբար ջանում էին միմյանց նկատմամբ զիջումների գնով հասնել երկուստեք համաձայնության: Այս հետևախորքի վրա թվում էր թե ուրվանշվում են երկու եկեղեցիների միավորման համար որոշակի պայմաններ: Միության կայացմանն էր նպատակաուղղված նաև Բյուզանդական եկեղեցու կողմից Հայոց եկեղեցու որդեգրած դավանանքն աղանդ համարելու կարծրացած տեսակետի ժխտումը: Այնուամենայնիվ, Գրիգոր IV կաթողիկոսը չաճապարեց իր համաձայնությունը տալ միությանը, նկատի առնելով կայսրության հույն բնակչության հարուցած հալածանքները, նաև Մանուել կայսեր կողմից Հայոց եկեղեցուն պարտադրված ծիսադավանական պահանջները, որոնք հակասում էին Հայոց հայրենավանդ հավատքի հիմունքներին: Հայ հոգևորականության մտահոգության դրսևորումն էր 1174թ. Գրիգոր IV կաթողիկոսի կողմից Մանուել կայսրին ուղարկած նամակը, որտեղ Գրիգոր IV հավաստիացնում էր, որ հավատարիմ մնալով իր ուսուցչի՝ Ներսես Շնորհալու սկզբունքներին, ցանկանում է իրականացած տեսնել հայ և բյուզանդական եկեղեցիների միությունը: Սակայն կաթողիկոսը հարկ համարեց նաև նշել, որ միությանը կարող են խանգարել կայսեր և նրան ենթակա քաղկեդոնիկ եկեղեցու առաջադրած որոշ պահանջներ, ուստի ցանկալի է դրանց մեղմացումը<sup>693</sup>: Գրիգոր IV նկատի ուներ երկաբնակության ոգուց բխող ծիսադավանական այն պահանջները, որոնք ընդունելի չէին հայ հոգևորականության ու ժողովրդի կողմից:

Երկու եկեղեցիների միության կայացմանը նպատակաուղղված գործընթացներում Հայոց եկեղեցու դավանաբանական դիրքերն ան-

<sup>691</sup> Տե՛ս Սմբատ Սպարապետ, էջ 187: Մլեհի սպանությունից հետո Գրիգոր IV-ը քրոջը Սիսից տեղափոխեց Ռոմնկա: Մինչ այդ Մլեհի հաջորդ Ռուբենը Կիլիկիայում նրան երեք բերդ էր շնորհել (Ամանուն Եղեսացի, էջ 135):

<sup>692</sup> Տե՛ս Ա. Բոզոյան, Բյուզանդիայի արևելյան քաղաքականությունը և Կիլիկյան Հայաստանը ժԲ դարի 30-70-ական թվականներին, Երևան, 1988, էջ 246:

<sup>693</sup> Տե՛ս Ընդհանրական թուրք սրբոյն Ներսիսի Շնորհալույ, էջ 166-167:

րապնդելու նպատակով 1175թ. Գրիգոր IV-ը 22-ամյա Ներսես քահանա Լամբրոնացուն կարգեց արքեպիսկոպոս և Լամբրոնի ու Տարսոնի եկեղեցաթեմի առաջնորդ: Վերջինս Գրիգոր IV հայրապետի ուշադրությունը գրավեց ոչ միայն իր մտավոր բարձր կարողությունների, այլև մոր կողմից Պահլավունի և հոր կողմից Օշինյան ազատագնյա գերդաստաններից սերելու<sup>694</sup> իրողության շնորհիվ: Իբրև հայ և բյուզանդական եկեղեցիների միության կողմնակից, Ներսես Լամբրոնացին տեսական, գաղափարաբանական առումներով սատար էր կանգնելու կաթողիկոսին:

1176թ. աշնանը երկու եկեղեցիների միավորման խնդիրը վերստին առաջ քաշվեց Մանուել Կոմնենոս կայսեր կողմից, որը Գրիգոր IV կաթողիկոսին ուղարկած նամակում համոզմունք էր հայտնում, որ հայերը կարող են ընդունել Քաղկեդոնի ժողովի հաստատած դավանական բանաձևը Քրիստոսի երկու բնության մասին, որով պետք է ուղի հարթվեր եկեղեցիների միությունը նվիրագործելու համար: Գրիգոր IV Տղային նամակ է ուղարկում մահ Կ. Պոլսի պատրիարք Միքայելին իր և կայսրության մյուս նշանավոր հոգևոր հայրերի ստորագրությամբ<sup>695</sup>: Այդ նամակում նույնպես առաջադրվում էր Քրիստոսին երկու բնություն վերագրելու բանաձևը:

Հայոց եկեղեցու հայրերը՝ Գրիգոր IV Տղայի գլխավորությամբ և Ներսես Լամբրոնացու, Գրիգոր Ապիրատ եպիսկոպոսի մասնակցությամբ, որոշում են կայսեր և պատրիարքի առաջարկներին պատասխանելու համար գումարել եկեղեցական ժողով: Ժողովին հրավիրվեցին Մեծ Հայքի, Երուսաղեմի և Սև լեռան վանքերի հոգևոր հայրերը, որոնց ծանուցվեցին կայսեր և պատրիարքի պահանջները: Սակայն հյուսիս-արևելյան Հայաստանի վարդապետները բացասաբար արձագանքեցին միության վերաբերյալ առաջարկին և Գրիգոր IV Տղային նամակ հղեցին՝ Անիի Բարսեղ արքեպիսկոպոսի<sup>696</sup> (Բարսեղ I-ի եղբորորդու), Սանահնի վանքի առաջնորդ Գրիգոր Տուտեորդու, Հաղբատի վանքի առաջնորդի, Նոր Գետիկի վանքից Մխիթար Գոշի, Հաղարծնի, Խորակերտի վանքերի վարդապետների անուններից: Նամակում կտրուկ մերժվեց Բյուզանդական եկեղեցուն դավանանքային որևէ զիջում անելու գաղափարը և երկու բնության վերաբերյալ բանաձևը, որը համագոր համարվեց նեստորական հերձվածին<sup>697</sup>:

<sup>694</sup> Տե ս Ն. Ալիմեան, Ներսես Լամբրոնացի, Վիեննա, 1956, էջ 11:

<sup>695</sup> Տե ս Ընդհանրական թուղթը սրբոյն Ներսիսի Շնորհալոյ, էջ 169 և հտ.:

<sup>696</sup> Բարսեղն իբրև կաթողիկոսական փոխանորդ, իրականացնում էր հյուսիս-արևելյան Հայաստանի եկեղեցական իշխանությունը:

<sup>697</sup> Տե ս Ընդհանրական թուղթը սրբոյն Ներսիսի Շնորհալոյ, էջ 308-311:

Գրիգոր IV քաջ գիտակցում էր, որ Բյուզանդիան այլևս ազդեցություն չունի Մեծ Հայքում, ուստի հնարավոր չէ նրա վարդապետներին պարտադրել կայսեր և պատրիարքի կամքը: Բայց քանի որ Փոքր Ասիայում կայսրության ազդեցությունը տակավին զգալ էր տալիս իրեն, ուստի Հայոց կաթողիկոսի համար դժվար էր եկեղեցիների միության առաջարկին ընդդիմանալը: Այնուամենայնիվ նա փորձեց տարիանոգել արևելահայ հոգևոր հայրերին, որոնց հղած թղթում նա հորդորեց ընդունել եկեղեցիների միության առաջարկը, չմոռանալով նշել նաև Բյուզանդական եկեղեցու կողմից խոստացված հնարավոր զիջումների մասին<sup>698</sup>:

1178թ. ապրիլի 9-ին գումարված Հռոմկլայի եկեղեցաժողովը պետք է պատասխաներ երկու եկեղեցիների միության վերաբերյալ Մանուել կայսեր առաջարկին: Ժողովին մասնակցում էին արևելահայոց հոգևոր առաջնորդներն Անիի Բարսեղ Պահլավունի արքեպիսկոպոսի գլխավորությամբ, ինչպես նաև Հարավային Հայաստանի վեց եպիսկոպոսներ, նաև Աղվանից կաթողիկոսը և ուրիշ եկեղեցականներ: Սանահնի վանքի հոգևոր այրերը Գրիգոր վարդապետ Տուտեորդու գլխավորությամբ հրաժարվեցին մեկնել Հռոմկլա և դատապարտեցին կայսեր կողմից առաջարկված միությունը: Գրիգոր Տուտեորդին այդ առնչությամբ նամակ է ուղարկում Գրիգոր IV Տղային: Նամակը թեև մեզ չի հասել, բայց կաթողիկոսի կողմից Գրիգոր Տուտեորդուն ուղարկած պատասխանից երևում է, որ վերջինս դատապարտել է եկեղեցիների միության և կրոնական նորամուծությունների կողմնակիցներին և պաշտպանել Հայոց եկեղեցու հայրենադիր դավանությունը: Կաթողիկոսը Գրիգոր Տուտեորդուն մեղադրում է որպես խռովարարի, կռվազանի, կաթողիկոսական իշխանությանն ընդդիմացողի և փորձում է հերքել իր և մյուս ժողովականների հասցեին նրա կողմից հնչեցրած մեղադրանքները<sup>699</sup>: Այնուամենայնիվ Գրիգոր Տուտեորդու հղած թուղթն ունեցավ իր ներգործությունը, և Հռոմկլայի ժողովն անսալով Հայոց բնաշխարհից հնչած զգուշացնող ձայներին, մերժեց միության վերաբերյալ Մանուել կայսեր առաջարկը և դատապարտեց Քաղկեդոնի ժողովի ընդունած հավատո բանաձևը («Լևոնի տոմարը») <sup>700</sup>: Գրիգոր IV Տղան և նրա հետևորդները Հայոց եկեղեցու միասնությունը

<sup>698</sup> Տես նույն տեղում, էջ 314-315:

<sup>699</sup> Տես Գրիգորի կաթողիկոսի Տղայ կոչեցելոյ նամականի, Վենետիկ, 1838, էջ 5 և հտ.:

<sup>700</sup> Տես Ընդհանրական թուղթը սրբոյն Ներսիսի Շնորհալոյ, էջ 190-196: Գրիգոր Տուտեորդու մասին տես Ա. Բոզոյան, Գրիգոր Տուտեորդի վարդապետին վերաբերող վկայությունների քննություն («Շողակաթ» հանդես, Ստանպոլ, 1995, էջ 55-62):

վեր դասեցին հզորագոր կայսրության նպեղեցու հետ միության հեռանկարից:

Մանուել կայսեր հաջորդները չհրաժարվեցին եկեղեցիների շուրջ բանակցությունների դիմելուց: Իսահակ II Անգելոս կայսրի (1185-1195) օրոք Գրիգոր Տղան իր բանակցությունները շարունակեց բյուզանդական արքունիքի հետ: Դա հավաստվում է 1185 կամ 1186թ.թ. կաթողիկոսին կայսեր պատասխան նամակով, որից երևում է, որ Գրիգոր IV –ը երկու նամակներով շարադրել է Քրիստոսի բնության մասին Հայոց եկեղեցու դավանությունը, մերժելով երկաբնակությունը<sup>701</sup>: Ավելորդ համարելով խաղաղ եղանակներով հայերին դավանափոխելու, Բյուզանդական եկեղեցուն ենթարկելու ձեռնարկումները, կայսրը որոշեց բռնի միջոցներով նրանց պարտադրել քաղկեդոնական երկաբնակությունը: Նա, ինչպես վկայում է Վարդան Արևելցին, «յարոյց հալածանս և չարչարանս հայադաւան ազգաց, զի դարձցին յաղանդ սոցա»<sup>702</sup>: Պատմագիրը, ինչպես տեսնում ենք, քաղկեդոնականությունը որակում է իբրև աղանդ: Իսահակ կայսեր հարուցած դավանական բռնություններին վերջ տալու ակնկալությամբ Գրիգոր IV Տղան հատուկ թղթով նրանից խնդրեց «խաղաղանալ ընդ ժողովրդեանն Աստուծոյ», սակայն ապարդյուն: Կայսրը չանսաց Հայոց հովվապետին և շարունակեց դավանափոխության գործընթացները, որոնց հետևանքով նա «գյուղվս դարձոյց ի կրօնս իւր, և գայլս հալածականս արար»<sup>703</sup>: Արդյունքում շատ հայեր հարկադրված եղան ընդունել քաղկեդոնականություն:

Գրիգոր IV Տղան ի հակակշիռ Իսահակ II կայսեր դավանական ոտնձգությունների, փորձեց ձեռք բերել Լատին եկեղեցու զորակցությունը և 1185թ. իր պատվիրակ Գրիգոր Եպիսկոպոսին ուղարկեց Հռոմի Լուկիոս III պապի մոտ՝ Վերոնա քաղաք: Վերջինս պատվով ընդունեց Հայոց կաթողիկոսի պատվիրակին, խոստացավ օգնել հայերին նաև, իհարկե, առաջարկեց Հայ եկեղեցին միավորել Հռոմի եկեղեցու հետ: Պապը նրբախնդրորեն շրջանցեց Քրիստոսի երկու բնության հարցը, բայց առաջարկեց Հայոց եկեղեցու ծիսակարգում մուծել մի քանի համեմատաբար թեթև կաթոլիկական ծեսեր (հաղորդության բաժակում մի քիչ ջուր խառնել, Քրիստոսի ծննդյան տոնը նշել դեկտեմբերի 25-ին, մյուռոնն օրինել յուրաքանչյուր տարվա ավագ հինգշաբթի օրը, Եպիսկոպոսի ձեռնադրությունը կատարել կիրակի օրը և այլն)<sup>704</sup>:

<sup>701</sup> Տես Հր. Բարթիկյան, Իսահակ Անգելոս կայսեր պատասխան նամակը Հայոց կաթողիկոս Գրիգոր Տղային («Էջմիածին», 1967 N 4, էջ 53-55):

<sup>702</sup> Վարդան Արևելցի, ՀԹ, էջ 133:

<sup>703</sup> Նույն տեղում:

<sup>704</sup> Տես Մ. Չամչեան, Պատմութիւն Հայոց, Գ., էջ 144:

Վարդան Արևելցիին հաղորդում է, որ Հռոմի պապը Գրիգոր IV Տղայի պատվիրակի միջոցով նրան ուղարկում է «վականսն և զպսական և զփօշիկն, զի զայն զգեցեալ պատարագեսցէ մատանեալ հանդերձ: Եւ ասէ ցեպիսկոպոսն Գրիգոր. տար և զգեցո պատրիարզին. և յայնմ հետէ նմա լիցի իշխանութիւն յաւիտեանս յաւիտենից»: Եվ իբր Լուկիոս III պապն իր մոտ է հրավիրում Գերմանիայի կայսրին, Անգլիայի և Ֆրանսիայի թագավորներին, հոգևոր առաջնորդներին «և ի խորհուրդ մտեալ նոքօք», նրանց անունից հրաման է արձակում, որպեսզի «Հայոց պատրիարզն յայնկոյս ծովու իշխանութիւն կալցի ի վերայ Հայոց և Յունաց և ամենայն ազգաց, որպէս մեք յայսմ կողմանէ երկնաւոր և երկրաւոր բանալեօք»<sup>705</sup>:

Պատմագրի չափազանցված այս վկայության մեջ նկատելի է Արևելքի քրիստոնեական աշխարհում Հայոց եկեղեցուն առաջատար դեր վերապահելու՝ Կաթողիկ եկեղեցու միտումը, անշուշտ, ի հեճուկս Հռոմին հակոտնյա Ուղղափառ եկեղեցու: Հռոմի պապը նաև կամենում էր Արևելքի քրիստոնյաների նկատմամբ ապահովել հոգևոր գերակայություն՝ հենվելով Հայոց եկեղեցու աջակցության վրա: Նրա մտադրությունը հասկանալի է դառնում խաչակրաց երրորդ արշավանքի նախապատրաստման հետ կապված իրողությունների քաղաքական հետնախորքի վրա: Լուկիոս III պապը հույս էր ականկալում Կիլիկիայի հզորացող Ռուբինյան պետությունը դարձնել խաչակիրներին զորակցող ուժ<sup>706</sup>: Դրանում անշուշտ, մեծ էր կաթողիկոսի կատարած դերը: Վերջինս նաև ուներ իր զորայինները, որոնք նրա հրամանով պաշտպանում էին կաթողիկոսամիստ Հռոմկլան<sup>707</sup>: Գրիգոր IV-ի կոչով կիլիկահայությունը կարող էր զորակցել խաչակիրներին: Ուշագրավ է, որ հետագայում՝ 1189թ. մայիսի 29-ին Հռոմի Կղեմես III պապը նամակ է հղում Գրիգոր IV Տղային, խնդրելով զորակից լինել խաչակիր զորքին<sup>708</sup>: Պապի այս քայլն անշուշտ ուներ նաև ուրիշ դրդապատճառներ: Կղեմես III-ին չէր կարող չանհամաձայնել խաչակիրների հանդեպ Բյուզանդիայի Իսահակ II կայսեր թշնամական դիրքավորումը, որը հատկապես ցայտուն դարձավ Հայոց կաթողիկոսին նրա ուղարկած նամակից մոտ մեկ ամիս հետո, երբ կայսրը պայմանագիր կնքեց Եգիպտոսի հզորագոր սուլթան, խաչակիրների երդվյալ հակառակորդ Այուբյան Սալահ ադ-Դինի հետ<sup>709</sup>, որը գրավել էր Երուսաղեմը: 1189թ. Գրիգոր IV-ը նամակ է ուղարկում խաչակրաց երրորդ արշավանքի դիմած գերմանական Ֆրիդրիխ Բարբարոսա կայսեր, որն այդ պահին

<sup>705</sup> Վարդան Արևելցի, ՀԹ, էջ 134:

<sup>706</sup> Հմմտ. Գ. Микаелян, История ук. соч., с. 154.

<sup>707</sup> Տե՛ս Michel le Syrien, Chronique, vol. III, p. 395.

<sup>708</sup> Տե՛ս Ս. Չամչեան, Պատմութիւն Հայոց, Գ, էջ 155-156:

<sup>709</sup> Տե՛ս История Византии, т. II, М., 1967, с. 341.

արդեն գրավել էր Իկոնիայի թուրքակա՝ ու սուլթանության տարածքները<sup>710</sup>: Իր հերթին կայսրն արդեն երեք անգամ դիմել էր Լևոն II Ռուբինյանին, խնդրելով զորակից լինել իրեն<sup>711</sup>: Ֆրիդրիխ Բարբարոսան Գրիգոր IV Տղային գրավոր կերպով իրազեկում է, որ շուտով ժամանելու է նրա մոտ և թագադրելու է Լևոն II-ին՝ համաձայն կաթողիկոսի ցանկության: «Ահա,- գրում է նա,- ունիմ թագ և զգեստ, զի օժցես թագաւոր Յայոց՝ զով ընտրես»<sup>712</sup>: Այդպիսով կայսրը հույս ուներ ձեռք բերել Կիլիկիայի հայության զինակա՞ն աջակցությունը խաչակիր զորագնդերին: Կայսրը չհասցրեց դաշինք կռել Լևոն II-ի հետ, քանի որ նույն թվականի ամռանը խեղդվեց գետում լողանալիս: Խաչակրաց երրորդ արշավանքը ծախսողվեց, քանի որ քրիստոնյա զորքին կարողացավ նեղը լծել Եգիպտոսի տիրակալը, որի ուժերը գնալով ավելի էին աճում: Վերջինս սպառնում էր նաև Կիլիկիայի հայկական պետությանը: Փխրուն էր նաև կաթողիկոսանիստ Յոննկլայի դրությունը, քանի որ այն շարունակում էր մնալ Եգիպտոսի Այուբյան սուլթանության գերիշխանության ոլորտում<sup>713</sup>: Ուստի Գրիգոր IV-ը նամակով դիմում է նաև Եգիպտոսի սուլթան Սալահ-ադ-Ղիմից<sup>714</sup>:

Սալահ-ադ-Ղիմի օրոք Եգիպտոսի բանակի ղադի (ղատավոր), արաբ պատմագիր Իբն Շադդադն իր «Սալահ-ադ-Ղիմի պատմության» մեջ գրում է, որ վերջինս «մի նամակ ստացավ Յայոց առաջնորդ կաթողիկոսից, որը Եփրատի կողմը գտնվող Յոննկլայի տերն էր»: Նամակում Գրիգոր IV Տղան սուլթանին հորջորջում է «հավատացյալների պետ, որ բարձր է բռնում արդարության և բարեգործության դրոշը, որ ինքնին խաղաղության հաստատունն է աշխարհի և կրոնի»: Այնուհետև կաթողիկոսը հաջողություններ է մաղթում Եգիպտոսի տիրակալին, գրելով. «Թող Աստված տևական դարձնի իր բարգավաճումը, կրկնապատկի իր վեհությունը և հաջողությամբ պսակի իր բոլոր հույսերն ու նպատակները և պահի

<sup>710</sup> Տե՛ս Սմբատ Սպարապետ, էջ 201:

<sup>711</sup> Տե՛ս Գ. Микаелян, ук. соч., с. 144.

<sup>712</sup> Վարդան Արևելցի, էջ 136:

<sup>713</sup> Արաբ մատենագիր Յակուտը (1178-1229) իր «Աշխարհագրական բառգիրք»-ում հետևյալն է գրում Յոննկլայի մասին. «Ամուր բերդ է Եփրատի արևմտակողմում... Աթոռն է Յայոց պատրիարքի, որը Մեսիայի փոխանորդն է նրանց մոտ: Այդ բերդը ընկնում է մուսուլմանական հողերի մեջտեղ և այն էլ միայնակ, որ մնացել է հայերի ձեռքում, մինչդեռ շրջապատն ամբողջովին գրավված է» (Արաբական աղբյուրները Յայաստանի և հարևան երկրների մասին, կազմեց Յ. Նալբանդյան, Երևան, 1965, էջ 100):

<sup>714</sup> Այս մասին տես Յ. Զյուրտեան, Գրիգոր Տղայ և Սալահ Էդ-դին («Բազմավեպ», 1975, էջ 172 և հտ.), տես նաև Վ. Տեր-Ղևոնդյան, Կիլիկյան Յայաստանը և Մերձավոր Արևելքի արաբական երկրները 1145-1226 թվականներին, Երևան, 1994, էջ 90-92:

նրան ճոխության և կատարելության մեջ»: Կաթողիկոսը չվարանեց տվյալներ հաղորդել «Ալամանների թագավորի» (Ֆրիդրիխ Բարբարոսայի) գլխավորած խաչակիր զորքի արշավուղիների մասին, ինչպես նաև Բյուզանդիայի կայսեր, Իկոնիայի սուլթանի դեմ խաչակիր զորքի մղած մարտերի, Լևոն II-ի հետ Ֆրիդրիխ Բարբարոսայի առնչակցության վերաբերյալ: Ավելին, Գրիգոր IV –ը սուլթանին խոստանում է նաև տեղեկացնել առաջիկա եղելությունների մասին<sup>715</sup>:

Սալահ ադ-Դինին Գրիգոր IV Տղայի հղած նամակի մասին որոշ տվյալներ է հաղորդում նաև դեպքերին ժամանակակից արաբ մեկ այլ նատենագիր՝ Աբու-Շամաթը, գրելով. «Չայաստանի պետը՝ Կալաթ ար-Ռումի տերը, ապահովված (լինելով) այդ ամուր դրյակի մեջ, շրջապատված Եփրատի հարկատու բնակչությամբ, սուլթանին ուղղեց մի նամակ՝ լի խորհուրդներով ու հոգածությամբ, որի մեջ նա ցույց է տալիս մուսուլման երկրների նկատմամբ իր մտադրությունը, վեր հանելով արշավող բանակի ուժը և նրա դեմ գնացող բանակների թուլությունը»<sup>716</sup>:

Դեպի ուժեղը կողմնորոշվելու դիրքավորումը բնորոշ էր ոչ միայն Չայոց հայրապետին: Հեթուն պատմիչն իր «Տարեգրության» մեջ վկայում է, որ մի քանի տարի հետո՝ 1192թ. նույնիսկ Անգլիայի թագավոր Ռիչարդ Առյուծասիրտն «արար սէր ընդ Սալահատինն», որը քրիստոնյաներին հանձնեց Միջերկրական ծովի արևելյան ափին գտնվող չորս քաղաք<sup>717</sup>: Գրիգոր IV Տղայի դիրքորոշումը նրա խաղաղասիրական միտումների դրսևորումն էր: Չայոց զգոնամիտ հայրապետը ջատագով էր տարբեր ժողովուրդների համերաշխության ու խաղաղակեցության՝ անկախ կրոնական, դավանական և այլ բնույթի խտրոցներից: Նա ելնում էր ամենից առաջ տարբեր ազգերի հետ կողք-կողքի ապրող իր հայրենակիցների անվտանգության շահերից, համոզված էր, որ խաղաղության են հակված նաև մյուս ազգերը: «Ամենայն ոք,- գրում է Գրիգոր IV-ը,- ծարաւի է խաղաղութեան և սիրոյ Աստուծոյ, Ֆռանկը, Յոյնը, Սուրիացիք, Նեստորականք և Իսմայէլացիք...»<sup>718</sup>:

Սակայն-Սալահ ադ-Դինի նվաճողական ձեռնարկումները հետզ-հետե ընդլայնվեցին, սպառնալով Արևելքի քրիստոնեական աշխարհին, նաև Կիլիկիայի հայկական պետությանը: Սալահ ադ-Դինը կարողացավ

<sup>715</sup> Արաբական աղբյուրները Չայաստանի և հարևան երկրների մասին, էջ 294-297:

<sup>716</sup> Նույն տեղում, էջ 302: Աբուսահլը վկայում է, որ Ռուբեն III-ը և Գրիգոր Տղան պատվիրակություն են ուղարկում Սալահ-ադ-Դինի, նրա եղբոր և եգիպտոսի փոխարքայի մոտ, սակայն պատվիրակությունը ցանկալի արդյունքների չի հասնում (տես Աբուսահլ Չայ, էջ 31):

<sup>717</sup> Մանր ժամանակագրություններ XIII-XVIII դդ., հ. I, էջ 77:

<sup>718</sup> Ներսես Շնորհալի, Թուղթ ընդհանրական, էջմիածին, 1865, էջ 454:

գրավել Սիրիան, Վերին Միջագետքը և իր շուրջը համախմբել այնտեղ հաստատված մահմեդական իշխանությունները, մինչդեռ քրիստոնեական աշխարհը մնում էր մասնատված, ինչին Գրիգոր IV Տղան ցավով է արձագանքում: Նա «Ողբ Երուսաղեմի» պոեմը գրեց 1189թ.<sup>719</sup> խաչակրաց երրորդ արշավանքի տարում, երբ քրիստոնյաների առջև վերստին ծառայավ այլահավատների դեմ միավորվելու անհրաժեշտությունը: Հայոց հայրապետը միավորման մեջ էր տեսնում Արևելքի քրիստոնյաների, այդ թվում նաև հայերի գոյատևման երաշխիքը: «Ողբ Երուսաղեմի» պոեմում 1187թ. Սալահ-ադ-Դինի կողմից գրավված Երուսաղեմ քաղաքը բողոքում է, որ քրիստոնյա տիրակալները զորակից չեղան իրեն, ի հետևանս որի՝

Թողեալ լքայ որպես զայրին,  
Աշխատեցայ միայն լռին,  
Եւ ոք չհասաւ ինձ ի թիկին...  
Այսօր չգտաւ ոք բնաւին  
Ինձ օգնական յանյոյս վայրին  
Ոչ ի թիկունս եկեալ հասին,  
Ոչ ձեռն ետուն պատերազմին  
Առ հաւասար բարձի թողին  
Ձիս միայնիկ ըստ կաքաւին...

Քրիստոնեության սրբավայրը տրտնջում է, որ իր եղբայրներն ու քույրերը լքեցին իրեն՝

Եւ առաւել զայն սիրեցին  
Որք խոցոտեալ զիս խեթկեցին  
Վասնորոյ գայլքն կատաղին,  
Որք արեանս իմ ծարաւ էին...

Անգամ Հռոմի պապը,- բողոքում է Երուսաղեմը,- օգնության չհասավ իրեն:

Ամենեքեան անտեսեցին  
Ձերուսաղեմս, ուր պարծեին,  
Յիս թիկունս դարձուցին...

Սուրբ քաղաքը բողոքում է նաև այն բանի համար, որ քրիստոնյաները խախտեցին իրենց երդմնադաշինքը, «չյիշեցին զուխտս դաշացն, զոր եղին»<sup>719</sup>:

<sup>719</sup> Գրիգոր Տղա, Բանաստեղծություններ և պոեմներ, Երևան, 1972, էջ 268-271: Ժամանակակից քրիստոնյաների ըմբռնումով Երուսաղեմի պահպանումը նույնա-նում էր իրենց հավատի փրկության և Քրիստոսի փառքի հետ: Ուրբանոս I պապը ստանալով Երուսաղեմի գրավման լուրը, վախճանվեց կաթվածից: Երուսաղեմի գրավումը համարվում էր աստվածառաջ պատիժ: (Г. Миню, История Крестовых походов. Москва-С. Петербург, 2004, с. 115):

Երուսաղեմի դառն ճակատագիրը կարող էր կիսել նաև Կիլիկյան Հայաստանը: Դա լուրջ մտահոգության տեղիք էր տալիս նաև Հռոմկլայի հայրապետանոցի հոգևոր հայրերի միջավայրում: Տազնապահարույց էր հատկապես 1193թ. Սալահ ադ-Դինի վերջնագիրը, որով նա Լևոն II-ից պահանջում էր իրեն հանձնել Կիլիկիան և հեռանալ այնտեղից: Կտրուկ մերժում ստանալով Լևոն II-ից, սուլթանն իր ահեղագոր բանակը շարժեց Կիլիկիայի հայկական պետության դեմ<sup>720</sup>: Դժվար է ասել, թե ինչ արհավիրքներ էր կրելու Կիլիկիայի մեկ միլիոնի հասնող հայ բնակչությունը, եթե Սալահ ադ-Դինի հանկարածահաս մահը չկասեցներ այդ արշավանքը<sup>721</sup>:

Ժամանակակից գրչի թողած հիշատակարանում Երուսաղեմի գրավումն աղերսակցվում է Կիլիկիայի Հայոց պետության դեմ Սալահ ադ-Դինի և նրա արբանյակների ձեռնարկած արշավանքների հետ: Հիշատակարանում արտացոլվ է գտել Գրիգոր IV Տղայի վերաբերմունքը նվաճողների հանդեպ: Նա ըստ հարկի գորակից էր հայ ռազմիկներին և իր մարտասնույց հորդորներով ոգեվառում էր նրանց, կատարում այն, ինչ ցանկանում էր իր չարչարաբեկ հոգին: Եվ երբ Սալահ-ադ-Դինը զորքով դիմում է Կիլիկյան Հայաստանի վրա՝ «նոյսպես կարծելով զնոսա անարիս գոլ», Գրիգոր IV Տղա հայրապետը, որը բազում տառապանքներ էր կրել «ի շրջաբնակ այլազանիցն... խրատեր և զաւրացուցաներ զթագաւորն և զգաւրսն Կիւղիկեցւոց՝ ընդդէմ կալ նորա չարութեանն որ և ոչ եւս կարաց ձեռն արկանել ի նոսա»<sup>722</sup>: Գրիգոր IV Տղայի «Ողբ Երուսաղեմի» պոեմում խաչակիր զորքին հաղթած թշնամիները գրոհում են Կիլիկիայի վրա, սակայն Լևոն II-ը «որպէս զարծիւ» մտնում է մարտադաշտ և պարտության մատնում ոսոխին: Պոեմի հեղինակը Լևոն II-ին նմանեցնում է աստվածաշնչական հերոս Մակաբեին, հայերի նախահայր Հայկ դյուցազունին, Տիգրան Մեծին և ուրիշների<sup>723</sup>:

Վերը նշված հիշատակարանի հեղինակի հավաստմամբ, Գրիգոր IV կաթողիկոսը ականատես լինելով քրիստոնյաների կրած անլուր տառապանքներին, «զառումն սրբոյ քաղաքին և զաւերումն սրբոյ տաճարացն և զգերութիւն ժողովրդեանն Աստուծոյ, և զայլանդակ գործ պղծութեան նոցա... խնդրէր զփրկութիւն սրբոյ քաղաքին և ժողովրդեանն Աստուծոյ, գրէր և ցուցանէր զամենայն թագաւորացն Յունաց և Հռովմայեցւոց, զի թէ իցեն ինչ ձեռնհաս, եկեսցեն յաւգնութիւն քրիստոնէից»<sup>724</sup>:

<sup>720</sup> Տես Սմբատ Սպարապետ, էջ 204:

<sup>721</sup> Տես նույն տեղում:

<sup>722</sup> Գ. Յովսէփեան, Յիշատակարանք ձեռագրաց, Ա, էջ 568:

<sup>723</sup> Գրիգոր Տղա, Բանաստեղծություններ և պոեմներ, էջ 303-305:

<sup>724</sup> Գ. Յովսէփեան, Յիշատակարանք ձեռագրաց, Ա, էջ 568:

Դժնդակ այս ժամանակներում Գրիգոր IV-ը հոգածու վերաբերմունք էր ցուցաբերում նաև Մեծ Հայքի հոգևորականներին հուզող խնդիրների նկատմամբ: Ստեփաննոս Օրբելյանի վկայությամբ Սյունիքի եպիսկոպոս Ստեփաննոս III-ը որոշում է իր աթոռանիստը Տաթևից տեղափոխել Վայոց ձոր գավառ, Ամաղուկի Նորավանք, քանի որ սելջուկ-թյուրքերը 1170թ. ավերել էին Սյունյաց թագավորության մայրաքաղաք Բաղաբերդը, կողոպտել Տաթևի վանքը: Չաքարյանների հովանու ներքո Վայոց ձորը քաղաքական անդորր էր վայելում: Նոր աթոռանիստ փոխադրվելու համար Սյունյաց հովվապետը դիմում է Գրիգոր IV Տղային և «խնդրեթուրջ շրջաբերականի ի մեծ կաթողիկոսէն Հայոց ի տեր Գրիգորէ զի լիցի սեպիական վիճակ ժառանգութեան այս գաւառը սուրբ ուխտին Նորավանից»<sup>725</sup>, - գրում է Սյունյաց պատմագիրը:

Գրիգոր IV Տղան մախանձախնդիր էր Հայոց եկեղեցու դավանական անաղարտության, նրա հինավուրց հավատքի պահպանման գործում: Նա ջանքեր էր ներդնում հայ ժողովրդին իսլամի ահագնակուլ հորձանքից պաշտպանելու համար: Գրիգոր IV գրեց նաև հավատաբանության խնդիրներ շոշափող գործեր՝ ուղղված քաղկեդոնականության, ինչպես նաև իսլամի դեմ: Իր բանաստեղծություններում նա շոշափում է նաև փրկագործության խնդիրը, անդրադառնում գիտական, իմաստասիրական, աստվածաբանական, խրատական բնույթի հարցերի, ազդվելով Գրիգոր Նարեկացուց և Ներսես Շնորհալուց: Նա դատափետում է ժամանակի հասարակական կեցության հոռի կողմերը, ջանալով սրբազրել դրանք, որպեսզի հայությունը զերծ մնա պառակտման վտանգից<sup>726</sup> և ի գորու լինի միասնաբար դիմակայել իսլամի հարածուն ազդեցությանը: Այդ նպատակով Գրիգոր IV-ը որոշակի ջանքեր ներդրեց հայոց ինքնուրույն օրենքների ստեղծման և համակարգման համար: 1191թ. Մեծ Հայքից Կիլիկյան Հայաստան են ժամանում մի խումբ հոգեվորականներ, որպեսզի ձեռք բերեն հայերեն դատաստանի գիրք: Նրանք դիմում են Գրիգոր IV-ին, որը սակայն չի կարողանում զոհացում տալ նրանց՝ այն պարզ պատճառով, որ տակավին չէր ստեղծվել նման օրինագիրք: Կաթողիկոսը Ներսես Լամբրոնացուն հանձնարարում է հայերենի վերածել ասորերեն դատաստանագիրքը: Լամբրոնացին թարգմանում է այն, ինչպես նաև հռոմեական որոշ օրինադրույթներ (հունարենից): Լամբրոնացին այդ առթիվ գրում է. «Որք իսմայելացւոցն էին իշխանք ի քաղաքս և դատաւորք՝ զդատ Հայաստանեայցս ոչ դատէին, այլ զխնդրողսն իրաւանց՝ առ իւրեանց արէնս առաքէին. զի այս էր ի մախալուխ մելիքացն հրաման առ

<sup>725</sup> Ստեփաննոս Օրբելեան, Պատմութիւն մահանգին Սիսական, էջ 351:

<sup>726</sup> Տե՛ս Գրիգոր Տղա, Բանաստեղծություններ և պոեմներ, էջ 179-243, 334-425:

դատաւորս քաղաքաց. յիրեանց յօրինացն դատ թողուլ զնոսին»<sup>727</sup>: Բայց դրանք չգործադրվեցին Հայաստանում: Տարասփռված հայ զանգվածներին միասնական իրավակեցութեամբ օժտելու, Հայոց պետականության ավանդները վառ պահելու նպատակով Գրիգոր IV Տղան սատարեց Մխիթար Գոշին՝ ստեղծելու իր «Գիրք դատաստանի» կոթողային աշխատությունը, որի հիշատակարանում հեղինակը դիմելով Գրիգոր IV Տղային, գրում է. «Ձսուրբ և զաստուածարեալ գլխոյդ եկեղեցացս Հայաստանեայց և հանուրց կարգաց պետի անուանակրութեամբ, Տեառնդ մերոյ հոգեւորի եւ Լուսաւորչին մերոյ սրբոյ կոչման եւ աթոռոյ ժառանգաւորի, զհարկ հոգեւոր հրամանի նուաստս յամենայնի ամենայնիւ Մխիթար ընկալայ զոր վասն գրոցս էր դատաստանի ի ձեռն եղբար եկելոյ ի Ձէնջ... Աստուծոյ վարկանելի է զձերդ վճիռ»<sup>728</sup>:

Գրիգոր IV Պահլավունին հովանավորում էր նաև ականավոր բժիշկ և բնագետ Մխիթար Յերացուն, որը նրա պատվերով 1184թ. շարադրեց «Ջերմանց մխիթարութիւն» աշխատությունը: Այդ առթիվ Յերացին գրում է. «Հաւաքեցի, և թարգմանեցի ի հայ բառ: Պատճառ ունելով այսմ աշխատութեան և զւեր և գյոժարութիւն սրբոյ և աստուածապատի կաթողիկոսին Հայոց, տեառն Գրիգորի, որ մակակոչի Տղայ... որ և պատճառն է գրոցս»<sup>729</sup>:

Գրիգոր IV Տղան նաև մեծ գրասեր, գրահավաք էր: Այս փաստը շեշտում է Մխիթար Յերացին<sup>730</sup>: Հատկանշելի փաստ է, որ Սանահնի վանքի վանահայր Գրիգոր Տուտեորդուն ուղարկած նամակներից մեկում Գրիգոր IV Տղան գիրքը վեր է դասում զանձից և հավաստում է, թե որևէ այլ ցանկություն չունի, բացի «զաստուածային գրեանս ժողովելոյ»<sup>731</sup>: Նա անդուլ հետևողականութեամբ հարստացնում էր Հռոմկլայի հայրապետանոցի գրատունը, մտավոր եռանդ էր հաղորդում հոգևոր դասին,

<sup>727</sup> Տես Կ. Բասմաջեան, Քաղաքային օրէնք Ներսէսի Լամբրոնացույ, Պարիս, 1907, էջ 5, և Ալիմեան, Ներսէս Լամբրոնացի, էջ 246: Ներսէս Լամբրոնացու թարգմանած օրէնքները մնացին լոկ որպէս ձեռագիր արժեքներ:

<sup>728</sup> Ցուցակ հայերէն ձեռագրաց Ձմմառի վանքի Մատենադարանին, Վիեննա, 1964, էջ 425: «Գիրք դատաստանի» գործի հիշատակարանում հեղինակը գրում է. «...Հրաւիրեցաք ի ձեռնարկութիւնս գրոց դատաստանիս եւ յորդորմամբ ի ձեռն թղտո տեառն Գրիգորիսի հաոց կաթողիկոսի ձեռնարկի եւ սկսա ես՝ տառասեալս Մխիթար, որ եւ Գոշ, եւ յետին ի գիտնականս...» (Մխիթար Գոշ, Գիրք դատաստանի, աշխ. և. Թորոսյանի, Երևան, 1975, էջ 172):

<sup>729</sup> Մխիթար Յերացի, Ջերմանց մխիթարութիւն, Վենետիկ, 1832, Առաջաբան:

<sup>730</sup> Նույն տեղում:

<sup>731</sup> Ա. Տէր-Միքելեան, Միջին դարերի կաթողիկոսների ձգտումները եկեղեցական խաղաղութեան համար («Արարատ», 1893, էջ 232-233):

ներշնչում հարգանք հայրենավանդ ստավոր արժեքների նկատմամբ և կորովամտություն՝ ընդդեմ օտարամույժ հոսանքների:

Գրիգոր IV Պահլավունին վախճանվեց Կիլիկիայի հայոց պետության մայրաքաղաք Սիսում, 1193թ. մայիսի 16-ին: Նրա աճյունն ամփոփվեց Սիսի հարավ-արևմտակողմում գտնվող նշանավոր Դրազարկ վանքում<sup>732</sup>, որը Ռուբինյան գահակալների դամբանատեղին էր:

Գրիգոր IV պահլավունին իր նախորդների պես մեծ ավանդ ունեցավ իր սերնդի հոգևոր ձևավորման գործում, լիաբուռն ջանքերով կոփեց նրա հույսն ու հավատը: Հարևան հզոր պետությունների ամենակուլ քաղաքականության պայմաններում կարողացավ իր հոտը պաշտպանել իսլամի զորեղ ազդեցությունից, կանխեց քաղկեդոնական ժխտածների մուտքը Հայոց առաքելաշավիղ եկեղեցի: Նա իր մեջ զուգորդում էր ազգայինն ու համամարդկայինը, մշտապես ջանում թեթևացնել հարազատ ժողովրդի ուսերին ծանրացած փորձությունների բեռը:

Գրիգոր IV Տղայից հետո կաթողիկոսական գահաթոռին բազմում է նրա քեռորդի, Պահլավունի Գրիգոր V Քարավեժը<sup>733</sup>, որը հավատարիմ մնաց Պահլավունյաց տոհմի հոգևոր ավանդներին, հետևեց իր նախորդի դավանաբանական սկզբունքներին: Սմբատ Սպարապետի վկայությամբ Գրիգոր V-ը ոչ ոքի չէր ենթարկվում, այլ «իճքնիշխանութեամբ տանէր զհայրապետութիւնն, որպէս տեսեալն էր ի քեռին իւր»: Որոշ «ավագագույն մարդիկ» թշնամանքով առլցվելով նրա հանդէպ, Լևոն II թագավորին հաղորդում են, որ իբր Գրիգոր V-ը չունի «իմաստութիւն վարել զհայրապետութիւն որպէս արժան է»: Նրանք կաթողիկոսին ամբաստանում են Լևոն II-ի առջև այնքան ժամանակ, մինչև որ վերջինիս հակում են իրենց կողմը<sup>734</sup>: Չարախոտողները հավանաբար լատինասեր իշխաններն ու եկեղեցականներն էին: Ենթադրվում է, որ Լևոն II-ն ընդառաջում է նրանց, քանի որ չէր կամենում հարաբերությունները վատացնել կաթոլիկադավան տիրակալների հետ, որոնք իրեն թագ էին խոստացել: Բայց առանց նրանց կողմից թագ ստանալու, նա ուներ իրեն արքա հռչակելու բոլոր հնարավորությունները:

Հավատարիմ Պահլավունի տոհմի ավանդներին, Գրիգոր V-ը պահպանում էր մերձակցությունը արևելահայ հոգևորականության հետ, ի հեճուկս լատինասեր կղերականների<sup>735</sup>: Գրիգոր V-ը մտացի եկեղեցական էր: Սմբատ Սպարապետը գրում է, թե նա կաթողիկոսի գահին բազ-

<sup>732</sup> Տես Սմբատ Սպարապետ, էջ 204, Սամուել Անեցի, էջ 139, 164:

<sup>733</sup> Տես Սմբատ, էջ 204-205:

<sup>734</sup> Տես Մ. Օրմանեան, Ա, սյունակ 1759:

<sup>735</sup> Տես Գրիգորի կաթողիկոսի Տղայ կոչեցելոյ Նամականի եւ Ներսեսի Լամբրոնացւոյ Ատենաբանութիւնք եւ Թուղթ եւ ճառք, Վենետիկ, 1865, էջ 226-227:

մեց պատանի («տղայ») հասակում<sup>736</sup>: «Տղայ» վերադիրն այստեղ լոկ մականուն է, որ գործածում են նաև Վարդան Արևելցին, Կիրակոս Գանձակեցին և ուրիշներ, անշուշտ, նկատի ունենալով նրա տարիքը, գուցե և բազմափորձ չլինելը: Այնուամենայնիվ, Գրիգոր V-ը մինչև հայրապետ ընտրվելն արդեն ստացել էր եպիսկոպոսական աստիճան<sup>737</sup>:

Լևոն II-ը նպատակադրվել էր իր ազդեցությունը տարածել նաև Մեծ Հայքի հոգևորականության վրա, ուստի թվում էր, թե պետք է բարեհաճ վերաբերմունք ցուցաբերի արևելահայ հոգևորականների համակրանքը վայելող Գրիգոր V-ի նկատմամբ: Սակայն թագավորն ընդառաջ զնաց կաթողիկոսներ կղերականներին և նրանցից Սիս քաղաքի Հովհաննես արքեպիսկոպոսին ու նրա ուղեկիցներին ուղարկեց Հռոմկլա, արտոնելով լայն իրավազորությամբ: Վերջիններիս, ինչպես վկայում է Սմբատ Սպարապետը, Հռոմկլայում ընդունեցին մեծ պատիվներով: Սակայն հենց որ նրանք նստեցին սեղանի շուրջը, Հովհաննես արքեպիսկոպոսի ազդանշանով նրա մարդիկ փակեցին ամրոցի դարպասները, առիթ տալով աղմուկի ու խառնաշփոթության: Հույժ զարմացած կաթողիկոսի հարցումին ի պատասխան, արքեպիսկոպոսն ասում է. «դու կալանված ես», որից հետո նրա մարդիկ բռնում են Գրիգոր V-ին և նետում բանտ: Կաթողիկոսի ձերբակալումը հուզեց շրջակա գյուղերի բնակիչներին, որոնք երեք օր փորձեցին ազատել հայրապետին, բայց ապարդյուն: Հովհաննես արքեպիսկոպոսը Գրիգոր V-ին տեղափոխեց Սիս՝ Լևոն II-ի մոտ, որը նրան փակել տվեց Կոպիտառ ամրոցում<sup>738</sup>:

Կիրակոս Գանձակեցու վկայությամբ Գրիգոր V-ը մյուս Պահլավունիների նման գեղանձն ու պարթևահասակ էր: «Բայց,- գրում է մատենագիրը, զի մախողք բազում էին նորա, արկին բարուրս ինչ ի վերայ նորա եպիսկոպոսքն նախանձոտք և մատնեցին զնա ստութեամբ Լևոնի թագաւորի: Եւ նա հրամայեաց արգելուլ զնա ի բերդ մի, մինչ քննութիւն լիցի ճշմարտութեամբ վասն նորա»: Լևոն II-ը կամեցավ դատաքննությանը վերահասու դարձնել նաև արևելահայ հոգևորականներին, ուստի «գրեաց թուղթ յԱրևելս յաշխարհն Հայոց առ վարդապետս և եպիսկոպոսս, եթ զինչ կամք իցեն նոցա վասն այնր»<sup>739</sup>: Ըստ Վարդան Արևելցու, Գրիգոր V-ը Լևոն II-ի կողմից բանտ է նետվել կաթողիկոսի աթոռին նստելուց «զկնի ամի միոյ»<sup>740</sup>: Սամուել Ամեցին Գրիգոր V-ի կաթողիկոսության ժա-

<sup>736</sup> Տես Սմբատ, էջ 205:

<sup>737</sup> Մ. Օրմանյանը (Ազգապատում, Ա, սյունակ 1753) կարծում է, որ Գրիգոր V-ը հայրապետ օծվելիս 25 տարեկանից պակաս չպետք է լիներ:

<sup>738</sup> Տես Սմբատ, էջ 205-206:

<sup>739</sup> Կիրակոս Գանձակեցի, էջ 147-148:

<sup>740</sup> Վարդան, ՁԳ, էջ 139:

մանակը հաշվում է երկու տարի<sup>741</sup>: Ըստ Սմբատ Սպարապետի, Գրիգոր V-ը կաթողիկոսի աթոռին բազմել է 1193թ. և վախճանվել 1194թ.<sup>742</sup>: XIIIդ. մատենագիր Ստեփաննոս եպիսկոպոսի տարեգրության մեջ Գրիգոր V-ի մասին նշված է «Կաթողիկոս տէր Գրիգորիս ամ Ա»<sup>743</sup>: Հավանաբար, Գրիգոր V-ն աթոռակալել է սոսկ մեկ տարուց մի փոքր ավելի ժամանակամիջոցում: Նրա կյանքն ընդհատվեց ողբերգական հանգամանքներում: Մինչև Գրիգոր V-ի նկատմամբ կկայանար նախատեսվող քննությունը, նրա կողմնակիցները, համաձայն Սմբատ Սպարապետի մի վկայության, գաղտնի կապ են հաստատում նրա հետ և հորդորում հնար գտնել ամրոցից փախչելու համար, խոստանալով, որ իրենք կաթողիկոսին ծիով կտանեն Հռոմկլա իր աթոռանիստը: Կաթողիկոսն իբր միամտորեն հավատ ընծայելով նրանց խոսքերին, գիշերը փորձում է սպիտակեղենից հյուսված պարանի միջոցով իջնել պարսպապատից, սակայն սպիտակեղենը չի դիմանում նրա մարմնի ծանրությանը, և կաթողիկոսը ցած է ընկնում ու տեղնուտեղը վախճանվում<sup>744</sup>:

Ըստ երևույթին արևելահայ հոգևորականները կտրուկ դեմ են եղել Գրիգոր V-ի կալանմանը: Կիրակոս Գանձակեցին գրում է, որ մինչև արևելահայերից պատասխան կգար, Գրիգոր V-ը պարսպից ցած ընկնելով կնքել է իր մահկանացուն<sup>745</sup>: Սակայն մատենագիրը նաև նշում է, որ ըստ շրջանառվող լուրերի, «մախողքն նորա ընկեցին՝ եպիսկոպոսքն, որք ակն ունէին ժառանգել զաթոռն»<sup>746</sup>: Նրանցից հանվանե հիշվում են Հովհաննես արքեպիսկոպոսը և Ներսես Լամբրոնացին: Լևոն II-ը հավանաբար, չի կամեցել սրել հարաբերությունները արևելահայ հոգևորականների հետ և նրանց մասնակցությամբ փորձել է օրինական տեսք տալ Գրիգոր V-ի աթոռընկեցությանը: Սակայն վերջինիս ախտյանները չեն սպասել մինչև քննության կայանալը, երկյուղելով, որ Լևոն II-ը կարող է զիջել արևելահայ եկեղեցու հայրերին, որոնք խրախուսում էին Գրիգոր V-ի ինքնուրույն գործելակերպը և, ամենայն հավանականությամբ, զորավիգ էին լինելու տարաբախտ հովվապետին: Ինչևէ, Գրիգոր V Քարավեժի եղերական մահը ծանր կորուստ էր լատինամերժ հոգևորականության համար:

<sup>741</sup> Տես Սամուէլ Անեցի, էջ 143:

<sup>742</sup> Տես Սմբատ, էջ 204-205:

<sup>743</sup> Տես Մանր ժամանակագրություններ, I, էջ 36:

<sup>744</sup> Տես Սմբատ, էջ 206: Հմմտ նաև Վարդան, էջ 139:

<sup>745</sup> Տես Կիրակոս Գանձակեցի, էջ 148:

<sup>746</sup> Նույն տեղում:

Գրիգոր V Պահլավունու եղբրական մահվանից հետո Տարսն քաղաքում կայացած ժողովում Հայոց կաթողիկոս ընտրվեց Ներսես Շնորհալու ավագ եղբոր՝ Ջորավարի որդին՝ Գրիգոր VI-ը՝ Ապիրատ կրկնանունով (որը նրա ավագանի անունն էր)<sup>747</sup>: Ներսես Շնորհալին գրում է, որ Ապիրատը երիտասարդական տարիներին եղել էր Կոստանդնուպոլսում, տրվել աշխարհիկ գայթակղությունների<sup>748</sup>: Այնուհետև նա իրեն նվիրել է հոգևոր զբաղումների և հորեղբոր (Շնորհալու) կողմից ձեռնադրվել եպիսկոպոս:

Համաձայն Վարդան Արևելցու վկայության, Գրիգոր IV Տղայի կաթողիկոս ընտրվելու ժամանակ Գրիգոր Ապիրատը մեկնեց Լամբրոն «և խնամէր զՏարսոնի վիճակն»<sup>749</sup>: Բայց այդ պաշտոնում նա մնաց ընդամենը մեկ և կես տարի, քանի որ, ինչպես նշվել է, 1175թ. Տարսոնի ու Լամբրոնի եպիսկոպոս կարգվեց Ներսես Լամբրոնացին: Այնուհետև Գրիգոր Ապիրատը նշանակվել է Անտիոքի արքեպիսկոպոս<sup>750</sup>, մասնակցել Հռոմկլայի ժողովին, իսկ կաթողիկոս ընտրվելիս արքեպիսկոպոսի պաշտոն է վարել Կեսարիայում<sup>751</sup>: Հավակնելով Հայոց կաթողիկոսի գահին, Գրիգոր Ապիրատը ներհակում էր Գրիգոր V Քարավեժի ինքնուրույն ձեռնարկումների՝ ի հաճույս նրա հակառակորդների, ինչպես և Լևոն II-ի<sup>752</sup>:

Գրիգոր VI Ապիրատ Պահլավունին Հայոց կաթողիկոս ընտրվեց 1194թ., Լևոն II-ի կամքով: Անշուշտ, կաթողիկոսի գահի արժանի թեկնածու էր Ներսես Լամբրոնացին, սակայն վերջինիս նկատմամբ արևելահայ եկեղեցականների բացասական դիրքավորումը ստիպեց Լևոն II-ին նախապատվություն տալու արդեն 70 տարիքը բոլորած, թույլ ու համակերպվող բնավորության տեր և իր հետ մտերմացած Գրիգոր Ապիրատ Պահլավունուն, որի տոհմական պատկանելությունը կարող էր հանդարտեցնել արևելահայ հոգևորականների միջավայրում եռացող կրքերը: Վերջիններիս համակրանքը շահելու նպատակադրումով Լևոն II-ը խիստ բացասամետ դիրք բռնեց կաթողիկոսի աթոռին հավակնող Ներսես Լամբրոնացու (Շահանդուխտ Պահլավունու որդու) նկատմամբ, որին դատափետեց նրա եղբոր Լամբրոնի իշխան Հեթումի առջև, Ներսեսի գործելա-

<sup>747</sup> Սմբատ Սպարապետ, էջ 206, Վարդան, էջ 139:

<sup>748</sup> Տես Ներսես Շնորհալի, Բանք չափաւ, էջ 325-326:

<sup>749</sup> Վարդան, ՀԵ, էջ 129:

<sup>750</sup> Տես Ներսես Շնորհալի, Ընդհանրական թուղթք, էջ 198:

<sup>751</sup> Տես Մ. Օրմանեան, Ազգապատում, Ա, սյունակ 1751:

<sup>752</sup> Հմմտ. Սամուել Անեցի, էջ 144:

կերպը համարելով «անկարգ ու անօգուտ» և նախնայաց ուղուց շեղված<sup>753</sup>: Դրան հետևեց Ներսես Լամբրոնացու կողմից Լևոն II-ին ուղղված նամակը, որտեղ նա շանթ ու կրակ է տեղում արևելահայ եկեղեցականների, հատկապես Գրիգոր Տուտեորդու և Դավիթ Քոբայրեցու Յաղբատի միաբանների մտացի ներկայացուցչի, նաև Բարսեղ Անեցի Պահլավունու վրա, նրանց դիտելով իբրև «պիղծ» ու «տգետ աղվեսներ», «շներ» և այլն<sup>754</sup>: Արևելահայ եկեղեցականների նկատմամբ Լամբրոնացու այդօրինակ վերաբերմունքը բխում էր նաև հռոմեադավան և քաղկեդոնական եկեղեցիների հանդեպ նրանց ցուցաբերած ժխտողական դիրքորոշումից: Լամբրոնացին կողմ էր մյուս եկեղեցիների նկատմամբ հոգևոր մերձակցության միության, նույնիսկ որոշ զիջումների<sup>755</sup>, դրանցում տեսնելով հայերի փրկությունը: Սակայն պատմությունը ցույց տվեց, որ նրա ուղեգիծը թեական էր և հակասում էր ազգային շահերին:

Իսկ արևելահայ հոգևորականները ջանալով Յայոց հայրապետական աթոռը հաստատել Յայ բնաշխարհում Անի ոստանում, հրաժարվեցին ճանաչել Գրիգոր Ապիրատի կաթողիկոսությունը և 1195թ. Յայոց հայրապետ հռչակեցին Անիի արքեպիսկոպոս Բարսեղ Պահլավունուն: Նրանք պահանջեցին բեկանել Գրիգոր Ապիրատի ընտրությունը և կատարել կաթողիկոսի նոր ընտրություն: Արևելահայ եկեղեցականները Լևոն II-ին առաջարկեցին մեկուսացնել Ներսես Լամբրոնացուն և թույլ չտալ, որ նա միջամտի եկեղեցական, նաև քաղաքական խնդիրներին: Լևոն II-ը բարեհաճ վերաբերմունք ցուցաբերեց արևելահայ պատվիրակների նկատմամբ, բավարարեց Լամբրոնացուն առնչվող նրանց պահանջները<sup>756</sup>: Բայց նա բուլղոսի չփորձեց աթոռը նկեց անել Գրիգոր Ապիրատին, ելնելով նրա օրինապահությունից, հնազանդ վարքից:

1197թ. օրակարգում էր Լևոն II-ի թագադրման հարցը: Լևոնը կամենում էր թագ ստանալ երկու հզորագոր վեհապետներից Բյուզանդիայի կայսր Ալեքսիոս III-ից և գերմանական կայսր Յենրիխ VI-ից: Նկատի առնելով Ներսես Լամբրոնացու հունասեր հակումները, Լևոն II-ը 1197թ. նրա գլխավորությամբ պատգամավորություն ուղարկեց Կոստանդնուպոլիս<sup>757</sup>: Սակայն Բյուզանդիայի ամենակուլ հավակնություններն այս անգամ նույնպես զգալ տվեցին իրենց: Կայսրությունն առաջարկեց առանց փո-

<sup>753</sup> Տես Գրիգոր Տղա, Նամականի և Ներսես Լամբրոնացի, Ատենաբանությունը և թուղթ և ճառք, էջ 213:

<sup>754</sup> Տես նույն տեղում, էջ 232-243:

<sup>755</sup> Տես Ն. Ալիմեան, Ներսես Լամբրոնացի, էջ 103,306-307:

<sup>756</sup> Տես Գրիգոր Տղա, Նամականի և Ներսես Լամբրոնացի, Ատենաբանությունը եւ թուղթ եւ ճառք, էջ 228 և հտ.:

<sup>757</sup> Տես Սմբատ Սպարապետ, էջ 207:

խաղարձ զիջումների, Հայադավան եկեղեցին Բյուզանդական եկեղեցուն ենթարկելու և վերջինիս դավանությունն անվերապահորեն ընդունելու մերժելի պահանջներ: Դրանց չընդառաջեց անգամ Ներսես Լամբրոնացին, անշուշտ կանխավ համապատասխան ցուցումներ ստանալով Գրիգոր Ապիրատից և Հայ եկեղեցու մյուս հայրերից<sup>758</sup>:

Լևոն II-ը և Գրիգոր VI կաթողիկոսը դեմ էին Բյուզանդիայի դավանական նկրտումներին: Կիլիկիայի Հայոց պետությունը մագլցում էր իր հզորության գագաթնակետը, անկախ կայսրության քաղաքական ու դավանական մտահղացումներից: Վերջինս այլևս ի զորու չէր իր կամքը պարտադրել Հայոց պետությանն ու նրա եկեղեցուն:

Լևոն II-ը չէր կամենում սրել հարաբերությունները կաթոլիկ Եվրոպայի հոգևոր առաջնորդի՝ Յռոմի պապի հետ, անշուշտ, Ելնելով քաղաքական նկատառումներից: Հայ եկեղեցականները դեմ էին հռոմեադավան եկեղեցու հանդեպ զիջումներին: Լևոն II-ը 1198թ. հունվարի 6-ին Տարսոն քաղաքում թագադրվեց<sup>759</sup>: Նա կարողացավ հանդարտեցնել հայ եկեղեցականների մտքերը, հասկացնելով, որ Յռոմի նկատմամբ դավանական զիջումները լինելու են առերևույթ: Դիվանագիտական նկատառումներով Լևոն II-ը միություն առաջարկող Յռոմի պապի բանազնացներին հավաստիացրեց, որ լիովին ընդունելու են պապի դավանական առաջարկները: Այդ նպատակով Տարսոնում Լևոնի հրավիրած ժողովի մասնակիցներից մի քանիսն ընդունեցին նրա առաջարկը (իր թագադրության շքահանդեսին մասնակցող 17 եպիսկոպոսներից 12-ը)<sup>760</sup>: Լևոնի առաջարկը մերժել է գուցե նաև Գրիգոր կաթողիկոսը, որը դեմ էր կաթոլիկ եկեղեցու հետ միությանը (որի կայացմամբ նա արևելահայերի մոտ վարկազրկվելու էր)<sup>761</sup>: Կիրակոս Գանձակեցին նրան չի հիշում Լևոն II-ի առաջարկն ընդունած եկեղեցականների մեջ<sup>762</sup>:

Լևոն II-ին թագավոր օժեց Գրիգոր VI Պահլավունին<sup>763</sup>: Վերջինս թեև դեմ էր լատին եկեղեցու հետ միությանը, բայց ստիպված էր հաշվի առնել ստեղծված իրավիճակը, երբ պապությունն ապրում էր իր հզորության գագաթնակետը և ի զորու էր քաղաքական եղանակ ստեղծել լատինադավան Եվրոպայում: Ուստի կաթողիկոսը և Լևոն II-ը չվարանեցին Ին-

<sup>758</sup> Տես Յ.Տաշեան, Ցուցակ ձեռագրաց Մխիթարեան մատենադարանին ի Կիեն-նա, էջ 335: Տես նաև Դ. Ալիշան, Հայապատում, էջ 425:

<sup>759</sup> Տես Սմբատ Սպարապետ, էջ 208:

<sup>760</sup> Տես Կիրակոս Գանձակեցի, էջ 157-158:

<sup>761</sup> Յմմտ. Ս. Օրմանեան, Ա, սյունակ 1798-1799:

<sup>762</sup> Տես Կիրակոս Գանձակեցի, էջ 157-158:

<sup>763</sup> Տես Սամուել Անեցի, էջ 144, Վահրամ Բաբունոյ Ռուանաւոր պատմութիւն Ռուբինեանց, Փարիզ, 1859, էջ 215:

նուկենտիոս III պապին հղել շնորհակալագիր, հավաստելով իրենց հավատարմությունը քրիստոնեական աշխարհի միության գաղափարին: Եթե հավատանք Կղեմես Գալանոսի խոսքերին, Գրիգոր VI-ը հատկապես շեշտել է Ռոմի կողմից վիշապի բերանն ընկած հայությանը զորակցություն ցուցաբերելու անհրաժեշտությունը վերջինիս անհավասար պայքարում ընդդեմ «քճամեաց խաչին Քրիստոսի»: Նա նաև նշել է, որ պապի ուղարկած թագով հայությունը վերագտավ վաղուց կորցրածը: Լևոն II-ը դիվանագիտական նկատառումներով նույնպես արտահայտել է իր ակնկալությունն Արևմուտքի օգնության նկատմամբ<sup>764</sup>:

Սակայն ասվածից չի հետևում, թե Լևոն II-ը կամենում էր դաշնակցել խաչակիր զորքին: Նա այդպիսի դաշինքը համարում էր վտանգավոր իր երկրի համար<sup>765</sup>: Այլ էին Ռոմի պապի ակնկալիքները հայերի նկատմամբ: Նա գտնում էր, որ հայերը պետք է զորակից լինեն սրբազան պատերազմի ելած խաչակիր զորագնդերին: Նման գաղափարով էին ներծծված Իննուկենտիոս III պապի կողմից 1199թ. նոյեմբերի 23-ին Գրիգոր VI Պաիլավունի կաթողիկոսին և Չայոց թագավոր Լևոն II-ին ուղարկած նամակները: Ռոմի պապն այն համոզմանն էր, որ հայերի զորակցությունը էապես նպաստելու էր խաչակրաց նոր արշավանքի հաջող ընթացքին: Ի դեպ՝ տակավին խաչակրաց առաջին արշավանքի ժամանակ, 1098թ. հունիսի 3-ին հայ ազնվական Փիրուզի օգնությամբ խաչակիրները գրավել էին Անտիոք քաղաքը<sup>766</sup>:

Ռոմի պապը 1199թ. նոյեմբերի 24-ին և դեկտեմբերի 17-ին Լևոն II թագավորին ուղղած նամակներում հույս էր հայտնում, որ Չայոց թագավորը օգնելու է խաչակիր զորքին պարենով ու զորքով: Պապը հատուկ պատվիրակի միջոցով Լևոն II-ին ուղարկեց Ս.Պետրոսի անվամբ դրոշմ իբրև նշան հանուն Քրիստոսի խաչի մղվող պատերազմում հայերի և խաչակիրների դաշինքի: Լևոն II-ը և Գրիգոր VI կաթողիկոսը չվարանցին այդ առթիվ շնորհակալագիր հղել Ռոմի պապին<sup>767</sup>: Սակայն խաչակիրները ի հետ հայոց զինադաշինքն այդպես էլ չկայացավ:

Լևոն II-ը ջանքեր ներդրեց երկրի ներքին կայունությունն ապահովելու համար: Նրան սատար կանգնեց Գրիգոր VI Պաիլավունին, որի քեռորդի Չեթում իշխանը (Օշինի որդին և Ներսես Լամբրոնացու եղբայրը) հրաժարվում էր ենթարկվել Լևոն II-ին ի հաճույս Բյուզանդիայի կայսեր: Նա իշխում էր անառիկ Լամբրոն ամրոցին և շրջակա գավառին: Ավելորդ

<sup>764</sup> Տես Կղեմես Գալանոս, Միաբանութիւն Չայոց Սուրբ Եկեղեցւոյն ընդ մեծի Սուրբ Եկեղեցւոյն Ռոմայ, էջ 347-348, 358:

<sup>765</sup> C. Mutafian, *la Cilicie au carrefour des empires*, I, Paris, 1988, p.168-169.

<sup>766</sup> S. Runsiman, *A History of the Crusades*, Cambridge, 1951, p. 231.

<sup>767</sup> Կղեմես Գալանոս, էջ 359-362:

արյունահեղությունից խուսափելու համար Լևոն II-ը 1201 թվականին Յեթում Լամբրոնացուն առաջարկեց քաղաքական դաշինք, որը պետք է ամրապնդվեր ամուսնությամբ. Յեթումի ավագ որդի Օշինին կնության էր տրվելու Լևոն II-ի եղբոր Ռուբենի դուստրը: Հարսանյաց տոնախմբությունը կատարվեց Տարսոն քաղաքում, որտեղ դեռ 1198թ. Լևոն II-ի թագադրման հանդեսին հրավիրվել էր նաև Յեթումը<sup>768</sup>: Այս անգամ Յեթումն իր գերդաստանով հարսանիքի մեկնեց Տարսոն, որտեղ Լևոն II-ը ձերբակալեց նրան, ապա զորք ուղարկեց Լամբրոն և առանց դժվարության գրավեց այն: Բայց որոշ ժամանակ անցնելուց հետո Լևոն II-ն ազատ արձակեց Յեթումին և շնորհեց նրան Դրագարկի վանքը: Դա, անշուշտ կատարվել է Գրիգոր VI հայրապետի կամակցությամբ: Վերջինս Հռոմկլայից մեկնեց Սիս՝ իր քրոջ որդուն բանտի կապանքներից ազատելու համար: Նրան հաջողվեց հաշտեցնել Լևոն II-ին և Յեթումին, որն ազատ արձակվեց և կաթողիկոսի կողմից օծվեց եկեղեցական աստիճանով<sup>769</sup>: Այդուհետև Լևոն II-ը և Յեթում Լամբրոնացին դարձան մերձավորներ, համագործակցեցին միմյանց: 1210թ. Լևոն II-ն իր որդեգիր Ռուբենի համար արքայական թագ բերելու նպատակով Հռոմի պապի և գերմանական կայսեր մոտ ուղարկեց Յեթումին, որը հաջողությամբ կատարեց այդ առաքելությունը<sup>770</sup>:

Կաթողիկոսի միջնորդությամբ Լամբրոն ամրոցի տերերի հնազանդեցումը էապես նպաստեց երկրի զորացմանը, Լևոն II-ի թագավորության հեղինակության մեծացմանը: Լևոն II-ը գնահատեց Գրիգոր VI Պահլավունու կողմից իր թագավորությանը սատար կանգնելու ջանքերը և, իր հերթին, օգնեց նրան Հայոց եկեղեցու ինքնուրույնությունը պահպանելու գործում: Նա կարողացավ վիժեցնել Հայոց կաթողիկոսության նկատմամբ Անտիոքի պատրիարքության կողմից գերակայություն ունենալու նկրտումները<sup>771</sup>: Լևոն II-ը հատուկ թղթով Հռոմի Իննուկենտիոս III պապից պահանջեց, որպեսզի Անտիոքի աթոռը հրաժարվի Հայոց եկեղեցու իրավագործությանը ենթակա շրջանների նկատմամբ գերակայության հավակնություններից: Հռոմի պապը Լևոն II-ին դիտում էր որպես խաչակիրների հնարավոր զորակից, ուստի ընդառաջեց նրա պահանջին և 1202թ. հունիսի սկզբին հատուկ հրովարտակով կարգադրեց որպեսզի ոչ

<sup>768</sup> Տես Սմբատ Սպարապետ, էջ 210:

<sup>769</sup> Տես նույն տեղում, էջ 211-212:

<sup>770</sup> Տես նույն տեղում, էջ 217:

<sup>771</sup> Դեռևս 1098թ. հունիսին խաչակիրները Գրավելով Անտիոք քաղաքը, այնտեղ հիմնեցին կաթոլիկ պատրիարքություն, որը հավակնում էր ոչ միայն Անտիոքի հին պատրիարքության իրավասությանը ենթակա երկրամասերի, այլև Կիլիկիահայության նկատմամբ եկեղեցական գերակայության:

ոչ հոգևոր գերիշխանությունն չունենա Կրիլիկիայի Հայոց թագավորության նկատմամբ, «բաց ի հայրապետեն Հռոմայ»<sup>772</sup>: Անտիոքի հավակնություններին վերջ տալու նպատակով Հայոց եկեղեցու հայրերը հարություն տվեցին «Ռաշանց թղթին», այն մուծելով Ագաթանգեղոսի երկասիրության որոշ օրինակների մեջ: Այդ փաստաթղթի համաձայն, Տրդատ Մեծի և Գրիգոր Լուսավորչի ու Հռոմի Կոստանդիանոս կայսեր և Սեղբեստրոս պապի միջև կնքված դաշինքով Անտիոքի, Ալեքսանդրիայի, Երուսաղեմի պատրիարքները պետք է ձեռնադրվեին Հռոմի պապի փոխանորդը հանդիսացող Հայոց կաթողիկոսի հայեցողությամբ<sup>773</sup>: Իրականում Ագաթանգեղոսի պատմության բնագրում սոսկ նշված է այդ դաշինքի մասին և ոչ մի խոսք չկա հիշյալ պատրիարքների նկատմամբ Հայոց կաթողիկոսի գերակայության մասին<sup>774</sup>:

Դժվար է ասել, թե «Ռաշանց թուղթը» վերահառնել տալու գործընթացին ինչ մասնակցություն է ունեցել Գրիգոր VI կաթողիկոսը: Բայց այն փաստը, որ հենց նրա հովվապետության տարիներին էր, որ սուր կերպով իրենց զգալ տվեցին Անտիոքի պատրիարքության ցուցաբերած եկեղեցաքաղաքական հավակնությունները Հայոց կաթողիկոսության նկատմամբ, թույլ է տալիս ենթադրելու, որ հենց Գրիգոր VI-ի օրոք է կլիկիական եկեղեցական միջավայրում սնուցամվել «Ռաշանց թղթի» վերարժարժման գաղափարը: Սակայն այդ ուղղությամբ ձեռնարկված աշխատանքներն ամենայն հավանականությամբ, հիմնականում կատարվել են Գրիգոր Ապիրատի հաջորդ Հովհաննես VI Սսեցու օրոք (1203-1221), երբ հայրապետական գահանիստ դարձավ Սիս մայրաքաղաքը:

Փուլեց Գրիգոր VI Ապիրատն իր կյանքի վերջին տարիներին անշուշտ, ընդառաջելով Լևոն II թագավորի հորդորներին, հակված է եղել Սիսը կաթողիկոսանիստ դարձնելու մտքին: Հատկանշելի է, որ երբ արդեն ութսունը բոլորած Գրիգոր VI-ը մեկնեց Սիս իր քեռորդի Հեթում Լամբրոնացուն կալանքից ազատելու համար, նա այլևս չվերադարձավ Հռոմկլա և հենց Սսում էլ կնքեց իր մահկանացուն (1203թ. մարտին) և թաղվեց Եպիսկոպոսանիստ Արքակաղին վանքում<sup>775</sup> (Մամեստիայի մուտակայքում):

Գրիգոր VI-ը Պահլավունյաց տոհմի վերջին կաթողիկոսն էր, որը սակայն չունեցավ Պահլավունի հաջորդ, քանի որ այդ տոհմից այլևս

<sup>772</sup> Տես Կոնենս Գալանոս, էջ 364, Ղ. Ալիշան, Սիսվան, էջ 943:

<sup>773</sup> Տես Ագաթանգեղոս, Գիրք վիպասանութեան, Կ. Պոլիս, 1709, էջ 415:

<sup>774</sup> Տես Ագաթանգեղոս, Պատմութիւն Հայոց, էջ 462-463: «Ռաշանց թղթի» մասին տես Հր. Բարթիկյան, «Ռաշանց թուղթը», կազմը, ստեղծման ժամանակը, հեղինակն ու նպատակը («Պատմաբանաս. հանդես», 2004, N2):

<sup>775</sup> Տես Սմբատ Սպարապետ, էջ 213:

չկար կաթողիկոսի գահի որևէ թեկնածու: Ուստի Հայոց հայրապետի գահին բազմեց Լամբրոնի տեր Օշինի թոռ Կոստանդինը՝ Սսի եպիսկոպոսը, որի տոհմը խնամիրություն ուներ Պահլավունիների հետ:

Գրիգոր VI-ի մահվամբ վերջ գտավ Պահլավունիների կաթողիկոսական հարստության 138 տարի տևած գահակալությունը: Դրամատիկ իրադարձություններով հագեցված այդ պատմաշրջանը պսակվեց Կիլիկիայում Հայոց թագավորության հռչակմամբ: Պահլավունիները դիմակայեցին քաղաքական բռնաշունչ հողմերին և պահապան կանգնեցին հայրենավանդ հոգևոր արժեքներին: Պահլավունի տոհմից սերած հայրապետներն իրենց խորախորհուրդ պատգամներով ու հայրենամուտեր գործունեությամբ պաշտպանեցին Հայոց հավատքը, էականորեն նպաստեցին երկրի հոգևոր և քաղաքական ինքնության պահպանմանը:

Պահլավունիները Յյուսիս-արևելյան Հայաստանում  
(XI դ. վերջ- XII դ.)

Գրիգոր Մագիստրոս Բջնեցու դուստրերից մեկի ամուսին Վասակը (Գրիգոր Ապիրատ Մագիստրոսի որդին) ունեցավ չորս որդի Բարսեղը, Հասան մագիստրոսը, Ապլջահապը և Գրիգորը, որը հառնել տվեց Պահլավունյաց տոհմի զինական հռչակը: Մատթեոս Ուռհայեցին այս իշխանին հիշում է որպես «յազգէ Պահլաւունեաց», «կուրապաղատն արևելից», որն իշխում էր Շիրակ գավառին, իշխանամիստ դարձնելով Անի քաղաքը: Նա հռչակված էր իբրև «այր քաջ և հզօր պատերազմող»<sup>776</sup>:

Դեռևս 1064թ. Շաղաղյան քրդական տոհմաճյուղերից մեկի ամիրա Փատլուն II-ը (1067-1072) տիրանալով Անի քաղաքին, նրա կառավարիչ կարգեց եղբորը Մանուչեին, որը նկատի առնելով հայերի խաղացած գերազդեցիկ դերը Անիում, աշխատեց սիրաշահել, իր հետ կապել հայ վերնախավին: Այդ նպատակադրումով նա իր մոտ է հրավիրում հայ իշխաններին, նրանց թվում նաև Գրիգորին: Մանուչեյն, ըստ Վարդան Արևելցու, «ած ի քաղաքն զամենայն մնացեալ իշխանսն. որպէս և մեծաւ հանդիսիւ ընդ առաջ ելեալ մուծամէր ի ներքս զԳրիգոր զորդին Վասակայ, զթռն Ապիրատին զոր ասեն ունել ի գլուխ ազատաց կանանցն հինգհարիւր թագս երևելիս. զի տէր էր մեծ զօրաց և բազում ազատաց»<sup>777</sup>:

1090-ական թվականների սկզբներին Գրիգորը ջախջախում է Անիի վրա հարձակված թյուրք-սելջուկյան յոթ հազարանոց զորքին, որին զլխավորում էր փոքր-ինչ հետո Երուսաղեմը խաչակիրներից ետ գրավող Ելխազ ամիրայի եղբայրը<sup>778</sup>:

Գրիգորի զորավարական կարողությունները չվրիպեցին նաև Գանձակի Փատլուն ամիրայի աջքից: Կամենալով նրա զորակցությամբ գրավել Սյունիքը, Փատլունը Գրիգոր Ապիրատին նշանակում է իր զորաբաժիններից մեկի հրամանատար և 1094թ. մեծաստվար զորքով ռազմի ելնում Սյունիքի (Բաղաց) թագավոր Սենեքերիմի դեմ, որի թագավորությունը Գանձակի ամիրաները «խոչ մեծ համարէին ինքեանց»: Փատլունի

<sup>776</sup> Մատթեոս Ուռհայեցի, էջ 268-269:

<sup>777</sup> Վարդան Արևելցի, ԾԹ, էջ 103-104: Այս մասին տես՝ Հ. Մարգարյան, Յյուսիսային Հայաստանի և Վրաստանի ԺԲ դարի պատմության մի քանի հարցեր, էջ 83-87:

<sup>778</sup> Վարդան Արևելցի, էջ 109:

հետ էր «Շիրակայ իշխանն Գրիգոր Ապիրատեան»<sup>779</sup>, գրում է Սյունյաց պատմիչը:

Չկարողանալով պարտության մատնել Սյունյաց թագավորին, Փատլունը նրա մոտ է առաքում Գրիգորին, համձնարարելով երդման միջոցով համոզել Սենեքերիմին «գալ առ իս և առնենք ընդ միմեանս սեր. և մեծամեծ պարգևօք արծակեն զնա»: Ամիրան սպառնում է, որ զլխատելու է Գրիգորին, եթե չկատարի իր համձնարարությունը: Գրիգոր Ապիրատը հավատ ընծայեց ամիրային և, համոզված, որ նա իրոք կամենում է բարեկամական հարաբերություններ հաստատել Սենեքերիմ Սյունեցու հետ, մեկնեց նրա մոտ և հաղորդեց ամիրայի ցանկության մասին: Սենեքերիմը Գրիգորի հետ ժամանեց Փատլուն ամիրայի մոտ: Սակայն նենգադրուժ ամիրան չվարանեց սպանել Սենեքերիմին, հուսալով, որ այդ կերպ ինքը կարող է տիրանալ Սյունյաց թագավորության հողերին: Իհարկե, դա նրան չհաջողվեց: Սենեքերիմին հաջորդած որդու Գրիգոր I-ի օրոք Սյունյաց թագավորությունը պահպանեց իր անկախությունը<sup>780</sup>:

1099թ. Արշարունիք գավառի Կաղզվան ավանում Գրիգորն իր զորքով ջախջախեց թյուրք-սելջուկներին, մահից փրկելով Մանուչե ամիրային: Պահլավունյաց այս քաջակորով իշխանը, հաղթական պատերազմից հետո վերադառնում էր Անի, երբ դարանամուտ թյուրք զինվորը նետահար անելով սպանեց նրան: Գրիգոր I Ապիրատյանի մահվան պատճառով «եղև սուգ մեծ Շիրակայ և ամենայն տանն Հայոց», -ցավով նշում է Մատթեոս Ուռհայեցի<sup>781</sup>: Գրիգորի դին մեծ հանդիսավորությամբ թաղեցին Կեչառիսի վանքում: Հուղարկավորների թափոթի մեջ էին նրա եղբայրը Բարսեղ կաթողիկոսը, Մանուչե ամիրան «և ամենայն զօր բանակին Հայոց»<sup>782</sup>:

Վասակ Պահլավունու որդիների Հասանի և Ապլջահապի մասին տեղեկությունները սակավաթիվ են: Միայն հայտնի է, որ 1081թ. նրանք հիշվում են իրենց եղբորը Բարսեղին Հայոց կաթողիկոսի գահաթոռին բազմեցնողների մեջ: Այդ մասին նշում է Ուռհայեցին, գրելով. «Եւ ելեալ զայր Բարսեղ կաթողիկոսն Հայոց ի թագաւորաբնակ քաղաքն Անի, և ելեալ ամենայն տունն Շիրակայ գալ ընդ առաջ նորա. և ահա զայր Վասակ հայրն Տէր Բարսեղի և եղբայրք նորա՝ Հասան և Գրիգոր և Ապլջահապ, արք քաջք և հզօրք հանդերձ եպիսկոպոսօք, և նստուցին զՏէր Բարսեղ յաթոռ Տեառն Պետրոսի»<sup>783</sup>:

<sup>779</sup> Ստեփաննոս Օրբելեան, ԾԹ, էջ 319-320:

<sup>780</sup> Տես Ստեփաննոս Օրբելեան, էջ 319-320:

<sup>781</sup> Տես Մատթեոս Ուռհայեցի, էջ 268-269:

<sup>782</sup> Տես Վարդան Արևելցի, ԿԳ, էջ 109:

<sup>783</sup> Մատթեոս Ուռհայեցի, էջ 221:

Հասանի որդի է հիշվում նաև Ապիրատ իշխանը, որը համաձայն Վարդան Արևելցու մի վկայության, թեև 1174թ. կալանված էր Կարս քաղաքի բանտում, բայց կարողացավ ազատվել և ժամանել Անի: «Ի նմին ժամանակի,-վկայում է պատմագիրը,-ել ի բանտէն Կարուց մեծ իշխանն Ապիրատն և եկն ի յԱնի. սա էր եղբայր եպիսկոպոսի քաղաքին Տեառն Բարսղի, որ աղաչեաց զթագաւորն Վրաց, և ետ փոխան նմա ամիրայ, և առ զնա և եօթնտասն հազար դահեկան»<sup>784</sup>: Այս տեղեկությունից երևում է, որ Անիի Բարսեղ արքեպիսկոպոսը Ապիրատի եղբայրն էր: Հետագայում (1178թ.) արևելահայ եկեղեցականների կամքով նա հռչակվեց Գրիգոր VI կաթողիկոսի հակաթոռ: Ընդամին վերջինիս միջնորդությամբ էր Կարսի բանտից ազատ արձակվել Բարսեղ արքեպիսկոպոսի հայրը: Վրաց Գեորգի III թագավորն անսալով Բարսեղ արքեպիսկոպոսին, նպատակահարմար համարեց գերեվարված ամիրայի հետ փոխանակել և Անի վերադարձնել Գրիգորին, որը ծառայության մտավ վրաց արքունիքում:

1176թ. Վրաստանի թագավոր Գեորգի III-ի դեմ ապստամբություն բռնկվեց ամիրսպասալար Իվանե Օրբելիանիի գլխավորությամբ: Օրբելիները ձգտում էին անկախության և ինքնուրույնության<sup>785</sup>: Ապստամբության կենտրոնը Լոռիում Օրբելիներին ենթակա գավառներն էին<sup>786</sup>, ուստի Լոռիի հայ իշխանները ներքաշվեցին ապստամբության մեջ, հույս ակնկալելով, որ ապստամբության հաղթանակի դեպքում Օրբելիներից կստանան հողատիրությունը, կընդլայնեն իրենց իրավունքները: Ապստամբությանը հարեց նաև Ապիրատի որդի Գրիգորը, որը հավանաբար դժգոհ էր Անիի նկատմամբ թագավորի որդեգրած քաղաքականությունից և կամենում էր հասնել այդ քաղաքի ինքնուրույնության ընդլայնմանը<sup>787</sup>: Սակայն սթափ գնահատելով ստեղծված կացությունը, Գրիգորը անհեռանկար համարեց վրաց թագավորի դեմ ընդվզել և զորակցեց նրան<sup>788</sup>: Ըստ երևույթին նա հույս ուներ Գեորգի III-ին ծանաչել տալ իր տոհմական իրավունքները Անիի. Շիրակի նկատմամբ: Տակավին 1174թ., երբ վրաց զորքերը երկրորդ անգամ գրավեցին Անին, Գեորգի III-ը իր մոտ հրավիրեց «եպիսկոպոսին Բարսղի եւ եղբարց նորա, որդուցն մագիստրոսին Հասանայ», - վկայում է Մխիթար Գոշը<sup>789</sup>: Հնարավոր է, որ Գեորգի III-ը

<sup>784</sup> Վարդան, ԳՁ, էջ 130:

<sup>785</sup> Տես Հ. Մարգարյան, Հյուսիսային Հայաստանի և Վրաստանի ժԲ դարի պատմության մի քանի հարցեր, էջ 166:

<sup>786</sup> Ստեփաննոս Օրբելեան, էջ 384, Վ. Հակոբյան, Ղավիթ Քոբայրեցու հիշատակարանը («Տեղեկագիր ՀՍՍՌ ԳԱ», 1952, N 8, էջ 119):

<sup>787</sup> Տես Հ. Մարգարյան, նշվ. աշխ., էջ 155-156:

<sup>788</sup> Ստեփաննոս Օրբելեան, էջ 385, Լ. Մելիքսեթ-Քեկ, Վրաց աղբյուրները, Բ, էջ 10-11:

<sup>789</sup> Ղ. Ալիշան, Հայապատում, էջ 390:

ապստամբության ժամանակ խոստումներ է տվել նաև Գրիգորին, որի իրավագործությունը մեծացվել է: Այս տեսակետից ուշագրավ փաստ է, որ երբ ապստամբությունից հետո՝ 1178թ. ավագակները գրավում են Կեչոր քաղաքավանը, ինչպես և Բարսեղ արքեպիսկոպոսի Ծառաքար բերդավանը՝ (Անիի մերձակայքում), թյուրք ամիրայի կողմից այնտեղ բնակեցվում են «արս վնասակարս որք ոչ դադարէին յարեմհեղութենէ ի տուէ և ի գիշերի. մինչև զքրիստոնեայս ի խաւարային անդունդս ընկղմեալ տովով և գարշ հոտով առաջնոց մեռելոցն սպանանէին...», Պահլավունիները շիանդուժեղով իրենց հայրենատիրոջի նկատմամբ գործած վայրագությունը, 1186թ. ազատագրում են Ծառաքարը: Վարդան Արևելցու վկայությամբ «ի վեցհարիւր երեսուն և հինգ թուին առին Անեցիք զԾառաքար զհայրենիս տեառն Բարսղի, յանխնայ կոտորելով զորս անդ, բաց ի կամանց և ի մանկանց»<sup>790</sup>: Այս իրադարձությունն անշուշտ, վկայություն է Պահլավունի տան զորության, ինքնուրույնության մասին:

Բարսեղ արքեպիսկոպոսի ազդեցությունը հատկապես մեծ էր Անիում: Նրա օրոք Անիի Առաքելոց եկեղեցին Պահլավունիների հովանուներք ծաղկում ապրեց: Վերջիններիս հիմնած այդ նշանավոր վանքի որմի մոտ 1184թ. Բարսեղը կանգնեցրել է մի հուշակոթող, որը բացվեց Անիի 1909թ. պեղումների ժամանակ<sup>791</sup>:

1191թ. Բարսեղ արքեպիսկոպոսը փրկավճար տալով՝ թյուրքերից ազատագրում է Շիրակի Լմբատավանքը (այժմյան Արթիկ քաղաքից ոչ հեռու), որի պատին նա թողնում է արձանագրություն, ուր ասվում է. «Ես տէր Բարսեղ գնեցի զվանքս յանօրինաց»<sup>792</sup>:

Անշուշտ, այն փաստը, որ Բարսեղ արքեպիսկոպոսը Բարսեղ կաթողիկոսի եղբորորդին էր, Պահլավունյաց գերդաստանի զավակ, բարձրացնում էր նրա վարկը:

Անիի «Աբրահամի բուրգ» անունով հուշարձանի վրա այն կերտողի թողած 1160 թվակիր արձանագրության մեջ նշվում է. «Ի ՈՐՁ ԹԻՆ ի թագաւորութեանն Փատլոյ, ի հայրապետութեանն տէր Բարսղի, ես Աբրահամ շինեցի զբուրջս...»<sup>793</sup>: 1172թ. գրված մի հիշատակարանում նշյալ Բարսեղը բնորոշվում է որպես «վերատեսուչ համայն քրիստոնէից Յա-

<sup>790</sup> Վարդան, էջ 130-131, 133, տես նաև Մխիթար Անեցի, Սատեան աշխարհավէպ հանդիսարանաց, աշխ. Յ. Մարգարյանի, Երևան, 1983, էջ 109-110:

<sup>791</sup> И. Орбели, Краткий путеводитель по городищу Ани. Избранные труды, с.117.

<sup>792</sup> Ղ. Ալիշան, Շիրակ, էջ 164:

<sup>793</sup> Դիվան հայ վիճագրության, I, էջ 2:

յոց», որն «էր ի հարց և ի հաւուց ազատ յազատաց եւ մեծագոյի ի մեծագոյնաց»<sup>794</sup>:

Պատմադրբյուրներուն հանդիպում ենք իրարամերժ տեղեկութիւնների Բարսեղի կաթողիկոսութեան վերաբերյալ: Թեև, ինչպես նշվել է, արևելահայ հոգևորականներն 1178թ. էին Բարսեղին հռչակել կաթողիկոս, բայց նա ավելի վաղ է կրել այդ տիտղոսն<sup>795</sup>, այդպիսով հանդես գալով որպես հակաթոռ կաթողիկոս: Ընդսմին Բարսեղը Հայոց կաթողիկոս է հիշվում նաև 1173թ., «աստուածապատիւ եւ հոգեւոր Տեառն Բարսղի Հայոց կաթողիկոսի» հորջորջմամբ<sup>796</sup>: Իսկ 1174թ. արծանագիր հիշատակարանում ի մասնավորի ասվում է. «Ի հայրապետութեան նահանգիս մերուն Տեառն Բարսղի»<sup>797</sup>: 1181թ. Հռոմոսի վանքում ընդօրինակվում է մի Ավետարան «ի հայրապետութեան տեառն Բարսղի և յառաջնորդութեան ուխտիս Խաչատրոյ»<sup>798</sup>:

Նույն վանքում 1187թ. Բարսեղ Կեսարացու «վեցօրեայք» երկափրությունն օրինակող գրչի թողած հիշատակարանում ասվում է. «Ի հայրապետութեան մեծարգոյ եւ հռչակաւոր առնն Աստուծոյ տեառն բարսղի...»<sup>799</sup>: Բարսեղը կաթողիկոս է հիշվում նաև 1195 և 1198 թվակիր արծանագրությունների մեջ<sup>800</sup>:

Ստացվում է, որ Բարսեղը Հայոց կաթողիկոսի տիտղոսը կրել է Պահլավունի մյուս կաթողիկոսների Գրիգոր III-ի (1113-1166), Ներսես IV Շնորհալու (1166-1173), Գրիգոր IV Տղայի (1173-1193), Գրիգոր V Քարավեժի (1193-1194) օրոք: Եթե ընդունենք, որ Բարսեղը վախճանվել է 1206թ.<sup>801</sup>, ապա կստացվի, որ նա հայոց կաթողիկոսի պաշտոնը վարել է նաև Գրիգոր VI Պահլավունու (1194-1203 և Հովհաննես VI Սսեցու (1203-1221) հայրապետության ժամանակաշրջանում:

Մի արծանագրության մեջ Բարսեղ II Պահլավունու գահակալման առաջին տարի է նշված 1195թ.: Այստեղ ասվում է. «Ի թվ. ՈխԴ. յառաջին ամի կաթողիկոսութեան տեառն Բարսղի...»<sup>802</sup>: Սակայն Բարսեղ II-ը, ամենայն հավանականությամբ, կաթողիկոս է հռչակվել Հռոմկլայի 1178թ. ժո-

<sup>794</sup> Գ. Յովսէփեանց, Յիշատակարանք ծեռագրաց, Ա, էջ 407-410: Այս Բարսեղը տարբեր է Բարսեղ Պահլավունուց (տես Հ. Մարգարյան, նշվ. աշխ., էջ 213-214):

<sup>795</sup> Տես Ղ. Ալիշան, Շիրակ, էջ 41:

<sup>796</sup> Տես Դիվան հայ վիճագրության, I, էջ 47:

<sup>797</sup> Ղ. Ալիշան, Շիրակ, էջ 21:

<sup>798</sup> Գ. Յովսէփեանց, Յիշատակարանք ծեռագրաց, Ա, էջ 484:

<sup>799</sup> Նույն տեղում, էջ 518:

<sup>800</sup> Տես Ղ. Ալիշան, Շիրակ, էջ 22:

<sup>801</sup> Տես Մ. Օրմանեան, Հայոց եկեղեցին, էջ 91,255:

<sup>802</sup> Տես Ղ. Ալիշան, Շիրակ, էջ 22:

ղովի գումարման տարում, երբ արևելահայ հոգևորականությունը մերժեց Սանուել կայսեր կողմից արված երկու եկեղեցիների միության առաջարկը: Իհարկե, այն փաստը, թր Բարսեղը 1160-ական թվականներից փաստորեն կանգնած էր Արևելահայ եկեղեցու գլուխ, ժամանակակիցներին հիմք է տվել նրան հիշել Հայոց կաթողիկոսի պատվատիտղոսով: Սակայն պաշտոնապես նա կաթողիկոս է կոչվել Հռոմկլայի վերոնշյալ ժողովից հետո, երբ ծայր աստիճան սրվել էին Հռոմկլայի աթոռի և արևելահայ հոգևորականության միջև հարաբերությունները:

Բարսեղի արքեպիսկոպոսության տարիներին Ջաքարյանների հովանու ներքո հյուսիս-արևելյան Հայաստանը վերելք ապրեց: Ջաքարյանները կարողացան միաբանել հայ իշխանական տներին, կամենալով վերականգնել երկրի քաղաքական անկախությունը<sup>803</sup>: Նրանք կամենում էին Հայոց կաթողիկոսական Աթոռը վերահաստատել իրենց իշխանության մայրաքաղաք Անիում: Մինչդեռ Ռուբինյան թագավորները ջանում էին կաթողիկոսական գահաթոռը տեղափոխել Կիլիկիայի Հայոց թագավորության մայրաքաղաք Սիս: Հռոմկլայի նույն ժողովին հրավիրվածների մեջ, իբրև հրավիրագիր-շրջաբերականի պատասխանողներ, առաջինը հիշվում է Բարսեղը, ապա Սանահնի առաջնորդ Գրիգոր Տուտեորդի<sup>804</sup>: Արևելահայերը Բարսեղին ընտրեցին հայրապետ, ելնելով այն իրողությունից, որ Հռոմկլայում, ապա նաև Սիս տեղափոխված կաթողիկոսարանում հետզհետե ուժեղանում էին Հայոց և Կաթոլիկ եկեղեցիների միության միտումները:

Գրիգոր VI կաթողիկոսն ու նրա կիլիկիահայ համախոհները, և Լևոն II թագավորը, որևէ քայլ չձեռնարկեցին Բարսեղ Անեցու դեմ:

<sup>803</sup> Լ. Բարայան, Ջաքարյանների իշխանության առաջացման հարցի մասին («Պատմաբանաս. հանդես», 1962, N 1, էջ 116-122):

<sup>804</sup> Տես Ներսես Շնորհալի, Ընդհանրական թուղթ, էջ 308:

## Պահլավունի տոհմից վերընծյուղված գործիչները XII-XIII դարերում

Գրիգոր Մագիստրոս Բջնեցու երրորդ դուստրը կնության տրվեց Սասունի թոռնիկ իշխանին, որի երակներում հոսում էր Մամիկոնյան տոհմի արյունը: Մագիստրոսի կողմից փեսային ուղղված թուղթը կրում է «Առ իշխանն Մամիկոնեան թոռնիկ»<sup>805</sup> վերնագիրը: Թեև Սասունի իշխանությունը չէր ենթարկվում Բյուզանդիային, սակայն թոռնիկի վրա զգալի էր բյուզանդական ծառայության մեջ գտնվող աներոջ ազդեցությունը: Թոռնիկը նամակագրություն ուներ նրա հետ: Պահպանվել են միայն թոռնիկին ուղղված աներոջ նամակները, որոնք հիմնականում ունեն խրատական, առտնին բովանդակություն:

Սասունի քաջակորով իշխան թոռնիկ Մամիկոնյանն իշխում էր նաև հարևան Տարոնում: Նրա ազդեցությունը մեծ էր նաև հարևան ամիրայություններում: Արաբները նրան անվանում էին «Սուշալիք պատրիկ»<sup>806</sup> (հոր Սուշեղի (Սուշալիքի) անվամբ):

Թոռնիկ իշխանը հաջողությամբ կարողացավ դիմակայել սելջուկ-թյուրքերին: Մատթեսու Ուռհայեցին վկայում է, որ 1059թ. սելջուկ-թյուրքական զորքը հարձակվում է Տարոնի վրա, բանակելով «առ ստորոտ լեռամբն Տորոսի մերձ ի Սասուն»<sup>807</sup>: Տեղեկանալով այդ մասին, թոռնիկը զորահավաք է անում և շարժվում է թշնամիների վրա: «Յայնժամ,- գրում է մատենագիրը,-զօրք այլազգեացն հնչեցուցանեին գփողս պատերազմին և միաբան ելին ի պատերազմ: Եւ եղև օրն այն մեծ և ահաւոր, վասն զի որպէս զջոկս առիւծոց զմիմեանս բախէին երկոցունց կողմանցն. և յայնժամ գոչեաց քաջն թոռնիկ և ծայն տուեալ աջոյ թևին իւրոյ և հասաներ ի վերայ ծախոյ թևին այլազգեացն և պատառէր զնոսա մեծաւ յարթութեամբ»: Թշնամին չարաչար պարտվում ու բռնում է փախուստի ճանապարհը, «և քաջն թոռնիկ մեծաւ ուրախութեամբ դարձաւ ի Սասունը...»<sup>808</sup>:

Անշուշտ, թոռնիկին զորակից էր նաև աները: Սակայն իրավիճակը փոխվեց վերջինիս մահվանից հետո: Փիլարտոս Վարաժնունին, ինչպես նշել ենք, փորձեց տիրանալ թոռնիկի տիրույթներին, սակայն Յան-

<sup>805</sup> Գրիգոր Մագիստրոսի Թղթերը, էջ 213:

<sup>806</sup> Տես Արաբական աղբյուրները Հայաստանի և հարևան երկրների մասին, էջ 63, 69:

<sup>807</sup> Տես Մատթեսու Ուռհայեցի, էջ 130:

<sup>808</sup> Նույն տեղում, էջ 130-131:

ծիք գավառի Ալեւուա դաշտում (Խարբերդի դաշտ) Սասունի իշխանության գործը (որի թիվն Ուռհայեցին հասցնում է 50 հազարի) ջախջախում է թե Փիլարտոսի գործին և թե նրան գորակցող բյուզանդական վարձկան ֆրանկ գորականներին: Ի վրեժ այդ պարտության, Փիլարտոսը կարողացավ թյուրք ամիրայի ձեռքով սպանել տալ թոռնիկ իշխանին, երբ վերջինս, դավիմ անտեղյակ, ընդունեց ամիրայի հրավերը և մեկնելով նրա մոտ, սպանվեց խնջուլքի պահին<sup>809</sup>: Թոռնիկի դին ամփոփվեց Ս.Կարապետ վանքում:

Ի դեմս Թոռնիկ Մամիկոնյանի և նրա Պահլավունի կողակցի, վերընձյուղված Պահլավունիները շարունակեցին իշխել Սասունում: Թոռնիկին հաջորդած Չորտվանելը թեև մանկահասակ էր<sup>810</sup>, բայց Սասունի իշխանությունը շարունակեց գոյատևել, հավանաբար նրա մոր գործուն անջակցությամբ: XII դ. առաջին կեսին Սասունում իշխում էր Չորտվանելի որդի Վիգենը, որի օրոք Սասունի իշխանությունը վերստին հզորացավ: 1132թ. Վիգենը պարտության մատնեց Խլաթի Սուքմանյան ամիրայի գործին. գերի վերցրեց ամիրային<sup>811</sup>: Վիգենի որդի Չորտվանելը կնության առավ Վասիլ Պահլավունու դուստր Վանենին<sup>812</sup>:

Վիգենի հաջորդները ընդհուպ մինչև XIII դ. 70-ական թվականների վերջերը. պահպանեցին Սասունի և Տարոնի իշխանության անկախությունը: Այնուհետև այն ստիպված էր ամփոփվել Սասունի Լեռնաստանում: XIII դ. վերջերին և XIII դ. սկզբներին Պահլավունիների վերընձյուղված շառավիղներից հիշվում են Ապուղամրի (մագիստրոս պատվանունը կրող) որդիները՝ Անիի արքեպիսկոպոս Գրիգորը և Դարիբը (Խարիփ): Ապուղամրի մասին որևէ այլ տեղեկություն հայտնի չէ: Գրիգոր արքեպիսկոպոսն իր հորեղբոր՝ տեր Բարսեղի միջոցով Շիրակի Լմբատավանքին նվիրում է դրամով իր գնած Թաղք գյուղը (այժմյան Արթիկ քաղաքի մերձակայքում): Բանի որ Գրիգորը նվիրատվությունը կատարել է տեր Բարսեղի միջոցով, ուստի վերջինս պետք է լիներ Լմբատավանքի առաջնորդը: Ըստ վանքում թողած անթվակիր արձանագրության, Գրիգորը Անիի և Շիրակի առաջնորդն էր, իսկ հորեղբոր մահվանից հետո նաև Լմբատավանքի սեփականատերը: Արձանագրության մեջ ասվում է. «Կամաւք բարերարին Աստուծոյ այս մեր արձան անջնջելի եւ յիշատակ մշտնջենաւոր Տէր Գրիգորոյ արհիեպիսկոպոսի մայրաքաղաքին Անւոյ եւ նահանգիս Շիրակա ժառանգորդի սեփական մերո աթոռոյս որ ետու նուէր յիմ հաւրեղբարն յաստո-

<sup>809</sup> Տես Մատթեոս Ուռհայեցի, էջ 207-209:

<sup>810</sup> Տես նույն տեղում, էջ 210:

<sup>811</sup> Վարդան Արևելցի, էջ 124:

<sup>812</sup> Դ. Ալիշան, Հայաստանում, էջ 394, Գ.Սրվանձտեանց, Թորոս տղբար, հ.Ա, Կ.Պոլիս, 1879, էջ 117:

լածապատիւ Տեառն Բարսղի, հալալ արդեանքք ստացեալ սուրբ ուխտս  
Լմբատ զնորին զանծագին զեղս մերձ ի յԱրդիք որ կոչի անուն հայրանց  
Թաղք ընծաեցի զսա Սուրբ Ստեփանոսի հայրենիք մինչ ի կատարած յա-  
ւիտենիս, յաղագս յիշատակի մերոյ եւ արեւշատութեան եղբար իմոյ  
Ղարփին եւ հոգեւոր Տեառն Բարսղի՝ ստացողի սոցա եւ ծնողաց մերոց.  
եւ եղի լուծ ի վերայ սպասաւորաց սորա ի տարին վեց ար պատարագ  
փոխարենս հատուցանել ի տաւնի Ղազարուն. զերկուսն Տեառն Բարսղի,  
զերկուսն իմ հաւրն Ապուղամրի, զերկուսն իմ մաւրն Մահմըքին...»<sup>813</sup>:

Արծանագրութիւնից երևում է, որ արդեն վախճանվել էին Գրիգորի  
ծնողները և հորեղբայրը, որոնց հոգիների հանգստութեան համար պա-  
տարագներ էին մատուցվելու:

Լմբատավանքում թողած մեկ այլ արծանագրութեան (անթվակիր)  
համաձայն, նույն Գրիգոր արքեպիսկոպոսը վանքին նվիրում է իր սեփա-  
կան Արդիք (այժմյան Արթիկ քաղաքը) գյուղը: Արծանագրութեան մեջ աս-  
վում է. «Կամաւքն Աստուծոյ ես Տէր Գրիգոր, որդի Ապուղամրի Անույ  
եպիսկոպոս տուի զԱրդիք եւ զԲորենոյ զիրիցութիւնն Լմբատս իմ հայրե-  
նեացն. եւ նոքա տարին Ա ար պատարագ ինծ...»<sup>814</sup>:

Գրիգոր արքեպիսկոպոսն ու եղբայրը՝ Ղարիքը 1225թ. նորոգում  
են Մարմաշենի վանքը, հողեր, կալվածներ ընծայաբերում նրան: Այդ առ-  
թիվ նրանց թողած արծանագրութեան մեջ ասվում է. «Ի ժամանակս բարե-  
պաշտից եւ աստուածասիրաց պատրոնաց մերոց աթաբակ Իւանէի եւ  
մանդատորթա խուցես Շահնշահի հրամանաւ սոցին վերջստին նորո-  
գումն եղեւ հրաշափառ տաճարի... սրբոյ կաթողիկէիս Մարմաշինոյ ի  
ծեռն որդւոց Ապուղամրի մագիստրոսի տէր Գրիգորոյ արհիէպիսկոպոսի  
եւ հարագատի իմոյ Խարփին թռռանց Վահրամա իշխանաց իշխանին  
զարմից եւ շառաւելի սրբոյն Գրիգորի, շինողի ի հիմանց մեծաւ տենչ-  
մամբ եւ յուսով զսայ վասն բազմագումար քահանայից եւ պարգեւեալ  
արդիւնս յոլովս. զեղաւրայս այգեստանս կուղպականի եւ ջաղացանի որ  
եւ ցուցանէ իւր արծանագիրն մի ըստ միոջէ փարթամացուցեալ ամենայն  
գոյիւք առ ի լնուլ եւ առաւելուլ զպետս կարեւորս զիրեանց եւ զեկաց. եւ  
ունէր ժամանակ իբրեւ ոչ սակաւս զի աւերեալ էր յանաւրինաց եւ զվանքս

<sup>813</sup> Գ. Եղիազարյան, Լմբատավանքը և նրա վիմագրութիւնները («Էջմիածին»,  
1960, Բ, էջ 56): Այս արծանագրութիւնը փորագրված է համարվում 1191թ. հետո  
(նույն տեղում, էջ 51): Լմբատավանքը (Ս. Ստեփանոս) գտնվում է Արթիկ քաղաքի  
մերձակայքում, բլրի վրա: (Ունի խաչաձև հիմք, զմբեթավոր է): «Իր անվիճելի  
ոճով» Ս.Ստեփանոս եկեղեցին դիտվում է որպէս VII դարի կառույց (տես Թ.  
Թորամանյան, Նյութեր հայ ճարտարապետութեան պատմութեան, I, էջ 246, II, էջ  
200: Տես նաև Վ. Գարսեպտեան, Հայկական ճարտարապետութեան պատմու-  
թիւն, Երևան, 1992, էջ 155-156): Եկեղեցին վերանորոգվել է XIIIդ.:

<sup>814</sup> Գ. Եղիազարյան, Լմբատավանքը և նրա վիմագրութիւնները, էջ 56:

գեղ արարեալ զկաթողիկէս բերդանման անրացուցեալ [եւ] կայր ի խաւարի եւ ի սգաւորութեան զրկեալ յամենայն գոյից մինչեւ յաւուրսս յայտոսիկ...»<sup>815</sup>:

Այնուհետև նշվում են վանքին Պահլավունի եղբայրների կատարած նվիրատվությունները. «Իսկ ՈՅԴ (1225) թուականիս Հայոց քաջ եւ արի զաւրականն Քրիստոսի սիրելի եղբայրն իմ խարիփն իմով կամակցութեամբ խորհուրդ բարի ի միտ արկեալ ազատել զսա ի [տղ] մուտ եւ ի զազիր մթնագգածութենէն հասուցանել նախկի փառաւորութեանն հանեալ արտաքս զշինականսն եւ եղեւ բնակարան սրբոց քահանայից և կրանաւորաց հաճոյացելոց Աստուածայ. զարդարեցաք զսա սպասիւք պայծառազգեստիւք եւ սրբութեամբք ոսկեղէն եւ արծաթեղէն եւ հին եւ նոր կտակարանաւք էկեղեցականաւք: Եւ ընծայեցաք ի սմայ նուէր զմեր հայրենի գեղն զԱզատա: Եւ որ ի վանիցս հաղիս վերայշինեցաք եւ անուանի տիրաշէն եւ ի յայս կոյս գետոյն քաղացանի որ կան ի կարմընջէն ի վայր եւ վեր գիտտ զհող եւ զոր ինչ ի սկզբանէ ունէին. եւ ի քաղաքիս զմեր պապէնի հայրենիք էկեղեցին զսուրբ Ստեփանոս բուրոր ամենայն ժողովրդեամբն եւ երկու այգի ի Մարմնտի որ ի նախնեաց մերոց ի մեզ էր հասեալ: Եւ միաւորեցաք զվերիվանքն մեծ վանիցս իւր ամենայն ստացուածաւք...»<sup>816</sup>:

Սակայն նույն տարում Ղարիբը պատերազմի է մեկնում խորեզմշահ Ջալալ ադ-դինի զորքի դեմ և նահատակվում: «Կատարեցաւ առժամայն,- նշվում է արծանագրության շարունակության մեջ,- գեղեցկագեղ եղբայրն իմ խարիփ մագիստրոսն գովեալն յամենայն լեզուաց մարտիրոսացաւ ի պատերազմի անաւրինաց եւ միայն մնացին ես Գրիգոր եղկելի եւ զրկեալ ի նմանէ»<sup>817</sup>:

Ղարիբի դին մարտադաշտից տեղափոխվում է Մարմաշենի վանք և ամփոփվում Պահլավունիների տոհմական գերեզմանոցում. «առ դրան սրբոյ կաթողիկէս մերծ առ նշխարս հաւուն մերոյ Վահրամայ իշխանի»: Անիի Առաքելոց եկեղեցու արևելյան որմին թողած արծանագրության մեջ Գրիգոր արքեպիսկոպոսը նշում է, որ Ղարիբը զոհվել է «ի պատերազմի խորագմեցեաց ի ՈՅԴ»<sup>818</sup>, իմա՝ 1225թ. օգոստոսի վերջին Գառնիի մոտ տեղի ունեցած ճակատամարտում, որը մղվում էր Իվանե Ջաքարյանի զլխավորած հայ-վրացական զորքերի և խորեզմի շահի որդու Ջալալ

<sup>815</sup> И. Орбели, Надписи Мармашена. с. 443. Գրիգոր արքեպիսկոպոսը հիշվում է նաև ուրիշ արծանագրություններում (տես Ղ. Ալիշան, Շիրակ, էջ 23, 26, 63, 118 և այլն: Տես նաև Դիվան հայ վիմագրության, I, էջ 15):

<sup>816</sup> И. Орбели, Надписи Мармашена. с.443

<sup>817</sup> Նույն տեղում:

<sup>818</sup> Դիվան հայ վիմագրության, I, էջ 18:

ադ-դինի գլխավորած ուժերի միջև: Այդ ճակատամարտն, ինչպես հայտնի է, ավարտվեց հայ-վրացական զորքի պարտությամբ<sup>819</sup>:

Հավանաբար Գրիգորի ու Ղարիբի քույրն էր Սիթի Պահլավունին, որն իր ամուսնու Գրիգորի միջոցներով 1210թ. նորոգում է Անիի Ս.Սարգիս եկեղեցին (կոչված «Սիթի Պահլավունու եկեղեցի»): Այս մասին Սիթիի թողած արձանագրության մեջ ասվում է. «Ի թին ՌԾԹ (1210) շնորհին Քրիստոսի, յիշխանութեանս մանդատորթախուցես ամիրսպասալար Շահնշահ Ջաքարիաի ես [Սի] թի... գուգակից Գրիգորի մեծու յուսով եւ [պարոն] աց հրամանանս վերստին շինեցի զուրբ Սարգիս ի [հալալ ար] դեանց առն իճո վասն [փրկութեան] հոգյ նորա եւ ի յիշատակ ծնողաց մերոց եւ զաւակաց մերոց եւ [թոռան]ց մերոց»: Ապա պատվիրում է, որ-պեսզի եկեղեցու սպասավորները պատարագ մատուցեն «յանուն հարազատին իճոյ կատարել Ղարփին սպանելոյն ի պատերազմի»<sup>820</sup>: Քանի որ Ղարիբը զոհվեց 1225-ին, ուստի նրա հիշատակին պատարագ մատուցելու վերաբերյալ Սիթիի պահանջը արձանագրվել է հետագայում՝ Ղարիբի սպանվելուց հետո:

Սիթին հիշվում է նաև նույն եկեղեցու 1226 թվակիր արձանագրության մեջ, ուր ասվում է. «Ի ՌՅԵ: Ես Տեր Գրիգոր թողի զհարկ թաղման քահանայիցս Անոյ. եւ սպասաւորք սուրբ եկեղեցոյս պարտին զաւագ Ե շաբաթն պատարագսն Գրիգորի զշաբաթն արն Գրիգորայ եւ Սիթ: Արդ եթէ ոք գիշատակս մեր խափանէ, դատի եւ որք հաստատ պահեն արինեալ եղիցին յևստուժոյ և ի սրբոց նորա»<sup>821</sup>:

1232թ. Գրիգոր արքեպիսկոպոսը դեռ կենդանի էր: Այդ թվականին իշխանաց իշխան Խավճասը (Ջաքարե և Իվանե սպասալարների մորեղբորորդին) ընդօրինակել է տվել մի Ավետարան և նվիրել Բագնայրի վանքին «ի տրութեանն տեղոյն տեառն Գրիգորոյ, որ մագիստրոսն ասի, վերայդիտող [ա] թոռոյս Անոյ...»<sup>822</sup>:

Գրիգոր արքեպիսկոպոսը և նրա եղբայր Ղարիբը հիշվում են Պահլավունիների տոհմում սովորական դարձած «մագիստրոս» պատվատիտղոսով<sup>823</sup>:

Գրիգոր արքեպիսկոպոսը վախճանվել է մինչև 1239թ. և թաղվել Պահլավունիների գերեզմանոցում (Մարմաշենի), եղբոր Ղարիբի կողքին:

<sup>819</sup> Տես այդ մասին Հ.Մարգարյան, Գառնիի ճակատամարտի պատմության շուրջ («Լրաբեր հաս.գիտութ.», 1982, N3, էջ 72-80):

<sup>820</sup> Դիվան հայ վիճագրության, I, էջ 55:

<sup>821</sup> Նույն տեղում:

<sup>822</sup> Գ. Յովսէփեանց, Յիշատակարանք ձեռագրաց, Ա, էջ 888:

<sup>823</sup> Տես Կ. Օրբելի. Избранные труды, с. 443, Յովսէփեանց, Յիշատակարանք ձեռագրաց, Ա, էջ 888, Դիվան հայ վիճագրության, I, էջ 17:

Անիի Առաքելոց վանքի առաջնորդ Բարսեղ արքեպիսկոպոսը, որը գուցե Պահլավունի էր, 1239թ. նույն վանքի արևելյան որմին թողած արձանագրության մեջ Գրիգոր արքեպիսկոպոսին հիշում է արդեն որպես վախճանված: Արձանագրության մեջ նշված է. «ՈՉԸ (1239)... Ես Բարսեղ արքեպիսկոպոս, որդի Ամիր Երկաթայ առաջնորդ մայրաքաղաքիս Անոյ, հաստատեցաք ի մեր սեփական ժառանգութենես զսուրբ Ստեփանոս հայրենիք սուրբ ուխտին Սարմաշինոյ վանիցն, սխրատեսիլ սուրբ կաթողիկէին, զոր մաքիստրոսն Գրիգոր շնորհեալ և հաստատեալ էր, ընդ որոյ հովանեալ ինքն եւ եղբայր իւր Խարիփ կան հանգստարանի»<sup>824</sup>:

Հավանաբար, Պահլավունիներից էր սերում նաև Անի քաղաքի կառավարիչ («ամիրա») Վահրամը, որը 1218թ. Գրիգոր արքեպիսկոպոսի («մաքիստրոսի») հետ հաստատում է վրաց Եպիփան կաթողիկոսի հորդորը Անիի եկեղեցականների և աշխարհականների պարտականությունների, ինչպես նաև Անիի բնակչության կողմից վճարվող տուրքերի կարգավորման մասին: Վրացերեն արձանագրությունից հետո հայերեն արձանագրությունն է, ուր նշված է.

«Թվ.ՈԿԷ. Ես տէր Գրիգոր...[Եպի]ս[կո] պոս. Ես Վահրամ ամիրայ քաղաքիս վկայեմք, որ կաթաղիկոսին հրամանք...»<sup>825</sup>: Այստեղ «հրամանք» բառեզրն ունի հորդոր իմաստը: Այդ ժամանակ վրաց Բագրատունիները խիստ թուլացել էին<sup>826</sup>, ուստի նրանց իշխանությունը հյուսիսային Հայաստանում դարձել էր ձևական: Բացի այդ, վրաց կաթողիկոսը չէր կարող Անիի հայադավան բնակչության նկատմամբ հրաման արձակել: Նշված արձանագրության մեջ Գրիգորն ու Վահրամը սոսկ կամեցել են հաստատել արձանագրությունը Եպիփանին պատկանելու փաստը:

Անիի բնակչության կողմից վճարվող տուրքերի գանձումը կարգավորում էին քաղաքի հայ հոգևոր և աշխարհիկ կառավարիչները: Եպիփանի նշված արձանագրությունից դեռևս մեկ տարի առաջ 1217թ. Գրիգոր արքեպիսկոպոս Պահլավունին հատուկ շրջաբերականով կարգավորել էր Անիի, Շիրակի բնակչության կողմից վճարվող եկեղեցական տուրքերի գանձումը՝ այն թեթևացնելու նպատակադրումով: Այդ մասին անեցիների Պահլավունի հովվապետի մի արձանագիր հիշատակարանում ասվում է. «...Ի միւսում ամի որ էր թուականս ՈԿԶ (1217) կամաւքն Աստուծոյ

<sup>824</sup> Ղիվան հայ վիճագրության, I, էջ 17:

<sup>825</sup> Տես II. Март, *Написи Епифания, католикоса Грузии (из раскопок в Ани 1910г.)*. «Известия Императорской Академии наук», С. Петербург, 1910, с. 1439, Ղիվան հայ վիճագրության, I, էջ 61, արձ. 187, Պ. Մուրադյան, Հայաստանի վրացերեն արձանագրությունները, Երևան, 1977, էջ 43:

<sup>826</sup> Տես Ա. Շահնագարյան, Ջաքարյան Հայաստանի նվաճումը մոնղոլների կողմից («Պատմաբանաս. հանդես», 2004, N2, էջ 143-144):

ես Տեր Գրիգոր, որդի Ապուղամրի Արժայիսկոպոս, կամեցաք բառնալ զեղեալ հարկ ի մեր գաւառէս Շիրակա, եւ քաղաքիս եկեղեցեացս ի յԱնոյ...»<sup>827</sup>:

Մարմաշենի վանքի գլխավոր եկեղեցու պարսպապատի վրա Գրիգոր արքեպիսկոպոս Պահլավունու որդի Սարգիս արքեպիսկոպոսի և վերջինիս երբոր Աբուղամրի թողած արծանագրության մեջ ասվում է.

«Շնորհիւն Աստուծոյ այս արծան մշտընջենաւոր է Գրիգորոյ որդոյ Աբուղամրի թռռին Վահրամա որ հաստատեալ է ի սկզբանէ զկաթողիկէ եկեղեցի...»: Նույն տեղում նրանց թողած մյուս արծանագրությունն ունի նվիրատվական բովանդակություն: Այդտեղ ասվում է.

«Ես Աբուղամր եւ եղբայր իմ Տեր Սարգիս տուաք... տեղի յայն տանն որ Բ այլ կայր եկեղեցոյս որ... [մե]րոյ Վահրամ իշխանին կիսաւրեայ ժամանակաւ փոխեց...»<sup>828</sup>:

Սարգիս արքեպիսկոպոսը հիշվում է նաև Բագնայրի 1262թ. մի արծանագրության մեջ, ուր նշված է.

«ՉԺԱ. ի վերադիտողութեան մայրաքաղաքիս Անու տեր Սարգսի, տեառն տեղոյս»<sup>829</sup>:

Սարգիս արքեպիսկոպոսի որդի է համարվել տեր Գրիգորը<sup>830</sup>, որը սակայն Մարմաշենում իր թողած արծանագրության մեջ հիշվում է որպես Սարգսի եղբորորդի<sup>831</sup>:

Գրիգոր արքեպիսկոպոսի մյուս որդին Աբուղամրը Բագնայրի վանքում թողած նվիրատվական արծանագրության մեջ ասում է. «ՉԺ - կաման Աստուծոյ, ես Ապուղամր որդի Մաքիստրոսի որ զնեցի զկէս Կաղզուցն ի Տիգրանանց եւ ետու ի սուրբ Աստուածածինս, ի մեր սուրբ ուխտս: Որ զփոխարենն մաւտ ի Քրիստոս ի Վահրամ իշխանն ի յիմ եղբայրն վճարէ»<sup>832</sup>:

Նվիրատվական բնույթի է նաև Աբուղամրի կողմից Բագնայրում թողած մեկ այլ արծանագրություն, որտեղ ասվում է.

«ՉԺԱ (1262). կաման Աստուծոյ ես Ապուղամր, որդի Մաքիստրոսի, թռռն Վահրամ իշխանին, վասն ի Քրիստոս յուսոյն ետու զիմ զանծագին հայրենիքն, զԿաղզուց կէսն իւր հողովն ու ջրովն ի սուրբ Աստուածա-

<sup>827</sup> Դիվան հայ վիճագրության, I, էջ 16:

<sup>828</sup> И. Орбели, Надписи Мармашена, с. 447.

<sup>829</sup> K. Basmadjan, Les inscriptions, p. 368-369, արծ. 180.

<sup>830</sup> Ն. Ակիմեան, Պահլաւունի և Լամբրոնի Յերմեանց ազգաբանութ., էջ 42:

<sup>831</sup> Տես И. Орбели, Надписи Мармашена, с.445.

<sup>832</sup> K. Basmadjan, Les inscriptions, p. 365-366, արծ. 177:

մայրս, ի մեր սուրբ ուխտս, որ մաւտ ի Քրիստոս գվոխարէնն ի յիմ մայրն վճարէ, ի Մամքան»<sup>833</sup>:

Աբուղամրի որդի է հիշվում Յովհաննէս եպիսկոպոսը: 1308թ. Բագմայրի վանքում օրինակված Ավետարանի հիշատակարանում նրա մասին հետևյալն է ասվում.

«Ի հայրապետութեան մերոյ նահանգիս Շիրակ գաւառիս հեզի եւ մարդասիրի Տէր Յովհաննիսի, որդոյ Ապուղամրի, իշխեցող տեղոյս»<sup>834</sup>:

XIII դ. սկզբներին հիշվում են նաև Ապիրատ Պառլավունին և իր որդիները՝ Անիի եպիսկոպոս Սարգիսը և Շարափշահը: Սարգիսը մասնակցեց Ջաքարե սպասալարի կողմից 1208թ. Լոռե քաղաքում գումարած եկեղեցաժողովին, որը պետք է բավարարեր Ջաքարեի խնդրանքը՝ Հայոց զորքի մեջ ունենալ պատարագի, հաղորդության համար անհրաժեշտ շարժական սեղան (հայերն այն ունեին Արշակունյաց և մարզպանության շրջանում): Ժողովի մասին խոսելիս Կիրակոս Գանձակեցիին հիշում է նաև «Սարգիս աթոռակալ Անույ»<sup>835</sup>, նկատի ունենալով Սարգիս եպիսկոպոսին:

Ժողովականների մի մասը համաձայնվեց Ջաքարեի առաջարկին<sup>836</sup>: Անշուշտ, նրանց մեջ էր նաև Սարգիս Պառլավունին, որը, վայելել է Ջաքարյան իշխանների հովանավորությունը: Անիի Առաքելոց վանքի 1220 թվակիր արձանագրության մեջ (Սարգիս եպիսկոպոսի թողած) ասվում է. «Ի թւիս ՈԿԹ (1220) շնորհիւն Աստուծոյ, ես Տէր Սարգիս, որդի Ապիրատին, առաջնորդ մայրաքաղաքիս Անույ եւ կամակցութեամբ Ամիրախ Երկաթա, յաղագս բարեպաշտ եւ աստուածասէր պատրոնաց մերոց աթաբակ Իւանէի եւ ամիրսպասալար Շահնշահ Սարգսի եւ Աւագի յերկարակենդանութեան եւ յիշատակի մեծ սպարապետին Հայոց Ջաքարէի, ազատեցաք զամենայն քաղաքիս քահանայիցս զիրիցակնոջ մուտք զմահու եւ զկենաց եւ զմատղաց զփարթամաց եւ զաղքատաց զեկաց և զբնակաց...»<sup>837</sup>: Ռուսաստանի Գիտությունների ակադեմիայում պահվող մի ձեռագրում (ընդօրինակված 1298թ. Անի քաղաքում) նույն ժամանակ հիշվում է Անիի մերձակայքում գտնվող Առջուռաձիճ գյուղի վանքի վանահայր «Մագիստրոսենց Տեր Յովհաննէսը»<sup>838</sup>, որը նույնպես Պառլավունի էր:

<sup>833</sup> Նույն տեղում, էջ 368, արձ. 179:

<sup>834</sup> Գ. Յովսէփեանց, Յիշատակարանք ձեռագրաց, Ա, էջ 891:

<sup>835</sup> Կիրակոս Գանձակեցի, էջ 172: Սարգսի դուստր է հիշվում Թայիկը, որը 1290 թ. Վայոց Չորի Քարագլուխ գյուղում կանգնեցրել է խաչքար (տես Դ. Ալիշան, Սիսական, էջ 162):

<sup>836</sup> Նույն տեղում:

<sup>837</sup> Դիվան հայ փմագրության, I, էջ 17:

<sup>838</sup> К. Юзбашян, Античная рукопись 1298г. («Բանբեր Երևանի համալսարանի», 1971, N 2, էջ

## Պահլավունյաց շառավիղները XIV-XVII դդ

XIV դարում, Պահլավունիների շառավիղները շարունակում էին հավատարմորեն ծառայել Ջաքարյան իշխանապետներին: Շահնշահ II ամիրսպասալարի օրոք՝ XIV դարի սկզբներին Ջաքարյան տան հեջուբի բարձրագույն պաշտոնը վարում էր Ջաքարիա I Պահլավունին: Մի ձեռագիր հիշատակարանում (1313թ.) նա հիշվում է որպես «հեջուբ և առաջնորդ տանս մեծի աթապակ ամիրսպասալար Շահնշահի» և բնորոշվում իբրև «քաջ և ընտիր պատերազմող»<sup>839</sup>:

Ջաքարիա I Պահլավունուն տրված այս բնութագիրը խոսում վկայություն է այն իրողության, որ նա օժտված է եղել նաև զինվորական գործառնությամբ՝ անշուշտ, պատերազմական իրավիճակում, իսկ խաղաղ պայմաններում կատարել է հեջուբի պարտականությունները: Հավանաբար նա եղել է Շահնշահ II-ի խորհրդականը նաև զինվորական գծով: Հեջուբը Ջաքարյան իշխանության սենեկապետի պաշտոնն էր<sup>840</sup>:

XIV-XVII դարերում Պահլավունիները նախկինի պես տիրում էին նաև Հավուց Թառի Ամենափրկիչ վանքին և նրա հողատիրություններին: Սիմեոն Երևանցի կաթողիկոսը (1763-1780) վկայում է, որ Գրիգոր Մագիստրոս Պահլավունու (Բջնեցու) սերունդները հաջորդաբար իշխել են այդ վանքում գրեթե մինչև իր ժամանակները: Նրանք վանքը դարձրել են «զհայրենի մուլք» և «որդիք և թռռունք և յետագայ ազգատոհմք սորին (Գրիգոր Մագիստրոսի-Վ. Վ.), մի զկնի միոյ յաջորդեցին զառաջնորդութիւնն սորին ոչ միայն ի յիշխանութիւնն Հայոց, այլ և ի ժամանակս թագաւորացն պարսից մինչև գրեթէ ի ժամանակս մեր»<sup>841</sup>:

1340-1350-ական թթ. Հավուց թառի առաջնորդն էր Նաթանայել եպիսկոպոսը, որը հաջորդեց 1333-ին վախճանված տեր Սարգսին<sup>842</sup>:

XV դարի առաջին կեսին Հայաստանի եկեղեցական կյանքում ազդեցիկ դեր էր խաղում արքեպիսկոպոս Ջաքարիա Հավուց թառեցի Պահլավունին, որը եապես սատարեց Հայոց կաթողիկոսական գահաթ-

<sup>839</sup> Գ. Յովսէփեանց, Խաղբակեանք կամ Պողոշեանք Հայոց պատմութեան մէջ, Անթիլիաս, 1969, էջ 8:

<sup>840</sup> Հեջուբի պաշտոնի մասին տես՝ Հ. Մանանդյան, Երկեր, Գ, Երևան, 1977, էջ 182:

<sup>841</sup> Ջամբո, էջ 276: Հավուց թառի վանքի հիմնադրման մասին տես՝ Գ. Սարգսյան, Հավուց թառի հիմնադրման վկայագրի շուրջ («ՀՅՍՄ ԳԱ Լրաբեր» (հաս. գիտ. ), 1988, N 4):

<sup>842</sup> Տես Վ. Մաթևոսյան, Հավուց թառի վանքի և Ափրատյան տոհմի պատմության նորահայտ տվյալներ («Բանբեր Մատենադարանի», N 17, (2006), էջ 150):

ռը Կիլիկիայից (Սիսից) իր նախնական վայր՝ Էջմիածին տեղափոխելու գործընթացներին: Կիլիկիայում Հայոց թագավորության բարձունից (1375թ.) հետո Սիսի Աթոռը կորցրեց ոչ միայն պետական հովանավորությունը, այլև իր երբեմնի ազդեցությունն ու հնայքը, «զի ապականեցաւ կարգ եւ կանոնք սուրբ հարցն մերոց ի կիլիկեցոց առաջնորդացն», - կկայուն է թուվմա Մեծփեցին<sup>843</sup>: «Նուիրակք եւ խրատատուք եւ եպիսկոպոսք նոցին գայթակղութեամբ զբազունս ի հաւատոցն Քրիստոսի ի բաց հանին եւ անհաւասար արարին», - հավելում է նույն մատենագիրը, նշելով նաև այլ կարգի օրինազանցություններ, որ տեղ էին գտել Սիսի Աթոռում<sup>844</sup>:

1439 թվականից սկսած՝ Վայոց ծորի Հերմոնի վանքի սան և Գրիգոր Տաթևացու փառասուն աշակերտ Հովհաննես վարդապետի հետ միասին թուվմա Մեծփեցին եռանդուն գործունեություն է ծավալում Կաթողիկոսական Աթոռը Սիսից Էջմիածին տեղափոխելու համար: Նրանց սատար են կանգնում նաև Արտազի Գրիգոր եպիսկոպոսը, ինչպես նաև Ջաքարիա Պահլավունի Հավուցթառեցի արքեպիսկոպոսը, Բջնիի եպիսկոպոս Հովհաննեսը: Նրանց ջանքերով և Կարա-կոյունլու թուրքմենների փաղիշահ Ջհանշահի, Երևանի կառավարիչ Յաղուբի օժանդակությամբ 1441թ. Վաղարշապատում գումարվում է համազգային ժողով, որին մասնակցում էին նաև հայ ազատներ, տանուտերեր: Ժողովականների մեջ հիշվում են նաև «տէր Ջաքարէն Հաւուց Թառայ ի յազատորդեաց» և Պահլավունիների հինավուրց ուստան Բջնիից վերոհիշյալ Հովհաննես եպիսկոպոսը<sup>845</sup>:

Համերկրային այդ կաճառը վառ ապացույցն էր այն իրողության, որ Էջմիածինը դարձել էր համազգային ձգողական այն ուժն ու մտավոր-մշակութային, հոգևոր-եկեղեցական կենտրոնը, որն ի գորու էր համախմբել ժողովրդին և դառնալ նրա գոյատևման հուսալի երաշխիքը: Էջմիածինը նաև քաղաքական հույսեր էր ծնում հայ ազատամու, ժողովրդական լայն խավերի մեջ: «Լրումն եհաս ժամանակի փրկութեան թորգոմեան ազգիս», - գրում է ժամանակակից պատմագիրը<sup>846</sup>:

Պահլավունիների շառավիղները լիովին հաղորդակից էին երկրում իշխող տրամադրությանը և գործուն աջակցություն էին ցուցաբերում Էջմիածնի Մայր Աթոռի վերականգնման և ամրակայացման գործընթացներին: Անշուշտ, նաև նրանց աջակցությամբ էր, որ «զաջ Լուսաւորչին ի Սոյո գողացեալ բերին յԷջմիածին. և վերստին հաստատեցին զկաթողիկո-

<sup>843</sup> Թուվմա Մեծփեցի, Պատմագրություն, աշխ. Լ. Ս. Խաչիկյանի, Երևան, 1999, էջ 224:

<sup>844</sup> Նույն տեղում, էջ 225-229:

<sup>845</sup> Նույն տեղում, էջ 219-220:

<sup>846</sup> Նույն տեղում, էջ 230:

սութին»<sup>847</sup>, վկայում է Սամուել Անեցու շարունակողը: Կիրակոս Խորվիրապետու կաթողիկոս ձեռնադրողներից էր նաև Ջաքարիա Հավուցթառեցի Պահլավունին<sup>848</sup>:

Սակայն հաջորդ տարվա ընթացքում Հայոց նորընծա հայրապետի շուրջ ծավալվում է հակակրանքի բուռն հորձանք: Հոգևոր դասի որոշ պարագլուխներ դավ են նյութում նրա դեմ՝ գահընկեց անելու, հոգևոր բարձրագույն իշխանության ուղենիշներն իրենց կամեցած ձևով փոխելու մտադրությամբ: Կաթողիկոսի գահի հնարավոր հավակնորդներ էին դիտվում Հովհաննես Հերմոնեցին, Արտազի Գրիգոր եպիսկոպոսը և Ջաքարիա II Հավուցթառեցի Պահլավունին: Վերջինս արդեն ծերացել, տկարացել էր և, թվում է, թե առանձին եռանդ չպետք է դրսևորեր այդ ուղղությամբ: Սակայն Հայոց կաթողիկոսի դեմ ծառայողները Ջաքարիային հղած թղթում նրան մեղադրում են Կիրակոս Խորվիրապետուն կաթողիկոս ձեռնադրելու համար: Արձագանքելով բանասարկուներին, Ջաքարիան «ընդունակ եղև չարին» և նրանց հետ մեկնեց Հովհաննես Հերմոնեցու մոտ, որը «նոյն ժամայն ժողովեաց զբազում անուղղայ եպիսկոպոսք եւ քահանայք», որից հետո նրանք մտան Էջմիածնի Մայր տաճար՝ «բարկութեամբ եւ սրտմտութեամբ լցեալ»: Կիրակոս կաթողիկոսը երկնչում և «փախուստ առեալ, մտան է ի տուն քրիստոնէի միոջ գաղտագողի»: Բայց դավ նյութողները գտան նրան և բռնությամբ տարան Երևանի վերոնշյալ կառավարչի՝ Յաղուբ բեկի մոտ, նրա առջև Կիրակոսին բնութագրելով իբրև «ոչ քրիստոնյայի, կախարդի և հերձվածողի»<sup>849</sup>: Նրանք նպատակադրվել էին բեկի միջոցով տապալել կաթողիկոսին: Յաղուբն սկզբում մերժեց նրանց առաջարկը՝ հավանաբար, կաշառք ակնկալելով: Հարկավ, երբ Ջաքարիա II Հավուցթառեցին նրան խոստացավ «անթիւ եւ անհամար արծաթ», բեկն իսկույն հրաման տվեց կաթողիկոս ձեռնադրել Արտազի Գրիգոր եպիսկոպոսին<sup>850</sup>: Վերջինս, - գրում է Սամուել Անեցու շարունակողը, - կաթողիկոսի Աթոռին «Նստաւ թուրքով և դաբալով»<sup>851</sup>: Կիրակոս կաթողիկոսի գահընկեցությունը տեղի է ունեցել 1443թ. ապրիլի 21-ից<sup>852</sup>:

XV դարի վերջերին և XVI դարի սկզբին Հավուց Թառի վանահայր է հիշվում Ջաքարիա վարդապետը, որը ևս Պահլավունի էր: 1487թ. նա վերստին տիրացավ Գառնիի շրջանում իր տոհմի ժառանգական կալ-

<sup>847</sup> Սամուել Անեցի, էջ 175:

<sup>848</sup> Թովմա Մեծոփեցի, էջ 264:

<sup>849</sup> Նույն տեղում, էջ 262-264:

<sup>850</sup> Նույն տեղում, էջ 265:

<sup>851</sup> Սամուել Անեցի, էջ 175:

<sup>852</sup> Մ. Օրմանեան, Ազգապատում, Բ, սյունակ 2487:

վածքներին, այդ կողմերին իշխող Ամիրքյանալ բեկից հինգ հազար դի-  
նարով գնելով Սանկուս, Ավանիկ, Կուտիս, Չայոց Թառ, Կուտուց վանք,  
Ավանասար, Թառնիս, Սուրբ Սարգիս գյուղերն ու Կոխո գյուղի կեսը:  
Նշված իննը գյուղերի կալվածագրում Չաքարիան հանդես չի գալիս իբրև  
Չավուց Թառի վանահայր: Չի արձանագրվում, որ այդ գյուղերը վակֆ են  
արվում (նվիրաբերվում են) վանքին, քանի որ, ինչպես հավաստում է Սի-  
մեոն Երևանցին, Չաքարիայի տոհմի անդամներն «ի բնէ անտի ազաւտա-  
զունք էին և անուանիք, շատագգ և հարուստք, յորոց թեպէտ ոմանք վա-  
նականք լինէին, ոմանք աշխարհականք, սակայն մի էին տամբք և ընչիւք,  
և իւրեանց էր համարեալ գետղն և վանքն առանց խտրութեան»<sup>853</sup>:

Այս տողերում վկայված է հայ աշխարհիկ ու եկեղեցական հողա-  
տիրության միաձուլման իրողությունը<sup>854</sup>: Չետագայում նույն Չաքարիայի  
խնդրանքով Սեֆյան շահ Իսմայիլ I-ի (1502-1524) կողմից Չավուց թառի  
վանքին տրվեց ապահարկության իրավունք, որով վանքը «ոչ խարճ դի-  
ւանի, ոչ մուլք և ոչ այլ ինչ հարկ տայցէ ումէք»<sup>855</sup>: Սակայն հետագայում  
«ի նուազիլ կարողութեանց և իշխանութեանց սոցա և ի բաժանիլ ազգա-  
կանացն յիրերաց, սկսաւ խտրութիւն անկանիլ ի մէջ վանականացն և աշ-  
խարհականացն վասն մլքից և այլոց ընչից»: Ստեղծված պայմաննե-  
րում Չաքարիա վարդապետը և իր ազգական Չամազասպը Չայոց թառ,  
Սանկուս, Ավանիկ, Քաղբերթ և Ս. Սարգիս գյուղերի հողաբաժինների կե-  
սը վակֆ են տալիս Չավուց թառի Ամենափրկիչ վանքին: Չաքարիան կա-  
րողանում է շահ Իսմայիլ I-ի հաջորդ շահ Թահմասպից մոտ 1524թ. ար-  
տոնագիր ստանալ, որով նշված գյուղերը պետք է մուլք վճարեին Չաքա-  
րիային<sup>856</sup>: Այդպիսով Չավուց թառի կալվածները ոչ թե վակֆային սեփա-  
կանություն էին, այլ Չաքարիա Պահլավունու սեփական մուլքերը<sup>857</sup>:

Սակայն ավելի ուշ դրությունը փոխվում է: Պահլավունի տոհմի  
աշխարհիկ ներկայացուցիչները հարկադրված են լինում Չայոց թառ,  
Կոխո, Կուտուց վանք և Թառնիս գյուղերի մուլքերը վաճառել Չավուց թա-  
ռի Ամենափրկիչ վանքին<sup>858</sup>:

Չեռագիր մի հիշատակարանում հիշվում է Չակոբ վարդապետը,  
(XVIդ. երկրորդ կես), որը բնութագրվում է իբրև «քաջ և արի ուսուցչա-  
պետ (րաբունապետ)», «մարդասեր և առաքինի, շնորհաբաշխ» և այլ

<sup>853</sup> Չամբո, էջ 277:

<sup>854</sup> Չայ ժողովրդի պատմություն (ՀՀ ԳԱ հրատ), հ. IV, Երևան, 1972, էջ 66:

<sup>855</sup> Չամբո, էջ 277, Դ. Ալիշան, Այրարատ, էջ 357:

<sup>856</sup> Չամբո, էջ 278:

<sup>857</sup> Մատենադարանի պարսկերեն վավերագրերը. հրովարտականք, I, կազմեց Յ. Փափազյան, Երևան, 1956, էջ 96:

<sup>858</sup> Չամբո, էջ 278:

որակումներով: Հակոբն, ըստ հիշատակագրի,- «է որդի հարազատի և նահատակի ի մեծ ազգէն պարթևացի»<sup>859</sup>: «Ազգէն պարթևացի» արտահայտությունը թույլ է տալիս կարծելու, որ Հակոբ վարդապետը Պահլավունիների շառավիղներից էր<sup>860</sup>: Նույն ձեռագիր հիշատակարանում նշված են Հակոբի մեծ պապը՝ պարոն Սիրզեն, պապ Վելիճանը, հայրը՝ Շմավոն քահանան (նահատակված թուրքերի ձեռքով), մայր Ազիզը, հորեղբայրները՝ պարոնտեր Հակոբը և Մելիք Աղան, եղբայրները՝ Գրիգոր կաթողիկոսն ու Աղաճանը<sup>861</sup>: Գրիգոր կաթողիկոսը հավանաբար նույն Գրիգոր XII Վաղարշապատեցի կաթողիկոսն է (1570-1587)<sup>862</sup>:

Առաքել Դավրիժեցին XVI դարի սկզբին Հավուց թառի եպիսկոպոսներ է հիշում Մանուկին և Մանուելին: Նրանք ևս պետք է Պահլավունի շառավիղներից լինեին<sup>863</sup>: Մանուելն ապրեց այն բոլոր սարսափները, որ բաժին էր ընկել իր ժողովրդին, 1603թ. վերսկսված թուրք-պարսկական պատերազմի ընթացքում: Իսպանացի ուղեգիր Անտոնիո դե Գուվեան, որ ականատես էր այդ պատերազմին, Շահ-Աբբաս I-ի կյանքն ու գործունեությունը լուսաբանող իր արժեքավոր աշխատության մեջ պատկերել է 1602թ. աշնանից մինչև 1608թ. ընդգրկող ժամանակահատվածում տեղի ունեցած անցքերը: Շահ-Աբբասի զորքի արշավուղին ըստ այդ հեղինակի, ձգվում էր Ջուլֆայով, որը «բազմամարդ էր և բացառապես բնակեցված հայերով», Օրդուբադով, որը նույնի վկայությամբ՝ ուներ «յոթից ութ հազար բնակիչ, մեծ մասամբ հայեր», Նախիջևան քաղաքով, «որը համարյա նույնպես ամբողջությամբ բնակեցված էր հայերով»<sup>864</sup>: Շահ-Աբբասի զորաբանակը 1603թ. վերջին հասնելով Երևան քաղաք, պաշարում է այն: Երևանը, համաձայն նույն հեղինակի վկայության,- «ամբողջովին բնակեցված է հայերով, քաղաքի հողը մշակելի ու բերրի է և հարուստ ամեն տեսակի մթերքներով»: 1604թ. Շահ-Աբբասի կողմից կազմակերպված Այրարատի բնակչության բռնազաղթի հետևանքով հայերը հայտնվեցին ահազարհուր կացության մեջ: Հայրենի եզերքները թողնելու համար նրանց տրվեց երկու օր: Հարծակման անցած թուրքական զորքերի ճանապարհին ընկած Այրարատյան երկիրն անապատի վերածելու համար այն պետք է մարդաթափ արվեր:

<sup>859</sup> Յուզակ հայերեն ձեռագրերի Թիֆլիզի Ներսիսեան հոգևոր դպրանոցի, կազմեց Ստ. Կանայեանց, Թիֆլիզ, 1893, էջ 40:

<sup>860</sup> Գ. Յովսէփեանց, Խաղբակեանք, էջ 421:

<sup>861</sup> Յուզակ հայերեն ձեռագրերի Թիֆլիզի Ներսիսեան հոգևոր դպրանոցի, էջ 40:

<sup>862</sup> Գ. Յովսէփեանց, Խաղբակեանք, էջ 421:

<sup>863</sup> Նույն տեղում:

<sup>864</sup> Մ. Ջուլայան, Հայ ժողովրդի XIII-XVIII դարերի պատմության հարցերը ըստ եվրոպացի հեղինակների, գիրք Ա, Երևան, 1990, էջ 138-139:

Շահի հրամանի դեմ ըմբոստացողներ եղան: Նրանցից էին Հավուց թառի Մանուել եպիսկոպոսը, որը Գեղարդա վանքի եպիսկոպոս Աստվածատուրի հետ «առեալ զարս ոմանս ի մերծաւորաց իւրեանց՝ կարգաւորս և աշխարհականս», հրաժարվեցին տեղահանվել և մտնելով Գեղարդաձոր, թաքնվեցին մի քարայրում, հուսալով, որ պարսիկ զորականները չեն հասնի այդտեղ: Սակայն բռնազաղթն իրականացնող Ամիրգունա խան Ղաջարը տեղեկացավ այդ մասին և զինվորներ ուղարկեց նրանց գերելու համար: Ձինվորներից մեկը մտավ քարայր և զլխատեց իր դեմ ծառացած Մանուել եպիսկոպոսին: Շահի զինվորները սրի քաշեցին նաև Գառնիի գավառի լեռնախորշերում ապաստանածներին, չխնայելով անգամ ծերերին ու երեխաներին<sup>865</sup>:

Այնուհետև Հավուց թառի վանահայր են հիշվում Մարկոս Ջուղայեցին<sup>866</sup> և ուրիշներ, որոնք հավանաբար այլ գերդաստաններից էին սերում:

Տակավին XIV դարում Պահլավունի տոհմի որոշ ժառանգներ, չհանդուրժելով օտար բռնատիրոջների կամայականությունները, հեռացան Ղրիմի թերակղզի, որն ինչպես գրում է XVII դարի տաղասաց, Կաֆա (Թեոդոսիա) քաղաքում ծնված Մարտիրոս Ղրիմեցին, - «ոչ էր այն մեզ երկիր սեփական, զի մեք հայ ենք ազգաւ և ցեղ Պահլաւեան»<sup>867</sup>:

Ղրիմում հաստատված Պահլավունիների մասին ուշագրավ տեղեկություններ կան Մաշտոցի անվան Մատենադարանում պահվող մի Հայսմավուրքում, որը գրել են տվել ջալալիների շահատակությունների պատճառով Նախիջևանից հոր հետ Ղրիմ գաղթած Աբրահամ Պահլավունու (Սագիի որդու) զավակներ Տրդատը և Աննան՝ 1690 թվին: Ջալալիների ավազակային հարձակումները կատարյալ պատուհաս էին հայության համար: Այդ մասին խոսում վկայություններ են պահպանվել ձեռագիր հիշատակարաններում<sup>868</sup>:

1299 թվականին, ինչպես հավաստում է Հայսմավուրքի հիշատակագիրը, հայերից շատերը «թողլով զոսկեգօծ պալատս և զծաղկաւետ դաշտս, զվանորայս և զեկեղեցիս ասեր, չուեալ եկին որպէս փախստա-

<sup>865</sup> Առաքել Դավրիժեցի, Գիրք պատմութեանց, աշխ. Լ. Խանլարյանի, Երևան, 1990, էջ 83-85:

<sup>866</sup> Չաքարեայ Սարկաւազի Պատմագրութիւն, Վաղարշապատ, 1870, էջ 56:

<sup>867</sup> Ա. Մարտիրոսյան, Մարտիրոս Ղրիմեցի, Երևան, 1958, էջ 144: Այս խոսքերը բույլ են տալիս ենթադրելու, որ Մարտիրոս Ղրիմեցին ևս սերում էր Պահլավունիներից:

<sup>868</sup> Հայերեն ձեռագրերի ժե դարի հիշատակարաններ (1601-1620 թթ.), Ի. Ա. կազմեցին Վ. Հակոբյան և Ա. Գ. Հովհաննիսյան, Երևան, 1974, էջ 179, 235, 246-247, 288, 415 և այլն: Ջալալիների մասին տես՝ Մ. Ջուլայան, Ջալալիների շարժումը և հայ ժողովրդի վիճակը Օսմանյան կայսրության մեջ (XVI-XVII դարեր), Երևան, 1966:

կան ի յԱխսարայ, որ է ի մէջ Հաշտերխանա և Ղազանու»<sup>869</sup>: Սակայն այստեղ էլ նրանք ենթարկվում են թաթար-մոնղոլների կամայականություններին, ուստի որոշում են հեռանալ Ղրիմ, որը դեռևս 1239թ. գրավել էր Բաթու խանը: (Ավելի ուշ՝ 1443 թվականից Ղրիմը դարձավ ինքնուրույն խանություն՝ Գիրեյների թաթարական տան գերիշխանության ներքո): Տակավին XIII դարի երկրորդ կեսին ջենովացիները մոնղոլ-թաթարների հետ կնքված պայմանագրով տիրացան Ղրիմի հարավ-արևելյան ծովամերձ տարածքներին, կենտրոն դարձնելով Կաֆա քաղաքը: 1299թ. Ախսարայից գաղթած հայերն այդ քաղաքում հաստատված Ջենովայի հյուպատոսի հետ պայմանագիր («ուխտ») են կնքում, և հաջորդ տարի «իշխանք և ազնիւք և հասարակ ժողովուրդք՝ վառեալ զինու պատերազմելով ընդ թաթարացն ճեխքեալ գան ի Ղռիմ և բնակին ի Ֆետոսիա» և այլուր<sup>870</sup>: Ջենովացիները հաճությամբ ընդունեցին հայերին, իբրև քրիստոնյաների և գործարար հատկանիշներով օժտված տարրի: Նրանց բնակության համար հատկացվեց Կաֆայի շրջապարիսպներից դուրս ընկած լեռնոտ տեղանքը, որը նրանք պարսպապատեցին, բնակություն հաստատելով այնտեղ<sup>871</sup>: Նրանք այդտեղ հիմնեցին եկեղեցիներ (ջենովական իշխանությունները հայերին և հույներին արգելում էին Կաֆայի միջնաբերդում եկեղեցիներ կառուցել<sup>872</sup>):

Ղրիմում հայ գաղթականությունը հաստատվում է նաև ուրիշ բնակավայրերում՝ «ի Ղարասուպագար, ի Պաղջասարայ և ի Կեօզլով»<sup>873</sup>: Հայահոծ բնակչություն ունեին նաև Սուղակ, Սուրխաթ, Աքմեչիթ (Սիմֆերոպոլ), Բալակլավա, Օրաբագար (Արմյանսկ) և Տավրիկյան Խերսոնես բնակավայրերը: Հայերը մեծամասնություն էին կազմում Կաֆայում, որտեղ ջենովացիների թիվը մեծ չէր: Հայերը Կաֆան համարում էին «հոյակապ և հռչակավոր մայրաքաղաք»<sup>874</sup>, «աստվածաշեն և երկնանման մայրաքաղաք»<sup>875</sup>:

Մարտիրոս Ղրիմեցին գրում է, որ Ախսարայից Ղրիմ տեղափոխված հայերը՝

Եկեղեցովք լցին զվայրսն ամենայն

<sup>869</sup> Մաշտոցի անվան Մատենադարան, ձեռ. 7442, ք. 281:

<sup>870</sup> Նույն տեղում:

<sup>871</sup> Բ. Քուչներեան, Պատմութիւն գաղթականութեան Խրիմու Հայոց, Վենետիկ, 1895, էջ 103:

<sup>872</sup> Վ. Միքայելյան, Ղրիմահայոց պատմություն, Երևան, 1989, էջ 17:

<sup>873</sup> Ձեռ. 7442, ք. 281:

<sup>874</sup> ԺԴ դարի հայերեն ձեռագրերի հիշատակարաններ, կազմեց Լ. Խաչիկյան, Երևան, 1950, էջ 548-549:

<sup>875</sup> Հայերեն ձեռագրերի ԺԵ դարի հիշատակարաններ, Ա, էջ 175 և այլն:

Փոխան եկեղեցեացն, որք ի Շիրական<sup>876</sup>:

«Շիրականի» տակ անշուշտ, մատենագիրը նկատի ունի Սեծ Հայքի Շիրակ գավառը, որտեղ իրենց եկեղեցաշինությամբ հայտնի էին Պահլավունիները: Կաֆայում կառուցվել է 24 հայկական եկեղեցի<sup>877</sup>: Տավրիկյան խերսոնեսում հայտնաբերված խեցեղենը նմանություն ունի Անիում արտադրվածի հետ<sup>878</sup>: խերսոնեսի միջնադարյան բաղնիքները նման են Պահլավունիների ոստան Ամբերդում հայտնաբերված բաղնիքներին<sup>879</sup>:

XIII դարի վերջին Նախիջևանից Ոսկե հորդա է գաղթում նաև Պետրոս Պահլավունին որդու՝ Դավիթի հետ: 1330թ. նրանք Մաղաքիա Պահլավունու հետ տեղափոխվում են Կաֆա, կառուցում նրա բերդը<sup>880</sup>: XV դ. առաջին կեսին Նախիջևանում հիշվում է Դավիթ Պահլավունին, որն ըստ վերոհիշյալ ծեռագիր հիշատակարանի, ունենում է Սեդրակ անունով որդի, իսկ վերջինից ծնվում է Մարգարը, սրանից էլ՝ Սազին:

1602թ. վերոնշյալ (Սազի Պահլավունու որդի) Աբրահամը որդու Տրդատի և դստեր Աննայի հետ գաղթում է Դրիմի թերակղզի: Ըստ նույն հիշատակարանի, «ի յաւերելն ջելալին՝ գերկիրն Պարսից, բազումք ի յազգէ մերմէ: չուեալ անտի գան ի Ղոճմ»<sup>881</sup>: Կաֆայում, ինչպես նշվեց, դեռևս XIV դարում ապաստան էին գտել Պահլավունիները: Աբրահամ Պահլավունին և իր քեռորդի Պետրոս Բագրատունին, Մուղալենց Մարգարի (որը գուցե մերձակցություն ուներ Կաֆայի Պահլավունիների հետ) հովանավորությամբ նույնպես հաստատվում են Կաֆայում: Մարգարը ջենովական հյուպատոսի կողմից օժտված էր լայն իրավագրությամբ: Նա իր տնօրինության տակ ուներ նաև զորաբաժին, որը Կաֆան պաշտպանում էր թաթարների հարձակումներից: Մուղալենց Մարգարը սիրահոժար կերպով ընդունեց Աբրահամ Պահլավունուն և նրա քեռորդուն, անշուշտ, նկատի առնելով նաև նրանց ծագումը: Նա, ինչպես հավաստում է հիշատակարանագիրը, - «ի տեսանելն Աբրահամին Պահլաւունենց և Պետրո-

<sup>876</sup> Ա. Մարտիրոսյան, Մարտիրոս Դրիմեցի, էջ 146:

<sup>877</sup> Օ. Халпахчян, Армяно-русские культурные отношения и их отражение в архитектуре, Ереван, 1957, с. 20.

<sup>878</sup> А. Якобсон, Средневековый Херсонес (XII-XIV вв.), М.-Л. 1950, с. 105.

<sup>879</sup> Նույն տեղում, էջ 81:

<sup>880</sup> Ձեռ. 7442, ք. 281:

<sup>881</sup> Նույն տեղում: Դրիմում հայերի հիմնած գյուղերից մեկը կրում էր Նախիջևան անունը, որը վկայված է գյուղի տարածքում եղած մահարձանի: վրայի արաբերեն արձանագրությամբ (տես Մ. Բժշկեանց, Ճանապարհորդութիւն ի Լեհաստան եւ յայլ կողմանս բնակեալս ի հայկազանց սերելոյ ի նախնեանց Անի քաղաքին, Վենետիկ, 1830, էջ 329): Գյուղը կարող էին հիմնել Նախիջևանից գաղթածները, որոնց մեջ գուցե եղել են նաև Պահլավունիներ:

սին Բագրատունենց, պարզեաց նոցա զբազում ինչս և զստացուածս և պալատ մի ի բնակութիւն ի պատիւ տոհմի նոցին»: Սակայն Պետրոս Բագրատունին «յետ ոչ բազում ժամանակաց առ Աստուած փոխեցաւ ՌԿԷ (1618) թուին»<sup>882</sup>:

1620-ական թվականներին Աբրահամ Պահլավունին կնութեան է առնում «զղուստրն ազնիւ Գեորքին Մուղալենց» և հարստանում նրանց օժանդակությամբ<sup>883</sup>:

Կաֆա քաղաքում (որտեղ հաստատվել էր Աբրահամ Պահլավունին) լայն չափերով դրսևորվեց «անեցի դրիմաբնակ հայ ժողովրդոց ժամասիրութեան և եկեղեցաշինութեան եռանդը»<sup>884</sup>, որին անմասն չէին Պահլավունիները: Աբրահամ Պահլավունու որդի Տրդատն իր քրոջ՝ Աննայի հետ Կաֆայում կառուցել է տալիս Ս. Նիկողայոս եկեղեցին, որը դարձավ նրանց տոհմական հիշատակների պահպանման ու սրբազնագործողը: Այդ ժամանակամիջոցում Կաֆայում դեռ պահպանվում էր կաթոլիկ եկեղեցու ազդեցությունը: (Տակավին ժԳ դարից քաղաքի հայերն ունեին հայ-կաթոլիկ թեմակալ եպիսկոպոսներ<sup>885</sup>): 1475 թվականից ի վեր, երբ Ղրիմին տիրացան օսմանյան թուրքերը, հայերի վիճակը ծանրացավ, և ավելի մեծացավ ուժացման, ազգային-կրոնական դիմահեղման վտանգը: Սպառնալի չափեր էին ընդունել թուրք-թաթարական ցեղերի շահատակությունները: Մարտիրոս Ղրիմեցին՝ ժամանակակից տաղերգակը գրում է.

Յետ այսմ ամենայնի այնք որ ի Կաֆայն,  
Խոշտանգեալ տաքնապին յազգէն հոնական,  
Զի գայր պատերազմաւ դժնատես ազգն այն  
Առներ վնաս բազում ընչից և մարդկան...<sup>886</sup>

XVII դարում թաթարները բազմաթիվ հայերի գերում և վաճառում էին Ղրիմի շուկաներում: Նույն ժամանակաշրջանում Ղրիմի թերակղզում քարոզարշավ էին ծավալում կաթոլիկ միսիոներները՝ Ղրիմիկյան միաբանությունից, որոնց 1625թ. Ղրիմի խանն արտոնեց ազատ կերպով գործունեություն ծավալել Ղրիմում: Այն հատկապես զգալի էր Կաֆայում<sup>887</sup>:

Ստեղծված պայմաններում Կաֆայում հաստատված Պահլավունիները առանձնահատուկ հոգածություն են դրսևորում իրենց տոհմի հա-

<sup>882</sup> Չեռ. 7442, ք. 281:

<sup>883</sup> Չեռ. 7442, ք. 282-283: Կնոջ անունը Թագուհի էր (նույն տեղում, ք. 283):

<sup>884</sup> Բ. Քուլներեան, նշվ. աշխ., էջ 83:

<sup>885</sup> Հայ-իտալական առնչություններ, ջենովական փաստաթղթերը Ղրիմահայերի մասին, աշխ. Կ. Միքայելյանի, Երևան, 1974, էջ 31, 35:

<sup>886</sup> Ա. Մարտիրոսյան, Մարտիրոս Ղրիմեցի, էջ 146:

<sup>887</sup> Կ. Միքայելյան, Ղրիմահայ զաղուրթը Արևելք-Արևմուտք հարաբերությունների ոլորտում (13-18-րդ դարեր), Երևան, 2000, էջ 186-187:

րատնան, նրա նվիրական ավանդների պահպանման համար: Ուշագրավ է, որ վերը հիշված Տրդատ և Աննա Պահլավունիներն իրենց հիմնած եկեղեցուն պահվող Չայսմավորքուն արծամագրուն և իրենց տոհմի շահավիղներին պարտավորեցնում են «յետ մահուան իւրաքանչիւրոց հարց աճեցուցանել զարական ճիւղս իւրեանց ի վերայ ծառոցն, առ ի յիշատակ տոհմին իւրեանց» և ամեն տարի նույն եկեղեցուն տոնախմբությամբ ոգեկոչել Պահլավունի տոհմի նահատակների հիշատակը<sup>888</sup>:

---

<sup>888</sup> ՏԽ ձեռ. 7442, ք.283:

## Ամփոփում

IX-X դարերում Հայոց Բագրատունի թագավորների հովանու ներքո Հայաստանի մախարարական նշանավոր տոհմերից վերընծյուղվելով իշխանական որոշ տներ ականավոր դեր խաղացին երկրի հասարակական-քաղաքական կյանքում: Նրանց մեջ հատկապես աչքի ընկան Կամսարականների հռչակավոր տոհմից սերած Պահլավունիները, որոնք իրենց հայրենաշահ գործունեությամբ խոր հետք թողեցին հայրենի պատմության մեջ: Հայոց Բագրատունիների թագավորության, ապա Ջաքարյանների իշխանության պետական համակարգերում նրանք եապես նպաստեցին Հայաստանի ռազմա-քաղաքական և հոգևոր-մշակութային կյանքի վերելքին, աչքի ընկնելով բարեփոխամետ ձեռնարկումներով, մտավոր-մշակութային եռանդով:

Պահլավունի տոհմի քաղաքական վերելքն սկսվեց 960-ական թվերից Ապուղամր Պահլավունու և նրա որդու Գրիգոր Համգեի օրոք, երբ Աշոտ III Ողորմած թագավորի կամքով 961թ. Անին հռչակվեց Հայոց թագավորության մայրաքաղաք: X-XI դարերում Պահլավունիները վարում են Բագրատունյաց թագավորության սպարապետի պաշտոնը: Նրանցից հատկապես ականավոր դեր էր վերապահված Գրիգոր Համգեի որդի Վահրամ Պահլավունի գորավարին, որի զինական ավյունը դրսևորվեց 998թ. Ատրպատականի Մամլան ամիրայի գործերի դեմ Ծումբ գյուղի մոտակայքում մղված ճակատամարտում, էլ ավելի մեծ չափերով XI դ. առաջին կեսին, երբ Հայոց Բագրատունիների թագավորությունը Բյուզանդիայի լարած դավերի և սելջուկ-թյուրքական հարձակումների պայմաններում կենաց և մահու պայքար էր մղում երկրի անկախության պահպանման համար: Վահրամն աչքի ընկավ մաև շինարարական մեծագործությամբ, ի մասնավորի Մարմաշենի հռչակավոր վանքի կառուցմամբ, եկեղեցանպաստ ձեռնարկումներով: Հմուտ զորավար էր մաև Վահրամի եղբայրը Վասակ Հոլումը, որը նշանավոր դեր խաղաց սելջուկ-թյուրքերի դեմ մղած մարտերում: Ծումբի մոտ մղված ճակատամարտում զորապետի իր տաղանդով աչքի ընկավ մաև Վահրամի որդի Սմբատ Պահլավունին: Վահրամի եղբայր Վասակը Հայոց Բագրատունիների թագավորության իշխանաց իշխանն էր, իսկ մյուս եղբայրը՝ Ապղարիքը 1020-1030-ական թ.թ. վարում էր երկրի մարզպանի պաշտոնը: Նա աչքի ընկավ մաև շինարարական ձեռնարկումներով:

Հայաստանի հասարակական-քաղաքական և մտավոր-մշակութային կյանքում հատկապես ականավոր դեր էր վերապահված Վասակ Հոլումի որդուն Գրիգոր Մագիստրոս Բջնեցուն, որը եապես սատարեց երկրի քաղաքական կայունության ամրապնդման գործընթացներին: Նա մաև

բազմագիտակ մտավորական էր, որն աչքի ընկավ նաև եկեղացաշինության մեջ: Նրա հովանավորությամբ ծաղկում ապրեցին Բջնիի, Հավուց քառի, Սանահինի, Կեչառիսի և ուրիշ եկեղեցիներ: Գրիգոր Մագիստրոսը նախանձախնդիրն ու ջերմեռանդ պաշտպանն էր Հայ եկեղեցու դավանական անաղարտության և ինքնուրույնության:

Պատմության մեջ նշանակալի հետազոծ են թողել նաև Գրիգոր Մագիստրոսի ժառանգները: Նրա ավագ որդին՝ Վասակը Բյուզանդիայի կայսեր կողմից 1070-ական թ.թ. կարգվեց Անտիոքի կառավարիչ՝ դուքսի պատվատիտղոսով: Սկզբնապես բյուզանդական ծառայության մեջ էր նաև նրա կրտսեր որդին՝ Վահրամը (Գրիգոր Վկայասերը): Վերջինս 1066թ. բազմեց Հայոց կաթողիկոսի գահաթոռին, հիմ դնելով Պահլավունիների կաթողիկոսական հարստության (1066-1203թ.թ.): Պահլավունի հայրապետները 138 տարի իրենց աջը պարզեցին համայն հայության վրա և նպատակասլաց ջանքերով միաբանեցին, հույս ներարկեցին նրան, կոփեցին հայրենավանդ հավատքը: Նրանց ոգեշնչած խնդիրներն իրենց դրոշմը թողեցին քաղաքականապես տկարացած, տարասփռված հայության ճակատագրի վրա, նպաստեցին նրա հոգևոր և քաղաքական համախմբմանը, զորավիգ եղան պետականորեն մտածելու և գործելու կարողունակ ուժերին: Պահլավունիները կարողացան պահպանել եկեղեցին՝ որպես ժողովրդի գոյատևման կենսունակ գործոն, դառնալով հայության քաղաքական հույսերի ու ակնկալությունների թարգմանը: Նրանք անմասն չէին նաև օտար հորիզոններում դեգերող հայության ճակատագրին: Գրիգոր Վկայասեր Պահլավունու քեռորդի Գրիգորը 1076թ. նրա կողմից կարգվեց Եգիպտոսի հայ համայնքի հոգևոր առաջնորդ: Վկայասերի մյուս քեռորդին՝ Վահրամը Եգիպտոսում իշխող Ֆաթիմյան Հաֆիզ խալիֆայի օրոք՝ 1135-1137թ.թ. վարում էր երկրի լիազոր վեզիրի գերագոյեցիկ պաշտոնը: Պահպանելով քրիստոնեական հավատը, նա զորավիգ եղավ եգիպտահայությանը:

Գրիգոր Մագիստրոսի դուստրերից մեկի ամուսինը Սասունի իշխան Թոռնիկ Մամիկոնյանն էր, որը 1050-ական թվականներին փայլեց իր ռազմի կորովով, հաղթանակներ տանելով սելջուկ-թյուրքական զորքերի դեմ: Նրա որդի Չորտվանելի օրոք Սասունի իշխանությունը պահպանեց իր ինքնուրույնությունը:

Գրիգոր Մագիստրոսի մի թոռը (մյուս դստեր գծով) Բարսեղ I կաթողիկոսն էր: Մագիստրոսի շառավիղներից էր նաև Գրիգորը, որը 1070-1090թ.թ. հայտնի էր իբրև քաջ զորական և աչքի ընկավ սելջուկ-թյուրքերի դեմ մղված մարտերում:

Գրիգոր Մագիստրոսի դուստրերից մեկի որդի Ապիրատը (Ներսես Շնորհալու հայրը), տիրում էր Ծովք դրյակին և Կարկառ ամրոցին: Նրա սպանվելուց հետո՝ 1112 թվականին Ծովքի իշխանությունը ժառանգեց

որդին՝ Վասիլ Պահլավունին, որը դաշնակցում էր Սասունի իշխան Չորտվանելին: Վասիլի որդին Գրիգոր IV Տղան Հայոց կաթողիկոսն էր 1173-1193թ.թ.: Ծովք դոյակը ժառանգած Ապիրատ Պահլավունու որդին էր մեծաքանցքար Ներսես Շնորհալին, որը 1166թ. բազմեց եղբոր Գրիգոր III-ի կաթողիկոսական գահաթոռին: Իր իմաստահեղ գործերով, քերթողական ավյունով նա խորը հետք է թողել հայոց մտաշխարհում, հեղինակել է տաղեր, պոեմներ, առակներ, խրատական, հավատաբանական գործեր: Հայ ժողովրդի բոլոր խավերին ուղղած շրջաբերական ընդարձակ նամակում «Թուղթ ընդհանրական»-ում Շնորհալին պատվիրում է հավատարիմ մնալ հայրենավանդ արժեքներին և զերծ մնալ զորեղ հարևանների ամենակույ նկրտումներից:

Պահլավունիների վերընծյուղված շառավիղներից էին Ապուղամր մագիստրոսը և նրա որդիներ Գրիգորն ու Ղարիբը, որոնք 1220-ական թվականներին հայտնի դարձան իրենց եկեղեցանպաստ գործերով:


XIIIդ. հյուսիս-արևելյան Հայաստանում հայտնի էին նաև Պահլավունիների կողմնակի ճյուղերից սերած Անիի կառավարիչ Վահրամը, Ապուղամրը, Սարգիս արքեպիսկոպոսը և ուրիշներ:

XIVդ. Պահլավունիների հետնորդները Չաքարյանների իշխանության պետական համակարգում օժտված էին վարչական և զինվորական ու եկեղեցական բարձրագույն պաշտոններով: Նրանք պահպանում էին Պահլավունյաց տոհմում սովորական դարձած «մագիստրոս» պատվատիտղոսը:


XIV-XVII դարերում Պահլավունյաց տանից սերած հոգևորականները տիրում էին Հավուց թառի Ամենափրկիչ վանքին՝ իբրև ժառանգական կալվածատերեր: Նրանք էական ներդրում ունեցան երկրի հոգևոր-եկեղեցական գործընթացներում: 1441թ. Չաքարիա Հավուցթառեցի Պահլավունին գործուն մասնակցություն ունեցավ Հայոց կաթողիկոսական Աթոռը Կիլիկիայից իր բնավայր Էջմիածին տեղափոխելու դարակազմիկ միջոցառմանը:

Պահլավունիների շառավիղներից ոմանք չհանդուրժելով օտար տիրապետությունը և ջալալիների խժոժությունները, դեռևս XIV դ. հեռացել էին Ոսկե Հորդա, ապա Ղրիմի թերակղզի, բնակություն հաստատելով Կաֆա քաղաքում և հարակից շրջաններում: XVդ. սկզբներին Ղրիմում նրանք հայտնի դարձան իրենց շինարարական ձեռնարկումներով:


## ՊԱՐԼԱՎՈՒՆԻՆԵՐԻ ՏՈՐՄԱԾԱՌԸ



## ԾՈՎՔԻ ՊԱՐԼԱՎՈՒՆԻՆԵՐԸ



## ՊԱՅԼԱՎՈՒՆԻՆԵՐ (ԱՊԻՐԱՏՅԱՆՆԵՐ)





## Մատենագիտական ցանկ

### 1. Սկզբնաղբյուրներ

Աբուսահի հայ, Պատմութիւն եկեղեցեաց և վանորից Եգիպտոսի, Վենետիկ, 1895:

Ագաթանօեղոս, Գիրք վիպասանութեան, Կ. Պոլիս, 1709:

Ագաթանօեղայ, Պատմութիւն Հայոց, աշխ. Գ. Տեր Սկրտչեան և Ստ. Կանայեանց, Տփղիս, 1909:

Անանիա Շիրակացու Մատենագրությունը, աշխ. Ա. Աբրահամյանի, Երևան, 1944:

Անանուն Եղեսազի, Ժամանակագրություն, թարգմ., առաջաբան և ծանոթագրութ. Լ. Տեր-Պետրոսյանի, Երևան, 1982:

Առաքել Դավրիժեցի, Գիրք պատմութեանց, աշխ. Լ. Խանյարյանի, Երևան, 1990:

Արաբական աղբյուրները Հայաստանի և հարևան երկրների մասին, կազմեց Յ. Նալբանդյան, Երևան, 1965:

Գիրք թղթոց, Թիֆլիս, 1901:

Գրիգոր Սագիստրոսի թղթերը, ի լոյս ընծ. Կ. Կոստանեանց, Ալեքսանդրապոլ, 1910:

Գրիգոր Նարեկացի, Մատենա ողբերգութեան, աշխ. Պ. Խաչատրյանի և Ա. Ղազինյանի, Երևան, 1985:

Գրիգոր Նարեկացի, Տաղեր և գանձեր, աշխ. Ա. Քոչկերյանի, Երևան, 1981:

Գրիգորի կաթողիկոսի Տոյա կոչեցելոյ Նամականի, Վենետիկ, 1838:

Գրիգորի կաթողիկոսի Տոյա կոչեցելոյ Նամականի եւ Ներսիսի Լամբրոնյացու Ատենաբանութիւնը եւ Թուղթ եւ ճառք, Վենետիկ, 1865:

Գրիգոր Տոյա, Բանաստեղծություններ և պոեմներ, աշխ. Ա. Մնացականյանի, Երևան, 1972:

Դիվան հայ վիմագրության. I, Անի քաղաք, կազմեց Յ. Օրբելի, Երևան, 1966:

Զաքարիա Սարկավազի Պատմագրութիւն, Վաղարշապատ, 1870:

Թովմա Արծրունի և Անանուն, Պատմութիւն տանն Արծրունեաց, աշխ. Մ. Յ. Դարբինյան-Մելիքյանի, Երևան, 2006:

Թովմա Մեծփեցի, Պատմագրություն, աշխ. Լ. Ա. Խաչիկյանի, Երևան, 1999:

ԺՂ դարի հայերեն ձեռագրերի հիշատակարաններ, կազմեց Լ. Ա. Խաչիկյան, Երևան, 1950:

Իբն այ-Ասիր, թարգմ., առաջաբան և ծան. Ա. Տեր-Ղևոնդյանի, Երևան, 1981:

Կանոնագիրք Հայոց, հ. Ա-Բ, աշխ. Վ. Հակոբյանի, Երևան, 1964, 1971:

Կիոակոս Գանձակեցի, Պատմութիւն Հայոց, աշխ. Կ. Մելիք-Օհանջանյանի, Երևան, 1961:

Հակոբյան Վ. Դավիթ Քորայրեզու Հիշատակարանը («Տեղեկագիր ՀՍՍՌ ԳԱ» (հաս.գիտ.), 1952, N8):

Հայ-իտալական առնչություններ, ջննդական փաստաթղթերը ղրիմախանյերի մասին, աշխ. Վ. Միքայելյանի, Երևան, 1974:

Հայերեն ձեռագրերի ժ՛ դարի հիշատակարաններ (1601-1620թ.թ.), հ. Ա, կազմեցին Վ. Հակոբյան և Ա. Հովհաննիսյան, Երևան, 1974:

Հայերեն ձեռագրերի հիշատակարաններ Ե-ԺԲ դդ., աշխ. Ա. Մաթևոսյանի, Երևան, 1988:

Հուաքունն Պատմութեան Վարդանայ Վարդապետի, Վենետիկ, 1862:  
Հովհաննես Սկիլիցես, Համառոտություն պատմությանց, թարգմ., առաջաբան և ծանոթագրութ. Հր. Բարթիկյանի, Երևան, 1979:

Մայր Ցուցակ հայերէն ձեռագրաց Մխիթարեան մատենադարանին, հ. Ա-Բ, Վենետիկ, 1914, 1924:

Մայր ցուցակ Սրբոց Յակոբեանց, հ. Ա-Բ, կազմեց Ն.Պողոտեան, Երուսաղէմ, 1966, 1967:

Մանր ժամանակագրություններ XIII-XVIII դ.դ., հ. I-II, կազմեց Վ. Հակոբյան, Երևան, 1951, 1956:

Մատենադարանի պարսկերէն վավերագրերը. հրովարտակներ, I-II, կազմեց Հ. Փափագյան, Երևան, 1956, 1959:

Մատթեոս Ուռհայեցի, ժամանակագրութիւն, Վաղարշապատ, 1898:

Մատթեոս Ուռհայեցի, ժամանակագրություն, թարգմ., ներածութ. և ծանոթագրությունները Հր. Բարթիկյանի, Երևան, 1973:

Մխիթար Անեցի, Մատեան աշխարհավէպ հանդիսարանաց, աշխ. Հ.Մառգարյանի, Երևան, 1983:

Մխիթարայ Այրիվանեզույ Պատմութիւն Հայոց, ի լոյս ընծայեաց Մ. Էմին, Մոսկուա, 1860:

Մխիթար Գոշ, Գիրք դատաստանի, աշխ. Խ. Թորոսյանի, Երևան, 1975:

Մխիթար Հեռացի, Ջերմանց մխիթարութիւն, Վենետիկ, 1882:

Մովսէս Կաղանկատուացի, Պատմութիւն Աղուանից աշխարհի, աշխ. Վ. Աբաբելյանի, Երևան, 1983:

Մովսիսի Խորենացույ Պատմութիւն Հայոց, աշխ. Մ. Աբեղեանի և Ս. Յարութիւնեանի, Տփղիս, 1913:

Մուրադյան Պ., Հայաստանի վրացերէն արձանագրությունները, Երևան 1977:

Հովհաննու կաթողիկոսի Դոասխանակետեզույ Պատմութիւն Հայոց, Թիֆլիս, 1912:

Հովսէփեանց Գ., Յիշատակարանք ձեռագրաց, Ա, Անթիլիաս, 1951:

Լեոսէս Լամբրոնացի, Պատճառք խնդրոյ միաբանութեան թագաւորին Հռոմոնց Մանուէլի, Երուսաղէմ, 1871:

Լեոսէս Շնորհալի, Բանք չափաւ, Վենետիկ, 1928:

Լեոսէսի Շնորհալու Հայոց կաթողիկոսի Նամականի, Վենետիկ, 1838:

Լեոսէս Շնորհալի, Ընդհանրական թուղթք, Վենետիկ, 1871:

Լեոսէս Շնորհալի, Թուղթ ընդհանրական, աշխ. Է. Բաղդասարյանի, Երևան, 1995:

Լեոսէս Շնորհալի, Յաղագս երկնի և գարրուց նորա, հանելուկներ, Ողբ եղեսիոյ, աշխ. Գ. Հակոբյանի, Երևան, 1968:

Լեոսէս Շնորհալի, Վիպասանութիւն, աշխ. Մ. Մկրտչյանի, Երևան, 1981:

Լեոսէս Շնորհալի, Հիսուս Որդի, աշխ. Վ. Ղազարյանի, Երևան, 1991:

Շարականների ընտրանի, Երևան, 2004:

Պատմութիւն Արիստակիսի Լաստիվերտաւոյ, աշխ. Կ. Յուզբաշյանի, Երևան, 1963:

Պատմութիւն Ղևոնդեայ Մեծի վարդապետի Յայոց, Ս. Պետերբուրգ, 1887:  
Պատմութիւն Ս. Ներսէսի հայրապետի («Սովիերք Յայկականք», 2, Վենետիկ, 1853):

Պատմութիւն Սեբեոսի, աշխ. Գ. Աբգարյանի, Երևան, 1979:

Ջամբռ, շարագրեցեալ ի Սիմօնէ կաթողիկոսէ Երևանցաւոյ, Վաղարշապատ, 1873:

Սամուելի քահանայի Անեզոյ Հաւաքմունք ի գրոց պատմագրաց, Վաղարշապատ, 1893:

Սիմեօն վարդապետի Ապարանցոյ Կիպասանութիւն սակս Պահլաւունեացն գարմի և Մամիկոնեանցն սեռի, Վաղարշապատ, 1870:

Սմբատայ Սարառապետի Տարեգիրք, Վենետիկ, 1956:

«Սովիերք Յայկականք», ԺԴ, Վենետիկ, 1853:

Ստեփաննոսի Տարօնեզոյ Ատողկան Պատմութիւն տիեզերական, Ս. Պետերբուրգ, 1885:

Ստեփաննոս Օրբելեան, Պատմութիւն մահանգին Սիսական, Տփղիս, 1910:

Վահրամ Րաբունոյ Ոտանաւոր պատմութեան Ուրփնեանց, Փարիզ, 1859:

Վարդան Արևելցի, ճառք, ներբողեանք, աշխ. Յ. Քլոսեւանի, Երևան, 2000թ.:  
Կիմական տարեգիր, Ցուցակ ժողովածոյ արծանագրութեանց Յայոց, կազմեց Կ. Կոստանեանց, Ս. Պետերբուրգ, 1913:

Վրաց աղբյուրները Յայաստանի և հայերի մասին, հ. Ա-Բ, թարգմ. Լ. Սելիքսեթ-Բեկ, Երևան, 1934, 1936:

Տաղասացութիւնք Գրիգորի Սագիստոոսի Պահլաւունոյ, Վենետիկ, 1868:

Տաշեան Յ. Ցուցակ հայերէն ձեռագրաց մատենադարանին Մխիթարեանց ի Վիեննա, 1895:

Ցուցակ հայերէն ձեռագրաց Չմնառի վանքի մատենադարանին, կազմեց Մ. Քեչիշեան, Վիեննա, 1964:

Ցուցակ հայերէն ձեռագրերի Թիֆլիզի Ներսիսեան հոգևոր դպրանոցի, կազմեց Ատ. Կանայեանց, Թիֆլիզ, 1893:

Ցուցակ ձեռագրաց Մշոյ Ս. Առաքելոց-Թարգմանչաց վանքի և շրջակայից, Երուսաղէմ, 1967:

Из Тарих-ал-Камиль Ибн-ал-Асира. пер. П.Жузе, Баку, 1940.

Рашид-ад-дин, Сборник летописей, т.3, (пер. с персидского), Москва-Ленинград, 1946.

Basmadjian K. Les inscriptions arméniennes d'Ani, de Bagnair et de Marmachen, Paris, 1931.

Garitte G., la Narratio de rebus Armeniae, edition critique et commentaire. Corpus Scriptorum christianorum Orientalium, vol. 132, subsidia t.4, Louvain, 1952.

Garitte G. Documents pour l' etude du livre d' Agathange, Vaticano, 1946.

Michel le Svrien. Chronique, t.II-III, ed. et trad. en francais par J.Chabot, Paris, 1901, 1905.

Miskawayh, The Concluding Portion of the Experiences of the Nations, transl. from the arabic by D.Margoliouth, vol, II (The eclipse of the Abbasid Caliphate, Oxford, 1921).

## 2. Գրականություն

Աբեդյան Ա., Երկեր, հ. Դ, Երևան, 1970:

Աղոնզ Ե., Պատմական ուսումնասիրություններ, Փարիզ, 1948:

Ալիշան Ղ., Այրարատ: Բնաշխարհի Հայաստանեայց, Վենետիկ, 1890:

Ալիշան Ղ., Շիրակ: Վենետիկ, 1881:

Ալիշան Ղ., Շնորհալի և պարագայ իւր, Վենետիկ, 1873:

Ալիշան Ղ., Սիսական, Վենետիկ, 1893:

Ալպոյաճեան Ա., Պատմութիւն հայ գաղթականութեան, հ. Բ, Գահիրե, 1955:

Ալպոյաճեան Ա., Արաբական միացեալ հանրապետութեան եգիպտոսի նահանգը և հայերը, Գահիրե, 1960:

Ալիկնեան Ն., Գաւազանագիրք կաթողիկոսաց Աղթամարայ, Վիեննա, 1920:

Ալիկնեան Ն., Ներսէս Լամբրոնացի, Վիեննա, 1956:

Ալիկնեան Ն., Պահլավունի և Լամբրոնի Հեթմեանց ազգաբանութիւնը («Հանդես Ամսօրեայ», 1954, էջ 3-47 (նույնը արտատպւած է «Ազգային մատենադարան շարքի ճՅԹ հատորում» (Վիեննա, 1956):

Աճառլան Հր., Հայ գաղթականության պատմություն, Երևան, 2002:

Աճառլան Հր., Հայոց անձնանունների բառարան, հ. Ա-Ե, Երևան, 1942-1962:

Անանեան Պ., Ս. Ներսէս Շնորհալի կաթողիկոս Հայոց («Բազմավէպ», 1973-1975):

Ավագլան Ա., Վիմական արձանագրությունների բառաքնություն, Երևան, 1978:

Ավագլան Ա., Վիմագրական պոպուլումներ, Երևան, 1986:

Ավդալբեգլան Ա., «Յայսմաուրք» ժողովածուները, Երևան, 1982:

Բաբայան Լ., Չաքարյանների ֆեոդալական իշխանության առաջացման հարցի մասին («Պատմաբանաս. հանդես», 1962, N 1):

Բարթիկյան Հր., Իսահակ Անգեղոս կայսեր պատասխան նամակը Հայոց կաթողիկոս Գրիգոր Տղային («Էջմիածին», 1967 N 4):

Բարթիկյան Հր., Գրիգոր Մագիստրոսի քաղաքական կողմնորոշման հարցի շուրջը («Էջեր հայ ժողովրդի պատմության և բանասիրության» (հոդվածների ժողովածու), Երևան, 1971:

Բարթիկյան Հր., «Ղաշանց թուղթը». կազմը, ստեղծման ժամանակը, հեղինակն ու նպատակը («Պատմաբանաս. հանդես», 2004, N 2):

Բժշկեանզ Ա., Ճանապարհորդութիւն ի Լեհաստան եւ յայլ կողմանս բնակեալս ի հայկազանց սերելոյ ի նախնեանց Անի քաղաքին, Վենետիկ, 1830:

Բոգոյան Ա., Գրիգոր Տուտեղորդի վարդապետին վերաբերող վկայությունների քննություն («Շողակաթ» ժողովածու), Ստանպուլ, 1995:

Բոգոյան Ա., Հայ-բյուզանդական եկեղեցական բանակցությունների վավերագրերը (1165-1178 թ.թ.), Երևան, 1995:

Բոգոյան Ա., Հոռմի պապ Իննուկենտիոս Բ-ի թուղթը ուղղված Հայոց կաթողիկոս Գրիգոր Գ. Պահլավունուն («Էջմիածին», 1999, N9):

Բոռնագյան Ա., Հայաստանը և սելջուկները XI-XII դ.դ., Երևան, 1980:

Գալենտեղեան Ա., Միութենական հարց եւ Շնորհալի, Մարգուան, 1910:

Գրիգորեան Մ., Շնորհալոյ հայրենամուտը երկասիրութիւնները («Բազմավէպ», 1973, N3-4):

Գրիգորյան Գ. Մ., Սյունիքը Օրբելյանների օրոք, Երևան, 1981:

Գրիգորյան Գ. Ա., Նվիրատվություններ Անիի եկեղեցիներին ու վանքերին (X-XIV դ.դ.), Երևան, 2002:

Եարտմեան Տ., Քեսունի Կարմիր վանքը («Բազմավէպ», 1975):

Եղիազարյան Հ., Լմբատավանքը և նրա վիմագրությունները («Էջմիածին», 1960, Բ):

Եղիազարյան Հ., Հավուց թառի վանքը («Էջմիածին», 1963, Զ):

Եղիազարյան Հ., Բջնիի վանքը և Բջնի գյուղի մյուս հուշարձանները («Էջմիածին», 1963, Թ-Ժ):

Երեմյան Ա., Հայաստանը ըստ «Աշխարհացոյց»-ի, Երևան, 1963:

Զարբիանայեան Գ., Մատենադարան հայկական թարգմանութեանց նախնեանց, Վենետիկ, 1889:

Զեքիեան Լ., Համամիութենական տրամախօսութիւն մը ժՔ դարուն. բանակցութիւններ Ս. Ներսէս Շնորհալիի եւ կայսերական նուիրակ Թէորիանոսի միջեւ հայ եւ բիւզանդական եկեղեցիներում միութեան շուրջ, Վենետիկ, 1978 (Հայագիտական մատենաշար «Բազմավէպ», N 13):

Զուլայան Մ., Հայ ժողովրդի XIII-XVIII դարերի պատմության հարցերը ըստ եվրոպացի հեղինակների, գիրք Ա, Երևան, 1990:

Զուլայան Մ., Զալալիների շարժումը և հայ ժողովրդի վիճակը Օսմանյան կայսրության մեջ (XVI-XVII դարեր), Երևան, 1966:

Թահմիզյան Ն., Ներսէս Շնորհալին երգահան և երաժիշտ, Երևան, 1973:

Թորամանյան Թ., Նյութեր հայ ճարտարապետության պատմության, I, Երևան, 1942, II, Երևան, 1948:

Թուրչյան Հ., XI-XII դարերի եգիպտահայ գաղութի պատմությունից («Արևելագիտական ժողովածու», II, Երևան, 1964):

Թուրչյան Հ., Պահլավունիների վերելքն ու անկումը XI-XIII դարերում («Պատմաբանաս. հանդես», 1974, N1):

Լեռ, Երկերի ժողովածու, հ. II, Երևան, 1967:

Խաչերեան Լ., Գրիգոր Պահլաւունի Մագիստրոս (985-1058 թ.թ.), Լոս Անճելըս, 1987:

Խաչիկյան Լ., Էջեր համշինահայ պատմությունից («Բանբեր Երևանի պետհամալսարանի», 1969, N 2):

Կոզեան Ա., Կամսարականները «տեարք Շիրակայ եւ Արշարունեաց», Վիեննա, 1926:

Հակոբյան Գ., Ներսէս Շնորհալի, Երևան, 1964:

Հակոբյան Թ., Անիի պատմություն, հ. I, Երևան, 1980:

Հայ գաղթաշխարհի պատմություն, հ.1-2, Երևան, 2003:

Հայ ժողովրդի պատմություն (ակադեմիական ութհատորյակ), հ. հ. II, III, IV, Երևան, 1984, 1976, 1972:

Հարությունյան Բ., Մեծ Հայքի վարչա-քաղաքական բաժանման համակարգն ըստ «Աշխարհացոյց»-ի, մաս Ա, Երևան, 2001:

Հովհաննիսյան Ա.Գ., Դրվագներ հայ ազատագրական մտքի պատմության, գիրք I, Երևան, 1957:

Ղաֆաղարյան Կ., Սանահնի վանքը և նրա արձանագրությունները, Երևան, 1957:

Ղաֆաղարյան Կ., Հաղբատ. ճարտարապետական կառուցվածքները և վիմական արձանագրությունները, Երևան, 1963:

Մաթևոսյան Կ., Անի: Եկեղեցական կյանքը և ձեռագրական ժառանգությունը, Ս. Էջմիածին, 1997:

Մաթևոսյան Կ., Սամվել Անեցու ժամանակագրության հնագույն ձեռագրերը («Ակադեմիկոս Նիկողայոս Մառ», ժողովածու, Երևան, 2005, էջ 37-48):

Մաթևոսյան Կ., Հավուց թառի վանքի և Ապիրատյան տոհմի պատմության նորահայտ տվյալները («Բանբեր մատենադարանի», 17, Երևան, 2006):

Մանանդյան Ջ., Երկեր, հ. հ. Բ, Գ, Դ, Երևան, 1978, 1977, 1981:

Մատենագիրք հայոց, հ. Ե, Անթիլիաս-Լիբանան, 2005:

Մարգարյան Յ., Հյուսիսային Հայաստանի և Վրաստանի ժԲ դարի պատմության մի քանի հարցեր, Երևան, 1980:

Մարգարյան Յ., Գառնիի ճակատամարտի պատմության շուրջ (ՀՍՍՀ ԳԱ «Լրաբեր հասարակական գիտութ.», 1982, 3):

Մարգարյան Յ., Վիպական տարրերը X-XII դարերի հայ պատմագրության մեջ («ՊԲՀ», 1987, N 4):

Մրտուեան Գ., Ականաւոր հայեր Եգիպտոսի մէջ, Գահիրե, 1947:

Միաբանութիւն Հայոց Սուրբ Եկեղեցւոյն ընդ մեծի Սուրբ Եկեղեցւոյն Հռոմայ, աշխ. Կղենէս վարդ. Կայանոսի, Հռոմ, 1690:

Միթայելյան Գ., Ղրիմահայոց պատմություն, Երևան, 1989:

Միթայելյան Գ., Ղրիմահայ գաղութը Արևելք-Արևմուտք հարաբերությունների ոլորտում (13-18-րդ դարեր), Երևան, 2000 թ.:

Մխիթարյան Ս., Գրիգոր Մագիստրոսի կյանքը և գեղարվեստական ժառանգությունը, Երևան, 2001:

Մկրտչյան Ա., Էջեր Սյունյաց Աթոռի պատմությունից, Էջմիածին, 1995:

Մնագականյան Ա., Թոնդրակյան շարժման մի քանի գլխավոր հարցերի մասին (ՀՍՍՌ ԳԱ «Տեղեկագիր հաս. գիտութ.», 1954, 3):

Մնագականյան Ա., Երևանը և նրա շրջակայքը, Երևան, 1971:

Մուշեղյան Խ., Դրամական շրջանառությունը Հայաստանում, Երևան, 1983:

Մուրադյան Պ., Դաւանական հանդուրժողականութեան եւ ազգամիջեան համերաշխութեան գաղափարը ժԲ-ժԳ դարերի Հայաստանում («Գանձասար», Դ, 1993թ.):

Յովհաննեսեան Մ., Հայաստանի բերդերը, Վենետիկ, 1970:

Յովհաննեսեան Մ., Հայաստանի Պահլաւունիները («Բազմավէպ», 1973, 3-4):

Յոլսեփեանց Գ., Խաղբակեանք կամ Պոռոշեանք Հայոց պատմութեան մէջ, Անթիլիաս, 1969:

Յոլսեփեանց Գ., Թովմա Մեծօփեցու կեանքը, Վաղարշապատ, 1914:

Յոլսեփեանց Գ., Հաւուց թառի Ամենափրկիչը եւ Նոյնանուն յուշարձաններ հայ արուեստի մէջ, Երուսաղէմ, 1937:

«Ներսէս Շնորհալի» (հողվածների ժողովածու), Երևան, 1977:

Շահնագարուան Ա., Չաքարյան Հայաստանի նվաճումը մոնղոլների կողմից («Պատմաբանաս. հանդէս», 2004, 2):

Որսկանյան Յ., Ներսէս Շնորհալու «Ողբ Եղեսիոյ» պոեմի կրոնական հենքը («Էջմիածին», 2004, 2):

Չամչեանց Մ., Պատմութիւն Հայոց, հ. Ա-Բ, Վենետիկ, 1784, 1785:

Սարգիսեան Ն., Տեղագրութիւնք ի Փոքր և ի Մեծ Հայս, Վենետիկ, 1864:

Սարգսյան Գ., Հավուց թառի հիմնադրման վկայագրի շուրջ («ՀԽՍՀ, ԳԱ Լրաբեր» (հաս. գիտ.), 1988, N 4):

Սրվանձտեան Գ., Թորոս Աղբար, մասն Ա-Բ, Կ. Պոլիս, 1879, 1888:

Վարդանյան Վ., Գրիգոր Մագիստրոսը Հայ եկեղեցու և Հայոց դավանանքի ջատագով («Էջմիածին», 2004, 2»):

Վարդանյան Վ., Պահլավունի տոհմի ծագման շուրջ («Հայոց պատմության հարցեր», 6, Երևան, 2005):

Վարդանյան Վ., Գրիգոր Դ. Տղա հայրապետը ժամանակի դավանական և քաղաքական խաչուղիներում («Էջմիածին», 2005, N է):

Վարդանեան Վ., Գրիգոր Մագիստրոսի քաղաքական հաւատամքը («Բազմավէպ», 2005):

Վարդանյան Վ., Պահլավունի տոհմի ԺԳ-ԺԷ դարերի պատմության դրվագներ («Պատմաբանաս. հանդէս», 2006, 1):

Վարդանյան Վ., Ծովքի Պահլավունիները դարաշրջանի որոգայթներում, («Հայոց պատմության հարցեր», 8, Երևան, 2007):

Տեր-Ղազարեան Յ., Հայկական Կիլիկիա. տեղագրութիւն, Անթիլիաս, 1966:

Տեր-Ղևոնդյան Ա., Վահրամ Պահլավունին Ֆաթիմյան խալիֆայության վեզիր («Արևելագիտության հարցեր», 1-2, Երևան, 1983):

Տեր-Ղևոնդյան Վ., Կիլիկյան Հայաստանը և Մերծավոր Արևելքի արաբական երկրները 1145-1226 թվականներին, Երևան, 1994:

Տեր-Մինասյան Ե., Ամբերդաձորի հնությունները և արձանագրությունները («Էջմիածին», 1961, Ե):

Տեր-Պետրոսյան Լ., Խաչակիրները և հայերը, հ. Ա, Երևան, 2005:

Քասունի Ե., ԺԱ դարու Անտիոքի հայ կառավարիչներ Պէտտ Խաչատուր և Վասակ Պահլաւունի («Հայկազեան հայագիտական հանդէս», 2, Բեյրութ, 1971):

Քուլտեան Յ., Գրիգոր Տղայ և Սալահ եղ-տին («Բազմավէպ», 1975 թ.):

Քուլներեան Բ., Պատմութիւն գաղթականութեան խրիմու Հայոց, Վենետիկ, 1895:

Օոմանեան Ս., Ազգապատում, հ. Ա-Գ, Ա. Էջմիածին, 2001:

- Агаджанов С., Юзбашян К., К истории тюркских набегов на Армению в XI в. («Палестинский сборник», вып. 12 (76), 1965).
- Адонц Н., Армения в эпоху Юстиниана, С. Петербург, 1908.
- Арутюнова-Фиданян В., Армяно-византийская контактная зона (X-XI в.в.), М., 1994.
- Бартикян Р., Еретники ареворди («сыны солнца») в Армении и Месопотамии и послание армянского католикоса Нерсеса Благоданного («Эллинистический Ближний Восток, Византия и Иран», Москва, 1967).
- Гюзальян Л., Персидская надпись Кей-султана Шеддан в Ани («Академику Н. Я. Марру» (сборник статей), М.-Л., 1935).
- Еремян С., Присоединение северо-западных областей Армении к Византии в XI веке («Լրաբեր հիւ. գիտություններ», 1971, N 3): История Византии, т. II, Москва, 1967.
- Каждан А., Армяне в составе господствующего класса Византийской империи в XI-XII в.в., Ереван, 1975.
- Марр Н. Я., Ани, Ереван, 1939.
- Марр Н. Я., Надпись Епифания, католикоса Грузии (из раскопок в Ани 1910г.). («Известия Императорской Академии наук», С. Петербург, 1910).
- Мец А., Мусульманский ренессанс, Москва, 1973.
- Микаелян Г., История Киликийского армянского государства, Ереван, 1952.
- Орбели И., Избранные труды, Ереван, 1963.
- Семенова Л., Из истории Фатимидского Египта, Москва, 1974.
- Степаненко В., О статусе армянских владетелей Малой Азии, Сирии и Месопотамии (конец XI-начало XII вв. («Из истории международных связей и отношений», Тюмень, 1976).
- Тер-Гевондян А., Армения и Арабский халифат, Ереван, 1977.
- Халпахчян О., Армяно-русские культурные отношения и их отражение в архитектуре, Ереван, 1957.
- Якобсон А., Средневековый Херсонес (XII-XIV в.в.), М.-Л., 1950.
- Юзбашян К., Армянские государства эпохи Багратидов и Византия IX-XI в.в., Москва, 1988.
- Юзбашян К., Анийская рукопись 1298г. («Բանբեր Երևանի հանրապետության», 1971, N 2).
- Adontz N., Etudes Armeno-byzantines, Lisbonne, 1965.
- Canard M., Notes sur les Arméniens en Egypte a l' époque Fatimide («Annales de l' Institut d' Etudes Orientales», t. XII, Alger, 1955).

- Canard M., Un vizir chrétien à l'époque Fatimide: l'Arménien Bahram («Annales de l'Institut d'Etudes Orientales», XII, Alger, 1954.
- Chaumont M., Sur l'origine de saint Grégoire d'Arménie («Le Museon», Paris, 1989).
- Dadojan S., The Fatimid Armenians, Leiden, 1997.
- Dédéyan G., Les Arméniens entre Grecs, Musulmans et Croisés, vol 1-2, Lisbonne, 2003.
- Grousset R., Histoire des Croisades et du Royaume Franc de Jérusalem, t 1-2, Paris, 1934-1935.
- Capoian-Kouymjian A., Le catholicos Grégoire II le Martyrophile (Vkyaser) et ses Pérégrinations («Բազմալիցա», 1974, N3-4):
- Laurent J., Etudes d' Histoire Arménienne, Louvain, 1971.
- Minorsky V., Studies in Caucasian History, London, 1953.
- Mutafian, La Cilicie au carrefour des Empires, I, Paris, 1988.
- Mersessian V., The Tondrakian Movement, Allison park, Pensilvania, 1988.
- Runsiman S., A History of the Crusades, Cambridge, 1951.
- Toumanoff C., Manuel de généalogie et de chronologie pour l'histoire de la Caucase chrétienne (Arménie-Georgie-Albanie), Roma, 1976.

# ԱՆՎԱՆԱՑԱՆԿԵՐ

## 1. ԱՆՁՆԱՆՈՒՆՆԵՐ

Աբաս Բագրատունի - Կարսի  
թագավոր - 24, 35, 94  
Աբգարյան Գ. - 16  
Աբեդյան Մ. - 63, 66  
Աբլիահ-Սալարյան ամիրա - 21  
Աբյուղենոս - 58  
Աբրահամ Պահլավունի (XVII դ.  
2-րդ կես) - 197, 199-200  
Աբուլ Ասվար - Դվինի ամիրա -  
44, 81, 115, 126  
Աբուլ Ասվար - Անիի ամիրա -  
121, 122  
Աբու-Շամաթ - արաբ  
պատմագիր - 163  
Աբուսահլ - պատմագիր - 113,  
163  
Ագաթանգեղոս - 8, 12, 124, 176  
Ադամ նախահայր - 145  
Ադոնց Ն. - 8, 34, 60, 98  
Ազիզ - Հակոբ վարդապետի  
մայր (XVI դ.) - 196  
Աթանագինես վկա - 65  
Աթման - Մանուել կայսեր  
պատվիրակ (1169 թ.) - 155  
Ալ - Հաշիմ-Հաֆիզ խալիֆայի  
որդի - 110  
Ալեքս զորապետ (1160-ական  
թթ.) - 153  
Ալեքսիոս III-կայսր (1195-1203) -  
172  
Ալիշան Ղ. - 6, 8, 17, 19, 22, 27,  
41, 53, 56, 67, 74, 76, 95, 117,  
153, 180-181, 185, 191  
Ալպոյաճյան Ա. - 98, 112-113  
Ալուզ իշխան - 27  
Ալինյան Ն. - 8, 17, 22, 53, 89-91,  
121, 126, 158, 167, 172, 190  
Ահարոն Բուլղար - 86-87

Աղաճան - Գրիգոր XII  
կաթողիկոսի եղբայր (XVI դ. 2-  
րդ կես) - 196  
Աղաջանով Ս. - 25  
Աճառյան Հր. - 10, 53, 111, 129,  
152  
Ամիր Երկաթ (XIII դ. 1-ին կես) -  
189, 191  
Ամիրգունա խան - 197  
Ամիրքյամալ բեկ (XVI դ. 1-ին  
կես) - 195  
Անակ - Գրիգոր Լուսավորչի հայր  
12  
Անանիա Նարեկացի - 70  
Անանիա Շիրակացի - 104  
Անանյան Պ. - 11  
Անանուն Եղեսացի - 106, 121,  
130-131, 134, 137, 157  
Անաստաս վարդապետ (VII դ.) -  
15  
Աննա Պահլավունի (XVII դ. 2-րդ  
կես) - 197, 199-201  
Անտոնիո դե Գուլեա -  
խսպանացի ուղեգիր (XVII դ.) -  
196  
Աշխեն թագուհի (IV դ.) - 152  
Աշոտ I Բագրատունի - 9, 28  
Աշոտ III - 202  
Աշոտ IV - 10, 24-25, 40, 42-43,  
78, 115  
Աշոտ մարզպան (X դ. 2-րդ կես -  
XI դ. սկիզբ) - 35  
Աշոտ Մսակեր Բագրատունի - 16  
Ապիրատ - Հասանի որդի,  
Բարսեղ կաթողիկոսի պապը -  
74, 115-116  
Ապիրատ իշխան - Ներսես  
Շնորհալու հայր - 116, 119, 126-  
129, 203-204

Ապիրատ Ներսես Շնորհալու  
եղբայր - 127, 137  
Ապիրատ - Վահրամ վեգիրի  
եղբայր - 110-111  
Ապիրատ (XIII դ. 1-ին կես) - 191  
Ապիրատ - Վասիլի և Մարեմիկի  
որդի - 137  
Ապլլարիպ - Անտիոքի դուքս -  
130  
Ապլլարիպ Արծրունի -  
Լամբրոնի, Ադանայի և Մսիսի  
տեր - 140  
Ապլլարիպ - Գրիգոր Յամզեի  
որդի - 10, 21-22, 29, 49-52, 202  
Ապլլարիպ - Բիրի իշխան (XII դ.  
1-ին կես) - 120-121  
Ապլլախապ - Բարսեղ  
կաթողիկոսի հորեղբայր - 115-  
116, 126, 179  
Ապլլախապ - Գրիգոր  
Մագիստրոսի թոռ (դստեր գծով)  
- 178  
Ապուղամր մագիստրոս (Ղարիբեի  
ու Գրիգորի հայր) - 204  
Ապուղամր (Գրիգոր  
արքեպիսկոպոսի որդի) - 190-191  
Ապուղամր Պահլավունի (X դ. 2-  
րդ կես) - 17, 19, 190, 202  
Ապուղամր - Վահրամ զորավարի  
պապ - 17, 50  
Ապուղամր (XIII դ. 1-ին կես) -  
185-186, 190, 203  
Ապուղամր - Վահրամ զորավարի  
որդի - 52-54  
Առաքել Դավրիժեցի - 196-197  
Առյուծ - Թլկուրանի իշխան - 140  
Ասիտ - բյուզանդական  
զորապետ - 47  
Ասողիկ - 21, 28, 34-35, 52-53,  
տես նաև Ստեփաննոս  
Տարոնեցի

Աստվածատուր -  
Գևորգ արդավանքի եպիսկոպոս -  
197  
Ավագ Ջաջարյան - 191  
Ավագյան Ս. - 33-34, 50-52  
Ավդալբեգյան Ս. - 108  
Արա Գեղեցիկ - 39  
Արիստակես Լաստիվերցի - 4,  
25, 38, 40, 42-47, 56, 79, 84-85,  
87-89  
Արիստոտել - 55-57  
Արտակ Կամսարյան - 9, 17  
Արտաշես I - 147  
Արևորդիներ - 152  
Բաբայան Լ. - 183  
Բագրատ IV -  
Վիրա-արխագական թագավոր -  
33, 38  
Բադր ալ Ջամալի - Եգիպտոսի  
վեզիր - 109-110  
Բաթու խան - 198  
Բալդվին - Եղեսիայի կոմս - 106,  
120-121, 130  
Բակուրան - Պապեռոնի իշխան  
138  
Բաղդասարյան Է. - 5, 142  
Բասմաջյան Կ. - 7, 54, 167, 190  
Բարթիկյան Յր. - 44, 79-80, 86,  
124, 153, 160, 176  
Բարծունյա - 109  
Բարսեղ արքեպիսկոպոս (XII դ.  
2-րդ կես) - 158-159, 172, 180-  
183  
Բարսեղ արքեպիսկոպոս (XIII դ.  
1-ին կես) - 189  
Բարսեղ - Գրիգոր Մագիստրոսի  
աշակերտ - 70  
Բարսեղ - Գրիգոր Մագիստրոսի  
թոռ (դստեր գծով) - 178  
Բարսեղ եպիսկոպոս (XI դ. 2-րդ  
կես) - 99

Բարսեղ կաթողիկոս - 99, 101, 103-104, 106-108, 115-119, 158, 179, 181, 203

Բարսեղ Կեսարացի - 182

Բարսեղ քահանա Անիում (XIII դ. 1-ին կես) - 185-186

Բարսեղյան Յ. - 126

Բեատրիս - 134-136

Բերոսոս - 58

Բժշկյանց Մ. - 199

Բոզոյան Ա. - 123, 154-155, 157, 159

Բռնազյան Ա. - 25

Գազիկ Արժրունի թագավոր - 94

Գազիկ I Բագրատունի - 28, 35, 52

Գազիկ II Բագրատունի - 42-45, 62, 72, 74, 79, 81-84, 88, 91, 125

Գազիկ Աբասյան - Կարսի

թագավոր - 62, 94-96, 99

Գազավոն Կամսարական (IV դ.) - 9

Գալարան (Գալերան) Եղեսիայի կոնս - 120-121

Գարիտ ժ. - 8

Գեորգի I Բագրատունի -

Վիրա-արխագական թագավոր (1014-1027) - 24, 67

Գեորգի III Բագրատունի - Վրաց թագավոր (1156-1184) - 180

Գեորգ Լոռեցի

(կաթողիկոսարանի դպրապետ XI դ. 2-րդ կեսին) - 96-98

Գեորգ Մուղալենց - 200

Գեորգ - Քեղի ամրոցի տեր (XIII դ.) - 67

Գյուզալյան Լ. - 50

Գող Վասիլ իշխան - 102, 106,

116-117, 120, 126, 128-129

Գրիգոր - Անիի արքեպիսկոպոս (XIII դ. 1-ին կես) - 185-190

Գրիգոր Ապիրատ - Գրիգոր Մագիստրոսի թոռ (դատեր գծով) - 178, 181

Գրիգոր Ապիրատ եպիսկոպոս

(XII դ. 2-րդ կես) - 158

Գրիգոր - Բարսեղ կաթողիկոսի եղբայր - 179-181

Գրիգոր Ապիրատ (Հասանի որդի) - 67, 75

Գրիգոր Ապիրատ (XIII դ.) - 67

Գրիգոր - Արտազի եպիսկոպոս (XV դ. 1-ին կես) - 193-194

Գրիգոր (Գրիգորիս) - Եգիպտոսի Հայոց առաջնորդ (XI դ. 2-րդ կես) - 97, 110-112, 203

Գրիգոր Ապիրատ Ներսես Շնորհալու եղբորորդի - 148-149,

158, տես նաև Գրիգոր VI կաթողիկոս

Գրիգոր երեց (Մատթեոս

Ուռհայեցու երկի շարունակող) 139

Գրիգոր II Վկայասեր -

կաթողիկոս - 4, 80, 94-111, 115-116, 119, 129, 203

Գրիգոր III կաթողիկոս - 107, 116-118, 125-129, 131, 134-137,

140-141, 153-154, 156, 182, 204

Գրիգոր IV կաթողիկոս - 5, 137, 156-168, 171, 182

Գրիգոր V կաթողիկոս - 138, 168, 171, 182

Գրիգոր VI կաթողիկոս - 138-139, 171-177, 180, 182

Գրիգոր Հանգե - Վահրամ

Պահլավունի գորապետի հայր - 17-22, 29, 35, 51-52, 202

Գրիգոր իշխան (Գրիգոր

Վկայասերի քեռորդի) - 99

Գրիգոր Լուսավորիչ - 8, 12-14, 65, 74, 95, 108, 124, 147, 176, 186

Գրիգոր Հնձեցի - 62

Գրիգոր Մագիստրոս Բջնեցի - 5, 8-13, 17, 21, 27, 29, 37, 39, 42-43, 47-48, 50, 53, 55-90, 92, 94, 101, 108, 115-116, 119, 121, 126-127, 130, 141, 147-148, 178, 184, 192, 202-203  
Գրիգոր Մոկքի և Մանազկերտի եպիսկոպոս (XI դ. 1-ին կես) - 62, 67, 72, 88  
Գրիգոր Նագիանգացի - 109  
Գրիգոր Նարեկացի - 61, 66, 69, 149-151, 166  
Գրիգոր Պահլավունի գորավար (1070-1090-ական թթ.) - 204  
Գրիգոր - Սիթի Պահլավունու ամուսին - 188  
Գրիգոր I - Սյունիքի թագավոր (XI դ. վերջ - XII դ. սկիզբ) - 179  
Գրիգոր XII Վաղարշապատեցի կաթողիկոս - 196  
Գրիգոր - Վահրամ Պահլավունի գորավարի որդի - 47, 52-54  
Գրիգոր Տաթևացի - 193  
Գրիգոր Տուտեորդի - 158-159, 167, 172, 183  
Գրիգոր քահանա (XI դ. 1-ին կես, Գրիգոր Մագիստրոսի մերձավոր) - 69  
Գրիգորյան Գ. Ս. - 22, 50  
Գրուսե Ռ. - 129  
Գուրգեն Բագրատունի Վրաց թագավոր (X դ. վերջ - XI դ. 1-ին կես) - 35  
Դադոյան Ս. - 112, 131  
Դավատանոս - Եդեսիայի կոնս - 129  
Դավիթ - Աղթամարի կաթողիկոս 1113-ից - 118-120  
Դավիթ Ալավկա որդի - 123  
Դավիթ Անհողին - 42  
Դավիթ Բագրատունի - Տայքի կյուրապաղատ - 34-36

Դավիթ Շինարար - Վրաց թագավոր - 122  
Դավիթ Պահլավունի (XIV դ. 1-ին կես) - 199  
Դավիթ Քոբայրեցի - 172, 180  
Դարբինյան-Մելիքյան Ս. - 27  
Դեղեյան Ժ. - 11, 89, 91, 97, 100, 117, 123, 126, 130-131, 139, 154  
Դեմետրե - Վրաց թագավոր - 122  
Դիոնիսիոս Թրակացի - 60  
Ելիագ-թյուրք - սելջուկյան զորագլուխ (XI դ. վերջեր) - 178  
Եղիազարյան Յ. - 73-76, 186  
Եղիշե - Գրիգոր Մագիստրոսի աշակերտ - 70  
Եմրան - հայ պատերազմիկ (990-ական թթ.) - 26  
Եպիփան - վրաց եպիսկոպոս - 189  
Եվա նախամայր - 145  
Եվգենիոս III պապ - 124  
Եվտիմեոս - միաբնակության հիմնադիր - 155  
Երեմիա եկեղեցական գործիչ (X դ.) - 30  
Երեմյան Ս. - 94-125  
Զանգի - Հալեպի ամիրա - 148  
Զաքարե (Զաքարիա) գորապետ - 34, 188, 191  
Զաքարիա Պահլավունի (XIV դ. սկիզբ) - 192  
Զաքարիա Հավուցթառեցի (XV դ. 1-ին կես) - 192-194, 204  
Զաքարիա Հավուցթառեցի (վարդապետ, Հավուց թառի վանահայր), XV դ. վերջ - XVI դ. սկիզբ - 194-195  
Զաքարիա Սարկավագ պատմագիր - 197  
Զորավար - Ներսես Շնորհալու եղբայր - 111, 127-129, 131-132, 137-138, 151, 171  
Զուլալյան Ս. - 196-197

Թագուհի - Ջորավարի դուստր - 138  
Թահմասպ - պարսից շահ - 195  
Թահմիզյան Ն. - 11, 152  
Թայիկ - Սարգիս  
արքեպիսկոպոսի դուստր (XIII դ. 2-րդ կես) - 191  
Թեոդորոս - հակաթոռ  
կաթողիկոս (1070-ական թթ.) - 101, 103  
Թեորիանոս - Մանուել կայսեր պալովիրակ - 155  
Թոնդրակյաններ - 69-70, 85, 88, 140  
Թոռնիկ Մամիկոնյան 58, 99-100, 184-185, 203  
Թովմա Արծրունի - 27  
Թովմա Մեծոփեցի - 193-194  
Թորամանյան Թ. - 32, 34, 186  
Թորոս - Եղեսիայի իշխան (XI դ. 2-րդ կես) - 106  
Թորոս - Կիլիկիայի իշխան (XII դ. սկիզբ) - 120, 130  
Թորոս իշխան - Լևոն I-ի որդի - 124, 134, 140  
Թորոս - Յեթումյան իշխան (1160-ական թթ.) - 141  
Թորոսյան Խ. - 167  
Թովծյան Յ. - 128, 135  
Թումանով Կ. - 11, 90  
Թուրշյան Յ. - 107, 111  
Իբն ալ-Ասիր - 113, 133  
Իբն Շահդադ - արաբ պատմագիր - 162  
Իբրահիմ - արաբ գիտնական (XI դ.) - 56-57, 63  
Իբրահիմ Յանալ - սելջուկ զորագլուխ - 88  
Իննոկենտիոս II - Յոռնի պապ (1130-1143) - 123  
Իննոկենտիոս III - Յոռնի պապ (1179-1180) - 173-175

Իսահակ II Անգելյոս - Բյուզանդիայի կայսր (1185-1195) - 160-161  
Իվանե Ջաքարյան - 186-188, 191  
Իվանե Օրբելիանի - ամիրսպասալար (1170-ական թթ.) - 180  
Իրիոն - տոմարագետ (VI դ.) - 104  
Լեո - 11, 84  
Լիպարիտ - Վրաց իշխան - 87  
Լորան Ժ. - 91, 130, 149  
Լևոն I Ռուբինյան - 123-124, 141  
Լևոն II - Կիլիկիայի Յայոց թագավոր - 138, 162-163, 165, 168-176, 183  
Լևոն I - Յոռնի պապ (440-461) - 159  
Լուկիոս III - Յոռնի պապ (1181-1185) - 160-161  
Խալփախչյան Յ. - 199  
Խաչատրյան Պ. - 66  
Խաչատուր - Անտիոքի դուքս (XI դ.) - 91  
Խաչատուր - Յոռնոսի վանքի վանահայր (XII դ. 2-րդ կես) - 182  
Խաչերյան Լ. - 10, 55, 60, 78  
Խաչիկ I կաթողիկոս - 19  
Խաչիկ II կաթողիկոս - 94, 103  
Խաչիկյան Լ. - 6, 68, 139, 198  
Խանլարյան Լ. - 197  
Խավոաս - Ջաքարե զորավարի մորեղբորորդի - 188  
Խլիժ Արսլան ամիրա - 132  
Խոսրով Արշակունի - Յայոց թագավոր (IV դ.) - 9  
Խոսրով I - պարսից թագավոր - 152  
Խոսրովիդուխտ - Տրդատ Մեծի քույր - 152  
Կալարան - Սրուն բերդի տեր - 130

Կամսար - Սուրենյան Պահլավ  
տոհմաճյուղի ներկայացուցիչ - 7  
Կամայանց Ա. - 12, 196  
Կանար Մ. 110-113, 131  
Կարա Արսլան ամիրա - 132  
Կեկավեննոս - 86-87  
Կիրակոս - հույն դպիր - 62  
Կիրակոս Գանձակեցի - 5, 123-  
124, 134, 137, 141-142, 152,  
169-173, 191  
Կիրակոս Խորվիրապեցի - 194  
Կղեմես Գալանոս - 124, 174  
Կղեմես III - Հռոմի պապ (1187-  
1191) - 161  
Կյուլեսերյան Բ. - 125  
Կոզյան Ա. - 12  
Կոստանդ Բյուզանդիայի կայսր  
(VII դ.) - 16  
Կոստանդին Դուկաս կայսր - 94  
Կոստանդին - Կարկառի իշխան -  
130  
Կոստանդին Մեծ կայսր - 124,  
176  
Կոստանդին IX Մոնոմախ կայսր  
- 44-45, 75, 83, 86, 88, 91  
Կոստանյանց Կ. - 6, 79  
Հակոբ վարդապետ (XVI դ. 2-րդ  
կես) - 195-196  
Հակոբյան Գր. - 5, 11, 94, 147-  
148, 152  
Հակոբյան Թ. - 126  
Հակոբյան Վ. - 6, 180, 197  
Համազասպ Պահլավունի (VI դ.)  
- 15  
Համազասպ Հավուցթառեցի  
(XVI դ. 1-ին կես) - 195  
Համզե - Գրիգոր Համզեի որդի -  
22, 29, 49, 51  
Հայկ նահապետ - 85-86, 147,  
165  
Հասան - Բարսեղ կաթողիկոսի  
եղբայր (XII դ. 1-ին կես) - 115,  
179-180

Հասան - հայր Ապիրատի (XI դ.)  
առաջին կես) - 74  
Հասան մագիստրոս - 178  
Հասան - Վասիլի որդի - 137  
Հարությունյան Ա. - 32  
Հարությունյան Վ. - 186  
Հաֆիզ խալիֆա - 109-110, 112-  
113, 131, 203  
Հեթում - Լամբրոնի իշխան - 117,  
129, 140, 171, 174, 176  
Հեթում պատմիչ - 163  
Հեթում - Վասիլի որդի - 137  
Հենրիխ VI - Գերմանիայի կայսր  
- 172  
Հեսու - հին Իսրայելի զորավար -  
39  
Հիսե բժիշկ - 54  
Հոմերոս - 56  
Հովհան Ոսկեբերան - 108  
Հովհաննես ավետարանիչ 76,  
149  
Հովհաննես Արջոռառիկ վանքի  
առաջնորդ (XIII դ. 2-րդ կես) -  
192  
Հովհաննես - Բջնիի եպիսկոպոս  
(XV դ. 1-ին կես) - 193  
Հովհաննես Դրասխանակերտցի  
- 16  
Հովհաննես եպիսկոպոս  
(Շիրակի թեմակալ, XIII դ.) - 191  
Հովհաննես VI կաթողիկոս -  
176, 182  
Հովհաննես Կոզեռն - 62  
Հովհաննես Կոմեննոս կայսր -  
123  
Հովհաննես Հերմոնեցի (XV դ.) -  
193-194  
Հովհաննես - Սիսի  
արքեպիսկոպոս (XII դ. 2-րդ կես)  
- 169-170  
Հովհաննես Սկիլիցես - 44-46,  
86, 92

Հովհաննես - Սյունիքի  
արքեպիսկոպոս - 13, 17, 71  
Հովհաննես - Սմբատ թագավոր -  
10, 24-25, 40, 42-43, 49, 52, 61,  
68, 73, 78, 85, 115  
Հովհաննիսյան Ա. - 6, 85, 197  
Հովսեփյանց Գ. - 5, 54, 56, 67,  
74-76, 108, 127, 129, 135, 137-  
139, 143, 165, 182, 188, 191-  
192, 196  
Հռիփսիմյանք - 65  
Հուստինիանոս I կայսր - 104  
Հուստինիանոս II կայսր - 16  
Ղազարյան Վ. - 128, 149  
Ղազի - Դանիշմանյան ամիրա -  
131  
Ղազինյան Ա. - 131  
Ղարիբ - Ապուղամրի որդի - 185-  
188, 204  
Ղաֆաղարյան Կ. - 52, 77  
Ղևոնդ պատմիչ - 9, 16  
Ղևոնդյանք - 152  
Մաթևոսյան Ա. - 6  
Մաթևոսյան Կ. - 67, 84, 104, 121,  
192  
Մակաբե - 165  
Մաղաքիա Պահլավունի (XIV դ.  
1-ին կես) - 199  
Մամլան - Ատրպատականի  
ամիրա - 34-36, 52, 202  
Մամքան - Ապուղամրի մայր -  
191  
Մանանդյան Հ. - 11, 87, 100, 191  
Մանուել Բջնեցի - եպիսկոպոս  
Արարատյան երկրի (XIV դ.) - 67  
Մանուել - Բյուզանդիայի կայսր  
(1143-1180) - 140, 153-155, 157-  
160, 183  
Մանուել - Հավուցթառի  
եպիսկոպոս (XVI դ. 1-ին կես) -  
196

Մանուել - Հավուցթառի  
առաջնորդ (XVII դ. սկիզբ) - 196-  
197  
Մանուչե - Անիի կառավարիչ  
(1060-ական թթ.) - 99, 121, 178-  
179  
Մառ Ն. - 50-51, 84, 189  
Մասուղ - Իկոնիայի սուլթան  
(1140-ական թթ.) - 132-133  
Մատթեոս Ուռնայեցի - 25-26,  
35-36, 40-43, 45, 57, 62, 78-80,  
87-88, 90-91, 94-108, 112, 115,  
117, 119-122, 125-126, 128-134,  
139, 178-179, 184-185  
Մարգար Պահլավունի (XIV դ.) -  
199  
Մարգարյան Հ. - 34-35, 122, 178,  
180-182, 188  
Մարեմիկ Վասիլի (Ներսես  
Շնորհալու եղբոր) կին - 117, 137  
Մարիամ - Վասպուրականի  
թագավոր Սենեքերիմի դուստր -  
33  
Մարիամ - Ներսես Շնորհալու  
քույր - 127-128  
Մարկոս Ջուղայեցի -  
Հավուցթառի առաջնորդ (XVII դ.  
1-ին կես) - 197  
Մարտիրոս Ղրիմեցի - 197-200  
Մարտիրոսյան Ա. - 197, 199-200  
Մելիք Պահլավունի (XVI դ.) -  
196  
Մելիք Բախշյան Ստ. - 126  
Մելիքշահ սուլթան - 99, 103  
Մելիքսեթ-Բեկ Լ. - 34, 122, 180  
Մեսրոպ Մաշտոց - 65, 95, 147  
Մեց Ա. - 109  
Մըսրյան Գ. - 110-114  
Մինորսկի Վ. - 34, 81  
Միշո Գ. - 164  
Միրզե Պահլավունի (XVI դ.) -  
196

Միքայել Ասորի 99, 124, 130-133, 156  
Միքայել Իսսիտես - Իբերիա բանակաթեմի կառավարիչ - 44  
Միքայել IV - Բյուզանդիայի կայսր (1034-1041) - 40, 43-44, 49  
Միքայել VII - Բյուզանդիայի կայսր (1071-1078) 91  
Միքայել - Կարկառի իշխան - 130-131  
Միքայել - Կոստանդնուպոլսի պատրիարք (XII դ. 2-րդ կես) - 156, 158  
Միքայելյան Գ. - 121, 140, 161-162  
Միքայելյան Վ. - 198, 200  
Մլեհ - Կիլիկիայի իշխան - 137, 139, 156-157  
Մխիթար Այրիվանեցի - 5, 27, 74, 115  
Մխիթար Անեցի - 5, 182  
Մխիթար Գոշ - 158, 167, 180  
Մխիթար Յերացի - 151, 167  
Մխիթարյան Ս. - 11, 55, 57, 66  
Մնացականյան Ա. - 85  
Մնացականյան Ս. - 24  
Մովսես Խորենացի - 9, 12, 147  
Մովսես մարգարե - 39  
Մրվան - կուղպակատեր Անիում (X դ.) - 21-22  
Մութաֆյան Կ. - 174  
Մուհամմեդ մարգարե - 65  
Մուղալենց Մարգար (XVII դ.) - 201  
Մուշեղ Մամիկոնյան (XI դ. 1-ին կես) - 184  
Մուշեղյան Խ. - 22  
Մուստանսիր խալիֆա (1036-1094) - 109  
Մուրադյան Պ. - 189  
Յակոբսոն Ա. - 199  
Յակուտ-պատմագիր - 162

Յաղուբ - Երևանի կառավարիչ (XV դ. 1-ին կես) - 193-194  
Յուզբաշյան Կ. - 25, 31, 70, 191  
Նաթանայել - Հավուց թառի վանահայր (1340-ական թթ.) - 67, 192  
Նալբանդյան Հ. - 162  
Ներսես Լամբրոնացի - 5, 138, 142, 157, 166-168, 170-174  
Ներսես Կամսարական (VII դ.) - 16  
Ներսես Մեծ կաթողիկոս - 12, 148  
Ներսես Շնորհալի 5, 11, 14, 27, 56, 77, 92-95, 97, 102, 107, 110, 116, 120, 123, 125-129, 134, 136, 140, 159, 163, 166, 171, 182-183, 204  
Ներսեսյան Վ. - 70  
Նիկոլայոս - բյուզանդական զորապետ (1040-ական թթ.) - 44-45  
Նիկողոս - բյուզանդական զորապետ (1030-ական թթ.) - 85-86, 92  
Նուրադդին - Հալեպի ամիրա - 133, 156  
Շահ-Աբբաս I - 196  
Շահ-Իսմայիլ - 195  
Շահան - Գրիգոր III կաթողիկոսի եղբայր - 129, տես Ջորավար  
Շահանդուխտ - Ջորավար Պահլավունու ղուստր - 129, 138-140, 171  
Շահխաթունյանց Հ. - 6  
Շահնազարյան Ա. - 189  
Շահնշահ II ամիրապասալար (XIV դ. 1-ին կես) - 192  
Շահնշահ - Սասունի իշխան Չորտվանելի որդի - 138  
Շարափշահ - 191  
Շմավոն քահանա (XVI դ.) - 196  
Շոմոն Ա. 8

- Շուշան - Գրիգոր Յամգե  
Պահլավունու կին - 17, 19-23,  
29-30, 51-52
- Շուշան - Շահանդուխտի դուստր  
- 138
- Ոնոփրիոս անապատական - 97
- Ռոսկանյան Յ. - 149
- Չամչանց Ա. - 7, 17, 90, 129,  
132, 160
- Չորտվանել - Սասունի իշխան -  
138, 185, 203-204
- Պալակ - Արտուխյան ամիրա -  
131
- Պապ թագավոր - 148
- Պետրոս առաքյալ - 174
- Պետրոս Բագրատունի (XVII դ.) -  
200
- Պետրոս Գետադարձ - 41-42, 47,  
50, 55, 61, 64, 67-68, 70, 73, 79-  
81, 83, 88, 100, 179
- Պետրոս Պահլավունի (XIV դ. 1-  
ին կես) - 199
- Պերոզամատ (Կամսարի հայր) -  
7
- Պլատոն - 56-57
- Պյութագորաս - 56
- Պողարյան Ն. - 5
- Պողոս - հակաթոռ կաթողիկոս  
(XI դ. 2-րդ կես) - 103-104
- Պորփյուր - 55
- Ջալալ ադ-դին-խորեզմշահ -  
187-188
- Ջալալյանց Ա. - 6
- Ջհանշահ - 193
- Ջոսլին I - Եդեսիայի կոմս - 131-  
133
- Ջոսլին II - Եդեսիայի կոմս - 133-  
134, 136
- Ջոսլին III - Եդեսիայի կոմս - 135-  
136
- Ռեմալդ - Անտիոքի դուքս (XII դ.  
2-րդ կես) - 125, 139
- Ռիդուան իբն ալ-Վալախշի - 112-  
113
- Ռիչարդ Առյուծասիրտ - 163
- Ռոմանոս III - Բյուզանդիայի  
կայսր (1028-1034) - 85
- Ռոջեր II - Սիկիլիայի թագավոր  
(1130-1154) - 110, 131
- Ռուբեն - Լևոն II թագավորի  
եղբայր - 175
- Ռուբեն - Լևոն II-ի որդեգիր - 175
- Ռուբեն - Կիլիկիայի իշխան  
(1175-1187) - 137, 157
- Ռունսիմեն Ա. - 174
- Սագի Պահլավունի (XVI դ.) -  
197, 199
- Սալահ ադ դին - 111, 161, 165
- Սահակ - Կարինի եպիսկոպոս  
(XII դ. 1-ին կես) - 123
- Սահակ Պարթև - 20, 27, 31, 71,  
95
- Սամուել Անեցի - 53, 67, 83-84,  
97, 99, 104, 120, 122-124, 129,  
140, 169-171, 194
- Սարգիս - անեցի վարդապետ (XI  
դ. 1-ին կես) - 71-72, 81-82, 86-87
- Սարգիս - Անիի արքեպիսկոպոս  
(XIII դ.) - 190, 204
- Սարգիս հակաթոռկաթողիկոս  
Յոնիում - 100, 101
- Սարգիս I կաթողիկոս (992-1016)  
- 74
- Սարգիս - Սուրբ Կարապետի  
վանահայր (XI դ.) - 72
- Սարգիս - Սևանի վանքի  
վարդապետ (XI դ. 1-ին կես) - 72
- Սարգիս քահանա - Վասիլի որդի  
(XII դ.) - 137
- Սարգիս Ջաքարյան - 191
- Սարգիսյան Բ. - 5, 138
- Սարգիսյան Ն. - 6
- Սեդա - Գրիգոր Յամգեի դուստր -  
21-22, 29, 51

Սեդա - Վասակ Հոլունի դուստր - 27-28  
Սեդրակ Պահլավունի (XIV դ.) - 199  
Սելիմ իբն Միսալ - Եգիպտոսի վեզիր (XII դ. 1-ին կես) - 113  
Սեղբեստրոս - Հռոմի պապ - 124, 176  
Սեմյոնովա Լ. - 112  
Սենեքերիմ - Սյունիքի թագավոր (XII դ. 2-րդ կես) - 178-179  
Սենեքերիմ - Վասպուրականի Արծրունի թագավոր - 33  
Սիրի Պահլավունի - 188  
Սիմեոն Ապարանցի - տաղասաց (XVI դ.) - 15  
Սիմեոն Երևանցի կաթողիկոս - 74, 192, 195  
Սմբատ II Բագրատունի - 17, 19, 30  
Սմբատ ճագիստրոս - Վահրամ Պահլավունու որդի - 35, 52-53, 202  
Սմբատ - Մանուել կայսեր պաշտոնյա (1160-ական թթ.) - 154  
Սմբատ Սպարապետ - 5, 24, 41, 43, 79, 90-92, 94, 96-97, 99-100, 102, 104, 120, 132-135, 138, 156-157, 162, 165, 167-173, 175-176  
Սոկրատ - հնադարի հույն իմաստասեր - 57  
Սողոմոն իմաստուն - 63, 122, 138  
Սոսթենես եպիսկոպոս (XI դ.) - 73  
Սոսթենես վարդապետ (X դ.) - 30  
Սոփի - Վահրամ Պահլավունու կին - 48  
Ստեփաննոս - Աղվանից կաթողիկոս (XII դ. 1-ին կես) - 106

Ստեփաննոս արքեպիսկոպոս (XI դ.) - 69  
Ստեփաննոս - XIII դ. ժամանակագիր - 170  
Ստեփաննոս III - Սյունյաց եպիսկոպոս (XII դ. 2-րդ կես) - 166  
Ստեփաննոս վարդապետ (XII դ.) - 116  
Ստեփաննոս Տարոնեցի (Ասողիկ) - 35-38, 53  
Ստեփաննոս Օրբելյան - 5, 72, 136-137, 166, 179-180  
Սրվանձտյանց Գ. - 185  
Վահրամ - Անիի կառավարիչ (XIII դ.) - 189, 204  
Վահրամ - Վասիլի որդի - 137  
Վահրամ Գրիգոր Մագիստրոսի որդի - 55, 67, 90, 92-94, 203, տես Գրիգոր Վկայասեր կաթողիկոս  
Վահրամ Պահլավունի - Եգիպտոսի վեզիր - 109-114, 131, 203  
Վահրամ Պահլավունի զորավար - 17, 21-22, 24, 28-40, 52-54, 71, 78-79, 82-83, 89, 186-187, 202  
Վահրամ - Ներսես Շնորհալու քեռորդի - 128  
Վահրամ Բաբունի - XII դ. հայ վարդապետ, գիտնական, Կիլիկիայի թագավորության ջանցեր (կանցյեր), արքունի քարտուղար (ատենադպիր) - 173  
Վանեն - Ներսես Շնորհալու մայրը - 127  
Վանինե - Վասիլի (Ն. Շնորհալու եղբոր) դուստր - 138, 185  
Վասակ - Ապիրատի որդի (XI դ. 1-ին կես) - 74, 99, 178  
Վասակ - Բարսեղ կաթողիկոսի հայր - 101, 115-116, 179

Վասակ Հոլում - 24-27, 29-30,  
38, 49, 55, 57, 74-75, 78, 119,  
147, 202  
Վասակ Պահլավունի - Անտիոքի  
դուքս - 90-92, 121, 203  
Վասակ - Գրիգոր Մագիստրոսի  
փեսա - 178-189  
Վասակ - Վահրամ վեգիրի  
եղբայր - 110-111  
Վասակ - Ներսես Շնորհալու  
եղբոր Վասիլի որդի - 137  
Վասիլ - Գող Վասիլի հոգեորդի  
117, 120, 125, 129  
Վասիլ II - Բյուզանդիայի կայսր -  
34, 67  
Վասիլ - Ջորավարի որդի - 138,  
151, 185  
Վասիլ - Ներսես Շնորհալու  
եղբայր - 111, 127-129, 131, 133,  
137, 139, 156, 203  
Վասիլ - Չորտվանելի որդի - 138  
Վասիլ - Քեսունի իշխան (XII դ.  
1-ին կես) - 107, 121  
Վարդ Սկլերոս - 34  
Վարդան Արևելցի - 5, 10, 25, 31,  
68, 74, 78, 90-91, 94, 96-97, 99,  
107, 115-117, 120-122, 136, 140,  
156, 160-162, 169-171, 178-181,  
185  
Վարդան Հայկազն - Գրիգոր  
Վկայասեր կաթողիկոսի  
աշակերտ - 107  
Վարդան Մամիկոնյան - 147, 152  
Վարդանանք - 152  
Վելիժան (XVI դ.) - 196  
Վեստ Սարգիս - 41-45, 68, 79,  
82-83, 88-89  
Վիգեն - Սասունի իշխան - 138,  
185  
Տալիթ - Շահանդուխտի դուստր  
- 138  
Տաշյան Հ. - 5, 13, 173

Տեր-Ռազարյան Հ. - 105, 125-  
126, 139  
Տեր-Ղևոնդյան Ա. - 110-114  
Տեր-Ղևոնդյան Վ. - 162  
Տեր-Միքելյան Ա. - 31, 167  
Տեր Սկրտչյան Գ. - 12  
Տեր-Պետրոսյան Լ. - 106, 134  
Տիգրան - Անձևացի իշխան - 48  
Տիգրան Մեծ - 147, 165  
Տիգրան - Վահրամ  
Պահլավունու եղբայր - 49  
Տոկարսկի Ե. - 32, 34  
Տրդատ Մեծ - 8, 65, 124, 147,  
152, 176  
Տրդատ Պահլավունի (XVII դ.) -  
197, 199-201  
Տուղրիլ-բեկ - 25, 87-88  
Փատլուն Անիի կառավարիչ  
(XII դ. սկիզբ) - 122, 178, 181  
Փատլուն - Գանձակի ամիրա (XI  
դ. վերջեր) - 178-179  
Փափազյան Հ. - 195  
Փերսի Վրաց իշխանաց իշխան  
(X դ. վերջ) - 35  
Փիլարտոս Վարաժնունի - 91-92,  
99-101, 184-185  
Փիրուզ հայ ազնվական (XI դ.  
վերջեր) - 174  
Քասունի Ե. - 91  
Քյոչկերյան Ա. - 66  
Քյուրտյան Հ. - 162  
Քուչմերյան Բ. - 198-200  
Օշին Գանձակեցի (XI դ. 2-րդ  
կես) - 140  
Օշին - Լամբրոնի իշխան (XII դ.)  
- 129, 138-141, 174, 177  
Օշին - Ներսես Լամբրոնացու  
եղբորորդի - 175  
Օրբելի Հ. - 7, 23-24, 30, 48, 78,  
188-190  
Օրմանյան Մ. - 11, 30, 36, 39,  
79, 92, 99, 124, 169, 182, 194  
Ֆրիդրիխ Բարբարոսա - 161-163

## ՏԵՂԱՆՈՒՆՆԵՐ

- Աբբասյան խալիֆայություն - 22  
Աբդահար - վայր Սամոսատի  
գավառում - 133  
Աբրահամի բուրգ - հուշարձան  
Անիում - 181  
Ագսու (Ակսու) գետ - 125  
Ադանա - 140  
Ագատ գետ - 75  
Ալավերդի - 80  
Ալեքսանդրիա - 176  
Ալեյուա դաշտ (Խարբերդի  
դաշտ) - 99  
Ախսարայ - 198  
Ախուրյան գետ - 30, 34, 41, 73  
Ախուրյանի ձոր - 34  
Աղթամար - 118, 120, 134  
Աղթամարի կաթողիկոսություն -  
134  
Աղստն գետ - 73  
Աղվանից եկեղեցի - 106  
Աղվանք - 123, 159  
Աղվանք Հայկական - 106, տես  
Հայկական Աղվանք  
Ամաղու գյուղ - 166  
Ամայք - գավառ հյուսիսային  
Միջագետքում - 140  
Ամանոս (Սև) լեռներ - 99, 102,  
116, 128  
Ամասիա քաղաք - 94  
Այրարատ - 6, 25, 196  
Անավարզա - 120  
Ամբերդ (Ամբերդ) բերդաքաղաք -  
31-34, 72, 81-82, 199  
Ամբերդ գետ - 31  
Ամբերդի գավառ - 33  
Ամբերդի եկեղեցի - 31-32  
Անգլիա - 161, 163  
Անի քաղաք - 3, 6-10, 17-21, 31,  
34, 38, 40-41, 43-45, 47-49, 51,  
53, 55, 71, 73, 75, 78, 81, 83, 86,  
94, 99, 101, 103, 106-107, 116,  
121-122, 135, 148, 158-159, 172,  
178-181, 183, 185, 187-191, 199,  
202, 204  
Անիի Առաքելոց եկեղեցի - 34,  
181, 187-188, 191  
Անիի Մայր տաճար - 121-122  
Անձիտ գավառ - 125-126  
Անձևացիք գավառ - 48  
Անտիոք քաղաք - 90-92, 104,  
123, 125, 134-135, 139, 171,  
174-176, 203  
Անտիոքի դքսություն - 91, 123,  
125  
Անտիոքի պատրիարքություն  
175-176  
Աշնակ գյուղ - 50  
Աշտիշատ - 65  
Ապահունիք գավառ - 34, 36  
Ապուղամրենց ս. Գրիգոր  
եկեղեցի Անիում - 20, 51  
Ասորիք - 99 տես նաև Սիրիա  
Ասորվոց Հակոբի եկեղեցի -  
153  
Աստրախան - 198  
Ավանասար գյուղ (Գառնիի  
շրջանում) - 195  
Ավանիկ գյուղ (Գառնիի  
շրջանում) - 195  
Ավարայրի դաշտ - 147, 152  
Ատրպատական - 25, 34, 86, 202  
Արաբական խալիֆայություն -  
148, տես նաև Աբբասյան  
խալիֆայություն  
Արագած լեռ - 31  
Արագածոտն գավառ - 3, 33  
«Արամյան նահանգ» - 71  
Արարատյան եկեղեցաթեմ - 68

Արարատյան երկիր - 67-68  
Արդիք - գյուղ Շիրակում - 185-186, տես նաև Արթիկ  
Արեգի (Արեգին) - վանք  
Լեռնային Կիլիկիայում - 105  
Արթիկ քաղաք - 181, 185-186  
Արծն քաղաք - 87  
Արծրունյաց թագավորություն - 34, տես նաև Վասպուրականի թագավորություն  
Արճեշ քաղաք - 37, 86, 126  
Արմաշ գյուղ - 135  
Արմինիա նահանգ - 16  
Արմյանսկ քաղաք - 198  
Արշարունիք գավառ - 9, 16, 179  
Արջուառիճ գյուղ - 191  
Արջուառիճ (Ալաջա) լեռ - 53  
Արտազ գավառ - 9, 120, 193-194  
Արքակաղին - վանք Կիլիկիայում - 176  
Արքաշեն գետակ (Ամբերդի վտակը) - 31  
Աքմենչիթ - 198, տես Սիմֆերոպոլ  
Բագնայրի վանք - 6-7, 27, 53, 188, 190-191  
Բագրատունյաց Հայաստան - 25  
Բագրատունյաց Հայոց թագավորություն - 21, 24, 28, 30, 38, 40-43, 75, 78, 83, 85-86, 88, 202  
Բալակլավա քաղաք - 198  
Բախչիսարայ քաղաք - 198  
Բաղաբերդ - 166  
Բաղք գավառ - 178  
Բասեն գավառ - 34, 86, 88  
Բեհեսնի բերդաքաղաք - 133  
Բեյրութ - 139  
Բերդկան (Բերդիկ) - ամրոց  
Ծովային Կիլիկիայում - 138  
Բերդուս - բերդաքաղաք  
Լեռնային Կիլիկիայում - 125  
Բերկրի քաղաք - 86, 126

Բիր (Պիր) - բերդաքաղաք Հայոց Սիջագետքում - 120, 130, 133  
Բիրի իշխանություն - 130  
Բյուզանդիա, Բյուզանդական կայսրություն - 9, 13, 16-17, 33-34, 38, 40, 42-44, 56, 72, 78-79, 85-86, 88-89, 91, 94-95, 100-104, 123, 137, 153, 157, 159, 161, 163, 172-174, 184, 209  
Բյուզանդական եկեղեցի - 101, 122, 153, 155, 157-158, 160, 173,  
Բյուրական - 31  
Բջնի ամրոց - 24-27, 68, 72-74, 81-82, 85, 193, 203  
Բջնիի եպիսկոպոսություն (եկեղեցաթեմ) - 68, 73  
Բջնիի ճեմարան - 73  
Գանձակ - 25, 106, 140, 178  
Գառնի - 75, 187, 194  
Գառնիի գավառ - 197  
Գեղարդաձոր - 197  
Գեղարդավանք - 197  
Գերմանիա - 161  
Գերմանիկե (Մարաշ) - 107  
Գյումրի - 34  
Գրիգոր Պահլավունու եկեղեցի Անիում - 49  
Գուգարք - 69, 80  
Գուս - նահանգ Եգիպտոսում - 112  
Դարույնք - 90  
Դերբենտ - 16  
Դվին - 21, 25, 44-45, 47, 54, 89, 116, 126  
Դրագարկ - վանք - 168, 175  
Եգիպտոս - 80, 96-98, 109-113, 131, 161-162, 203  
Եղեսիա - 14, 104-105, 130, 132, 148-149, տես նաև Ուռհա  
Եղեսիայի կոմսություն - 106, 109, 125, 130-133  
Եղվարդ - 67

երևան - 115, 193-194, 196  
Երուսաղեմ - 97, 104, 123, 158,  
161, 164-165, 176, 178  
Եփրատ - 91, 98, 101, 129-130,  
134, 162-163, 165  
Եփրատացվոց երկրամաս - 109,  
111  
Չաքարյան իշխանություն - 3,  
192, 204  
Չաքարյան Հայաստան - 189,  
տես նաև Չաքարյան  
իշխանություն  
Չմմառի վանք - 167  
Էջմիածին - 193-194, 204  
Էջմիածնի Սայր Աթոռ - 193-194  
Թաղք - գյուղ Շիրակում - 185-  
186  
Թառնիս - գյուղ Գառնիի  
շրջանում - 195  
Թավրիզ - 34  
Թեոդոսիա - 197-198  
Թիֆլիս - 196  
Թվկուրան - գյուղաքաղաք  
Հյուսիսային Միջագետքում - 140  
Թվկուրանի իշխանություն - 140  
Թլպաշար - բերդաքաղաք  
Հյուսիսային Միջագետքում -  
109-110, 120, 130, 132-133, 135  
Թլպաշարի գավառ - 132-133  
Թոնդրակ ավան - 70  
Իբերիա բանակաթեմ - 44  
Իկոնիա - 131, 162-163  
Իկոնիայի սուլթանություն - 132,  
137, 162  
Իսրայել հին - 39  
Լազարյան ճեմարան - 6  
Լամբրոն ամրոց - 8, 117, 129,  
138-141, 158, 171, 175  
Լամբրոնի իշխանություն - 141  
Լատին (կաթոլիկ) եկեղեցի -  
160-161, 173, 183, 200  
Լեհաստան - 199  
Լմբատավանք - 181, 185-186

Լոռե բերդաքաղաք - 191  
Լոռի - 42, 180  
Խարբերդ - 99  
Խերսոնես - 198-199  
Խլաթ - 185  
Խծկոնցի եկեղեցի - 41  
Խնատի վանք - 69  
Խոսոնց գյուղ - 36  
Խորասան - 34  
Խութ գավառ - 111  
Ծաղկածոր - 74  
Ծաղկոտն - 27  
Ծաղկոց - Անիի դարպասներից -  
41  
Ծամնղավ - 94-96, 98  
Ծառաքար-բերդավան - 181  
Ծար - գետ - 73  
Ծովային Կիլիկիա - 138  
Ծովք - դոյակ (Ծով) - 107, 116,  
119, 125-126, 128-135, 139, 141,  
148, 203-204  
Ծովքի իշխանություն - 128-129,  
131  
Ծովքի լճեր - 125  
Ծոփք - 125  
Ծունք - գյուղ - 28, 34, 36-38, 52,  
202  
Կազան - 198  
Կահիրե - 110, 113, 131  
Կաղզվան - 179  
Կամահա երկիր - 133  
Կայան - բերդ - 24, 27  
Կայծոն - ամրոց - 24, 27  
Կարասուբագար - գյուղ Ղրիմի  
թերակղզում - 198  
Կարին - գավառ - 34, 86  
Կարին - քաղաք - 123  
Կարկառ - բերդաքաղաք Վերին  
Միջագետքում - 129-132, 203  
Կարմիր վանք (Քեսունում) - 102,  
107, 116-117, 119-120, 141  
Կարս - 24, 94, 180

Կաֆա (Թեոդոսիա) քաղաք - 197-200, 204  
 Կեչառիսի (Կեչառույքի) վանք - 6, 10, 73-76, 115, 203  
 Կեչառույք ավան (այժմ Ծաղկածոր) - 74  
 Կեչառույքի ճեմարան - 73  
 Կեչոր - քաղաքավան - 161  
 Կեոզլով - բնակավայր Ղրիմում - 198  
 Կեսարիա - 65, 94, 104, 171  
 Կիլիկիա - 99, 102, 123, 125, 130, 134, 137, 140-141, 153, 156-157, 163, 165, 177, 193, 204  
 Կիլիկիայի հայկական իշխանություն - 91, 123-124, 137  
 Կիլիկիայի Հայոց թագավորություն - 176, 183, 193, տես նաև Կիլիկիայի հայկական պետություն  
 Կիլիկիայի հայկական պետություն - 137, 141, 161-163, 165, 168, 173  
 Կիլիկյան Հայաստան - 6, 123, 165-166, տես նաև Կիլիկիա  
 Կիլիկյան Տավրոս - 91  
 Կոզովիտ - 27, 90  
 Կոլսո - գյուղ Գառնիի շրջանում - 195  
 Կոպիտառ ամրոց - 169  
 Կոստանդնուպոլիս - 41, 45, 49, 55, 65, 83-84, 96-97, 154, 156, 158, 171  
 Կուաշ (Կոշ) - ավան - 19  
 Կուտիս - գյուղ Գառնիի շրջանում - 195  
 Կուտուց վանք - գյուղ Գառնիի շրջանում - 195  
 Հալեպ - 133-134, 148, 156  
 Հաղբատի վանք - 52, 158, 172  
 Հայաստան, Հայոց աշխարհ - 3, 6, 9, 13-14, 36, 41, 43-45, 47, 60, 77-78, 82, 86, 88-89, 95, 98, 107, 119, 127, 148, 152, 155, 158-159, 163, 167, 169, 189, 202  
 Հայոց եկեղեցի - 29, 31, 41, 48, 61, 63, 65, 70, 73, 77-78, 88, 103-104, 106, 108, 120, 122-123, 135, 141, 143, 153-155, 157-161, 166-168, 173, 175-176, 183, 203  
 Հայոց Աղվանք - 103, 123  
 Հանձիտ - գավառ - 99, 132  
 Հավուց թառ - գյուղ - 193  
 Հավուց թառի Ամենափրկիչ եկեղեցի - 6, 67, 73, 75-76, 192, 194-197, 203-204  
 Հավուց թառի ճեմարան - 73  
 Հարք - գավառ - 34  
 Հերմոնի վանք - 193  
 Հիսն - Մանսուր - քաղաք - 129  
 Հոնի - քաղաք - 100-103  
 Հոռոմոսի վանք - 21, 182  
 Հոռն - 65, 67, 124, 160-161, 164, 173-176  
 Հռոմի եկեղեցի - 173, տես Լատին եկեղեցի  
 Հռոմկլա - 107, 134-139, 142, 154-157, 159, 161-163, 167, 169-171, 175-176, 182-183  
 Հրազդան գետ - 24, 73  
 Չագավան - 143  
 Չորովոր - 69  
 Ղարբիյա - նահանգ  
 Եգիպտոսում - 110, 112  
 Ղպտիական եկեղեցի - 112, 131  
 Ղրիմի թերակղզի - 197-200  
 Երմակ վանք Եգիպտոսում - 112  
 Մամեստիա - 153, 176  
 Մանազկերտ - 34, 62, 86, 126  
 Մանկուս - գյուղ Գառնիի շրջանում - 91, 195  
 Մաստարա - 31  
 Մարաշ - 99-100, 103, 107, 132-133  
 Մարդաղի - գավառ - 34

Մարդին - քաղաք - 133  
Մարմաշենի վանք - 6-7, 23-24,  
30-32, 48-49, 53, 73, 78, 186-  
190, 202  
Մարմետ - գյուղ Արթիկի  
մերձակայքում - 187  
Մարց - գյուղ Ալավերդի  
քաղաքից 16 կմ հարավ-արևելք  
- 80  
Մելիտենե - 98  
Մեծ Հայք - 44, 134, 137, 158-  
159, 165-166, 169, 198  
Մենծկերտ - ամրոց - 107  
Միջագետք Հայոց - 129, տես  
նաև Միջագետք Վերին  
Միջագետք - 68, 71, 77, 85-87,  
91-92, 99, 116-117, 126, 129-  
130, 140, 152  
Միջագետք Վերին - 163  
Միջերկրական ծով - 163  
Միջերկրայք - 142, տես Փոքր  
Ասիա  
Մոկք - 62, 88, 101  
Մոսկվա - 6  
Մուտառասուն - ավան - 98-99  
Մուֆարդին - քաղաք - 54  
Նախնավան (Նախիջևան) - 25,  
196, 199  
Նեղոս - 110  
Նիզ - գավառ - 25, 32-33, 73  
Նոր Գետիկ - վանք - 158  
Նորավանք Ամաղուի - 166  
Նուբիա - երկիր - 112  
Շիրակ - 16-18, 21, 30, 41, 178-  
181, 185, 189, 191, 199  
Շաղթան - գավառ հյուսիսային  
Միջագետքում - 140  
Շուղր - վանք - 99, 141  
Շուշան Պահլավունու եկեղեցի  
Անիում - 52  
Ոսկե Հորդա - 199, 204  
Պալունիք գավառ - 12  
Պահլավ - երկիր - 12

Պահլավ - քաղաք - 17  
Պապեռոն - 117, 138  
Պարսկաստան - 34, 199  
Ջահան - գավառ - 100-101, 103  
Ջենովա - 198  
Ջուլֆա - 196  
Ռապան - ավան Միջագետքում -  
133  
Ռուբինյան իշխանություն - 124,  
տես նաև Կիլիկիայի հայկական  
իշխանություն  
Ռուսաստան - 191  
Սամոսատ - 129, 133, 153  
Սանահնի վանք - 52, 73, 76,  
158-159, 167, 183, 203  
Սանահնի վանքի ճեմարան - 74  
Սասուն - 99-100, 111, 138, 184-  
185, 203-204  
Սասունի իշխանություն - 184-  
185, 203  
Ս. Առաքելոց եկեղեցի Անիում -  
53  
Ս. Աստվածածին եկեղեցի  
Բջնիում - 73  
Ս. Աստվածածին եկեղեցի  
Ծովքում - 139  
Ս. Բարծումա վանք Վերին  
Միջագետքում - 132  
Ս. Գրիգոր - եկեղեցի  
Կեչառիսում - 74  
Ս. Սարգիս - գյուղ Գառնիի  
շրջանում - 195  
Ս. Սարգիս - եկեղեցի Անիում -  
188  
Սերկևիլ լեռ (Արագածոտն  
գավառում) - 25, 27  
Սիկիլիա - 110, 131  
Սիմֆերոպոլ - 198  
Միս քաղաք - 157, 168-169, 175-  
177, 183, 193  
Սիսական աշխարհ - 71, տես  
Սյունիք  
Սիրիա - 163, տես նաև Ասորիք

- Ա. Լուսավորիչ - եկեղեցի  
 Կեչառիսում - 75  
 Ա. Կարապետ վանք (Սուշում) -  
 59, 72-73, 185  
 Ա. Կարապետ վանքի ճեմարան -  
 73  
 Ակեռա - վանք Կիլիկիայում,  
 Լամբրոն բերդից 2 կմ  
 հարավ-արևելք - 138  
 Ա. Հակոբյանց վանք - 5  
 Ա. Հովհաննես - եկեղեցի  
 Մաստարա գյուղում - 31  
 Սյունիք - 6, 120, 166, 178  
 Սյունիքի թագավորություն - 166,  
 179  
 Ա. Նիկողայոս - եկեղեցի  
 Կաֆայում - 200  
 Ա. Նշան - եկեղեցի Ծովքում -  
 134, 139  
 Ա. Նշան - եկեղեցի Կեչառիսում -  
 75  
 Ա. Սոֆիա - տաճար  
 Կոստանդնուպոլսում - 57  
 Ա. Ստեփաննոս - եկեղեցի  
 Անիում - 19, 51-52  
 Ա. Ստեփաննոս - եկեղեցի  
 Շիրակում (Արթիկի մոտ) - 186-  
 187  
 Սրում - բերդ Հայոց  
 Միջագետքում, Եղեսիայից  
 հարավ-արևմուտք - 130  
 Սուղակ - ավան Ղրիմի  
 թերակղզում - 198  
 Սուրխաթ - ավան Ղրիմի  
 թերակղզում - 198  
 Սուրմառի (Սուրբ Մարի) -  
 բերդաքաղաք Այրարատի  
 ճակատք գավառում - 43  
 Ա. Փրկիչ - եկեղեցի Անիում - 49-  
 50  
 Ա. Փրկիչ - եկեղեցի Լամբրոնում  
 - 139  
 Ա. Քրիստափոր - մատուռ Անիում  
 - 51  
 Սև լեռներ - 99, 102, 105, 158,  
 տես նաև Ամանոս  
 Սևանա լիճ - 73  
 Վահրամաշեն - բերդ - 34  
 Վաղարշապատ - 193  
 Վաղարշապատի գավառ - 34  
 Վայոց ձոր - 166, 191, 193  
 Վանա լիճ - 34  
 Վանանդ - 35, 62, 94  
 Վասպուրական - 34, 48, 71, 75,  
 86-88, 119, 126, 130, 140  
 Վասպուրականի  
 թագավորություն - 34, 48  
 Վարածնունդիք - 73  
 Վարդահեր գյուղ Քեսունի  
 մերձակայքում - 117  
 Վերին Միջագետք - 133, 164,  
 տես նաև Միջագետք Հայոց  
 Վերոնա - քաղաք հյուսիսային  
 Իտալիայում - 160  
 Վրաստան - 36, 38, 121-122  
 Տաթևի վանք - 166  
 Տայք - 34, 36, 44  
 Տաշիր Չորագետ - 38  
 Տավրոսյան լեռնաշղթա - 125,  
 184-185  
 Տարոն - 68, 72-73, 75, 82, 86-87,  
 126, 184-185  
 Տարսոն - 98, 103, 138, 158, 171,  
 173, 175  
 Տեկորի վանք - 41  
 Տլուք գավառ - 125-126, 131,  
 133, 139  
 Ուռհա - 104-106, տես նաև  
 Եղեսիա  
 Ուտիք - 140  
 Փոքր Ասիա - 159  
 Փոքր Հայք - 8, 94  
 Քաղբերթ - գյուղ Գառնիի  
 շրջանում - 195  
 Քաղկեդոն - 158-159

Քարագլուխ · գյուղ Վայոց ձորում - 191  
Քեղի ամրոց 67  
Քեսուն · քաղաք  
հյուսիս-արևմտյան Միջագետքում 102-103, 105, 107, 116-117, 119, 121, 129, 133, 135, 151  
Քրիստափոր · մատուռ Անիում · 51-52  
Օսմանյան կայսրություն · 197  
Օրդուբադ · 196  
Ֆրանսիա · 161

### ԷԹՆԻԿԱԿԱՆ ԱՆՎԱՆՈՒՄՆԵՐ

Ազիբեկենց տոհմ 67  
Ամատունիներ · 9  
Ապիրատյան տոհմ · 192  
Ապուղամրենք · 17-19, տես նաև Պահլավունիներ  
Ասորիներ · 69, 108, 163  
Արաբներ · 16, 163, 184  
Արծրունիներ · 107  
Արշակունիներ հայ · 8-9, 12-14, 108, 147, 149  
Արշակունիներ պարթև · 15-16  
Արտաշեսյաններ · 147  
Արտուխյաններ · 124, 131-133  
Բագրատունիներ հայ · 9, 19, 24, 26, 31, 35, 38, 41-42, 81-83, 102, 128, 202  
Բագրատունիներ Վրաց · 189  
Գամրեկելիներ 37  
Գիրեյների տոհմ · 198  
Գրիգոր Լուսավորչի տոհմ · 7-8, 14  
Դալասիների տոհմ · 98  
Դանիշմանյաններ · 124, 131  
Դելմիկներ · 21, 25  
Զաքարյաններ · 11, 166, 183, 191-192, 202-204  
Թաթար-մոնղոլներ · 198-199  
Թյուրք-սելջուկներ · 86, 95, 101, 124, 142, 179  
Թորգոմյան ազգ · 193, տես նաև Հայեր  
Թուրքմեններ · 131

Խազարներ · 16  
Խաղթակյաններ · 74  
Կամսարականներ · 3, 8-9, 16, 31, 129, 202  
Կարա-կոյունլուներ · 193  
Կարենյան պահլավի ցեղ · 7, 12  
Հայեր · 36-38, 111, 122, 124, 142, 149, 155, 161, 164, 174, 178, 198, 203  
Հեթումյաններ · 11, 141  
Հոռոմներ · 40-41, 47, 57, 84, 88, տես նաև հույներ  
Հույներ · 124, 161, 163, 165, 198  
Մագիստրոսենք · 173, տես Պահլավունիներ  
Սամիկոնյաններ · 130, 184  
Շաղդադյաններ · 25, 121, 178  
Պահլավ պարթևական ցեղ · 40  
Պահլավունիներ · 3, 19, 24, 29, 35, 41, 43, 55, 73, 78-79, 81-82, 89, 94, 101-102, 105, 108-110, 115-116, 119, 127-130, 133, 135, 137, 141, 147, 149, 158, 168-169, 176-178, 181, 184-185, 187-189, 192-193, 195-197, 199-204  
Պարթևներ · 7, 12, 15  
Պռոշյաններ · 74  
Ռավվադյաններ · 25, 34  
Ռուբինյաններ · 102, 140-141, 168, 173-183  
Սելջուկ-թյուրքեր, սելջուկներ · 34, 86-88, 91, 94, 98-99, 102, 140, 148, 203 (տես նաև թյուրք-սելջուկներ)  
Սուրենյան Պահլավի ցեղ · 7, 12  
Վաչուտյաններ · 34  
Վրացիներ · 34, 37  
Քաղղեսցիներ · 55  
Քրդեր · 34  
Օղուզ-թյուրքեր · 25, 78  
Օշինյաններ · 140, 158  
Օրբելիներ · 180  
Ֆաթիմյաններ · 109-111, 131, 203  
Ֆրանկներ · 100, 106, 121, 124, 130-131, 163

## ԲՈՎԱՆԴԱԿՈՒԹՅՈՒՆ

Նախաբան.....	3
ԱՌԱՋԻՆ ՄԱՍ - ՊԱՅԼԱՎՈՒՆԻ ՏՈՂՄԻ ԾԱԳՈՒ ՄՆ ՈՒ ՎԵՐԵԼ ԹԸ.....	12
Գլուխ առաջին-Տոհմի ժագումը.....	12
Գլուխ երկրորդ- Պահլավունի տոհմը վերելքի ճանապարհին.....	19
Գլուխ երրորդ- Վասակ Յոլում Պահլավունի սպարապետը.....	24
Գլուխ չորրորդ- Վահրամ Պահլավունի շինարարը և գորավարը.....	29
Գլուխ հինգերորդ- Վահրամ Պահլավունու եղբայրները և որդիները.....	49
Գլուխ վեցերորդ-Գրիգոր Մագիստրոս.....	55
Գլուխ յոթերորդ- Գրիգոր Մագիստրոսի շառավիղները.....	90
ԵՐԿՐՈՐԴ ՄԱՍ-ՊԱՅԼԱՎՈՒՆԻՆԵՐԸ XI Դ. 2-ՐԴ ԿԵՍԻՆ ԵՎ XIII Դ.Դ.....	94
Գլուխ առաջին-Գրիգոր Վկայասեր Պահլավունի կաթողիկոսը.....	94
Գլուխ երկրորդ- Պահլավունի Վահրամը Եգիպտոսի լիագոր-վեզիրի պաշտոնում.....	109
Գլուխ երրորդ-Բարսեղ Պահլավունի կաթողիկոսը.....	115
Գլուխ չորրորդ- Գրիգոր III Պահլավունին Հայոց կաթողիկոս.....	119
Գլուխ հինգերորդ- Ծովքի Պահլավունիները.....	125
Գլուխ վեցերորդ- Պահլավունիները Հռոմկլայում.....	137
Գլուխ յոթերորդ- Պահլավունիները Յյուսիս-արևելյան Հայաստանում (XI դ. վերջ-XII դ.).....	178
Գլուխ ութերորդ- Պահլավունի տոհմից վերընծյուղված գործիչները XII-XIII դարերում.....	184
ԵՐՐՈՐԴ ՄԱՍ-ՊԱՅԼԱՎՈՒՆՅԱՑ ՇԱՌՎԻՂՆԵՐԸ XIV-XVII ԴԴ.....	192
Անվիճում.....	202
Մատենագիտական ցանկ.....	208
1. Սկզբնաղբյուրներ.....	208
2. Գրականություն.....	211
Անվանացանկեր.....	217
1. Անձնանուններ.....	217
2. Տեղանուններ.....	229
3. Էթնիկական անվանումներ.....	234
Բովանդակություն.....	235

ՎՐԵԺ ՎԱՐԴԱՆՅԱՆ

ՊԱՅԼԱՎՈՒՆԻՒՆԵՐԸ ՀԱՅՈՑ ՊԵՏԱԿԱՆՈՒԹՅԱՆ  
ԵՎ ՀՈԳԵՎՈՐ ԱՆԱՂԱՐՏՈՒԹՅԱՆ ՊԱՀԱՊԱՆՆԵՐ

ВРЕЖ ВАРДАНЯН

ПАХЛАВУНИ - ХРАНИТЕЛИ АРМЯНСКОЙ  
ГОСУДАРСТВЕННОСТИ И ДУХОВНОЙ  
БЕСПОРОЧНОСТИ

Տեխնիկական խմբագիր՝  
Տպագրիչ՝  
Համակարգչային շարվածքը՝

ԳԱՅԱՆԵ ԲՈԲՈՒՆՅԱՆ  
ԼԵՎՈՆ ՄՈՒՐԱԴՅԱՆ  
ՆԱՐԻՆԵ ԿԱՐԱԳՈՒԼՅԱՆ

ՀԱՅԱՍՏԱՆԻ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱՎԱԴԵՄԻԱ  
ՊԱՏՄՈՒԹՅԱՆ ԻՆՍՏԻՏՈՒՏ

375019, Երևան 19, Մարշալ Բաղդամյան 24<sup>ճ</sup>

[2000]

ԳԱՆ Հիմնարար Գիտ. Գրադ.



FL0081535

$$\frac{A}{\pi} = 93724$$